

JOHANNIS LOCKII

ARMIGERI

LIBRI IV.

DE INTELLECTU HUMANO

Denno ex novissima editione idiomatis Anglicani,
longe accuratiori in puriorem styllum translati:
notis criticis DOMINI GOTTFRIED HENRICI THIELE,
DOMINI COSTE, ac FRANCISCI SOAVE illustrati;
accedunt nonnullæ meditationes doct. JOHANNIS
LEONARDI MARUGJ ad textum, illustrationesque ac-
commodatæ.

TOMUS V.

Apponitur Elenchus Capitum.





NEAPOLI

Ex officina VINCENTII MANFREDII
SUPERIORUM FACULTATE.

MDCCXCI.







T E N T A M E N
P H I L O S O P H I C U M
D E
I N T E L L E C T U H U M A N O .

S E Q U E L A L I B. IV.

C A P. IV.

De Rerum cognitione.

§. I.

Objicitur: fieri potest, ut cognitio, in ideis sita, non a somniis & inanibus visionibus discrepet.

NUllus dubito, quin Lector, me operam hactenus frustra consumpsisse, sit existimaturus, atque sic mihi locuturus tandem: quorsum tot fundis verba? Dicis, cognitionem nihil esse, nisi perceptionem convenientiae, aut repugnantiae idearum nostrarum; quid vero ideæ istæ sint, qui scis? Quid mentis figmentis variam magis & prodigiosum? Ubinam gentium is reperiendus est, in quo nullæ sint chimæ? Aut si forte unus est & alter, mente penitus sana præditus, per regulas a te traditas, quomodo is cognitione a Lymphatico differt, qui ineptias quasi somniat? Uterque ideis imbuti sunt, atque illarum inter se convenientiam & repugnantiam cernunt. Si qui alius, is certe antecellit, cui cerebrum

A 2

ma-

maxime calet, in eo enim plures sunt, & vegetiores ideæ; quare, secundum te, illius major est cognitio. Si verum est, scientiam omnem positam tantummodo esse in perceptione convenientiæ, aut non convenientiæ idearum nostrarum, Lymphatici & Enthusiasta somnia, atque viri cordati ratiocinia pari ambulabunt passu, & æque certa erunt. Nihil refert, quomodo se res habeant. Dummodo quis conceptionum suarum convenientiam animadvertat, atque iis congruentia loquatur; tunc omnia vera, omnia erunt certa. Istiusmodi veritates non minus clare & certe erunt, quam Euclidis demonstrationes. Atque hoc modo propositio hæc Harpya non est Centaurus, non minus perspicua est veritas, quam hæc; quadratum non est circulus.

Subtilis vero hæc omnis conceptuum nostrorum cognitio, cujus usus est apud eum, qui rerum ipsarum veritatem perscrutatur? Quæ sint notiones aut imagines in mente, haud magni refert, rerum tantummodo cognitionem spectare debemus: Et quidem disceptationi nostræ hinc pretium accedit, atque alterius cognitio idcirco alterius præstantior est, quod de rebus est, prout reapse existunt, non de somniis & inanibus phantasmatibus.

6. II.

Respondetur, nostram cognitionem non esse phantasticam, ubi ideæ rebus respondent.

AD hoc respondeo, si nostra idearum nostrarum cognitio in iis terminaretur, nec, etiam si vellet, ulterius pertingere posset, in eo casu seriæ nostræ, atque attentissimæ cogitationes somniis hominis malefani nihilo potiores essent: atque veritates, super iis fundatæ, non majus pondus haberent, quam viri sermones, qui, quod in somnio clare viderit, fidenter affirmant. Spero tamen, me, priusquam finem

nem fecero, ostensurum, certitudinem hanc, ex *idearum* nostrarum cognitione, ultra nudam imaginationem pertingere: nec dubito quin sit palam futurum, omnem, quæ in nobis est, generalium veritatum certitudinem non aliunde petendam esse.

§. 3. Perspicuum est, mentem res non immediate, verum *idearum*, quas habet, interventu tantum scire. Nostra itaque cognitio eatenus tantum vera est, quatenus *ideæ* nostræ rerum veritatis respondent. Quodnam vero hic *criterium* adhibendum erit? Quomodo mens, quæ nil nisi *ideas* suas percipit, eas cum rebus ipsis convenire, sciet? Ut nodum hunc expediam, qui quidem difficilis esse videtur, dicendum est, duo esse *idearum* genera, quas cum rebus convenire, certo scimus.

§. IV.

Primo, omnes *ideæ simplices* cum rebus conveniunt.

PRIMO; generis primi sunt *ideæ simplices*, quas, quoniam, ut demonstratum est, mens nequaquam effingere potest, a rebus manare, necesse est, modo naturali in mentem operantibus, eamque ita afficientibus, ut ex summi Architecti sapientia, & voluntate naturæ illarum consentaneum est. Hinc sequitur, *ideas simplices* non esse mentis *figmenta*, verum naturaliter, & regulariter e rebus manare, in nos realiter operantibus; quare in iis omnis ista conformatio, & congruentia reperitur, quam Deus Architectus intendit; aut vitæ hujusce status postulat; res enim nobis sub iis speciebus repræsentant, quas in nobis excitare possunt; per eas enim particularium substantiarum genera distinguere, status illarum cernere, eas ad vitæ usum accommodare discimus. Ita nimirum *albedinis*, aut *amaritudinis idea*, prout est

in mente potentiae plane respondet, quæ est in corpore aliquo ad eam ibi producendam, omnem istam realem conformationem habet, quam potest, aut debet habere cum rebus externis. Atque conformitas hæc inter simplices nostras *ideas*, atque rerum existentiam, ad realem cognitionem sufficit (1).

§. V.

Secundo, *complexæ omnes ideæ, ideis substantiarum tantum exceptis.*

SECUNDO. In complexis nostris omnibus ideis, substantiarum tantum exceptis, cum Archetypa sunt, quæ a mente ipsa sunt, non rerum ectypa (2), nec ad entis cujusdam existentiam referantur, tanquam ad exemplaria sua, nulla conformitas deesse potest, quæ ad realem cognitionem necessario requiritur. In illud enim, quod non instituitur ad aliud quid representandum præter se ipsum, falsa representatio cadere nequit; nec a rei ullius vera apprehensione nos abducere potest per eam, quam habet cum re ista, dissimilitudinem: hujusmodi, substantiarum tantum exceptis, sunt omnes nostræ *ideæ complexæ*. Hæ, ut alio in loco ostendi, complexiones sunt *idearum*, quas mens arbitrata suo conjungit, sine respectu ad connexionem aliquam, quam in natura habent (2). Hinc est, quod in omnibus hisce generibus *ideæ* ipsæ spectentur tanquam Archetypi, res
ve-

(1) Hic possit exposci, actu quo objectum eternum obversatur sensibus, quid mutationis tum animæ inest? Si non adest præter quamdam incognitam modificationem, quid animæ signat, objectum reale sibi adesse? Quomodo demum arguitur, idem certum esse, & vera cognitio acquiritur? De hoc videri potest meditationem nostram de somniis &c.

(2) V. *Med. nostr. de somniis.*

Cap. IV. De Rerum Cognitione.

7
vero ipsas eatenus tantum respicimus, quatenus iis conformes sunt. Quare non possumus non certo scire, cognitionem omnem, quam de ideis hinc assequimur, esse *realem*, & ad res ipsas pertingere (3). In omnibus enim huiusmodi cognitionibus, ratiociniis & disquisitionibus, res tantum respicimus, quatenus *ideis* nostris respondent; in hisce igitur certam & non dubiam realitatem nobis obversari semper, necesse est.

§. VI.

Hic patet, cognitionem Mathematicam esse realem.

N^Ullus dubito, quin facile mihi concedatur, eam, quæ de *veritatibus Mathematicis* comparari potest, non certam solummodo, verum *realem* etiam *cognitionem* esse, non autem inania & vana phantasmata, atque figmenta cerebri; attamen, si animum attenderimus, videbimus, eam nostrarum tantum *idearum* esse. Mathematicus veritatem & proprietates rectanguli, aut circuli contemplantur, quatenus tantum *ideæ* illarum in mente sunt; fortasse enim is per omnem vitæ suæ curriculum nullas ejusmodi figuras invenit Mathematicæ, hoc est, accurate & exquisitæ, veras. Nihilominus cognitio, quam veritatum quarumvis, aut proprietatum habet circuli, aut alterius cujusvis figuræ Mathematicæ, vera est & certa, idque in rebus realiter existentibus: quoniam res, in natura existentes, eatenus tantum in istiusmodi propositionibus considerantur, quatenus arche-

(3) Si recte arguo, eadem exurgit difficultas. Quomodo anima apprehendit, esse archetypa rerum, per consequens, realem habere cognitionem?

typis in mente ejus realiter conveniunt. Num. vere dicitur de *Idea trianguli*, quod tres Anguli istius æquales sunt duobus rectis? id verum est de omni triangulo, ubicunque sit. Si alia quævis figura est, quæ *trianguli ideæ* isti in animo ejus non penitus respondet, ad propositionem istam neutquam pertinet. Quare certo scit Mathematicus, omnem, quam de hujusmodi *ideis* habet, cognitionem esse *realem*: quoniam res non aliter respiciens, quam ut iis, quibus imbutus est, *ideis* respondent, certo scit, omne illud, quod de figuris istis cognoscit, quando *idealem* tantum *existentiam* habent in mente, vere etiam de iis dici posse in rerum natura realiter existentibus; istas enim figuras tantum contemplatur, quæ, ubicunque, aut quocunque demum modo existant, eadem sunt (4).

§.VII.

(4) Nescio, an nos de hoc antea disseruerimus. Sentio quidem, me hic furore deprehendi contra illos qui adversum mathematicam clamitant, relegantes eam ad inexistentes, ac imaginarias idearum regiones, in quibus non est præter calidam cerebrositatem, qua saltallicos multoties compenetratos videmus. *O seri studiosum!* quid constantius, quid certius, quid mathesi evididentius haberi, vel exogitari potest? Quando Mathematicus corpus ad examinandum aggreditur, ut illud recte possit contemplari, ex simplicioribus incipit, & reales non ficticias partes sibi representat, ac perpendit. Antequam corpus oriretur, adesse debet quid, quod corpus non sit, alioquin non exurgeret, sed esset exortum: per consequens est principium, non principiatum, videlicet incipit habere soliditatem, sed non habet, tenet extensionem inchoatam non perfectam, & hæc sit principium extensionis, hoc est linea, verum non completa, alioquin non esset quid incipiens, sed confectum. Hoc quid ergo, quod non est corpus, neque extensio, neque linea, sed principium lineæ, extensionis, corporis dicitur punctum, e quo Mathematici sua ratiocinia exordiantur, & magnam mathesis molem conficiunt. Punctum itaque, linea, extensio non est quid imaginarium, ac chimericum, sed quid reale, ac existens, etsi non sit sensibus obvium, revera existit, & certo, realiterque de omnibus quæ in mathesi peragimus, cognitionem habemus.

§. VII.

Et moralem etiam.

Hinc sequitur, *moralem cognitionem certitudinem realem* æque, ac *Mathesin capere*. Cum enim certitudo nihil sit, nisi perceptio convenientiæ, aut repugnantæ *idearum* nostrarum; atque Demonstratio nihil sit, nisi perceptio istiusmodi convenientiæ, aliarum *idearum*, aut *mediorum* interventu: cum *morales* nostræ *ideæ*, æque ac mathematicæ, archetypi, & proinde adæquatæ & completæ *ideæ* sint, quæ in iis reperietur convenientia, aut repugnantia omnis, cognitionem realem haud secus producet, quam sit in figuris mathematicis (5).

§. VIII.

Ad cognitionem realem existentia non requiritur.

Ad cognitionem, & certitudinem assequendam requiritur, ut determinatas *ideæ* habeamus: atque ut cognitio nostra sit realis, necesse est, ut *ideæ Archetypis* illarum respondeant. Nec mirum videatur, cognitionis nostræ certitudinem positam a me esse in *idearum* contemplatione, reali rerum existentia (ut fortasse videbitur) incuriose nimis prætermissa: Cum sermones serme omnes, & discrepationes illorum, qui, se id solum studere, simulant, ut, quod verum est certumque, exquirant, facta examinatione, *propositiones generales*, & notiones esseprehendantur, in quibus existentia nullus habetur
re-

(5) Repetitiones juxta Lockii morem, nos prætermittimus eas & lectorem ad nostram meditationem de demonstratione, ejusque usu remittimus.

respectus (6). Quæ a Mathematicis traduntur de circuli quadratura, sectionibus Conicis, aut alia quavis dispositione in Mathesi, haud *existentiam respiciunt* figurarum istarum; verum demonstrationes, quæ *ideis* subnituntur, eadem manent, sive quadratum aut circulus ullus in mundo sit, nec ne (7). Similiter, veritas & certitudo *moralium* sermonum a vita hominum abstrahuntur, & ab ipsa virtutum, quæ in iis tractantur, *existentia* (8): Nec, quæ a *Tullio* scripta sunt in *Libro de Officiis*, idcirco minus vera sunt, quod nemo sit, qui ad normam, quæ ab ipso est tradita, vitam penitus suam dirigat, nec virtutis illud exemplar sequatur; quod, quando ille scribebat, nusquam nisi in *idea* tantum existeret. Si cogitatione, hoc est *idea*, verum est, *Homicidium morte multandum esse*, re quoque ipsa erit verum de omni actione, quæ *homicidii idee* isti respondet. Ad alias vero actiones hujus propositionis veritas nulla ratione spectat (9). Idem dicendum est de aliis omnibus en-

(6) De specie, genere, ac propositione universali plura diximus (33. tom. II.), verum permagne conferre puto hic magis eorum ideas enodare. Quando genus consideratur, id habitu mentis fit. Contemplamur tum notas individuorum quæ realia sunt, & in hac mentis operatione non negligimus existentiam, nam notæ ipsæ reales, ac exillentes sunt; tantum utpote conjunctas consideramus, quæ revera sejunctæ extant. Si Lockius ergo pro verbis illis *in quibus existentia nullus habetur respectus* intelligit notis existentiam tollere, ad errorem potius ipsius mentis est referendum, quam ad ignorantiam notarum existentiae, si postea credit, mente in notis spatium, neglecta perceptione earum existentiae, non inquit, quam id quod cum propria conscientia internoscitur.

(7) Universalis *idea* quæ omnibus circulis ac conis convenit.

(8) Sicut effectus actionum liberarum, qui oriuntur a quibusdam animi motionibus (27. tom. I.), & tanquam quid conjunctum consideratur.

(9) Hac super re vide meditationem nostram de voluntate, ac libertate hominis in fine (tom. 3.).

entium speciebus, quorum essentia non est alia, quam idearum, quæ sunt in mentibus hominum constitutæ.

§. IX.

*Neque idcirco minus vera, aut certa erit, quod
ideæ morales, atque illorum nomina a
nobis fiant.*

Dicit aliquis, si cognitio moralis in moralium idearum nostrarum contemplatione collocatur, atque eæ, prout alii Modi, a nobis fiunt, *justitiæ* & *temperantiæ* quam mixtæ tunc notiones erunt? Quæ virtutum, & vitiorum confusio, si de iis, quas voluerit, *ideas* effingere, cuivis licitum erit? Respondeo, res ipsæ, aut de iis ratiocinationes, in eo casu haud magis confunderentur, (quam in Mathematicis) confusio esset in demonstratione, aut immutatio in proprietatibus figurarum, atque relationibus ad se invicem, quam si quis in *Triangulo*, aut *Trapezio* construendo, isti quatuor angulos, huic quatuor angulos rectos tribueret, hoc est, ut plane & Latine loquar, si figurarum nomina immutaret, atque illud eo nomine signaret, quod Mathematici alio vulgo designant. Pingat enim sibi quis *ideam* figuræ triangulæ, eamque, si voluerit, *equilaterum* vocet, aut *Trapezium*, aut aliud quid; proprietates *ideæ* istius, & demonstrationes eadem erunt, ac si eam *Triangulum Rectangulum* appellasset. Fateor equidem, eum hac nominis immutatione, propter impropriam istam & novam locutionem, primo iri perturbatum; qui nescit, quænam isti *ideæ* sublit, quamprimum vero figura ista delineata fuerit, consequentiæ & demonstratio clara erunt & perspicua. Similiter se res habet in *cognitione morali*; habeat quidam *ideam* actionis, qua quis illud ab aliis, sine illorum consensu, aufert, quod

quod labore & diligentia ipsimet consecuti sunt, eamque, si placet, *justitiam* vocet. Qui nomen hoc usurpaverit præter istam annexam ideam, in errore versabitur, aliam *ideam*, quam nempe ipse habet, nomini isti adjungendo: sin vero *idea* nomine isto nudetur, aut sumatur ita, ut est in mente loquentis, res eadem isti perinde convenient, ac si *injustitia* vocaretur. In rebus quidem moralibus nomina aliena majorem vulgo obscuritatem pariunt, quoniam haud ita facile emendantur, ac in Mathesi, ubi descripta semel & perspecta figura, nomen vanum & inutile est: quorsum enim signum, cum res signata coram est, atque oculis obversatur? In nominibus vero moralibus illud tam facili & compendiaria ratione fieri nequit, propter varias & multiplices compositiones, e quibus *ideæ* complexæ modorum istorum conflatae sunt. Hæc tamen nominum impositio; quæ contraria prorsus interdum ratione fit, quam uti voces in lingua ista vulgo significant, haud obstat, quo minus certo & demonstrative sciamus, quomodo *ideæ* istæ sibi invicem convenient, aut repugnent, si, ut in Mathesi fit, nos easdem determinate *ideas* servantes, nec nominibus in errorem abrepti, illarum ad se invicem relationes sedulo investigemus. Si *ideam*, quæ in disceptatione versatur, a signo ejus sejungamus, nos in veritate & certitudine investiganda, quibuscunque sonis utamur, eosdem progressus facturi sumus (10).

§. X.

(10) Quod magis potest opponi est, videre, non omnibus inesse easdem morales ideas. Vidimus permagne apud nationes differre actiones, & vigere apud nonnullas actus nefandos & impios, de quibus laudantur potius, non deprehenduntur, qui impiam vitam degunt (56. 59. 67. tom. 1.), ergo certitudinem esse in morali, & eam demonstrationis ope enucleari, idem est ac dicere, posse tot diversas ideas, ac opiniones tam discrepantes inter se

§. X.

*Per nomina, minus recte ideis imposita, cognitionis
certitudo non confunditur.*

ALIUD quid adhuc hoc loco notandum est, quod, si *Deus*, aut alius quivis Legislator, moralia quædam nomina definierint, eo ipso quoque essentiam constituerint speciei, cui nomen illud tribuitur; nec deinde consentaneum est, alium ipsis sensum imponere. In aliis vero occasionibus propria loquendi ratio non permittit, ut quis nomina ista Moralia secus usurpare velit, quam consuetus patrii sermonis fert usus. At neque hoc obstat, quo minus certam cognitionis-

in unum redigi, ac componi. Sed quis hoc dicere audeat? Respondemus, hoc esse difficile professio, non impossibile vero: Ipsi naturæ lumine nos nequimus leges ab ipsa natura præstructas interoscere, quatenus per hoc intelligatur lumen ex se ipso, & quasi nesciente anima nobis proditum (61. tom.1.), verum etiam possumus plurium reflectionum, observationumque ope eas detegere, & certo nobis statuere modo. Quis est inter homines ratione præditus, qui suam existentiam, ac ea omnia quæ conferant permagne ad existentiam ipsam majori, qua possit, felicitate retinendam, nequeat agnoscere, atque sibi statuere omni rationis vi adhibita? Quando diximus, *qua possit felicitate*, non intelleximus profecto illam, quæ fugax, brevis, ac caduca est, ut illa libidinosorum, ebriosorumque hominum, nam innumeras dolendique causas ab ea enasci videmus, quapropter infelicitas potius, non felicitas dici potest. Sed ea quæ ejusmodi in se est, & pœnitendi causam non reliquit. Felicitas enim recte definitur per *durabile gaudium*. Et Cicero per cumulatam bonorum complexiorem, secretis malis omnibus [V. lib. V. *quæst. Tusc.*] nonnullique alii, per *fruitionem boni* definiunt. Quis ergo non videt, quod quæ ad solidam, diuturnam ac permanentem voluptatem nos dirigit, leges, moraleque conficere, & observationis, ac considerationis ope posse eas enodari, & quadam methodo eas demonstrari luculenter? Nos in meditationibus de *voluntate, ac libertate hominis; & de demonstratione, ejusque usu* ac super re plura explanavimus, quæ possunt videri.

tionem assequamur, si modo *ideas* istas, quibus nomina haud recte inponuntur, contemplemur, atque inter se recte conferamus.

§. XI.

Substantiarum ideæ Archetypos habent extra nos.

Tertio, aliud genus est *Idearum complexarum*, quæ, cum ad *Archetypa* referantur, quæ extra nos sunt, ab iis discrepare possunt, ut proinde nos plerumque veram illarum cognitionem non assequamur. Ejusmodi sunt omnes nostræ substantiarum *ideæ*: Hæ, quoniam congeries sunt *idearum* simplicium quæ putantur a rebus ipsis desumi, prout realiter in mundo existunt, eo nomine ab iis diversæ esse possunt; quod plures habeant, aut alias *ideas*, quam in rebus ipsis conjunctæ reperiuntur. Exinde fit, ut istæ deficere possint, & revera etiam non sint ipsis rebus accurate congruentes.

§. XII.

Quatenus nostræ ideæ cum Archetypis iis conveniunt, eatenus cognitio nostra de iis realis est.

Dico itaque, ut *Substantiarum ideæ* adipiscamur, quæ, propterea quod rebus sunt conformes, *realem* cognitionem pariant, haud sufficere; uti in *Molis ideæ* conjungere, quæ nullam in se repugnantiam includunt; etiamsi nunquam prius ita existebant, v. g. *Sacrilegii*, aut *Perjurii*, &c. *Ideæ* non minus veræ erant & reales ante, suam post ejusmodi facti existentiam. Nostræ vero *Substantiarum ideæ*, cum Apographa sint, atque ad *Archetypa* referantur extra nos, ab ente aliquo desumendæ sunt, nunc, aut olim, in rerum natura existente; non vero coagmen-
tandæ

tandæ sunt ex *ideis* ad mentis nostræ arbitrium copulatis, sine exemplari aliquo in rerum universitate existente, etiamsi complexum istiusmodi cum ratione pugnare haud deprehendamus. Ratio hujus rei hæc est, quoniam, nescientes, quæ realis sit substantiarum constitutio, unde nostræ simplices *ideæ* dependent, & quæ etiam reipsa est causa, cur quædam ex iis sint arcte inter se colligatæ in eodem subiecto, aliæ vero inde excludantur, illarum paucissimæ sunt, de quibus certi esse possemus, quod possint, aut non possint inter se existere in ipsa natura præter id, quod nobis experientia, & observationes sensibiles suppeditant. Realis itaque omnis *Substantiarum* notitiæ fundamentum est, ut illarum complexæ nostræ *ideæ* omnes e simplicibus coagmententur, quæ in rerum natura simul existere deprehenduntur. Cum *ideæ* nostræ hoc modo veræ sint, etsi non ad amissim ex Archetypis exscriptæ, *reali* istarum *cognitioni* (quatenus ullam omnino habemus) materiam suppeditant. Hæc (ut dictum est) haud longe pertingit, attamen *realis cognitionis* nomen obtinet. Convenientia inter *ideas* nostras, qualescunque ex sint cognitio dicenda est. Si *ideæ* sunt abstractæ, cognitio erit generalis. Ut vero in substantiis *realis*, dicatur *ideæ* ex reali rerum existentia desumantur necesse est. Quæcunque *ideæ* simplices in substantia quadam simul existere deprehenduntur, has in unum conjugere, atque ita substantiarum *ideas* abstractas contexere licebit. Quæcunque enim conjunctionem in natura simul habuere, ista conjungi iterum possunt (11).

§. XIII.

(11) V. adn. 33. tom. 11.

§. XIII.

In disquisitionibus nostris circa substantias, necesse est; ideas spectemus; non vero cogitationes nostræ solis nominibus illigandæ sunt, aut speciebus, quæ nominibus definitæ sunt.

HOc si rite contemplaremur; & non cogitationes, atque abstractas nostras ideas nominibus perinde illigaremus, quasi non alia esse possent entium genera, præter ea, quæ notis nominibus ante definita sunt, rerum contemplatio in nobis liberior fortasse, quam nunc, & minus confusa esset. Credo equidem, homines me, inauditum paradoxum saltem, si non, quod perniciose falsum est, loqui arguerent; si dicerem, quosdam fatuos, qui per quadraginta annos vixerunt; nec minimam præ se tulerunt rationis speciem, medium quiddam esse inter hominem & bestiam (12); præjudicium hoc inde provenit, quod falso supponatur, nomina hæc, hominem nempe & bestiam, denotare species distinctas, quæ realibus essentiis ita terminentur, ut non alia species inter eas intervenire possit. Quod si nos cogitationes nostras a nominibus istis, & quæ a natura fiunt, specificis essentiis abstraheremus, quarum, quæ idem nomen habent res omnes ex æquo sunt participes: Si non nostra esset opinio, esse definitum harum essentiarum numerum, quarum ad exemplar omnia fingantur, compertum haberemus ideam figuræ motus, & vitæ in homine, rationis experte, non minus distinctam ideam & speciem constituere, ab homine & bestia diversam, quam idea figuræ in asino, rationis particeps, ab hominis, aut bestię idea distinguere-

(12) V. Med. nostr. de anima brutorum tom. II.

gueretur, atque species esset animalis, distincta ab utroque (13).

§. XIV.

Objectioni responderetur, quæ dicitur, fatuos medium quid esse inter homines & bestiam.

Hic dicit aliquis, si *amentes* quid medium sunt inter hominem & bestiam; rogo, quid sunt? Respondedo, *amentes*; quo nomine quidni res, quæ significetur, dissidens a significatione *hominis*, aut *bestiæ*, ac nomina ista *homo* & *bestia* res diversas significant? Rem hanc si animis intentis intueremur, quæ hic a me traduntur, omnes facile intelligerent. Fervidus vero iste quorundam zelus, qui putant, multas exinde se quiperniciosas sententias, & rerum religionis in periculum ab iis vocari, qui a prisca loquendi formula paulum recedunt, non me latet adeo, ut nesciam, quomodo me, hæc loquentem, convitiis infectaturi sint: & scio, rogabunt, si *amentes* in medio interjacent inter hominem & bestiam, in futura vita qua sorte fruuntur: Ad hoc respondeo primo: Illud scire haud nostra interest: cadant (*) aut stent, hoc ad ipsorum Dominum spectat. Sive nos itaque de illorum conditione quid statuamus, sive non statuamus, hæc neque melior, neque deterior exinde

Tom. V.

B

fiet.

(13) Quid obstat? Essentia dicitur id per quod res præcise est ipsa res, nec alia (2. *sem.* 1.), si ergo alicui, rei cuiuscunque naturæ sit, deficit quadam nota, eadem non remanet res. Homo, si, ut dicatur homo, debet esse ratione particeps, & ipsa ratione caret, homo recte dici nequit. Ut Asinus, si asini ideam constituit forma ipsius asini una cum rationis defectu, supposita ei ratione, non asinus exurgit, vel protecto idem non est, & nova idea eget, qua ille indicatur.

(*) Verba hæc Autor noster depromit ex Rom. XIV. 4.

fiet. Deum penes est fortunæ illorum arbitrium; Pater ille benignus est, nec in creaturis suis remunerandis, aut regendis per angusto rationis nostræ modulo utitur, neque juxta nomina, a nobis excogitata, species illarum constituit. Nec decere puto, ut nos, qui in hoc, quem incolimus, orbe tam pauca admodum scimus de diverso isto statu decerneremus, quem creaturæ omnes vita hic defunctæ, iituræ sunt. Scire sufficit, Deum palam fecisse omnibus, quos disciplinæ, sermonis, & rationis compotes fecit, ipsum eos in iudicium adducturum, & singulos secundum ea, quæ (**) fecerint, præmiis aut suppliciis remuneraturum.

§. XV. *Secundo* respondeo, vim hujus quæstioni (nimirum, an states futurus *fatuus* denegandus sit?) suppositione gemina fundari, quarum utraque falsa est. Prima est, res omnes, in quibus figura est & exterior hominis species, post vitam hanc immortale ævum manere. Vel Secundo, id dicendum esse de re omni, quæ partus humani est. Sublatis hisce opinionibus, quæstiones istæ perridiculæ erunt. Velim si omnes qui consent inter semet & *fatuos* non nisi accidentalem esse differentiam, cum in utriusque eadem sit essentia, in animo secum considerarent, utrum revera censeant immortalitatem cum exteriori aliqua corporis figura connexam esse; ac interrogatum quid daturi sint responsi, quis non videt? Nam non credo, ullum unquam extitisse hominem, adeo mente immersam materiæ, qui crassæ & inertis materiæ formæ exteriori tantam tribuerit præstantiam, ut affirmarit, vitam æternam isti necessario esse annexam; aut molem ullam corpoream, soluta hic compage, ad statum iterum sempiternum, sensus, perceptionis & cognitionis compotem, idcirco revocari pos-

(**) Vide 2. Corinth. V. 10.

posse, quod hac, aut illa figura & partium conformatione prædita fuerit. Opinio hæc, quæ certæ cuidam figuræ immortalitatem illigat, efficit; ut homines non opus habeant, tam multa amplius de anima, aut spiritu differere, cujus solius gratia entia quædam corporea hætenus immortalium nomen obtinuerunt, alia non item. Hoc qui faciunt, exteriori rerum superficiæ plus tribuunt, quam iis, quæ intus latent; atque hominis præstantiam magis in figura corporis, quam in anisidioribus collocant; hoc perinde ferme est, ac si illud Dei insigne & inestimabile immortalitatis, & vitæ sempiternæ donum, qua aliis omnibus entibus corporeis homines antecellunt, modo illi attribuerent, quo ipsorum barba est tonsa, aut amictus conformatus. Non enim hæc aut illa externa conformatio, & figura nostri corporis magis præ se fert spem immortalitatis, quam, propter amictus formam, ipsam in æternam duraturam, aut eum fore immortalem, sperare licet. Dices fortasse, neminem sibi imaginari, figuram exteriorrem quandam immortalem efficere, esse vero indicium habitantis intus animæ rationalis, quæ immortalis est. At quis eam rei istiusmodi indicem effecit? Quomodo istud demonstrari potest? Non mihi constat, ullam figuram ea lingua loqui, hoc est, ejusmodi quid per se designare. Quidni æque statuamus defunctum cadaver, in quo non alia motus, aut vitæ vestigia, quam in statua quadam inveniuntur, animam tamen rationalem propterea intus habere, quod hominis figuram habeat; ac in *Amente* dicimus, animam rationalem esse, quod exterius speciem habeat animalis rationalis, etiamsi per vitæ totius curriculum haud in eo rationis tantum, quantum multis in brutis elucet (14)?

B 2

§. XVI.

(14) Hic Lockius male arguit, vel incongrue est hic cunctatus. Error oritur ex opinione, non requiri animam spiritua-

lem

§. XVI.

*Monstra.**

AT *A*mens hominum proles est ratione præditarum, ideoque non potest non animam rationalem habere (15). Non cogitatione assequi possum, secundum quas Logicæ regulæ ejusmodi consequentia formetur; quæ certe nullibi locorum approbatur, si enim hoc ita se haberet, quomodo homines, uti omnino sit, partus, prodigiose formatos, statim necandos traderent? At, inquis, hi monstra sunt. Demus illud; quid excors, & indocilis iste *fatuus* hisce præstat? Num corporis vitium *monstrum* efficit; animæ vero, (quæ nobilior, &, ut communiter dicitur,

lem ad simplicem perceptionem. Hac super argumentari sumus in meditatione nostra de anima brutorum [*som.* 11.] ; quapropter, si percipit fatuus, ac amens animum habere debet. Quod hæc sit naturæ illarum quibus sagaciores homines sunt præditi, luculenter patet ex fine, quo fatui, amentesque suere constituti; vel saltem ex organizatione ad hominum munera exercenda efformata, quidquid asserat Lockius, vel dicere curet: essent secus frustra exorditæ tot partes ad unum modum directæ, nec natura esset consonans in suis operationibus. Nunquam asinus fuit anima hominis præditus, ex eo quia nunquam natura est a suo fine ac lege demigrata, quid absurdius ergo, quam dicere ea in hominibus a lege sibi ipsa præposita demigrari, & hominem absque hominis anima componere? vel conferre omnem hominis constructionem præter principium quod ipsam constructionem activam reddit, & finem fini illidere? Quod postea actus ratiocinandi deficiat; id evenire videmus a fibrillis cerebri minus aptis ad ideas menti suppeditandas, ut antea demonstravimus [34. *som.* 11.], quapropter apud animam est potentia, non actus ratiocinandi [108. *som.* 1.]. Nostro ergo sistematē, vidēs, quot difficultates aufugimus, e quibus, nos alioquin expediri posse, impossibile videbatur.

(15) Melius: est instar hominis efformatus, ergo hominis proprietates non potest non habere.

tur, magis essentialis pars est) non (16) item? Nam qui naso carent, aut collo, *monstra* vocabuntur, & ex hominum albo eradentur; illi vero non, qui mentis & rationis sunt expertes? Hoc plane est illud repetere, quod modo explosum erat: Omnia in figura exteriori collocare, atque hominem forma corporis metiri. Ut clare ostendamus, homines, juxta communem in hac re argumentandi rationem, speciei hominis totam essentiam (prout ab iis constituitur) ad formam exterioram referre, utcumque illud absurdum sit, atque ab iis ipsis negetur, satis erit, ut; quid cogitent, & quæ ab illis fiant, propius intueamur. *Fatum* istum, in quo apta est membrorum conformatio, animam habere rationalem, etiamsi non ea cernatur, extra dubium esse, dicunt. Sine aures longiores, & acuminatiores, & nasus depressior paulo,

B 3

[16] Distinguendæ sunt partes a partibus; ad functiones vitales sunt aliæ destinatæ, aliæ ad naturales, ad animales denique aliæ. Si primæ deficient, vita deficit, ut & est hac diminuta, vel depravata, si illæ diminutæ, vel depravatæ deprehenduntur: pariter de aliis functionibus dici debet. Mobilitas, ac elasticitas spirituum animalium, nec non cerebri fibræ, hoc non illo modo constitutæ, sunt partes ad animales functiones dicatæ, nimirum ad imaginationem, memoriam, reminiscenciam [*V. Med. de mem. reminisc. ac phans. t. 11.*], judicium, ratiocinium [*23. t. 11.*], ergo ratione qua eadem partes, animalibus functionibus dicatæ, imminuuntur, depravantur, vel alterantur; imminuitur, depravatur, alteraturve judicium, ratiocinium, memoria, reminiscencia phantasia. cæteræque animi functiones. [*V. Med. nostram de somniis tom. 11.*], & immemor, ac fatuus exurgit. Hinc fit, quod post quasdam ægritudines homines perspicacioris ingenii fatui evadunt. Abbas Saurus in suis metaphysicæ elementis [*V. scilicet. 1. p. 80.*] refert ex Tucidite, quod homines peste laborati ejusmodi labefactam deinde habuere memoriam, quod non amplius se intermiscabant ad invicem, nec suorum sodalium recordabantur, etsi objecta præsentia perbelle distinguebant. Theodosius de Bezza de recentioribus rebus obliviscatur, dum de veteribus commemorabatur perfecte (*V. Thuan. L. 134.*).

lo, quam pro more solito, tunc hæsitare incipiunt, Si facies sit angustior adhuc, depressior, & longior, quid dicendum sit, magis dubitant. Si bruti formam magis adhuc magisque referat, atque caput plane habeat alterius cujusdam animalis, tunc statim *monstrum* dicitur; atque hinc arguitur, partem illum non habere animam rationis particeps, verum e medio tollendum esse. Rogo itaque, quænam erit certa mensura, quam definiti termini figuræ istius, quæ rationalem animam sibi annexam habet? Cum enim fœtus humani editi in lucem fuerint, quorum diuidia pars hominem, diuidia bestiam; atque aliis, quorum trinx partes bestiam, unica pars hominem referebat: Fieri etiam potest, ut per varios gradus proprius ita ad unam aut alteram speciem appropinquent, ut in iis hominis, aut bruti similitudo diverso modo temperetur. Scire velim, quænam certa sint ista lineamenta corporis, quæ rationalis animæ consortium admittant, earumque aspernentur: Incolæ istius interioris habitantis, quæ forma exterior index erit? Quamdiu hoc non definitum fuerit, omnis nostra de *homine* disputatio inepta erit & nugatoria; nec res ista melius se habebit, quamdiu nos certis quibusdam sonis utimur, & in ea opinione manemus, esse in natura, nescio quas, fixas & stabiles rerum species, Notandum tamen est, eos, qui, se hanc objectionem diluiffe, putant, dicendo, *fœtum* infortem esse *monstrum*, in illud, quod vitare velint, vitium incurere, speciem constituendo inter hominem & bestiam. Vox enim *monstrum* (si quid omnino) ens significat, quod neque homo est neque bestia, verum quid medium inter utrumque; idem de memorato superius *fœtuo* dicendum est (17). Unde patet, specierum & essen-

(17) Confunditur hic essenziale cum accidentali. Accidentis, fœtum oriri, essenziale postea animam habere. Quid re-
pu-

essentiarum communem notionem rejiciendam esse, si facultatum nostrarum viribus uti, rerum ipsarum, prout animo obversantur, naturam potius contempleri, quam cerebri nostri figmenta sequi velimus.

B 4

§. XVII.

pugnat in fatuo animam considerare? Non sunt in illo spectatius animales functiones; ac sunt nonnullæ, ergo adest illi anima. Qua ratione hæc esse nequit ejusmodi naturæ, ac animæ hominis? Non habet eadem attributa? audacter negamus. Percipit, vel non: si posterius, dici debet, nec etiam functiones naturales illi inesse, ergo famem non sentit, doloribus non conqueritur, excretionibus deficiunt, per consequens vivere nequit; si primum, character est animæ spiritualis (*V. med. de anima brutor. tom. 11.*), & est animabus humanis similis, secus non esset cum eodem fine creata. Uterius. Si ex functionibus animalibus expeditius, alacriusque factis debet argui spiritualis, vel humana anima nobis inesse, esset tempus in quo omnino eandem nobis negare debemus, ut somni tempore, & tempore quo affectionibus laboramus. Ecquod ratiocinii adminiculum, & dicam quoque perceptionis invenietis in homine febri nervosa correptus? Porro nullum. Accedit quod si ratione graduum perspicacitatis anima ab anima hominum distingueretur, nos dicere debemus, tot animarum species hominibus inveniri, quot sunt ipsi homines; omnes enim quot quot sumus, ab altero ratiocinatione, memoria, cæterisque animæ functionibus gradu differimus. Ceteroquin supponatur gradus perspicacitatis, ratiocinii augeri, vel diminui progressionem crescente, adeo ut incipiens ab infimo gradu in quo constituamus fatuos, ac amentes, desinat in magnum ac elevatum, in quo ponamus perspicaciores, ac philosophos: Medii termini designant ceteros homines qui ab una, alterave classe legitime excluduntur. Peto hinc. Hæc permagna discrepantia quoniam reperitur? in quantitate, vel qualitate? Si posterius; ratiocinium non ad unum modum fit, quod est contra sensum communem, si primum, quantitas non dat rei naturam; per consequens exurgit diversum numero, non diversum specie (*tom. 1.*) ratione perspicacitatis, qua homo gaudet.

Quid dicemus modo de monstris? Concedi debet nec ne illis animam spirituales, & hominibus similem? Ecqua etiam nota illam designant? Hac super re me paucis expediam.

Anima a supremo nostro conditore fuit duobus finibus nobis
lac

§. XVII.

Voces & distinctio rerum in species nobis imponunt.

Hujusce rei tractationem hic necessariam duxi, quoniam cauto opus est, ne voces & species, prout vulgo sumuntur, nobis imponant: Puto enim, progressus nostros ad claram & distinctam, substantiarum præsertim, cognitionem ab iis maxime impedi-

largita. 1. ut humanum corpus informet, 2. ut incolet cælum, postquam solute munere a legibus non demigrante, & corpore ipso recedit. Videndum ergo, an in monstris hi duo fines supposita animæ presentia, retineri possint, vel contra nullo modo fines ipsi obtineri. Si primum anima inest; si secundum deficit necesse. Quomodo enim potest anima humana monstrum inesse, si corpus illius nequit actiones humanas proferre? Si nequit, quomodo merita nancisci, ut cælum incolet? Monstrum percipit. Ergo animam habet. Est postea ipsius naturæ hominis, credo, nequaquam posse dici. Audite quod lego in actibus Lypsienfibus an. 1682. *Relatio de monstro vitulino humano*. „ Exhibuit su-
 „ men quam Gizam alluit, juxta legem Bornitz, die 17. Julii
 „ 1681. Monstrum horrendum, cujus cervici vitulino appositum
 „ erat caput humanum. Hujus in superiore parte eminebat ve-
 „ lamen membranaceum mitriforme corrugatum: frons spi-
 „ tham excidebat, & ubi desinit, oculi erant clausi, e quo-
 „ rum regione in utroque latere erigebantur aures felinis non
 „ majores. Nasum (deficiebat verum sinistrum foramen) ha-
 „ bebat depressum: os patulum, utrinque dentatum. Mentum
 „ ornabant pili barbam caprinam metientes. Collum videbatur
 „ elongatum: pectus vitulinum cum anterioribus pedibus: po-
 „ steriores suillæque cauda, in extremo pilosa. Cæterum totius
 „ monstri cutis nigricans erat, ac pilis nuda sexusque monstrum
 „ feminei. Interiorum examen vehementissimus fetor proiibat. “
 Pariter Livius commemorat monstrum, quod appellat porcum
 cum capite humano præter infinita alia quæ passim legi pos-
 sunt.

Si anima haberetur per traducem, soluta esset questio, stan-
 dum enim erat ad originem. Hac de re pulchra est decisio ab
 Æsopo facta, quam in fabellis legimus. *He-*

pediri; atque difficultates, quibus veritas, & certitudo implicata, atque impedita est, ortum exinde magna ex parte habuisse. Si contemplationes, & rationum nostra a vocibus sejungere assuesceremus, haud mediocriter illud remedium esset huic malo, quod in ipsis cogitationibus nostris residet; at sermo tamen noster cum aliis obscurus esset & ambiguus, quamdiu in nobis opinio ista permaneret, *species* & illarum essentias aliud quid esse, præter abstractas nostras *ideas* (quales sunt) cum nominibus annexis, ut signa sint illarum (18).

§. XVIII.

*Habenti cuidam pecora pepererunt oves
Agnos humano capite: monstro exterritus
Ad consulendos curris mærens hariosos.
Hic pertinere ad domi respondet caput,
Et avertendum victimæ periculum.
Ille autem affirmat, conjugem esse adulteram,
Et insidiosos significari liberos:
Sed expiari posse majore hostia.
Quid multa? variis dissident sententiis,
Fuminiſque curam cura majore aggravant,
A sopus ibi flans, navis emuncta senex,
Natura nunquam verba cui potuit dare:
Si procurare vis optentum, rustice,
Uxores, inquit, da tuis pastoribus.
(Phædr. Fab. 111. lib. 111.)*

Sed ex eo quia, ut diximus (102. tom. 1.) est a Deo anima creata, ac inhalata corpori, debemus fateri, illam non intrudi, nisi corpus ad hominum munera exercenda sit aptum, alioquin operaretur contra finem, per consequens monstruo violenti animam humanam inesse negamus.

(18) Hæc est, ut cenſeo, magna confusionis origo. Complures ad nomina adhærent, & quid reale in illis ponunt ejusmodi, quod credunt multa scire si hæc nomina memoria possint retinere, quapropter omnis labor ab eis hic repositus, reliqua non curant. O Republicæ litterariæ fatum! Scioli hinc exurgunt, & superficiales scientiæ efformantur,

§. XVIII.

Ἀνακεφαλαισις.

UBicumque *idearum* nostrarum quarumcunque convenientiam, aut repugnantiam cernimus, ibi certa est cognitio; quodocunque certo scimus, *ideas* istas cum rebus ipsis convenire, ibi certa est rerum cognitio. Cujus convenientiæ *idearum* nostrarum cum rebus ipsis, cum signa hic tradiderim, in quonam vera & *realis certitudo* consistat, a me ostensum esse, puto. De hac quid alii sentiant, nescio, olim equidem, fateor inter *desiderata* ista a me numerabatur, quæ magno usui esse *censebam*.

C A P. V.

De Veritate in genere.

§. I.

Veritas quid?

V*eritas quid est*, lapsis jam multis seculis quærebatur, de ea quoniam mortales omnes solliciti sunt, aut se esse simulant saltem, in quonam posita sit, operæ pretium erit, diligenter exquirere; quonam naturam istius ita perspectam habeamus, ut videamus, quomodo mens eam a falsitate scernat.

§. II.

§. II.

Recta conjunctio aut disjunctio signorum, hoc est, idearum aut vocum.

Mihi itaque veritas nihil aliud denotare videtur, quam *Signorum conjunctionem, aut disjunctionem, prout res signatæ sibi invicem conveniunt, aut repugnant*. Per *conjunctionem, aut disjunctionem* signorum hic illud intelligo, quod alio nomine *propositio* dicitur. Veritas itaque propositiones tantum respicit; propositio duplex est, *mentalis* scilicet & *verbalis*; prout duobus signis utimur, *ideis* nempe & *vocalibus*.

§. III.

Mentales aut verbales propositiones quomodo fiunt.

UT veritatis claram notionem assequamur, necesse est, ut veritatem cognitionis, & verborum veritatem a se mutuo sejungamus. De iis vero seorsim tractare perdifficile est. Quoniam fieri nequit, quin nos, mentales propositiones tractantes, nominibus utamur; tunc, quæ *mentales* erant, fiunt *propositiones verbales*. Cum enim *mentalis propositio* nihil sit, nisi *idearum contemplatio*, prout in mente existunt nominibus nudæ, propositionum pure mentalium naturam amittunt, quam primum nominibus subjiciuntur.

§. IV.

§. IV.

Mentales propositiones tractare difficile est.

Mentales & verbales propositiones seorsim tractare, hinc difficilior adhuc efficitur, quod plerique omnes, quando mente sua quippiam cogitant, aut ratiocinantur, verbis, *idearum* loco, utuntur; certe, quando illud, quod mente agitur, complexas in se *ideas* continet. Unde patet, ejusmodi *ideæ* nostræ quam imperfectæ sunt, & incertæ, atque nobis ad illud diligenter attendentibus, indicio esse potest, quæ res claras in nobis & stabiles habeant *ideas*, quæ non. Si rationem enim studiose animadvertamus, quæ mens nostra in cogitando utitur & ratiocinando, manifestum puto, deprehendemus, quoties propositiones quædam in mente fiunt, circa *album* sicut *nigrum*, *dulce* aut *amarum*, *triangulum* aut *circulum*, nos posse, & quidem actu, *ideas* ipsas in animo effingere, nomina haud quaquam intuentes. Quando vero *ideæ*, magis complexæ, *hominis* puta, *vitrioli*, *fortitudinis*, *gloriæ*, cogitationibus nostris, aut propositionibus materiam suppeditant, nomen communiter *ideæ* loco ponimus; cum enim *ideæ*, nominibus istis signatæ, imperfectæ ut plurimum, confusæ, & indeterminatæ sint, quoties propositiones tacite in mente conteximus, aut meditamur quempiam, *ideis* prætermisissis, ad nomina recurrimus, quoniam magis clara, certa, & distincta sunt, & facilius semet cogitationibus exhibent (19). In *substantiis* hoc, ut superius notatum est, ex *idearum* nostrarum imperfectione accidit, ut nomen usurpemus pro reali essentia, cujus nullam omnino *ideam* habemus. In *Modis*, id fit propter ingentem multitudinem *idearum* simplicium,

(19) *V. Analys. Intell. hum. adn. tom. 1.*

cium, e quibus coagmentantur. Quoniam enim plurimi illorum multifariam componuntur, nomen facilius occurrit, quam *idea* ipsa, quæ ut colligi & menti accurate repræsentari possit, magno studio & tempore opus est, nec ii negligendi sunt, qui antea in omnibus his diversis ideis investigandis elaborarunt; ab iis vero fieri nequaquam potest, qui, quamvis voces plerasque omnes in sermone patrio communiter usurpatas, in memoria teneant, maximæ tamen parti illarum, quænam *ideæ* subsint, haud fortasse secum unquam reputarunt. Confusæ quædam & obscuræ notiones satis ipsis fecere; atque plurimi qui de *Religione* & *conscientia*, de *Ecclesia* & *fide*, de *potestate* & *jure*, de *obstructionibus* & *humoribus*, de *melancholia* & *cholera* multa loquuntur, pauca, fortasse, in animis haberent, si quis rogaret, ut, missis nominibus istis, quibus aliorum toties, & non raro ipsas mentes suas confuderunt, de rebus ipsis tantummodo cogitarent (20).

§. V.

*Quoniam nihil sunt, nisi idearum conjunctio, aut
sejunctio sine vocibus.*

UT vero ad veritatis contemplationem iterum redeamus. Notandum, inquam, duo esse propositionum genera, quæ a nobis fieri possunt.

Primo, Mentales, quando mens, *Idearum*, quas habet, convenientia aut repugnantia percepta, eas, *sive*

(20) Id evenit profecto ex habitu meditandi neglecto. Ratio qua mathematici ad scientias aptiores se reddunt, eam esse, existimo; nimirum, quia omnia perpendunt ac evolvunt; nec in antecessum eunt, nisi ex simplicioribus ideis incipiant; vel contra redeant ad notiones simplices, & in omnibus contemplantur modis, quos suscipere possint, in quo vera est scientia.

sive verborum usu *conjungit*, aut a se muto *sejungit*.

Secundo: Verbales propositiones, quæ vocabula sunt, *signa nempe idearum nostrarum*, quæ in enunciatis *affirmativis aut negativis conjunguntur*, aut *desjungiuntur a se invicem*. Unde patet, propositiones effici *conjungendo aut sejungendo signa*, easque veras esse, quando signa ista de se invicem affirmantur aut negantur, prout convenientia est aut repugnantia in rebus, ab iis signatis.

§. VI.

Quando mentales & verbales propositiones realem quandam veritatem contineant.

SUa quemque experientia docebit, mentem, quando videt aut sibi concipit quarundam ex *ideis* suis convenientiam aut repugnantiam, tacite ex iis speciem quandam affirmativæ aut negativæ propositionis efficere, quod ego putavi per voces ista *conjungere & disjungere* apte exprimi. Hæc autem mentis actio, quæ tam vulgaris & usitata est in iis omnibus, qui cogitant aut secum quid ratiocinantur, concipitur facilius, illud animadvertendo, quod in nobis fit, quando affirmamus aut negamus, quam verbis explicatur. Quando quis in animo *ideam* habet linearum duarum, *lateris nempe & diagonalis quadrati*, quarum *diagonalis* pollicem unum longa est, fieri etiam potest, ut *ideam* habeat divisionis *linearis* istius in partes quasdam æquales, verbi causa, in quinque, decem, centum, mille aut plures alias, & potest etiam habere *ideam* hujus *linearis* unum pollicem longæ, tanquam capæcis, aut non capæcis ejusmodi divisionis in partes æquales, quarum certus quidam numerus laterali *linearis* æqualis sit. Quando-
cunque itaque videt, aut putat quidem, ejusmodi di-
vifi-

visibilitatem *ideæ* lineæ istius convenire, aut non convenire, ille *lineæ* istius, & ejusmodi divisibilitatis *conjungit*, aut *sejungit ideas*, atque ita *mentalem* propositionem contextit, quæ perinde aut vera, aut falsa est, prout inter divisibilitatem in partes aliquot, & lineam istam revera convenientia est, aut repugnantia. Atque ubi *ideæ* junguntur, aut *sejunguntur* in mente juxta illarum cum rebus ipsis convenientiam aut repugnantiam, tunc *mentalis veritas* dicitur. *Verbalis* autem *veritas* aliquid amplius est, verborum nempe de se invicem affirmatio aut negatio, prout inter *ideas*, quarum signa sunt, convenientia est aut repugnantia: Hæc etiam duplex est, *pure verbalis* sive nugatoria, de qua mox dicendum erit, *Cap. X.* aut *Realis*, quæ objectum est realis istius cognitionis, de qua supra.

§. VII.

Contra verbalem veritatem objicitur, quod hoc modo fieri possit; ut omnis cognitio imaginaria sit.

AT hic iterum circa Veritatem eadem accidere potest dubitatio, quæ prius circa Cognitionem: Dicent, si veritas nihil est; nisi *junctio* aut *sejunctio* verborum in propositionibus, prout *ideæ*, quas denotant, in mente conveniunt, aut sibi invicem repugnant, cognitio istius veritatis haud magni æstimanda est; nec digna, in cujus investigatione homines id, quod vulgo fit, temporis & studii impenderent: prout enim hic describitur, quid aliud est, quam vocum congruentia cum cerebri figmentis, quæ in multis inepta sunt & somnia plane lymphatica? Quis vero ignorat, quam miris notionibus multorum mentes scateant, & quas absurdas ideas sibi in cerebro effingere omnes homines possint? Per hanc itaque regulam nullius rei veritatem

cognoscimus, nisi phantasmatum in mente nostra; ne quid verius dicitur de hominibus & equis, quam de Harpyis & Centauris. Hæc enim & similia ideæ sunt in mente constitutæ, atque ibi convenientiam suam & repugnantiam, & proinde veras propositiones, non minus habent, quam ideæ entium realium. Atque propositio hæc, Omnis homo est Animal, non vera magis & certa erit, quam hæc, Omnis Centaurus est Animal. In utraque enim termini junguntur juxta idearum in mente convenientiam: Atqui idearum Animalis & Centauri menti æque perspicua est, ac Animalis & hominis convenientia. Ejusmodi autem veritates omnes quem usum habent?

§. VIII.

Respondetur, veritas realis est circa ideas quatenus rebus conveniunt.

E Tiam si, quod in superiori capite diximus, inter realem & imaginariam cognitionem discrimen statuentes, ad realem cognitionem ab imaginaria, aut (si mavis) pure nominali distinguendam sufficit, cum utriusque idem sit fundamentum; non tamen ab re erit, hic iterum notare, quod licet voces nostræ nihil, præter ideas, significant, cum tamen ad res signandas adhibeantur, veritas illarum propositionibus quando continentur, verbalis tantum erit, quoties pro ideis in mente substituuntur, quæ non cum rebus ipsis conveniunt. Veritas itaque perinde ac Cognitio, apte potest in Verbalem & Realem distingui; cum verbalis veritas ea tantummodo sit, in qua terminos jungimus juxta convenientiam aut repugnantiam idearum, quas designant, nullo respectu habito ad ideas ipsas, utrum revera existant, aut in rerum natura existere possint. Realem vero veritatem tunc propositiones continent, quando signa hæc jun-

guntur juxta *idearum* convenientiam ; cumque sci-
mus , *ideas* nostras in rerum natura existerē posse :
in substantiis vero id sciri nequit, nisi , *ideas* istius-
modi actū extitisse , revera compertum habeamus :

§. IX.

*Falsitas est , quando nomina aliter junguntur , quam
ideæ illorum sibi invicem conveniunt .*

Veritas est in verbis notatio convenientiæ aut
repugnantæ *idearum* , prout revera se habet .
Falsitas est in verbis notatio convenientiæ aut repu-
gnantiæ *idearum* aliter , quam se habet . Atque ve-
ritas eatenus *realis* est , quatenus *ideæ* istæ , sonis ita
designatæ , illarum Archetypis respondent . Hujus
veritatis cognitio in hoc consistit , ut *ideas* noscamus ,
quæ vocibus istis denotantur , atque illarum perci-
piamus convenientiam aut repugnantiam , prout vo-
cibus istis notatur .

§. X.

Propositiones Generales fusius tractande sunt .

Quoniam autem voces canales vehicula esse cen-
sentur , per quæ veritas & rerum cognitio
in mentem derivatur , atque nos , de hisce
quoties disputamus , terminis & propositionibus uti-
mur ; ideoque rerum veritatis certitudo , quæ in
propositionibus continetur , quid sit , atque undenam
comparari possit , fusius hic investigabo ; atque osten-
dere hic conabor , in quibusnam propositionibus uni-
versalibus nos , utrum veræ sint , an falsæ , certo
scire possimus .

Initium sumam a propositionibus generalibus , quæ
contemplationi & cogitationibus nostris materiam præ-

tipue suppeditant. Mens in *veritates generales*, per quas cognitio nostra maxime augetur, precipue intenta est; illæ, quarum intra ambitum particularia multa comprehenduntur, contemplationi nostræ campum simulatissimum, & proinde breve iter ad rerum cognitionem, aperiunt.

§. XI.

Veritas Moralis & Metaphysica.

PRÆter veritatem eam, quæ memorato prius stricto sensu sumitur, alia veritatum genera sunt; I. *Veritas Moralis*, quando illud loquimur, quod in mente persuasissimum habemus, licet fortasse propositio ista haud rerum veritati respondeat. II. *Veritas Metaphysica*, quæ nihil est, nisi realis rerum existentia, *ideis* respondens, quibus illarum rerum nomina illigata sunt. Hæc, etiamsi in rerum ipsarum existentia posita esse videtur, propius tamen inspecta, propositionem tacite in se includere, deprehenditur, per quam mens rem istam particularem fixæ & stabilitæ prius *ideæ*, & cui impositum est nomen, adjungit. Hæc autem veritates, utpote aut superius satis tractatas, aut ad nostrum hoc institutum parum spectantes, per quam breviter hic perstringere satis est (31).

CAP.

(31) Hæc de re potest videri *adn.* 122. s. 1.

C A P. VI.

De Propositionibus universalibus, atque
illarum veritate & certitudine.

§. I.

*Verborum tractatio ad rerum cognitionem necessario
requiritur.*

ETiamsi, *ideas* per se, nulla habita istarum nominum ratione, contemplando & examinando, clara & distincta cognitio melius acquiritur: hoc tamen, puto, rarissime propterea fit, quod consuetudo adeo inveteravit, sonos pro *ideis* usurpandi. Nemo non videt, quam familiare sit hominibus, nominibus vel tunc pro ideis ipsis uti, quando aliquid secum in mente agitant aut ratiocinantur; præsertim si *ideæ* multum fuerint complicatæ, & ex multis simplicibus constatæ. Hinc efficitur, *verborum & propositionum* contemplationem, ad *cognitionis pertractationem* necessario adeo requiri, ut, nisi ista explicentur, hanc tractantes haud facile intelligamus (22).

§. II.

Veritates generales haud facile intelliguntur, nisi in propositionibus verbalibus.

OMnis nostra cognitio, vel particularium est vel *generalium veritatum*; in priori, utcumque se res habeat, certissimum est, posteriore, quæ haud immerito maxime exquiritur, rarissime a nobis apprehendi posse, nisi quatenus vocibus subjicitur. Quare haud alienum erit a nostro hoc instituto, qui cognitionem nostram contemplantur, propositionum universalium veritatem, & certitudinem investigare.

§. III.

Certitudo duplex, veritatis & cognitionis.

NE vero hic ab eo, unde periculum est ubique, terminorum nempe ambiguitate, in errorem deferamur, notandum est, certitudinem esse duplicem; *veritatis* nempe, & *cognitionis*. *Veritatis certitudo* est, quando voces in propositionibus ita conjunguntur, ut eam, quam ideæ illorum revera habent, convenientiam aut repugnantiam exprimant. *Certitudo cognitionis* est, convenientiam percipere aut idearum repugnantiam, prout in propositionibus exprimitur. Hoc est, quod communiter appellamus, cognoscere alicujus propositionis veritatem, aut de ea esse certum.

§. IV.

*Propositio nulla generalis vera esse cognosci potest,
ubi essentia speciei cujusque non est cognita.*

QUoniam vero *generalis* cujusvis *propositionis* *veritatem* certam habere non possumus, nisi *species*, quas *termini* representant, quibus accurate finibus concludantur, certo sciamus, *speciei* uniuscujusque *essentiam*, per quam in *esse* suo constituitur, & ab aliis omnibus entibus distinguitur, sciamus necesse est. Hoc in *simplicibus Ideis*, & *Modis* omnibus facile fit. In hisce enim, cum *realis*, & *nominalis* *essentia* una eademque sit (23), aut, quod idem sonat, cum *idea* abstracta, pro qua terminus iste universalis substituitur, sola sit *essentia*, per quam *species* ista constituitur & terminatur, nulla dubitatio esse potest, quousque *species* ista extendatur, quasve res *termini* singuli sub se contineant; patet enim, eas omnes istas tantummodo esse, quæ cum iis, quas denotant, *ideis* plane conveniunt. In substantiis vero, in quibus *realis* *essentia*, a *nominali* diversa, *speciem* constituere, & determinare censetur, *vocis* generalis comprehensio valde incerta est: quoniam enim *realem* hanc *Essentiam* ignoramus, idcirco, quid ad *speciem* istam pertineat, quid non pertineat, & per consequens quid possit, quid non possit de ea certo affirmari, scire nequimus (24). Ita quando de *homine* loquimur, aut *auro*, aut substantiarum naturalium alia quavis *specie*, quam credimus constitui per certam quandam *Essentiam realem*, unicuique individuo generis istius regulariter a natura

C 3

tri-

(23) V. 2. tom. 1.

(24) V. *Medis*, nostr. in *Lock*. tom. 111.

tributam, & per quam hæc quoque species constituitur, quid de his substantiis affirmetur, aut negetur, certo sciri nequit. *Homo* enim, & *aurum*, hoc modo quando usurpantur, pro rerum *speciebus*, per reales essentias constitutis, ab *idea* complexa in loquentis animo discrepantibus, nescio quid significant; atque harum specierum, quam late pateant, termini indefiniti adeo, atque ignoti sunt, ut, omnes homines esse rationales, aut aurum omne esse flavum, affirmari certo nequeat: Ubi vero species singulæ nominali essentia terminantur, atque terminus universalis non nisi particularibus entibus tribuitur, in quibus ea, quam denotat *idea* complexa reperitur, ibi haud periculum est, ne singularum *specierum* terminos prætergrediamur, neque hic dubitari potest, utrum propositio quædam vera sit, nec ne. Propositionum hanc incertitudinem stylo scholastico explicandam censui, atque *specierum* & *essentiarum* nomina de industria usurpavi, ut ostenderem, quam absonum sit & incommodum, eas in numero entium realium collocare, nisi quatenus pure sunt *ideæ* abstractæ cum nominibus annexis. Qui rerum *species* aliud quid esse putant præter earum distributionem sub nominibus generalibus, juxta convenientiam illarum cum variis *ideis* abstractis, quarum nomina ista signa efficimus, veritatem confundunt, efficiuntque, ut, quæ circa substantias sunt, propositiones omnes universales incerte sint. Etiam si itaque res istæ, apud homines Scholasticorum literaturæ haud affuetos, melius fortasse & dilucidius tractari possent, pravæ tamen istæ notiones *essentiarum* & *specierum*, quæ altas in illis radices egerunt, quorum animos eruditio illa imbuir, quæ in hisce mundi plagis admirationem obtinet, evellendæ prius sunt, quam voces ita usurpentur, ut instrumenta sint certæ cognitionis.

§. V.

Hoc de substantiis præcipue & præ aliis dicitur.

Substantiarum itaque nomina quandocunque denotant species quæ censentur per reales essentias constitui, nobis quidem incognitas, nequeunt certitudinem menti afferre: nec fieri potest, ut veritatem propositionum generalium, quæ terminis istiusmodi constant, exploratam habeamus. Ratio patet. Undenam enim certo sciremus, hanc aut illam qualitatem esse in auro, cum nesciamus quid sit, aut quid non sit aurum: Juxta hanc enim loquendi formulam res nulla dicitur aurum, quæ non particeps est ipsius essentiae, quoniam vero essentiae reales nobis ignotæ sunt, nec illarum ideam ullam habemus, nescimus, utrum quædam portio materiæ aurum dicenda sit, nec ne, & quænam ista sit, quæ non sit. Hoc enim a nobis æque non potest scire, ac cæcus quidam dicere potest, quoniam in flore color *Violæ Tricoloris* repertiendus sit, aut ubi non deprehendatur, cum coloris istius nullam omnino ideam habeat. Aut si (quod fieri nequit) certo sciremus, *Auri* realis ista essentia, quæ nobis ignota est, in quo materiæ cumulo sit, nobis tamen haud certum & exploratum esset, hanc aut illam qualitatem de auro verè affirmari posse: Cum fieri non possit, ut sciamus, ejusmodi qualitatem aut ideam cum reali essentia, cujus nullam omnino ideam habemus, necessario esse connexam, quamcunque etiam speciem hæc Essentia, quæ realis supponitur, reipsa constituat.

§. VI.

*Non nisi de paucarum admodum propositionum
universalium circa substantias
veritate constat.*

Contra, nomina substantiarum, quando, ut par est, ad ideas adhibentur, in mente signandas, etiamsi claram habent & determinatam significationem, ex iis tamen non multæ propositiones universales fieri possunt, de quarum veritate nos certi esse possemus. Non quia nescimus, quid usurpata ita significant, verum quia in ea, quam denotant, ideas complexa, multæ simplices complicatæ sunt, quæ non nisi cum paucissimis aliis ideis manifestam habent connexionem, aut repugnantiam.

§. VII.

*Quoniam idearum coexistentia raro admodum
deprehenditur.*

Ideæ complexæ, quas nomina, quæ substantiarum speciebus tribuimus, proprie denotant, congeries sunt qualitaturn, quas in *substrato* ignoto, quod dicimus *substantiam*, simul existere animadvertimus. Quæ vero qualitates aliæ cum complexis istis necessario coexistent, sciri pro certo nequit, nisi, quomodo ex natura sua ex se invicem pendeant, prius deprehensum fuerit; at in *primariis qualitatibus* non nisi rara admodum, in *secundis* vero nulla omnino connexio reperitur, ob rationes superius memoratas, *Cap. III. bujus Libri IV.* primo nempe, quia nescimus realem istum substantiarum contextum, quo singulæ qualitates *secundæ* præcipue nituntur. Secundo, si eum compertum haberemus, ex ista scientia experimentalis tantum, quæ non nisi ad unicum exemplum

plum pertineat, non vero universalis cognitio nasceretur. Ratio patet; quoniam menti non perspicuum est, inter *qualitatum secundarum & primarum* quarumvis modificationum connexionem aliquam intercedere. Quare non nisi paucissimæ propositiones universales circa substantias fieri possunt, quarum veritas manifesta sit.

§. VIII.

Exemplum ab auro petitur.

O*Mne aurum est fixum*, licet hæc propositio ubique obtineat locum, non tamen est exploratæ veritatis. Si quis enim, ineptam istam, quæ in Scholis obtinet, opinionem secutus, putat, per vocem *aurum* quippiam denotari in certo quodam entium genere a natura constitutum, atque reali essentia præditum, palam est, nescire ipsum, quæ particulares substantiæ ad speciem istam pertineant; & proinde de *auro* nihil universaliter affirmare posse. At si per vocem *aurum* speciem denotet, nominali essentia determinatam, sique verbi gratia nominalis ista essentia, *idea complexa corporis coloris rutili, ductilis, fusilis*, atque alio quovis corpore *ponderosioris*; per vocem *aurum*, hoc modo usurpatam, quid significetur, statuere non difficile erit. Nulla autem alia qualitas de *auro* universaliter affirmari, aut negari potest, nisi quæ cum nominali ista essentia connexionem plane, aut repugnantiam habet. Cum enim nobis haud constet, *fixitatem* cum colore, pondere, aut alia quavis complexæ nostræ simplici idea, aut cum toto simul complexu necessario esse connexam; fieri non potest, ut hujus propositionis, *Omne aurum est fixum*, veritas nobis comperita esse possit.

§. IX. Ut inter *fixitatem*, & colorem, pondus, atque alias *ideas* simplices nominalis istius essentiae
auri

auri nullam plane connexionem cernimus ; ita , si *corpus flavum , fusile , ductile , ponderosum & fixum*, complexam nostram *auri ideam* esse statuerimus , eadem dubitatio erit de *solubilitate in aqua Regia* ; & propter eandem rationem . Cum , *ideas* ipsas intuentes de corpore , cujus *idea* complexa ex flavo , ponderoso valde , ductili , fusili , & fixo conflatam est , illud in *Aqua Regia* solubile esse , certo affirmare aut negare nequeamus : de reliquis istius qualitibus idem dicendum est . Velim , quis mihi attributum aliquod ostenderet , quod de *auro* universaliter affirmari posset , certo sciret . Dicit sine dubio , annon hæc propositio , *Omne aurum est ductile* , certa est & universalis ? Fatendum est , eam esse veram , si modo *ductilitas* pars sit *ideæ* complexæ , quæ voci *auro* subijcitur . Hic vero de *Auro* nihil affirmatur , nisi quod sonus iste *ideam* denotet , in qua *ductilitas* continetur ; hæc autem veritas & certitudo non alia est , quam , si quis diceret , *Centaurum esse quadrupedem* . Sin vero *ductilitas* haud pars sit essentiae , quæ voce *auro* signatur , perspicuum est , enunciationem istam , *Omne aurum est ductile* , non esse manifestæ veritatis : quoniam , e quibuscunque aliis istius qualitibus *auri idea* complexa coagmentata fuerit , haud *ductilitas* e complexa ista *idea* pendere , nec , quæ in ea continetur , ex ulla simplici sequi deprehendetur . Si quam *Ductilitas* connexionem habet cum aliis istis qualitibus , nascitur ea ex reali tantum partium insensibilium constitutione , hæc quoniam nobis ignota est , fieri non potest , ut connexionem istam , nisi simul cum partium vinculis , cerneremus .

§. X.

Quatenus istiusmodi coexistentia apprehenditur, eatenus propositiones universales certæ esse possunt.

Hæc autem cognitio non nisi ad pauca pertinet.

QUO plures quidem harum, quæ simul existunt, qualitatum in unam *ideam* complexam, sub uno nomine colligamus, eo definita magis & certa erit vocis istius significatio, non tamen eo magis proinde *certitudinem universalem* recipit, aliarum qualitatum respectu, quæ in *idea* nostra complexa non continentur; cum nos, realem istum contextum, in quo fundantur, & quomodo ab eo manent non cognoscentes, qua ratione inter se connexæ sint, aut a se invicem pendeant, prorsus ignoremus. Præcipua enim nostra substantiarum cognitio non, ut in aliis rebus, relationis tantum est duarum *idearum*, quæ separatim existere possunt, verum necessariæ connexionis & coexistentiæ *idearum* diversarum in eodem subjecto, aut repugnantiae illarum ad simul ita existendum. Si nos, initium ibi sumentes, ubi finis est, quid illud sit, in quo color iste consistit, invenire possemus, unde fiat, quod corpus levius sit aut gravius, e qua partium textura proveniat, ut sit ductile, fusile fixum, atque aptum, ut in hoc liquore, non alio solvatur; haud nobis difficile esset huiusmodi corporum *idea* imbutis, & in quonam qualitates omnes sensibiles primitus consistant, quomodo producantur clare intuentibus, tales earum *ideas* abstractas formare, quales cognitioni magis generali materiam suppeditarent, efficerentque, ut, quæ *veritatem generalem* & *certitudinem* in se continerent, propositiones universales firmeremus. Quamdiu vero complexæ nostræ *ideæ* specierum substantiarum, a reali illo contextu interno, ex quo sensibiles earum qua-

litates pendent, tam longe distant; & non nisi ex rudi collectione qualitarum, quæ sensibus obversantur, constant, fieri nequit, ut de substantiis multæ fiant propositiones generales, de quarum veritate plane constet; cum non nisi paucae sint *ideæ* simplices, quarum connexionis necessariæ certam cognitionem habemus. Inter *secundas* omnes substantiarum *qualitates*, & illarum potentias, puto, non duas quasdam ostendi posse, quarum necessaria coexistentia, aut ad simul existendum repugnantia, certo cognosci possit, nisi in iis, quæ sunt ejusdem sensus, quæ, ut alibi ostensum est, se mutuo necessario excludunt. E corporis cujusdam colore nemo, opinor, certo scit, quem odorem, saporem, sonum, aut tangibiles qualitates habeat, nec quas alterationes in aliis corporibus efficere, aut ab iis recipere possit. Idem dici potest de sono, aut sapore, &c. Cum specifica nostra substantiarum nomina ejusmodi *idearum* collectiones quasdam denotent, haud mirum est, ex iis paucas admodum certæ & *evidentis veritatis* propositiones confici. Quatenus vero complexa quædam *idea* generis cujuscunque substantiarum, simplicem in se *ideam* continet, quam cum alia quadam necessario simul existere liquet, eatenus *propositiones universales veritatis manifestæ* de ea fieri possunt: ita verbi gratia, si quis inter *ductilitatem*, atque *colorem* aut *pondus* auri, aut aliam quamcunque partem *ideæ* complexæ, quam vox ista designat, connexionem necessariam inveniret, is posset hoc respectu de auro certam atque universalem propositionem efficere; atque enunciationis istius, *Omne aurum est ductile*, non minus certa esset, quam huiusce veritas realis: *Triangulorum omnium rectilineorum tres simul anguli, duobus restis sunt æquales*.

§. XI.

*Quoniam qualitates , quæ complexas nostras
substantiarum ideis conficiunt , pendent
plerumque ab externis remotis ,
& causis latentibus .*

SI substantiarum ideis ita imbuti essemus , ut sciremus , ex qua reali partium textura simplices istæ , quas in iis deprehendimus , qualitates prominent ; nos per ideas specificas ipsarum realium essentiarum in mente nostra , proprietates illarum certius , quam nunc sensuum adminiculo , investigaremus : atque ad auri proprietates inveniendas , haud magis necessarium esset , ut aurum existeret , atque nos circa illud experimentis uteremur , quam ad Trianguli proprietates investigandas requiritur , ut triangulum in quadam materiæ parte existat . Idea , quam in mente nostra habemus , ad alterum non minus conducit , quam ad alterum . Tantum vero abest , ut in naturæ secreta admittamur , ut a primo statim istius aditu prohibeamur . Singulas enim , quas intuemur ; substantias spectare solemus , tanquam res integras , in quibus qualitates omnes per se existunt , ab aliarum omnium consortio liberæ ; haudquaquam ut plurimum operationes respicientes fluidorum invisibilium ; quæ circum eas undique amplectuntur , & e quorum operationibus pleræque omnes istæ qualitates pendent , quas in iis animadvertimus , & per quas eas secernimus ab aliis corporibus , & cujus rei causa nos eas certis quibusdam denominationibus afficimus . Si auri lamina alicubi poneretur seorsim a contactu & aliorum omnium corporum influentia , omnem statim colorem & gravitatem , fortasse etiam ductilitatem amitteret ; & nescio , annon in eo casu ad friabilitatem plane redigeretur . *Aqua* , cui apud nos *fluiditas* essentialis est , per se relinqua , *fluida* esse desineret .

At

At si entia inanimata eum , quo nunc utuntur , statum aliis ita , quæ extra sunt , corporibus debent , ut ab illorum vicinia semota haud omnino illud essent , quod nobis esse videntur , res multo inagis ita se habet in *vegetabilibus* , quæ nutriuntur , crescunt , atque folia , flores & semina statis temporibus edunt . Et si *animantium* statum paulo propius intueamur , videbimus , ea secundum vitam , multum & præcipuas omnes , quas in iis cernimus , qualitates , penitus adeo a causis extrinsecis atque aliorum corporum qualitatibus pendere , ut sine illorum consortio temporis momento interirent : etiamsi corpora ista , a quibus pendent , parum hac occasione animadvertantur , nec eas , quas fingimus , animantium istorum *ideas* complexas ingrediantur . Si animalibus plerisque aer ad punctum temporis auferatur , statim sentum , vitam , & motum omnem amittunt . Hanc cognitionem ex ea , qua tenemur , spirandi necessitate arripimus . Quot vero alia externa , & fortasse disjuncta longissime corpora , stupendis hisce machinis motum & impetum impertiunt , quæ non vulgo animadvertimus , nec de iis cogitamus quidem ; quot insuper sunt , quæ homines , diligentissime rimantes , investigando nequeunt invenire ? Exigui hujusce globi , quem Terram vocamus , incolæ , etsi tam longe a sole distantes , ex particularum tamen , quæ manant , aut agitantur ab eo motu , rite temperato , adeo dependent , ut , si terra propius paulo fontem istum caloris , aut remotius ab eo moveretur , haud dubium sit , quin animantium pars longe maxima animas statim eflarent : Cum videamus animantia sæpius exinde vitam amittere , quod in ea loci positione , quam casu obtinere , in perangusto hoc orbe nostro , radios solis nimios , aut nimis exiguos persentiant . Qualitates , quas in Magnete deprehendimus , necessario suum ortum habent longe ultra corpora istius confinia ; atque grassantes isti in multis animantium gene-

generibus morbi, quorum causa latet; certa ista inors, quæ illarum nonnullæ, Equatorem transeuntes, statim intereant, vel, ut de aliis quibusdam dicitur, solum tantummodo mutando; plane ostendunt, concursum & operationem corporum plurimorum, cum quibus raro censetur, commercium aliquod habere, requiri necessario; ut illud fiant, quod nobis videntur esse, & ad qualitates istas conservandas, per quas dignoscuntur. Fallimur itaque, quoties putamus, eas, quæ nobis videntur, qualitates rebus ipsis inesse; Atque ita frustra in muscæ, aut elephantis corpore istum percrutamur contextum, unde, quam in iis cernimus, vis omnis & facultas oriatur. Ad hæc fortasse recte intelligenda, necesse erit, ut oculos intendamus, non solum ultra terræ huiusce orbitam & Atmosphæram, verum etiam ultra solem, aut, quas vidimus unquam, stellas maxime longinquas. Omnem enim humanam transcendit facultatem, statuere, quantum entia particularia in nostro hoc globo, in existendo atque operando a causis pendeant, penitus ultra conspectum nostrum positis. Hic, quæ nos circumstant, entium crassiorum motus atque operationes quasdam percipimus; a quo fonte autem vis illa proficiscatur, qua in stupendis hisce machinis motus conservatur, qua ratione hucusque pertingat, quomodo modificetur, nobis quidem scire non datur: & fortasse partes five rotæ insigniores, si modo ita loqui fas est, quæ in hujus *universi* admirabili fabrica cernuntur, ita connexæ sunt & in operationibus a se invicem pendent, ut res in nostro hoc, quem inhabitamus, angulo, aliam plane faciem induerent, si ex astris quoddam, aut ex istis corporibus majoribus, quæ tanto, ut concipi ferme non possit, intervallo a nobis distant, aliquod corpus desineret esse, aut eum, quem nunc habet, motum amitteret. Hoc certissimum est, res utcumque in se perfectæ & consummatæ esse videantur,

præ-

præcipuas tamen, quas in iis animadvertimus, qualitates, potentias, atque operationes, rei cuiuspiam externæ debere; nec in natura quippiam absolutum adeo, atque perfectum est, quod non existentiam, & quam habet, excellentiam & præstantiam omnem vicinis entibus acceptam referre debeat; quare si corporis cuiusvis qualitates scire perfecte volumus, cogitationes nostræ longe ultra superficiem istius expatiantur, necesse est.

§. XII. Si res ita se habet, haud mirum est, nos *substantiarum imperfectas valde ideas habere*, atque reales essentias, e quibus proprietates, atque operationes omnes pendent, nobis incognitas esse. Nos non reperire possumus, undenam ista, quam revera habent, moles, figura, & partium subtilium textura; multo minus unde motus isti & facti ab externis corporibus impulsus, a quibus pendent, & præcipuæ istæ qualitates fiunt, quas in iis animadvertimus, & e quibus complexæ nostræ idæe conticiuntur. Unica hæc ratio obitare debet, quo minus realium essentiarum *ideas* sectemur; hilce quamdiu caremus; nominales, quibus earum loco utimur, essentiae *cognitionem generalem*, atque certæ & non dubiæ veritatis propositiones universales rarissime, & fere nunquam suppeditabunt (25).

§. XIII.

(25) Timeo, ne Longius ac subtilius, quam par est hic *Locum* argumentari. Pro cognitione sufficiunt quidam limites, quibus positis, veritate indubia, haud caremus. Logici clamitant, *non dari analysim notionum in infinitum*, & ipsemet hoc ingenue confitetur (*cap. IV. lib. III. §. IV. & seq.*), per consequens si post quasdam repetitas observationes, ac accuratas experientias de quadam re quid acquirimus, quod certis modis, omnique tempore, omnibus circumstantiis, nos omnes idem, communiterque videmus ipsique rei convenire, debet pro certo teneri, & hoc quid ut reale ipsius rei reputari.

§. XIII.

*Perspiciat fortasse ingenium ulterius pertingant,
at ea non est cognitio.*

Non itaque est, cur quis miretur, si paucarum admodum generalium enunciationum circa substantias certa & *manifesta* deprehendatur. Nostra enim proprietatum istarum cognitio raro ulterius progreditur, quam sensus iter ostendunt. Viri curiosi & in observando perspicaces, pro ipsorum subactō ingenio & sagaci, altius fortasse penetrent, atque probabilia sequentes, quæ cauta & diligens animadversio docuit, ea conjectura assequantur, quæ experientia haud dicere. Hæc autem conjectura est; opinionem tantum generat, non eam certitudinem, quæ requiritur ad cognitionem. Omnis enim *cognitio generalis* in mente est sola, atque in *idearum* nostrarum abstractarum nuda contemplatione posita est. Atque ubi inter eas convenientiam cernimus, aut repugnantiam, ibi *cognitio est generalis*, & cum nomina *idearum* istarum in propositione junguntur, *veritas generalis* ex iis certo nascitur. Quoniam vero substantiarum *ideæ* abstractæ, pro quibus nomina earum specifica substituuntur, quodocunque distinctæ sunt, & determinatæ significationis, non nisi cum paucis *ideis* aliis manifestam habent convenientiam aut repugnantiam, ideoque *propositionum universalium circa substantias certitudo*, in ea parte, quæ præcipue nostræ hic disquisitionis est, brevis est, & perangusta. Atque inter nomina substantiarum vix unum aliquod est (cuicunque illud *ideæ* imponatur) de quo certo & universaliter affirmari posset, hanc, aut istam qualitatem ad illud pertineret; aut non pertinere, & semper simul existere aut pugnare cum *idea* ista, ubicunque ea reperitur.

§. XIV.

Ad substantiarum cognitionem quid requiratur .

HUJUSMODI levem aliquam cognitionem priusquam adipiscamur, sciendum est primo, corporis alterius *qualitates primæ*, in *primis* corporis alterius *qualitatibus*, quas mutationes regulariter efficiant. Secundo sciendum est, quæ *primariæ qualitates* cujusdam corporis certas quasdam sensationes, aut *ideas* in nobis producant. Hoc revera est omnes materiæ effectus scire, quatenus alio, atque alio modo afficitur, nempe secundum molem, figuram, partium cohæSIONem, motum, & quietem: hæc a nobis sciri non posse, nisi a Deo revelata fuerint, nemo, arbitror, inficiabitur. Aut si cœlitus revelatum esset, quæ figura, moles, & corpusculorum motus, *flavi* coloris sensationem in nobis excitarent, aut quæ figura, moles, & textura partium in corporis cujusdam superficie ejusmodi corpusculis motum tribuerent idoneum ad colorem istum producendum, num satis hoc esset ad propositiones *universales* veritatis *manifestæ*, de diversis illorum generibus, efficiendas, nisi in nobis facultates essent, satis acutæ, ad certam molem, figuram, texturam, & motum corporum percipiendum in minutis istius partibus, per quas in sensus nostros operantur, ut ex iis abstractas nostras *ideas* fingeremus (26) ? De corporeis tantum substantiis hic mentio-

(26) Videtis, quot pulcherrimis experimentis incomparabilis Isaacus Newtonus statuit doctrinam de coloribus, & postea de nostri Auctoris conceptibus hic emanatis dijudicate. Pro certo debet teneri, nobis de omnibus, & in omnibus, ut, ille ait, substantiis datum non esse, veritatem invenire, atque introspicere, ac ergo non possumus in quibusdam certo quedam statuere, atque cognoscere cum veritate, de qua loquitur Auctor, est quod perbelle negatur, & a sana mente debet sane negari.

tionem feci, quæ ad intelligentiam nostram magis accommodatæ esse videntur: Quod ad *Spirituum* enim *operationes*, cogitandi nempe & corpora movendi primo intuitu haud facîle eas capimus, etiamsi fortasse cogitationes nostras ad res corporeas, & illarum operationes, propius paulo intendentes, & quærentes, quam longe, vel in hisce, clara cognitio nostra ultra ea feratur, quod de facto vera esse sensibus percipimus, fateri cogemur, nos in hisce disquisitionibus in ignorantia & errore plane versari.

§. XV.

Dum ideæ nostræ substantiarum haud illarum contextum realem complectuntur, non nisi paucae admodum propositiones manifestæ veritatis de iis fieri possunt.

PAlam est, ex abstractis substantiarum ideis complexis, pro quibus nomina generalia substituantur, cum reales illarum contextus haud complectantur, certitudinis universalis non nisi exiguum admodum gratum nasci. Ratio est, quoniam illarum, quas habemus, *ideæ* non ex iis conflatae sunt, e quibus istæ, quas in illis observamus, qualitates pendunt, vel quibuscum necessariam connexionem habent. *V. gr.* fit *idea*, cui nomen *hominis* tribuimus, prout vulgo sumitur, corpus figura, sensu, motu voluntario præditum, & cui ratio etiam conjungitur. Cum hæc sit *idea* abstracta, & per consequens, essentia speciei, qua dicimus *hominem*, de *homine*, quatenus talem *ideam* denotat, paucae admodum certæ & non dubiæ veritatis enunciationes universales fieri possunt. Quoniam nescientes, quæ sit realis

ista temperatio, qua sensatio, facultas se movendi, ratiocinatio, simul cum figura ista particulari nituntur, & per quam in eodem subjecto conjunguntur, pauci limitæ admodum aliæ sunt qualitates, cum quibus necessario connexæ esse, deprehendantur: Pro certo itaque affirmari nequit, *Omnes homines per intervalla dormire; neminem ligno aut lapidibus nutrir;* *cicutam omnibus mortem inferre*: quoniam hæc *ideæ* cum nostra hac nominali essentia *hominis*, cum abstracta hac *idea*, pro qua nomen illud usurpatur nullam habent connexionem, aut repugnantiam. In hisce & similibus ab experientia, quæ non late patet, discendum est, quo modo se res habeat in subjectis singularibus. In reliquis, quod probabile est, sequamur, necesse est: certam vero cognitionem universalem consequi nequimus, cum *hominis idea* nostra specifica, haud realem istum contextum contineat, in quo omnes istius qualitates inseparabiles conjunguntur, & a quo, tanquam a fonte suo, manant. Quamdiu itaque *Idea*, quam *Hominis* nomine efferimus, non nisi manca quædam qualitatibus quarundam sensibilibus, & quarundam facultatibus, quæ in illo reperiuntur, collectio est, nos nullam vel connexionem, vel repugnantiam inter nostram ideam specificam, & operationem quam *cicutæ* particulæ, aut lapidum pro sua constitutione proferre debent, excogitare & rimari possumus. Non enim defunt animalia, quæ sine noxa *cicutam* edunt, nec alia, quæ lapidibus & ligno vescuntur: cum vero haud nobis *ideæ* suppetant realis contextus animalium istorum, quo istæ, & similes qualitates atque potentia nituntur, de iis *veritas certa* in enunciatis universalibus sperari nequit. Istæ tantummodo *ideæ*, quæ cum nominali nostra essentia, aut istius parte aliqua plane connexæ sunt, hujusmodi propositionibus materiam suppeditant. Hæc vero pauca adeo sunt, & tam nul-

nullius momenti (27), ut *universalis* hæc *substantiarum cognitio*, nulla propemodum habenda sit.

§. XVI.

Generalium propositionum certitudo in quonam posita sit.

UT verbo omnia concludam, *Propositiones universales*, cujuscunque gereris, tunc tantum *manifestam* habent *veritatem*, cum voces *ideas* denotant, quarum convenientia aut repugnantia, prout ibi exprimitur, a nobis deprehendi potest. Et tunc veri-

D 3 tas

(27) Idem non mihi videtur. Plura hac super re in meditatione nostra in Lockium (tom. 111.) diximus. Hic satis est adnotare, quod *Homo*, idem sonat ac animal ratione præditum, quid quid ergo in his ideis continetur in homine est, ut & quid quid opponitur, impossibile est in Homine invenire. *Animal* est idea complexa, quæ nobis excitat ideam corporis quodam symetrico, ac ordinato modo constructi; *rationale* denotat habere facultatem res percipiendi, vel conficiendi ideas, ex quibus consequentia eruantur [28 tom. 1.]: quidquid ergo concurrit ad statum, ordinem, ac corporis symetriad reconciliandam, ad Hominis salutem concurrit: pariter quidquid eam destruit, destruere debet ordinem, ac symetriad ipsius corporis. Quapropter certi sumus, *cicutam* Homini lædere, vel non, quandiu *cicutæ* partes introspicimus, & eas cum statu humorum, solidarumque partium comparamus, excessumque perpendimus. Nimirum si excessus hic in contraria ratione erit illi, de quo excedit, vel deficit corpus ad suam perfectionem, tum dicitur, & certo statuimus, *cicutam* juvari, contra lædere. Quis audet, inquit Auctor, certo statuere actionem *cicutæ*, ac statum corporis animalis? Respondemus esse profecto difficile, at impossibile negamus. Non oportet omnia invenire, atque perspicere, ut cognitionem alicujus peculiaris qualitatis nanciscamur, sufficit tantum, qualitatem, de qua agamus, comprehendere in quadam idea, adeo ut hac semota, idea ipsa destruat: tum hæc qualitatis perceptio nobis ipsius certitudinem suppeditat, & æque veram esse, credere debemus.

tas, aut falsitas illarum nobis explorata est, cum videmus *ideas*, quas signant, perinde convenire, aut non convenire, prout de se invicem affirmantur, aut negantur. Unde annotare licet, *certitudinem generalem* nunquam reperiri, nisi in *ideis* nostris. Quandoque eam alibi quærimus in experimentis, aut rerum, quæ extra sunt, observationibus cognitio nostra ad particularia tantum pertinet. *Cognitio generalis* ex nostrarum tantum *idearum* abstractarum contemplatione oritur.

C A P. VII.

De Axiomatibus.

§. I.

Axiomata per se clara sunt.

QUædam sunt enunciata, quæ sub nomine *Axiomatum*, pro scientiarum Principiis habentur (28): & quoniam *per se clara* sunt, *innatorum* nomen obti-

(28) Sic Wolfius. *Definitiones tam reales, quam nominales compend. el. Pref. t. 1. p. IX*) tum in se considerati, tum inter se conferri possunt. Si considerando definitiones, aliquid exinde immèdiate concluditur AXIOMA vocatur. Ex. gr. Genesin circuli consideranti, facile apparet, omnes rectas ex centro ad peripheriam ductas inter se æquales esse, cum unam eandemque lineam in diverso situ referant. Hac adeo propositio in axiomatum numero habetur. Dominus DETSCHENHAUSEN hanc vocem in hoc sensu adhibet. Vulgo quævis propositio, quam sine demonstratione concedimus, AXIOMA audit. Atque in hoc sensu Euclides, ac reliqui veteres Geometra hac voce utuntur.

obtinuere, etiam si nemo, (quod sciam) undenam ita clara censeantur, haecenus unquam demonstrare fuerit conatus. Forsitan itaque opere pretium erit perspicuitatis illorum rationem investigare, & videre, utrum id ipsis peculiare sit; utrumve faciem nobis præferant ad aliarum rerum cognitionem.

6. II.

Per se clarum in quonam consistat.

Cognitio, ut superius ostensum est, in perceptione posita est convenientiæ aut repugnantiae idearum: Ubi convenientia, aut repugnantia ista immediate percipitur, sine ullius alterius interventu, ibi cognitio nostra *per se clara est* (29). Hoc cuivis manifeste-

D 4

Axiomata enunciant vel aliquid esse, vel aliquid effici posse. Axioma speciei prioris, illud est, quod modo ex definitione circuli deduximus, omnes lineas ex centro ad peripheriam ductas esse æquales. Contra axioma alterius speciei est id quod ex definitione lineæ rectæ fuit, scil. A quovis puncto ad quodvis punctum posse lineam rectam duci. Axiomata hujus speciei dicuntur postulata.

Quoniam igitur axiomatum, & posulatorum veritas, per intuitum definitionum ex quibus fluunt cognoscitur, demonstratione nulla indigent. Veritas enim eorum apparet, quamprimum realitas definitionum fuerit evicta. Quamobrem, verumne, an falsum axioma sit, ante examinatam definitionis possibilitatem, eum certitudine judicari non potest. Secus enim id solum constat, posita definitionis possibilitate, axiomata vera futura. Hinc quoque manifestum fit, cur TSCHIRNHAUSIUS axiomata tanquam propositiones definitivas quæ ex definitione intelliguntur.

(29) Potius ex claris cognitionibus certum oritur iudicium quod statim, celeriterque conficitur. Dum dico, *omne totum est sua parte majus*, iudicium efformo, comparatis inter se ideis totum, & pars, per consequens ex certa claraque parvis, ac totius cognitione habetur. Verum est, quod hic dici potest, dum

nifestum erit, qui ex iis propositionibus quasdam in-
ruebitur, quibus, sine probatione aliqua, primo sta-
tim intuitu assensum præbet: In iis enim omnibus
videbit, assensum nasci ex convenientia aut repugnan-
tia, quam mens, comparatione facta, statim reperit
in *ideis* istis juxta affirmationem aut negationem in
enunciatione.

§. III.

*Per se clarum esse non receptis communiter
axiomatibus peculiare est.*

Cum hoc ita se habeat, querendum proxime,
utrum *per se* (30) *clarum* esse (*), peculiare sit
his

in mente mea figo, & clare intemosco, totum esse sua parte
majus, nonne cognitionem adipiscor? Hæc, quæcunque sit,
cognitio non remanet, ut ita dicam, in se, nec per se esse
potest: continetur enim in aliis, quibus representatis, illa acqui-
ritur; quam ob rem cognitio vera dici nequit, si destructis pri-
mis cognitionibus ruit & illa cognitio, ut meditantibus patet;
en ergo ratio, qua diximus, cognitionem non consistere in *re-
pugnantia vel convenientia idearum* (76. 77. tom. IV.) sed in ipsa
idea, vel representatione alicujus rei, de qua nequit dubitari.
Intemoscitur pariter, cur axiomata non recte pro *ideis* innatis
teneantur a nonnullis, si non sunt præter judicia quæ fluunt
ex *ideis* sensu habitis.

[30] Sic legitur in textu *Self evidence*, videlicet evidens per
se ipsum. *Coste* adnotat sequenti modo.

[*] *Self evidence*; verbum exprimens valde in anglico idio-
mate, sed, si me non fugit, nequit gallicum reddi, nisi per
periphrasim. *Proprietas nimirum est, quam habet propositio, esse
per se ipsam evidens*, quod ego ut circumvolutione nostram
sermonem non implicemus, immediatam evidentiam appello.
Post illud quod in præcedenti §. dixit auctor, oportebat inter-
noscere, quod hic voluit intelligere. Verum cum facile sit, opus
non esse in posterum, id amplius commemorari, sic non credidi
absque utilitate Lectorem admonere, me sensum hunc huic ver-
bo semper constanterque tribuere, *COSTE*.

jis tantum enunciatis, quæ *Axiomatum* nomine dignamur. Patet equidem, idem de aliis dicendum esse, quæ in horum axiomatum numero non habentur: Si memorata superius varia *idearum* convenientiæ, aut repugnantix genera, *identitatem* nimirum, *relationem*, *coexistentiam*, atque *existentiam realem* intueamur, videbimus, præter ea, quæ in *axiomatum* albumi referuntur, innumera pæne alia enunciata esse *per se clara* (31).

§. IV.

Quoad identitatem & diversitatem, propositiones omnes æque per se claræ sunt.

Primo enim, ex immediata perceptione convenientiæ, aut repugnantix *identitatis*, cujus cum fundamentum sit, quod mens distinctas habeat *ideas*, tot propositiones *per se clara* nanciscimur, quot *ideas* distinctas habemus. Qui cognitione aliqua præditus est, pro fundamento istius varias habet, & distinctas *ideas*: atque primus mentis actus est (sine quo nullam cognitionem recipere potest), singulas *ideas* suas seorsim scire, easque ab aliis omnibus secernere (32). Unusquisque in se experitur, se quas habet, *ideas* cognoscere (33), se scire etiam, quando quædam in in-

(31) *Ovum non esse lapidem*, hujus generis est, simulac internoscitur ovum & lapis: profertur judicium, unum alterum non esse. *Patrem non esse Alium*, statim ait, qui habet ideam patris ac filii. *Nix, & aqua a nigis ipsius solutione habita non sunt duo simul coexistentia*, id intelligitur clare, si nigis, ac aquæ ipsius nigis solutæ idea clara tenetur. Sic de aliis, & contra.

(32) Hæc est vera ars ratiocinandi, ac solide internoscendi veritates. Primum *ideas* enucleare, distincteque in mente figi. At quam pauci id curant [21. 32. 33. 57.]?

(33) *Ideas cognoscere*. Ergo cum idea habet cognitionem, per consequens non requiritur *convenientia* vel repugnantix intuitio; ut enodavimus (29).

intellectu est , & quid ea sit ; & cum plures inibi sunt , aliam ab alia distinguere potest . Cum hoc ita se habeat , (fieri enim non potest , quin illud percipit) quandocumque *idea* quædam in mente est , non in dubium vocat , utrum ibi sit , nec ne , aut ea sit , quæ revera est , *idea* ; atque distinctas duas *ideas* , in mente quando sunt ibi existere , & non unam esse eandemque numero *ideam* . Quare istiusmodi affirmationes & negationes nihil habent dubitationis , verum intellectæ statim assensum eliciunt ; quamprimum nempe in mente definitas habemus *ideas* , quæ propositionis vocabulis signantur . Quandocumque igitur mens cuidam propositioni diligenter ita attendit , ut videat , duas *ideas* , quæ vocibus signantur , atque de se invicem affirmantur , aut negantur , easdem esse , istius propositionis veritatem statim perspectam habet , sive propositiones istæ terminis content , magis , sive minus , generales *ideas* denotantibus , v. gr. sive *existentiæ idea* generalis de seipso affirmetur , ut in hac propositione *quicquid est* ; aut *idea* magis particularis de seipso affirmetur , ut *homo est homo* , aut *album est album* . Sive *idea existentie* in genere de *non existentia* negetur , quæ unica est (si ita eam dicere licet) , *idea* ab illa diversa , ut in altera hac propositione , *impossibile est , idem simul esse , & non esse* ; aut *idea* particularis cuiusdam entis de altero negetur ab eo diverso , ut *homo non est equus* ; *Rubrum non est cæruleum* . Idearum diversitas efficit , ut , intellectis terminis , propositionis veritas statim appareat ; idque non minus in particularibus , quam in propositionibus magis universalibus : idque ob rationem eandem , quoniam nempe mens in *ideis* , quas habet percipit , eandem *ideam* eandem esse cum semetipsa ; atque duas diversas *ideas* a se differre , & non eandem esse . Atque hoc æque certo scit , sive *ideæ* istæ magis minusve generales , abstractæ , & complexæ sint . Non itaque solis hisce duo-

duobus enunciatis generalibus, *Quicquid est, est*; atque *Impossibile est, rem eandem simul esse, & non esse*, per se clara esse peculiari jure convenit. Entis, aut non entis perceptio, non magis ad vagas istas ideas, per terminos *quicquid*, aut *rem* significatas, quam ad alias quavis ideas pertinet. Duo hæc axiomata generalia, quæ non aliud plane dicunt, quam *ideam esse idem*, atque *idem non esse diversum*, veritates sunt non minus notæ in rebus singularibus, quam in axiomatibus istis generalibus; &, ut accuratius loquamur, prius quidem, quam axiomata ista, quæ omnem vim suam a particularibus trahunt, cognitionem nostram subeunt. Nihil magis perspicuum est, quam mentem sine ullius argumenti adminiculo, nec ad aliquam ex generalibus istis propositionibus recurrentem, clare adeo percipere & cognoscere certo *ideam albi*, esse *ideam albi* & non *ideam carulei*, atque *albi ideam*, quando in mente est, inibi inesse, ut horum axiomatum contemplatio ad cognitionis istius certitudinem, aut evidentiam nihil adjicere possit. Haud aliter se res habet (prout in semet quisquis experitur) in *ideis* omnibus in mente constitutis. Singulas *ideas* eas esse, quæ sunt, & non alias esse, easque in mente & non extra mentem ipsius esse, quando revera ibi sunt, unusquisque ea cognoscit certitudine, quæ jure dici potest maxima. Exinde sequitur, nullam dari propositionem generalem, de cujus veritate certiores esse possemus; aut quæ priorem hanc perfectiorem reddere posset. Quare identitatis respectu, cognitio nostra intuitiva non minus late patet, quam *ideæ* nostræ: possumusque tot propositiones per se claras efficere, quot nomina habemus *idearum* distinctarum; atque hic penes quemlibet judicium esse velim', utrum propositio hæc, *circulus est circulus*, non per se clara adeo sit, ac quæ terminis magis universalibus constat, *Quicquid est, est*: Utrum rursus, *caruleum non est rubrum*, non

non sit enunciatio, de cujus veritate, intellectus semel terminis: haud major dubitatio in mente oriri possit, quam de axiomate isto, *impossibile est, idem simul esse, & non esse?* Idem de aliis dicendum.

§. V.

Secundo, in coexistentia paucæ admodum propositiones sunt per se clare.

Secundo, Quod ad *coexistentiam*, aut duas inter *ideas* necessariam adeo connexionem, ut, in subiecto, in quo altera illarum esse concipitur, ibi alteram quoque esse, necesse sit, attinet, hujusmodi convenientiæ, aut repugnantæ, mens non nisi in paucissimis admodum immediatam habet perceptionem. Quare cognitio intuitiva rarius hic occurrit, nec multæ *per se clare* propositiones, hac in re formari possunt, etsi nonnullæ quidem sunt, verbû gratia cum *ideam* loci replendi, æqualis capacitati superficiæ istius, corporis *Ideæ* nostræ adjicimus, puto, per se claram esse propositionem, *duo corpora non posse simul in eodem loco esse* (*).

§. VI.

(*) Soliditatis itaque, sive impenetrabilitatis *ideam* ab *Idea* extensionis deducit Lockius. Corpus non potest esse simul in loco eodem, in quo aliud corpus situm est; quia ea est *idea* corporis, ut impleat locum ejusdem superficiæ equalem; scilicet ut loco, quem occupat, sit commensurabile. An corpus non occupat locum capacitati ejusdem superficiæ æqualem, nec loco est commensurabile, quam per extensionem; igitur ex extensione fit, ut corpus solidum sit, sive impenetrabile (**).

THIELE.
[**] Newtoniani hoc impugnant. Existimant hi, dari extensionem penetrabilem, ut vacuum. Ceteroquin, Lockius dum ait *ideam loci replendi, æqualis capacitati superficiæ istius* non intelligit, ut male arguit Thiele. ex extensione solidum oriri, tantum ait de corpore, vel de superficie solida, quæ aliam soli-

§. VI.

Tertio, in aliis relationibus sunt.

Tertio, quod ad Majorum Relationes, Mathematici de unica ista *æqualitatis* relatione Axiomata multa effuxerunt. Ut, *si æqualibus æqualia auferantur, quæ remanebunt, æqualia erunt*; hoc, atque alia hujusmodi, etsi a Mathematicis pro axiomatibus habentur, & manifestæ sunt veritatis; rem tamen diligenter intuentibus non magis *per se clara* videbuntur, quam hæc, *unum, atque unum æqualia sunt duobus*; si a manus unius digitis quinque duo digiti, & a manus alterius quinque digitis duo amputentur, qui remanebunt, numero æquales erunt. Hæc, atque ejusmodi innumeræ enunciationes in numeris inveniri possunt, quæ, auditæ statim, assensum eliciunt, atque æque saltem claræ sunt, ac Mathematica ista Axiomata.

§. VII.

Quarto, in reali existentia nullæ sunt.

Quarto, Quod ad *realem existentiam*, cum ea nullam, cum ulla alia *idearum* nostrarum connexionem habeat, nisi quæ nostri ipsorum est, atque Entis Primi, eo respectu, de aliorum entium omnium existentia reali, non demonstrativam, multo minus *per se claram*, cognitionem habemus: quare circa has nulla sunt Axiomata.

§. VIII.

dam superficiem e loco suo respicit. Tam verum est, quod Lockius sic reddit quo existentiam vacui demonstrat (*lib. II. Cap. XIII. §. XXI. & reliqu. p. 147. tom. II.*), per consequens non ex simplici extensione impenetrabilitatem fluere putat.

§. VIII.

*In hisce axiomatibus parum momenti consistit
ad aliarum rerum cognitionem.*

Proxime videndum, recepta hæc communiter axiomata quidnam momenti afferant ad aliarum rerum cognitionem. Regula ista, quæ in Scholis obinet, omnia nempe ratiocinia esse *ex præcognitis*, & *preconcessis*, cognitionis omnis fundamentum in hisce axiomatibus, tanquam *præcognitis*, ponere videtur; quo duo hæc intelligi puto; Primo, Axiomata hæc eas esse veritates, quæ menti primo sunt cognitæ; Secundo, ea pro fundamentis subterni reliquæ nostræ cognitioni.

§. IX.

*Quia non sunt veritates primo a nobis.
cognitæ.*

Primo, non ea veritates esse primo menti cognitæ, experientia ipsa docet, ut alibi (*) ostendimus. Quis nescit, puerulum certo scire, mulierem quandam peregrinam non esse ipsius matrem; saccharum, quod ipsi porrigitur, non esse virgam, quam reformidat, idque multo ante, quam scit, *Impossibile esse, idem simul esse & non esse?* Atque circa numeros quot sunt veritates, quas palam est, menti plene & perfecte prius cognitæ esse, quam Mathematicorum principia ista unquam innotuerunt? Cujus ratio patet; cum enim, quod efficit, ut mens istiusmodi propositionibus assentiatur, nihil sit nisi perceptio convenientiæ, aut repugnantæ idearum suarum, pro-

(*) Vid. Lib. I. Cap. II. ubi de ideis innatis agit, easque
a & impugnatur.

prout in vocibus, quas intelligit, de se invicem affirmantur, aut negantur; cumque unaquæque *idea* ea esse, quæ revera est, & diversæ duæ *ideæ* non una, ac eadem *idea* esse, deprehendantur; sequitur necessario, *per se notas* ejusmodi veritates, *ideis* constantes, quæ mentem ante alias omnes subeunt, primo cognitæ esse: Perspicuum vero est, *ideæ*, mentem primo ingredientibus, esse rerum particularium, unde intellectus lentis gradibus ad duas istas universales progreditur; quæ cum ab usitatis & quotidianis sensuum objectis desumantur, nomina generalia adeptæ, in mente reponuntur. Particulares itaque *ideæ*, quæ ante alias in mente recipiuntur, primam cognitioni materiam suppeditant: post eas minus generales, sive specificæ, quæ proximæ sunt particularibus. *Ideæ* enim abstractæ puerulis, & mentibus in hac cogitandi ratione nondum exercitatis, non æque perspicuæ & luculentæ, ac particulares sunt. Si vero in adultis faciliorem habent cognitionem, id ex familiari & quotidiano usu provenit: si enim propius eas intueamur, videbimus, *Ideas* generales animi figmenta esse, quæ non sine labore formantur & difficilius intellectui objiciuntur, quam nos putamus. Exempli gratia, annon studium aliquod & solertia requiritur, ad *Trianguli ideam* generalem formandam? (quæ tamen omnium maxime abstracta & complicata non est) oportet enim, ut neque obliquum sit, neque rectangulum, neque æquilaterum neque æquicrurum, neque scalenum; verum omnia hæc simul, & nihil horum seorsim. Fateor equidem mentem in statu hoc imperfecto carere hujusmodi *ideis* ad scientias comparandas. Suspiciemur tamen par est, ejusmodi *ideas* notas esse imperfectionis nostræ; saltem demonstrari potest, abstractas maxime & generales *ideas*, non eas esse, quarum cognitione mens primum imbuatur, idque facillimo negotio, ne-

go-

gotio, nec circa has primam mentis cognitionem versari (34).

§. X.

Quoniam ex iis haud reliqua nostra cognitio pendet ..

Secundo, ex dictis patet, hæc tantopere prædicata axiomata non principia esse & fundamenta reliquæ nostræ cognitionis. Si enim multæ sunt veritates, non minus *per se clara*, & qua illis priores cognoscimus fieri non potest, ut principia aliarum omnium veritatum sint. An sciri nequit, *unum, & duo æqualia esse tribus*, nisi hujus, aut hujusmodi Axiomatis beneficio & ope, nempe *Totum æquale est omnibus suis partibus simul sumptis*? Multi enunciationis istius *unum & duo æqualia esse tribus*, sine ejusmodi axiomatis ope, non minus, quam alii quivis hujus axiomatis ipsius, totum æquale esse omnibus partibus suis simul sumtis, veritatem perspectam habent, quoniam prior propositio non minus *per se clara* est, & æqualitas hujus ideæ ipsius esse perspicua est & certa sine ullius axiomatis usu, ac si illud fuisset adhibitum, quia nullius indigent probationis, ut eam animadvertant & credant. Nemo etiam postquam scit, *Totum omnibus partibus suis æquale esse*, certius, quam prius, cognoscit, *unum & duo æqualia esse tribus*. Si enim discrimen est aliquod in istis ideis *Totius & partium*, obscuræ magis sunt, certe difficilius in mente reponuntur, quam *unius, duorum, & trium ideæ* (35). Atque hic eos rogavimus, qui,
exce-

(34) V. adn. 29. tom. 1.

(35) *Totum est suis partibus æquale*: propositio hæc tantum differt ab alia, *unum & duo sunt tribus æqualia*, quantum termini generales a particularibus; non secus ac si diceremus, *spiritus*

exceptis axiomatibus ipsis, cognitionem omnem a generalibus, innatis, & per se claris principiis pendere volunt, quo principio probandum sit, *bis unum esse duo, bis duo esse quatuor, ter duo esse sex* (36). Quoniam ad hæc nulla probatio requiritur, hinc discimus, aut cognitionem omnem non certis quibusdam *niti præcognitis* vel axiomatibus generalibus, quæ principia vocantur, aut has propositiones totidem principia esse: atque si hæc principia vocentur, idem de propositionibus, numeros spectantibus, magna ex

Tom. V.

E

par-

ritus & corpus constituit hunc hominem, particularis propositio est: generalis postea, *quidquid est a corpore & spiritu constitutum homo est*; non absimili modo hæc generalis propositio differt a particulari sua, quam illa universalis a sua particulari respective. Pluries hac de re cogitavi, semperque inveni, axioma nihil aliud esse, quam universalis propositio, non secus ac ceteras universales propositiones. Quod diversum suppeditet aspectum propositionibus quæ axiomata appellantur, illud est, quod propter usum communem, ac generaliore, sub omnium consideratione cadunt: per consequens sunt magis cognitæ, ac in omnium mente fixæ, sed non adeo sunt aliis, quæ pariter universales sunt, magis diversæ, vel certæ. Vides ergo, quod recte ait Lockius, *axiomata non esse principia, & fundamenta reliquæ nostræ cognitionis*, immo non sunt, quam propositiones ab experientia evidentes habitæ, sed sub generali forma reductæ, non absimili modo, ac reliquæ propositiones veræ ab omnibus cognitæ, nimirum ignis lucet, adeo ut pro axioma potest teneri *ubi lux, ibi ignis*. Quod hic adnotari debet, est reciprocatio, quæ in nonnullis hujusmodi propositionibus deficit *ex. gr. totum est suis partibus equalibus æque vera est propositio, quam sua reciprocata, omnes partes simul sumptæ sunt suo toto equalles*, non ita recte dici potest, *ubi ignis, ibi lux*; aut evenit hoc propter defectum perfectæ cognitionis: nescimus enim, an revera lux sit attributum essenziale ignis, nam si hoc probatum, ac certo haberetur, nulli dubium, reciprocam propositionem esse veram, non secus ac ista, *ubi humiditas, ibi aqua*: non est minus vera altera *ubi aqua, ibi humiditas*. Sed de hoc satis.

(36) Est cognitio intuitiva. Hac super re V. adnotat. 87. IV.

parte dicendum erit. His si adjiciamus *per se claras* propositiones omnes, quæ nascuntur ex distinctis nostris *ideis* omnibus, principia, quorum cognitionem a tenella ad senescentem usque ætatem adipiscimur, infinita propemodum, certè indefinita evadent; atque ex iis plurima sunt per vitæ totius curriculum penitus ipsius ignota. Sive autem citius, sive serius mentis obijciantur, hoc de iis vere dici potest, ipsa *per se* manifesta esse, non pendere ex aliis, nihil luminis, nihil argumenti a se invicem ducere; multo minus quæ magis particularia sunt, a magis generalibus; aut simpliciora, a magis compositis: quæ enim simpliciora sunt & minus abstracta, magis in usu versantur quotidiano, atque facilius & citius mentem subeunt. Quæcunque vero *ideæ* maxime sunt perspicuæ, ejusmodi propositionum omnium evidentia & certitudo in hoc posita est, quod intellectus videt certo, *ideam* eandem esse eandem, atque diversas duas *ideas* a se diversas esse. Quando enim quis in mente *ideas* habet *unius* & *duorum* *flavi* & *cærulei*, fieri nequit, quin certo sciat *unius ideam* *unius* esse, & non *duorum ideam*; atque *flavi ideam* *flavi* esse, non *cærulei ideam*. Nemo enim *ideas* in mente confundere potest, quas distinctas habet: eo enim pacto distinctæ simul & confusæ essent, quod plane repugnat: atque nullas omnino distinctas habere, est facultatum usu omni, & cognitione prorsus carere. Ubi igitur *idea* quædam de seipsa affirmatur, aut duæ plane diversæ *ideæ* de se invicem negantur; mens propositioni istiusmodi, quantum termini intelliguntur, sine ulla hæsitatione aut argumentatione, statim assentitur, licet non antea de ejusmodi generalioribus propositionibus, quas *Axiomata* vocamus, secum cogitet.

§. XI.

Axiomata ista generalia quem usum habeant.

Quid igitur dicendum est? Num, axiomata ista generalia nullius prorsus usus esse? minime (*): etiamsi non eum, qui vulgo creditur, ulum fortasse habent. Sed cum fieri possit, ut illi, qui ea in dubium vocant, quæ nonnulli de principiis hisce dixere, perinde forsitan accusentur, etsi scientiarum omnium fundamenta convellerent, operæ pretium erit, accuratius paulo exquirere, quomodo usui nobis sint, quomodo non sint, ad aliarum rerum cognitionem.

Primo, ex dictis patet, ea hand usui nobis esse ad minus generales, & per se claras propositiones probandas aut firmandas (37).

E 2

Se-

(*) Sic juxta *Cosse* versionem.

(37) Si diceret, ex. gr. a, b, c sunt partes quantitatis A , potest ope universalis propositionis, vel axiomatis *omne totum est suis partibus æquale* demonstrari $A = a + b + c$. Pro Tyronibus exemplum afferam: omne totum est suis partibus æquale; atqui A est totum integrale a, b, c , ergo A est æqualis a, b, c . Debet ergo distingui demonstratio veritatis ab intuitione veritatis. Video A constata partibus a, b, c . Si mente A , utpote quantitas integralis considerata, a partibus suis abstrahatur, & tanquam seorsum perparum consideratur, comprehendimus petibile idem esse ac $a + b + c$, per consequens equalis $a + b + c$. Id habetur ex cognitione intuitiva ab abstractione mentis magis confirmata; sed hoc modo inruitur veritas, non demonstratur; non ita si axiomare utor, *omne totum est suis partibus æquale*; nam ope demonstrationis internoscitur ab omnibus $A = a + b + c$, etsi nonnulli sint minus perspicaces. Vides ergo quod axiomata non valent ad propositiones minus generales, probandas, quatenus loquitur de veritate intuitionis, nam semper absque axioma, *omne totum est suis partibus æquale*, possum internoscere clare $A = a + b + c$, sed non facile possum absque axioma

Secundo, Neque minus patet, non ea fundamenta esse quibus ulla scientia subnixa unquam fuerit. Scio equidem, inter Scholasticos sermonem esse multum de scientiis, &, quibus ex fundantur, *axiomatibus*. Velim quis mihi scientiam aliquam ostenderet, ego me hercule nullam unquam inveni, ullo axiomate, multo minus duobus istis subnixam, *Quicquid est, est* (35), atque *Impossibile est, idem simul esse, & non esse* (39). Certe is magnam a me iuturus esset gratiam, qui adduceret mihi alicujus scientiæ Systema, quæ hisce aut id genus aliis axiomatibus niteretur; & ubi non contrarium demonstrari posset, quod nimirum hæc scientia firmo innitatur fundamento, licet nullum ejusmodi axiomatum accedat adimniculum. Rogarem etiam, annon *axiomata* generalia eundem in *Theologia*; quem in aliis scientiis, usum habeant? Hic adhiberi solent ad tollendas controversias. Puto autem neminem propterea dicturum, Christianam religionem niti axiomatibus istis aut nos

ab

mate ipso hujusmodi veritatem aliis communicare vel uno tempore ego ipse eam percipere. Habetur tum ut idea completa quæ sub uno vocabulo veritatem antea enucleatam, ac statutam enunciat. Igitur usui sunt axiomata ad demonstrationem, non, ut diximus, ad subitanæ & immediatæ intuitionem veritatis. Lockius ergo recte inquit ad probandas propositiones minus universales haud conferre axiomata, nam revera internoscitur prius veritas particularium, & postea universalium propositionum, si hæc ab illis emergunt (29. tom. 1.): sed non ideo debet dici non magnopere valere ad veritatem alicujus propositionis particularis demonstrandam, ut hætenus enodavimus.

(38) Est verborum repetitio ad firmandum conceptum, adhibita: at sane nihil valet ad claritatem, neque ad demonstrationem ipsius conceptus, vel veritatis, ut meditantibus patet.

(39) Est idearum oppositio quæ impossibilitatem parit: nos ea utimur in demonstrando, ideam negativam non posse evadere affirmativam actu quo in negatione perduret. Per se profecto nihil valet, at est utilis pro confutatione, vel pro fallaciis enodandis.

ab his principiis mutuari eam, quam habemus, istius cognitionem. Sine revelatione, unde hausimus eam, fieri non poterat, ut axiomata ista sanctissimam hanc religionem nobis aperirent. *Ideam* quando invenimus, cujus interventu aliarum duarum connexionem cerminimus, hæc revelatio est facta, divinitus per vocem rationis; ita enim in veritatis, prius ignotæ, cognitionem devenimus. Cum Deus veritatem aliquam nobis aperit, hæc revelatio est ab eo per vocem spiritus ipsius facta, qua cognitio nostra augetur. Nos vero neque in priori isto, neque posteriori casu lumen aliquod aut cognitionem ab axiomatibus mutuamur. In priori nascitur ea ex rebus ipsis, quarum veritatem ex illarum convenientia aut repugnantia percipimus. In posteriori, Deus ipse eam nobis immediate exhibet, atque dictis ejus fidem constare ex eo scimus, quoniam ipse verax est (40).

Tertio, nullius nobis usus sunt ad progressus in scientiis faciendos, aut latentes adhuc veritates aperiendas. Clarissimus *Nevvtonus* in libro (*) suo, qui sermone hominum nunquam satis celebrabitur, propositiones multas demonstravit, quæ veritates sunt, orbi literato prius inauditæ, & ex quibus Mathesis haud parva incrementa ceperit. Ad eas veritates investigandas, non ille axiomatibus istis generalibus, *Quicquid est, est; Totum est majus sua parte*, aut similibus usus est, verum demonstrationum istarum

B 3

rum

(40) Propositiones universales perbelle possunt reduci ad axiomata (35.), per consequens Theologia potest inniti iis fundamentis, scil. *Deus nec falli nec fallere potest: Verba Dei sunt certa veritates &c.* Vetum est, quod hæc propositiones, vel axiomata, habentur ex reflexione, non observatione sensuum, at ideo non sunt minus veræ, quam ceteræ de quibus non est dubitandum?

(*) Inscribitur: Philosophiæ Naturalis principia Mathematica.

rum cognitionem adeptus est, intermediās *ideas* inveniendo, quæ convenientiam ostendunt aut repugnantiam *Idearum*, prout in enunciationibus exprimitur, ab eo demonstratis. Hoc præcipuum est intellectus humani negotium & omnium maximus progressus, cujus unquam particeps fieri potest ad amplificandam suam cognitionem, & ad perfectiores reddendas scientias, quæ in re consideratio horum axiomatum aut id genus aliorum, quæ in Scholis tam magni æstimantur, illum prorsus nihil adjuvat. Vellem itaque ii, apud quos *axiomata* hæc, a maioribus accepta, tantam admirationem obtinent, ut sine iis putent in rerum cognitione, aut scientiis nihil inchoari ac profici posse, inter rationem aut methodum cognitionis sive scientiæ perquirendæ, atque inter methodum cognitionis acquisitiæ cum aliis communicandæ, discrimen statuerent; viderent profecto, hæc generalia axiomata non claves esse, quibus a scientiarum inventoribus cognitionis abdita primum referata fuerunt, nec in iis esse jacta stupenda scientiarum fundamenta: etiam postea, uni Scholæ cæptæ sunt institui, & scientiæ professores nactæ sunt, qui docuere ea, quæ inventa erant ab aliis, sæpius axiomatibus usi sunt, hoc est, certas quasdam propositiones per se claras tradidere, quas in Scholis eorum discipuli pro veris & certissimis amplexantes, pro re nata postea adhibuerunt ad res singulares probandas, quæ minus notæ sunt, quam axiomata ista generalia, quæ, a præceptoribus diligenter sæpius inculcata, altius in animum penetrarunt. Esi enunciatia ista particularia, exquisitius examinata non minus per se clara sunt, quam *axiomata* generalia, quæ ad ea probanda adhibentur; atque in iis quidem primi inventores veritatem cernebant sine ullo horum axiomatum generalium adminiculo: haud secus se res nunc haberet, si modo homines animos ad ea studiose attenderent.

Ha-

Hactenus ostendimus, in quibus axiomata nullum præstent usum; nunc etiam videamus, in quibus hæc nobis usui esse possint.

Primo, ut dixi, usum præstant in vulgatis methodis scientiarum tradendarum, quatenus jam magnum fecere in iis progressum; ad illarum vero ulteriores progressus parum aut potius nihil faciunt.

Secundo, usui esse possunt in disputationibus litigiosis, ut Sophistarum strophas elidamus, atque verborum faciamus compendium. Qua de causa rogaverim Lectores meos, ut mihi dent hanc veniam, quo examinare possim, numne necessitas, axiomatibus istis in hoc negotio utendi, instituta fuerit hæc, quam mox indicabo, ratione. Nimirum in *Scholis* moris erat, ut animi dotes, atque uniuscujusque acumen ingenii, atque eruditionem eo, quo pollebat, disputandi artificio metirentur; hinc ei victoriam adjudicabant, qui acrius & obstinatius sententiam suam defenderat & ultimo loco ad adversarii objectiones responderat, & ita exinde sequi putabant, illum non tantum melius fuisse ratiocinatum, sed etiam a potiori sententia stetisse. Cum itaque fieri posset, ut inter subtiles & peritos disputatores concertationes in longum traherentur, nec dijudicari possent, dum alteri ad propositionem quamvis probandam *medius semper terminus* suppetebat, atque alteri facile erat, distinctione adhibita, aut sine ea, constanter *majorem* aut minorem argumenti propositi negare: ut igitur, quoad ejus fieri potuit, cautum esset, ne concertationes in infinitam syllogismorum seriem excrescerent, generales quædam enunciationes, ut plurimum per se claræ, in Scholas introductæ erant, ut illæ, quia de iis inter omnes conveniebat, pro generalibus quibusdam veritatis mensuris, atque (ubi disputantes non alia sibi principia statuebant) pro principiis haberentur, a quibus haud fas erat litigantibus recedere. Hoc modo *axiomata*

ista , *Principiorum* nomen adepta , a quibus disputantium arbitria penderent , ex errore hominum , obtinere tandem ut fontes e quibus cognitio omnis manaverit , & tanquam fundamenta , quibus omne scientiarum ædificium inniteretur ; quoniam in ipsorum disputationibus , si quando ad ejusmodi axioma esset perventum , statim altercantes pedem figerent , nec ulterius progredi conarentur , posito contentionum termino . Sed de hoc errore fusius ante a me fuit actum .

Ex Scholis ista , quæ scientiarum fontes vulgo habemur , axiomata in communitatem civilem manarunt , atque usurpari solent ad litigantium Sophistarum ora obturanda , contra quos , cum hæc generalia & per se clara principia negent , haud ulterius disputandum est . Hac vero occasione non nisi ad finem altercationibus ponendum faciunt . Nam , si rei fundamentum spectemus , & ejusmodi axiomatum urgeamus significationem , experiemur , quod nobis ullam cognitionem novam insinuent . Hoc jam factum est idearum intermediarum beneficio , quibus in disputandi negotio usi sumus , & quarum nexus intelligi potest sine horum axiomatum adminiculo , ita ut harum idearum ope veritas ante cognosci possit , quam ejusmodi axioma fuerit productum & argumentum usque ad primum principium perducatur . Nec homines opus haberent , ut sophistica argumenta agnoscerent & desererent in ipso conflictu , si ea antea missa facerent , quam ventum esset ad prima principia , etsi in suis altercationibus veritatem , non victoriam , sibi propositam , haberent . Sic enim axiomata usum præstant ad eorum pervicaciam infringendam , quos proprius mentis candor , ut se victi dederent , exhortari debebat , priusquam ad hæc remedia perveniretur . Quoniam , vero in *Scholis* non licitum solum , verum gloriosum est etiam , eo usque resistere & repugnare contra evidentem veritatem , quoad

quoad obfirmate certans fuerit devictus, hoc est, usque dum eo fuerit perductus, ut vel sibi ipse contradicat, aut receptum communiter axioma aliquod neget; haud mirum est, si homines vitæ & sermonis consuetudine non pudeat istius, quod gloriosum est in Scholis, nimirum magna cum pertinacia sententiam, quam semel receperunt, sive sit vera, sive falsa, & licet etiam fuerint convicti, defendere & ne latum quidem unguem ab ea discedere (41). Methodus hæc inquirendæ veritatis & cognitionis adipiscendæ ratione adeo aliena est, ut, quotquot rationis participes sunt, nisi, quorum animos sectarum instituta & præjudicata opiniones infecerunt, credere vix possint, eam receptam esse ab iis, qui veritatis & sacrarum rerum cultores videri volunt, & quorum munus est, religionis, & Philosophiæ dogmata imperitis tradere. Utrum vero periculum sit, ne hujusmodi institutio teneros juvenum animos a veritatis studio, atque investigatione abripiat, & fortasse efficiat, ut illi in dubium vocent, an etiam veritas ulla sit, aut digna saltem, quam cupidissimis animis amplectantur, haud nostri hic instituti est, quærere. Puto equidem, exceptis quibusdam locis, ubi *Philosophia Peripathetica* in *Scholas* introducta est, idque sine ullo alio emolumento, quam quod altercandi artificium hominibus tradidit, *Axiomata* hæc nusquam terrarum obtinuisse, ut scientiarum fundamenta & cognitionis acquirendæ subsidia haberentur. A generali enim hac propositione, *Quicquid est, est*, aut *Impossibile est, idem simul esse, & non esse*, quis

co-

(41) Verum ait Lockius, & a nobis hætenus dictum id luculenter demonstrat. Quod nostram hic trahit attentionem porro est, nonnullorum pervicacia in impugnando veritatem cogitam. Credunt nomen perspicaciorum acquirere, nunquam argumentationem sitendo, etiam ad luculentissima argumenta, quæ contraria probant. O caput delirum!

cognitionis suæ fundamentum orditus est unquam? aut ab alterutra, tanquam scientiæ principio, quis utile aliquod sistema traxit? Fateor equidem, usum habent, ut dixi, in disputationibus ad tollendas altercationes, ostendendo, quam absurdum & sibi contrarium sit, quod alter dicit, & quam turpe sit, illud inficiari, quod omnes, & quod ipsemet etiam verum esse, novit. Aliud vero est ostendere, aliquem in errore esse; aliud efficere, ut ipsius intellectus illustretur, veritatemque nanciscatur; atque scire vellem, quasnam veritates, non antea, & sine illarum propositionum adminiculo, perspectas, dudum ista enunciata nobis exhibere possint. Quæcunque ex iis consequentia & ratiocinatio elicietur, versabitur hæc tantum circa prædicationes & propositiones prorsus identicas. Particularis propositio omnis, quæ *identitatem* aut *diversitatem* spectat, si quis eam diligenter & attente consideraverit, non minus clare & certo per se cognoscitur, quam utravis propositionum generalium istarum, hoc tantum observato discrimine, quod posteriores istæ propositiones, cum omni occasione possint applicari, citius admittantur. Quod ad alia minus generalia axiomata attinet, multa ex iis nihil sunt nisi propositiones pure verbales, & in se nihil continent, præter certorum nominum ad se invicem respectum. In enunciato isto *Totum æquale est omnibus suis partibus*, quænam alia veritas realis nobis traditur, quam quæ in significatione vocis istius *Totum* continetur? Et, qui scit vocem *Totum* illud significare, quod conflatum est ex partibus omnibus suis, num credere possemus, illum nullo modo etiam simul scire, quod totum æquale sit omnibus suis partibus? nec minor est ratio, cur enunciatio hæc, *mons est altior valle*, & multæ ejusmodi aliæ in axiomatum numerum cooptentur. Attamen qui Mathesim docent, quomodo in iis, quæ ipsi in disciplina ista norunt, alios erudiunt, hoc itaque id genus alia non
sine

sine causa, in ipso systematis limine, inter axiomata sua collocant, ut discipuli illorum, initio de generalibus istis enunciationibus cogitare sæpius assueti, regulas in promptu habeant, quas ad casus particulares semper accommodare possint: non quod, si æque expendantur, claræ magis aut perspicuæ sint, quam res istæ singulares, ad quas probandas adhibentur, verum quia, cum notiores sint menti, repetitæ statim intelliguntur mentemque convincunt. Hoc vero, ut dixi, ex crebro potius illarum propositionum usu, & quia, sæpissime de iis cogitantes, animo nostro eas firmiter affigimus, quam quidem a rerum ipsarum diversa evidentia, provenit. Antequam vero cogitandi & ratiocinandi formulas & methodos consuetudo in animo fingit & confirmat, rem secus longe se habere existimo: Atque ita teneræ ætatis puerulum, cum quædam pomi, quo vescitur, pars ipsi aufertur, multo clarius illud cognoscere in particulari isto exemplo, quam per generalem hanc propositionem *Totum est æquale omnibus partibus suis*; & si alterum probandum ipsi esset, magis consentaneum esse, arbitror, ut generale illud per singulare, quam singulare per generale explicaretur. Cognitionis enim nostra a singularibus incipit, atque ita gradatim ad universalia progreditur: licet postea mens inverso ordine utatur; nam, quoad ejus fieri potest, maxime generales propositiones efficit, has assidua cogitatione sibi reddit familiares in animoque defigit, atque ad eas recurrere solet, tanquam unicas veri & falsi normas. Ex crebro hoo illarum usu, tanquam normarum, ad quas aliarum enunciationum veritas exigitur, temporis progressu fit, ut propositiones magis particulares inde veræ & evidentes esse putentur, quod magis generalibus istis propositionibus conveniant, ad quas in communi vita atque in disputationibus tam frequenter provocamus, & quæ etiam ubique perpetuo obtinent.

Atque

Atque hanc rationem esse puto, cur inter tot per se claras propositiones, solæ universales *Axiomatum* nomen fuerint consecutæ.

§. XII.

Axiomata, nisi verborum usu cauti simus, contradictoria possunt confirmare. Exemplum petitur a vacuo.

DE axiomatibus istis generalibus liceat mihi aliud adhuc annotare, tantum nimirum abesse, ut illa aditum nobis aperiant ad veram cognitionem, aut nos in ea confirment, ut, si in nobis notiones sint falsæ, vacillantes, aut incertæ, atque si inanes magis sonos, quam stabiles & determinatas rerum ideas sequamur, nos potius in erroribus obfirmationes reddant, & pro hac tam usitata methodo, qua voces usurpamus sine ullo ad ipsas res respectu facto, efficiant, ut res inter se plane pugnantes istis confirmemus. Verbi gr. qui cum *Cartesio* statuer, *corporis ideam* nihil aliud esse, quam extensionem, per *Axioma* hoc, *Quicquid est, est*, nullum esse vacuum, sive spatium non repletum corpore, facile demonstrare poterit. Cum enim *idea*, cui nomen illud *corporis* tribuit, nuda sit *extensio*, certo scit, spatium non posse corpore vacare. Eam enim, quam habet, *ideam extensionis* clare & distincte cognoscit, & scit, *eam esse, quæ est*, & non aliam *ideam*, etiam si tria hæc nomina adeptæ est, *extensionis*, nempe, *corporis* & *spatii*: quæ tria nomina, cum eandem *ideam* denotent, sine dubio, non minus certo & evidenter de se invicem, quam singulæ illarum de semetipsis, affirmari possunt: & quidem dum unam eandemque numero *ideam* signant, affirmatio hæc *Spatium est corpus*, non minus vera & identica est in

in sua significatione quam ista , *Corpus est corpus* ,
partim in significatione , partim in sono (42) .

§. XIII.

Idem exemplum fufius explicatur .

SIn vero alius sibi aliam effinxerit , diverfam ab
ea *Cartefii* , *Ideam* , rei , cui tamen simul cum
Cartefio , *corporis* etiam nomen imponit , atque vo-
luerit , ideam istam entis esse *extenfi* simul & *solidi* ,
haud minus facile demonstrabit , dari posse *vacuum* ,
aut spatium omni destitutum corpore , quam *Carte-*
fius contrarium monstrare annifus est . Quoniam ea ,
quam *spatium* appellat , simplex tantummodo fit *ex-*
tenfionis idea , atque ea , quam *corpus* vocat , fit *idea*
complexa *extenfionis* & *resistentiæ* ; aut *soliditatis*
simul in eodem subiecto ; *Ideæ* hæ *corporis* & *spatii*
non sunt una plane , eademque idea , verum in intel-
lectu non minus distinguuntur , quam *ideæ unius* &
duorum , *albæ* & *nigræ* , aut *corporeitatis* & *humani-*
tatis , si modo liceat mihi barbare ita loqui : quare
prædicatio illarum neque in mente , neque in verbis ,
quibus signatur , est identica , verum negatio alte-
rius de altera , five propositio hæc , *extensio* , five
spatium non est corpus , non minus vera est & cer-
ta , quam *Axioma* hoc , *Impossibile est , idem simul*
esse , & non esse .

§. XIV.

(42) Id oritur non ex principio , sed ex mala applicatione
principii.

§. XIV.

*Hæc Axiomata non probant rerum extra nos
constitutarum existentia.*

QUanquam vero utraq; hæc propositio, nimirum, *esse vacuum*, & *non esse vacuum*, per duo hæc per se nota principia, *Quicquid est, est*; atque *idem non potest simul esse, & non esse*, æque demonstrari potest: Horum tamen principiorum neutrum poterit unquam ostendere & probare, dari corpora actu existentia, aut, quænam sint hæc corpora. Illud enim tantum ope sensuum nostrorum, quoad ejus fieri potest, perdiscendum est. Universalia ista & per se nota principia, cum non nisi constans, clara, & distincta sit cognitio generalium *idearum* nostrarum, efficere nequeunt, ut quidvis certo cognoscamus, quod extra mentem nostram sit; certitudo illorum sola cognitione nititur *ideæ* uniuscujusque in se considerata, & distinctionis istius ab aliis omnibus; circa quæ errare non possumus, quamdiu istæ *ideæ* in mente nostra sunt, licet, nomina sine *ideis* retinentes, aut confuse eas nunc pro hac, nunc pro alia *ideâ* usurpantes, errore sæpius ducamur. Quibus in casibus vis horum axiomatum, cum ad sonum tantum, non vocabulorum significationem pertingat, nihil præter confusionem parit & errorem. Hæc non alio animo dico, quam ut ostendam, Axiomata hæc, utcunque scientiarum subsidia & propugnacula esse perhibeantur, haud ob stare, quo minus homines, cum in vocabulorum usu parum sunt cauti, a vero aberrant. Et licet dixerim, ea nullius nobis usus esse, ut in scientiis procedamus, atque ab his erroris magnum esse periculum, si *ideis* indeterminatis applicentur, multum tamen absuit, ut ego, prout

prout nonnulli temere nimis de me pronunciarunt (*), dixerim, aut censuerim quidem, ea prorsus rejicienda esse. Dico ea esse veritates & quidem veritates per se claras & evidentes; & hac ratione non possunt abjici & repudiari. Quo usque itaque earum vis atque valor patet, frustraneum esset, si quis eas includere & restringere conaretur, de qua re ego nunquam ne per somnium quidem cogitavi. At puto, me neque in veritatem, neque in scientias fore injuriosum, si dixerim, non eum, quem multi obtinent iis usum inesse. Nec injurium est, homines admonere, ut sibi caveant, ne in iis usurpandis semet in erroribus obfirmationes reddant.

§. XV.

*Non sine periculo adhibentur hæc propositiones ad
complexas ideas probandas.*

IN verbalibus vero propositionibus utcumque utilia sunt, naturæ tamen substantiarum; extra nos existentium, ne minimam quidem cognitionem illorum ope attingimus, nisi, quatenus experientia nituntur. Et licet, quæ a duabus istis propositionibus quas *principia* dicimus, proficiuntur, perspicua sint eorumque usus ad res probandas, neque nocens, neque periculosus sit, ubi horum axiomatum ope ad earum probationem confirmandam plane non est opus, quia illæ per se sunt satis claræ sine horum interventu, hoc est, ubi nostræ *ideæ* sunt determinatæ, & per
vul-

(*) Hæc sunt verba ejusdem auctoris, qui arguit Lockium, ex eo quia dixit parvi, vel nullius usus possunt axiomata esse.
 „ On ne voit pas trop bien ce qu'il entend par LATASIDA
 „ *laisser à l'écart*. Peut être a-t-il voulu dir par-là *négliger*,
 „ *mépriser*. Quoi qu'il en soit, on ne peut mieux faire que de
 „ rapporter les propres termes, COSTA.

vulgata illarum nomina satis cognitæ; quando tamen principia ista, *Quicquid est, est*; atque *impossibile est, idem simul esse, & non esse*, ad enunciationes probandas, in quibus vocabula sunt, *ideas* complexas signantia, *homo* puta, *equus*, *aurum*, *virtus*; ibi plurimum ab iis periculi est, efficiuntque vulgo, ut pro vero falsum, pro demonstratione, quod incertum est, amplexemur; hinc error, obstinatio inflexibilis, atque omnia ista incommoda, quæ a mala ratiocinatione proficiuntur. Ratio non est, quod principia ista minus vera sint, aut minorem vim habeant ad propositiones probandas, quarum termini *ideas* complexas signant, quam ubi propositiones circa *ideas* simplices versantur. Verum quia homines errant sibi que vulgo imponunt, putantes nimirum, si eosdem terminos retinerent, tunc enunciationes circa easdem res esse, licet, quas denotant, *ideas* revera diversæ sint. Quare Axiomata hæc adhibentur ad eas firmandas enunciationes, quæ inter se pugnare videntur, quod patet ex memoratis antea demonstrationibus circa *vacuum*. Quare quamdiu homines, prout vulgo solent, vocabula pro rebus sumunt, consequens est, ut Axiomata hæc intervire possint & adhibeantur etiam revera ad enunciationes contradictorias probandas. Sed hoc copiosius adhuc in sequentibus demonstrabitur.

§. XVI.

Exemplum petitur ab Homine.

EXempli gratia, sit *homo* illud, de quo aliquid demonstrandum est per prima hæc principia, videbimus, demonstrationem istam veritatem tantum esse, non manifestæ & universalis veritatis, nec nobis ullam Entis cuiusdam extra nos existentis cognitionem esse suppeditaturam. Primo, cum puerulus ho-

hominis notionem cogitatione sibi format, probabile est, *ideam* in ipso similem esse picturæ istius, quam ex junctis simul corporis lineamentis omnibus exterioribus pictor efficit; ita ut ex ejusmodi *idearum* complexione in mente simplex ista *idea* complexa conficiatur, quam *hominem* vocat; quarum hic in *Anglia* cum *albus* sive *carneus color* partem hujus *ideæ* constituat, puerulus ille demonstrare potest, *Æthiopem* non esse *hominem* (43), quoniam *color albus* semper erat una *idearum* simplicium, e quibus *hominis* *ideam* complexam coagmentare solebat; atque demonstratio ista hoc principio nititur, *Impossibile est, idem simul esse, & non esse*; cujus certitudinis fundamentum non universalis ista propositio est, quam ne fando quidem unquam accepit nec de ea cogitavit, verum clara, quam habet, & distincta perceptio *idearum* suarum *albi* & *nigri*, quas inter se confundere nequit, sive axioma illud noverit, nec ne. Atque puerulo huic, aut alteri cuiquam, *hominis* simili *idea* imbuta, demonstrari non potest, *hominem* anima esse præditum, quoniam notio ista *Ideam* ejus *hominis* non ingreditur. Quare principium illud, *Quicquid est, est*, non ei hanc rem probat, sed collectione nititur, & observatione, per quam *hominis* *idea* ejus complexa efficitur.

§. XVII. *Secundo*, Alius qui, ulterius progrediens in *idea* conficienda, quam *hominem* appellant, formæ exteriori *risum* adjicit, & *sermicationem*, Infantes recens natos & Fatuos non esse homines demonstrare poterit, ejusdem axiomatis adminiculo, *Impossibile est, idem simul esse, & non esse*: Et quidem in quosdam incidi viros latis perspicaces, qui reipsa negant. infantes & fatuos esse homines.

Tom. V.

F

§. XVIII.

(43) De hoc dubitavit Montesqueu. Saltem id scripsit. V. Spir. delle L.

§. XVIII. *Tertio*, Alius fortasse complexam istam *ideam*, quam *hominem* appellat, tantum ex corporis in genere atque facultatis sermocinandi & ratiocinandi, sine ullo figuræ externæ respectu, *ideis* componit. Atque ejusmodi homo potest demonstrare, posse *hominem* manibus carere, atque *quadrupedem* esse, cum horum neutrum in *idea* ejus *hominis* includatur; atque in quocunque corpore, qualiscunque demum sit figuræ, *ratio* & *pratio* simul inveniuntur, illud hominem esse arbitratur: Idque, quoniam evidentem habet ejusmodi *ideæ* complexæ cognitionem per hoc axioma, *Quicquid est, est*.

§. XIX.

*Axiomata hæc parum conferunt ad rem quandam
cujus ideas determinatas & claras
habemus probandam.*

RE itaque diligenter considerata, dicendum puto, ubi *ideæ* in mente determinatæ sunt, atque notæ & certa nomina iis a nobis annectuntur, ibi *Axiomata* hæc parvi, aut nullius usus esse ad convenientiam aut repugnantiam illarum probandam. Qui istiusmodi enunciationum veritatem aut falsitatem, sine horum, aut similium axiomatum adminiculo, haud percipere atque internoscere potest, is parum ab iis adjumenti accipit: Quomodo enim horum axiomatum magis, quam aliorum enunciatorum, quæ non minus per se clara & perspicua sunt veritatem sine ulla probatione perspectam haberet? Hinc est, quod *cognitio intuitiva* non ad alteram partem magis, quam ad alteram probandam ullum argumentum exigit, nec quidem afferri possit. Secus si quis dixerit, iis cognitionis & certitudinis omnis fundamentum convellet: Et qui argumentum afferri vult ad hanc, *duo sunt equalia duobus*, non minus illud

requireret ad istam propositionem probandam, *Quicquid est, est*. Et qui requireret, ut demonstraretur, *duo non esse tria, album non esse nigrum, Triangulum non esse circulum, &c.* aut alias qualvis *ideas* duas determinatas & distinctas non unam esse eandemque numero *ideam*, demonstrari etiam sibi vult, ut convincatur, *Impossibile esse idem simul esse, & non esse*.

§. XX.

Periculum est ab iis, ubi ideæ nostræ sunt confusæ.

ET sicut Axiomata non magni sunt *usus*, ubi determinatas *ideas* habemus, ita, uti demonstravimus, non sine *periculo* adhibentur, ubi *ideæ* nostræ haud claræ sunt & distinctæ; atque ubi vocibus utimur non claris & distinctis *ideis* annexis, verum quæ vagæ sunt & incertæ significationis, quæque mox aliam, mox aliam *ideam* denotant; hinc varii errores nascuntur, quos Axiomata hæc (quæ afferuntur ad propositiones probandas, in quibus termini *ideas* indeterminatas significant) confirmare altiusque menti pro sua auctoritate infigere possunt.

C A P. VIII.

De Propositionibus Negatoriis.

§. I.

Quaedam propositiones nihil plane cognitionem nostram augment.

UTrum Axiomata, quæ in superiori capite copiose erant tractata, rerum cognitioni eum, qui vulgo putatur, usum præstent, aliis judicandum relinquo. Hoc, puto audacter affirmare, quasdam esse propositiones universales, quæ, licet veræ sint nullum tamen menti lumen, nec cognitioni nostræ incrementum afferunt. Ejusmodi sunt.

§. II.

Ut primo, propositiones Identicæ.

PRIMO, *Propositiones omnes pure identicæ*. Primo intuitu patet nullam in his cognitionem contineri. Quando enim idem terminus de se ipso affirmatur, sive pure sit verbalis, sive claram aliquam aut realem ideam in se contineat, in propositione ista, sive a nobis fiat, sive ab alio proponatur, nihil est, quod non antea sit cognitum. Fateor equidem generalis ista, *quicquid est, est*, hominibus nonnunquam usui esse posse, ostendendo, quam absurde agant, quando per verborum ambages, aut terminos æquivocos, in singularibus, idem de seipso negare velint; quoniam nemo sensui communi nuncium palam adeo remittet, ut inter se repugnantia plane affirmare audeat;

ausit; quod si vero hoc fieret, excusandus est ille, qui verbis cum ejusmodi nomine amplius disceptare nolit. Dicendum tamen puto, neque receptum communiter axioma illud, nec aliquam quamvis propositionem identicam quicquam nos docere; & licet in ejus generis propositionibus, hoc tam celebratum Axioma, cui tanta vis vulgo assignatur, ut demonstrationis fundamentum habeatur, possit usurpari & sæpe etiam usurpetur ad illas conformandas; omne tamen id, quod probant, si fundamentum spectes, nihil aliud continet, quam hoc, quod idem vocabulum de seipso affirmari possit cum certissima evidentia, ut prorsus de ejusmodi propositionis veritate subitari non possit, & hæc subjungere mihi liceat, nec tamen hac ratione ad ullam realem cognitionem aspirare possimus.

§. III. Alioquin, omnium maxime imperitus, qui intelligit tantummodo particulas istas affirmandi & negandi *sanè* & *non*, mille propositiones conficere potest, quibus, etsi veritatem illarum certo cognoscit, nihil tamen cognitione proficit; ejus modi sunt, *Quicquid anima est, anima est*; aut, *Anima est anima*; *Spiritus est spiritus*; *Larva est larva*, &c. Hæ omnes huic propositioni plane respondet, *Quicquid est, est*, i. e. *quicquid habet existentiam, habet existentiam*; aut *Qui habet animam, habet animam*. Quid hoc aliud est, quam verbis joculari & nugari? aut finiam imitari, ostreum e sinistra in dextram jactantem; quæ si verba nostra proferret, dicere posset, ostreum in dextra est Subjectum, in sinistra est Prædicatum: atque ita, nihilo sapientior reddita, per se claram hanc propositionem conficeret, *Ostreum est Ostreum*. Qui modus rem tractandi non secus menti hominis, quam Simiæ fami satisfaceret; & æque inserviret posterioris lautiori incremento, ac prioris in cognitione progressui atque augmento.

Scio, quosdam esse, qui, quoniam *propositiones identice* per se claræ sunt, haud leve in iis momentum esse putant ad Philosophiam & omnem rerum cognitionem. Eas per se claras esse, haud inficior: Fateor insuper, omnis nostræ cognitionis fundamentum esse facultatem istam, quæ in nobis est, percipiendi, *ideam* eandem esse eandem, eamque ab aliis omnibus secernendi, prout superiori capite monstratum est. Hinc tamen non sequitur, haud eos nugari, qui cognitionis augendæ ergo *propositionibus identicis* utuntur. Licet quis propositiones hujusmodi, *Voluntas est Voluntas, Lex est lex, Obligatio est Obligatio, Honestum est Honestum, Turpe est Turpe*, in infinitum proferat, exinde tamen scientia Morali nihil profecturus est. Il omnes, qui quid *honestum*, quid *turpe* sit, prorsus ignorant, veritates istas non minus perspectas habent, quam qui honestorum & turpium peritissimi sunt. Ab istiusmodi vero propositionibus quidnam proficitur in rerum cognitione, quæ utiles sunt ad vitam bene instituendam? Sine dubio homo iste nugarum amantissimus haberetur, qui, ut intellectum quadam scientia imbueret, multum temporis in coacervandis propositionibus *Identicis* teneret & ejusmodi Axiomatibus inniteretur, uti sunt, *Substantia est Substantia, Corpus est Corpus, Vacuum est Vacuum, Turbo est Turbo, Centaurus est Centaurus, & Chimæra est Chimæra* &c. Nam omnes hæ & id genus aliæ propositiones æqualiter veræ & certæ & per se evidentes sunt. Interim illæ non nisi *Propositiones Frivole* dici & haberi possunt, si istis, tanquam institutionis Principiis uti volumus, aut niti tanquam mediis, quibus ad cognitionem perveniamus; quoniam ad nulla nos instruunt rem, quam non alius quisvis, qui modo ratiocinari potest, teneat, licet ei nemo hoc dixerit, nimirum, quod idem vocabulum sit idem vocabulum, & quod eadem Idea sit eadem Idea. Atque sic itaque ego, hoc innixus

fundamento existimavi & nunc quoque adhuc existimo, risu dignam hanc esse persuasionem, quod ante omnia proponendæ atque inculcandæ sint ejusmodi propositiones, eo fine, ut ita nova lux in intellectu accedatur & via ipsi aperiatur, qua ad regam cognitionem felicissime grassari possit. Institutio autem in re plane diversa consistit; & qui suam ipsius, aut alterius mentem ad veritates perducere vult, nondum cognitâs, necesse est, ut is *ideas* intermedias exquirat, easque ordine ita disponat, ut mens illarum, quæ in quæstione positæ sunt, convenientiam aut repugnantiam perspiciat. Hujusmodi enunciationes cognitionem pariunt; propositionibus vero identicis, ubi idem vocabulum de seipso affirmatur, non magis proficitur, quam si quis legere discenti hæc enuntiata *A est A*, *B est B*, aut similia inculcasset, quæ non minus cuivis rustico indocto, quam Ludimagistro nota sunt, nec tamen per omne vitæ suæ spatium vel unicum vocabulum legere potest; ut adeo hæc propositiones aut ejusmodi aliæ puræ *Identicæ*, nihil ulla ratione conferant, quo rusticus ille ad legendi facultatem perveniat.

Si illi omnes, quotquot ægre ferunt, eas a me vocari *propositiones nugatorias*, legissent ea, atque penitus intellexissent, quæ superius a me satis clare tradita sunt, vidissent, me per *propositiones identicas* eas tantum intelligere, in quibus idem terminus, eandem *Ideam* signans, de se ipso affirmatur. Ab hisce quarum veritas omnibus perspicua est, nec ab ullo in dubium vocatur, qui cognitionem aliquam proficisci putant, plane nugantur.

Si vero eas propositiones dicere velint *identicas*, in quibus idem terminus non affirmatur de seipso, utrum hi, quam ego, magis proprie loquantur, aliis dijudicandum relinquo. Hoc certo certius est, quicquid de propositionibus dicant, aliò, quam a me traditum est, sensu, identicis, ad me nequaquam

spectare, nec ad ea, quæ dixi, quia omne id, quod a me fuit dictum, spectat ad has propositiones, ubi idem terminus de seipso affirmatur; atque vellem, quis istiusmodi propositiones qualdam ostenderet, quæ vel minimi esse possint momenti ad rerum cognitionem adipiscendam: Quod vero ad alius generis propositiones, quocunque modo istæ usurpentur, ad me nullo modo pertinet, quoniam non eo numero habentur, quas ego *Identicas* voco.

§. IV.

Secundo, quando pars ideæ complexæ de toto prædicatur.

Secundo, Propositionis nugatorix genus aliud est, quando pars *Ideæ complexæ* affirmatur de nomine *Totius*, aut pars definitionis de isto, quod definitur, nomine prædicatur. Ejusmodi sunt propositiones omnes, in quibus *genus* de *specie*, five terminus magis universalis de minus universalis prædicatur. Ex propositione enim ista, *plumbum est metallum*, quænam scientia & cognitio menti istius accedet, cui nota est *ideæ complexa*, quam vocabulum *plumbum* denotat? simplices quippe. *ideæ* omnes, e quibus complexa ista conflata est, quam *metallum* dicimus, nihil aliud sunt, quam quod jam ante nomine *Plumbi* complectebatur. Quando vero vocis *metalli*, non *plumbi* significatio cuiuspiam nota est, *plumbi* significatio brevius explicatur, si dicimus, illud *metallum* esse, quo nomine plures istius *ideæ* simplices simul exprimentur, quam si sigillatim eas enumeramus, aut dicimus, illud corpus esse valde *ponderosum*, *fusile*, & *ductile*.

Ut definitionis pars de definito.

HAUD minus nugatorium est, quando *alia quævis* pars definitionis de termino prædicatur, qui definitur; ut *omne aurum est fusile*: Cum enim fusilitas una sit ex ideis simplicibus, e quibus ea, quam dicimus *aurum*, idea complexa coagmentata est, annon sonis plane luditur, cum de nomine *Auro* affirmatur, quod in nota istius significatione continetur? Et quidem ridiculum videretur, si quis serio & tanquam veritatem inaximi momenti prolaturus, affirmaret, *Aurum esse flavum*; nec magis, puto, refert dicere illud *fusile* esse, nisi forte attributum istud complexam ideam, cujus in communi sermone signum est vox *Aurum*, non simul constituat. Haud video, quomodo quis eruditior fieri queat, quando quippiam, ab alio prius dictum, aut aliter jam cognitum, ipsi ostendero: Vocis enim, quam apud me aliquis profert, nisi prius cognita fuerit, significatio ab eo explicanda est. Atque ita si scio, nomen illud *aurum* sumi pro idea complexa corporis; *flavi, ponderosi, fusilis, ductilis*, iste me haud scientiorem & doctiorem redderet, qui, propositionem exinde contextens, gravi postea argumento, *Aurum omne fusile esse*, demonstratum iret. Ejusmodi propositiones eum tantummodo usum præstant, ut exinde intelligere possimus, quam parum ingenui hi sint homines, qui nobis persuadere volunt, quasi aliquid novi proferrent, cum tamen non nisi ad verborum, quæ jam explicuerunt, definitionem sæpius recurrant. Sed utcumque illæ sint certæ, non tamen aliam cognitionem, quam ipsius vocabulorum significationis, asserunt.

§. VI.

Exemplum petitur ab homine & caballo.

Aliis exemplis hoc illustremus ; *Omnis homo est animal* , aut *corpus vivum* , propositio est , si qua alias , veritatis manifestæ ; ad rerum tamen cognitionem haud magis conducit , quam si quis diceret , *Caballum esse equum tolutarium* ; aut *animal hinniens & tolutum incedens* ; nam hæ duæ propositiones circa verborum sentiam æqualiter versantur , nec ab earum priori aliud quid discitur , quam , *corpus* , *sensus & motus* , sive potentiam sentiendi & se movendi , tres esse ex *ideis* istis , quas sub voce *hominis* soleo semper complecti ; ita ut , ubi istæ haud simul junctæ reperiuntur , ibi nomen *hominis* haud usurpandum sit : Similiter ex posteriori propositione cognoscitur , *corpus* , *sensum* , *certum quandam incessum* , & *vocem* , quasdam esse ex *ideis* , quas sub *Caballi* nomine semper complector , atque nomen illud haud recte usurpari ; ubi istæ non simul junctæ inveniuntur . Haud secus se res habet , cum terminus concretus , unam quandam , aut plures ex *ideis* istis simplicibus , quæ simul sumtæ , complexam *hominis ideam* conficiunt , signans , de *homine* affirmatur : Exempli gratia , si *Romanus* per nomen *hominis* , distinctas hæc *ideas* omnes , uno subjecto comprehensas , *corporeitatem* nempe , *sensibilitatem* , *potentiam se movendi* , *rationalitatem* , *risibilitatem* significaret , posset quidem unam quandam ex istis , aut omne simul de *homine* certo & universaliter affirmare ; hoc vero perinde tantum esset , ac si diceret , omnes *ideas* istas per vocem *hominem* in sermone suo patrio denotari . Simili ratione *eques Romanus* , qui nomine *Caballi* significaret sequentes *ideas* , nimirum *corpus certæ cujusdam figure* , *quatuor habens crura* , *sentiendi & se movendi facultate præditum* , quod *tolu-*

tim incedit, hinnit & mulierem dorso suo portare consuevit, eadem evidentia universaliter alteram harum Idearum aut omnes simul de vocabulo *Caballi* affirmare posset, sed hoc ipso nos nihil aliud edoceret, quam, vocabulum hoc *Caballum* in Romano sermone omnes has Ideas denotare, nec posse ulli rei applicari, in qua non altera harum Idearum invenitur. At si quis dixerit, illud omne, in quo *sensus, motus, ratio, & risus* simul inveniuntur, *Dei* notionem actu habere, aut isti *opium* somnum posse afferre, ejusmodi homo sine dubio propositionem, quæ alios instituere debet, efficit; quoniam enim neque *Dei notionem habere*, neque *opio somnum alligere*, continetur in *idea* ista, quæ voce *hominis* denotatur, quandam rem his propositionibus edocemur, quam vocabulum hominis non simpliciter includit & significat; atque ita cognitio ista, quam hæ propositiones in se continent, plus quam *verbalis* est (44).

§. VII.

(44) *Pars definitionis de definito*, tota nugatoria non est, valet porro ad demonstrationem, si non valet ad suppeditandam ideam. *ex. gr.* si mea refert, demonstrare, fusioni aurum exponi, omitto auri definitionem, vel ex ea eruo quod mihi inservit, hoc est, *fusibilitatem*, & hanc enuncio propositionem *aurum est fusile*; quidquid habet notam fusibilitatis, si igni vehementi exponitur, funditur, atqui aurum habet notam fusibilitatis, quia fusile est, ergo si igni vehementi exponitur, funditur. Verum est, quod dum dico quidquid habet notam fusibilitatis, idem dico, ac si igni vehementi exponitur, funditur, per consequens nihil meæ cognitioni addit, sed dat modum faciliorem conceptus communicandi aliis. Nam hoc modo definitionis partem sumo, & eam generalionem reddo, ope cûjus artificii evidentior apparet auro inesse fusibilitas. Quando dico *aurum*, non collat omnibus esse fusibilitate præditum, nam valde complexa est *idea*, per consequens eam enodando, dico, *fusile esse*; & sic arguo. O. aurum est fusile. Hoc est aurum, ergo est fusile. Idem potest dici de *equo, homine, Romano &c.*

§. VII.

Hic nihil aliud discitur, quam vocabulorum significatio.

ANtequam enunciationem quis contexat, termini ipsi noti sint oportet, alioquin garruli ad instar psittaci; vocis humanæ imitatoris, quos didicit ab aliis, quosdam tantum sonos edet, non, prout animantem decet, rationis participem, iis utetur pro signis *idearum* in animo. Oportet etiam, ut in eodem sensu, quo loquens utitur, termini ab audiente sumantur, aliter, sermo ipsius absurdus, & sonus plane inanis evadet. Ille itaque pueriliter cum verbis ludit, qui propositionem efficit, in qua haud plus, quam in terminorum altero continetur, quodque jam prius notum erat: Ejusmodi est enunciatum illud, *Triangulum habet tria latera*, aut, *Crocus est flavus*. Atque hoc ea tantum conditione ferri potest, quando quis illi voces suas explicat, qui se illarum ignarum esse, aperte fatetur: Quo in casu *nihil aliud docetur, quam vocis istius significatio*, atque usus signi istius (45).

§. VIII.

Nulla autem realis cognitio.

DUo itaque genera sunt enunciationum, quarum veritas a nobis certo cognosci potest; primum genus est negatariarum istarum, in quibus *verbalis* tantum certitudo, & ad nos erudiendos prorsus inutilis, continetur. Secundum genus est enunciationum, in

(45) Id inficiari nequit. At multoties oportet ideas nostras simplices reddere, ut ab aliis intelligamur.

in quibus de re aliquid affirmatur, quod ex determinata istius *ideæ* complexa necessario sequitur, non vero in ea continetur; ut cum dicimus, *omnis trianguli angulus externus opposito quovis interno major est*. Hic anguli externi relatio ad oppositos internos, cum non pars sit *ideæ* complexæ, quæ *triangulum* dicitur, veritas est realis, atque realem cognitionem parit, quæ nos aliquid edocere potest (46).

§. IX.

Propositiones generales circa substantias sepe sunt nugatorie.

CUM, *ideæ* simplices, quæ in substantiis simul existunt, quomodo cohæreant & se invicem complectantur, vix aliter, quam per sensus, cognoscamus, *certiores* & universaliiores propositiones de iis facere non possumus, quam per nominales ipsarum essentias licet, quarum ductum hic sequamur necesse est; Hæ cum ad paucas admodum, & quæ nullius sunt momenti, si ad eas comparentur, quæ pendent ex illarum interna & reali constitutione, veritates pertingant: idcirco fit, ut, *quæ substantias spectant, propositiones generales, si veritatis sunt manifestæ, maxima ex parte nugatorie sint*; & si eruditionem in se continent, incertæ admodum, atque ejusmodi plerumque sunt, ut veritatem illarum perspectam habere nequeamus, utcumque in conjectura facienda diuturnæ observationis & analogiæ adjumen-

tis

(46) Exposcerem libenter, an dum dico *angulum externum cuiusque trianguli* ratione ab ipso Auctore superius allata, dicam pariter *majorem esse quovis interno & opposito*? Nonne proprietates hæc. quæ externo cuiusque anguli inhaeret, non solum auro fædibus?

tis utamur. Hinc fit, ut quædam sint dissertationes, admodum perspicuæ & inter se apte cohærentes, in quibus tamen nihil omnino continetur. Palam enim est, nomina substantiarum, non minus, quam aliorum entium, quatenus significationes relativas habent, posse in propositionibus negative & affirmative conjungi, prout relativis definitionibus respondent; & licet rerum ipsarum naturam prorsus ignoremus, quæ tamen istiusmodi terminis constant propositiones de se invicem non minus inferri possunt, quam quæ perspicuas maxime &, ex rebus ipsis natas, veritates continent. Hoc modo, demonstrationes & non dubiæ veritatis propositiones in vocibus fieri possunt, quibus tamen ne quidem minimos profectus in ipsa veritatis & rerum cognitione facimus; exempli gratia, qui nomina hæc sequentia, una cum communi illorum & ad se invicem relata significatione, *substantiam* nempe, *hominem*, *animal*, *formam*, *animam vegetativam*, *sensitivam*, & *rationalem* didicit, varias potest propositiones haud dubiæ veritatis circa *animam* efficere, etsi, quid ea revera sit, prorsus ignoret; atque id genus innumeræ enunciationes, ratiocinationes & conclusiones in Metaphysicorum, Scholasticorum, & naturalium quorundam Philosophorum scriptis occurrunt, quibus haud magis, quam prius, *Dei*, *spirituum*; aut *corporum* notitia instruimur.

§. X. Qui pro lubitu suo substantiarum nomina definiunt, & quemcunque volunt, sensum iis imponunt, quamdiu varias, quas iis affinxere, habitudines & relationes respiciunt, eas nullo negotio de se invicem demonstrare possunt. Quo in casu, utcumque res sibi invicem convenient aut repugnent, satis est, ut illi notiones suas, &, quæ iis imposuere, nomina animadvertant: Hoc autem modo non illi scientiis magis, quam ii pecuniis semet locupletiores reddunt, qui sumtis quibusdam calculis adulterinis, unum, pro locorum positu, *libram*, alium *solidum*, atque alte-

alterum *denarium* vocant; atque hoc modo summam ingentem conficere possunt, etsi quid *libra* sit, quid *solidum*, quid *denarius* nescientes, sciunt tantummodo unam in alias vices, alterum in alio duodecies contineri; idem in vocabulis fieri potest, cum, prout ad se invicem referuntur, magis minusve lata significatio iis imponitur (47).

§. XI.

Tertio nugantur ii, qui vocabulis diverso modo utuntur.

Illorum insuper insigniores ineptiæ gravius sunt accusandæ, qui tam longe absunt, ut etiam nobis rerum ipsarum naturam explicant, ut *vocabula vago* & ancipiti valde *sensu usurpent*; hoc magna pars scriptorum, præsertim iis in quæstionibus faciunt, quæ in controversiam adducuntur. Hinc est, quod voces non recte a se invicem inferantur, nec sermones perspicui sint, atque apte inter se cohæreant, contrarium vero fieri facillime posset, nisi e re sua putarent ignorantiam & pervicaciam suam terminorum obscuritate involvere; quod in plurimis fortasse magna ex parte ex incogitantia nascitur & prava consuetudine.

§. XII.

(47) V. *Medis. nostr. in Lock. tom. III.*

§. XII.

*Notæ verbalium propositionum ; primo ,
prædicatio in abstractis .*

UT omnia concludam , *propositiones pure verbales* per *notas* sequentes cognoscuntur . *Primo* , Propositiones omnes , in quibus termini duo abstracti de se invicem affirmantur , non nisi ad sonorum significationem pertinent . Quandoquidem enim *idea* abstracta cum seipsa tantum & non cum ulla alia eadem esse potest , cum nomen istius abstractum de alio quodam termino affirmatur , non aliud quid denotatur , quam posse , aut debere eam nomine isto appellari ; aut duo ista nomina *ideam* eandem signare : Verbi gratia , si quis diceret , *parsimoniam esse frugalitatem* , *gratitudinem esse justitiam* ; hanc aut illam actionem esse aut non esse *temperantiam* : Utunque hæ & similes propositiones primo intuitu dictu speciosæ videantur , at sensum illarum introspectientibus palam erit , nihil in iis præter terminorum significationem contineri .

§. XIII.

*Secundo , cum pars definitionis de termino
quodam prædicatur .*

Secundo , *Enunciationes omnes* , in quibus pars *Idea* *complexæ* , pro qua terminus quidam substituitur , de termino isto prædicatur , sunt *verbales tantum* , ut cum dicimus , *aurum esse metallum* , aut *ponderosum* , hoc modo propositiones omnes , in quibus termini universaliores , *genera* vocantur , de subordinatis *affirmantur* , sive minus universalibus , quos *species* dicimus , aut *individua* , sunt pure verbales .

Ad hæc duas *regulas* propositiones quando exigun-

guntur, quæ non in libris tantum, verum in sermone etiam quotidiano occurrunt, videbimus, plures ex iis, quam vulgo creduntur, circa vocabulorum tantum significationem versari, atque in iis nihil contineri, nisi quod eorum signorum usum respicit.

Hic mihi liceat, hanc, quæ nunquam faller, regulam tradere: Ubicunque ideam distinctam, voci cuidam subjectam, haud contemplamur, atque aliquid, haud in idea contentum, non de ea affirmatur aut negatur, ibi cogitationes nostræ in sonis inanibus hærent, nec realem veritatem aut falsitatem assequuntur. Hoc, si diligenter esset animadversum, amputaret eas, in quas vulgo incidimus, litigiosas & longas disputationes; & ad fructuosam atque veram cognitionem viam compendiariam aperiret (48).

C A P. IX.

De Cognitione Existentiæ.

§. I.

Propositiones universales veritatis necessarie haud existentiam spectant.

HActenus rerum essentias tantum tractavimus, quæ, quoniam nihil sunt, nisi *ideæ* abstractæ, & proinde in cogitationibus nostris ab existentia particulari sejunctæ, (in abstractione enim propria mentis operatio est, ideam sub ea tantum existentia

Tom. V. G con-

(48) Exposcerem pariter, an quidquid affirmatur vel negatur, de aliquo contineatur semper in idea complexa ipsius?

contemplari , quam habet in intellectu) existentie realis nobis nullam omnino cognitionem tradunt. Ubi obiter notandum est *propositiones universales* ; quarum veritas aut falsitas certo potest cognosci , ad *existentiam* haud spectare ; atque insuper *particulares* omnes *affirmationes aut negationes* , quæ , si fierent universales , haud certæ essent , circa *existentiam* tantummodo esse ; *idearum* quippe accidentalem tantum unionem referunt , aut sejunctionem in rebus existentibus , quæ in naturis suis abstractis , haud ullam necessariam unionem habent aut repugnantiam , quam nos cognoscere possemus .

§. II.

Existentiæ cognitio Triplex .

AT enunciationum naturam , atque varios modos prædicandi in alium locum rejicientes , ut fufius tractentur , pergamus nunc ad ejus , quam habemus , rerum existentie cognitionis investigationem. Dico igitur , nos *existentie nostræ* cognitionem per *Intuitionem* ; *DEI existentie* per *Demonstrationem* , atque rerum aliarum per *Sensationem* adipisci .

§. III.

Existentiæ nostræ cognitio nostra intuitiva est .

QUod ad *nostram* itaque attinet *existentiam* , eam manifeste adeo percipimus , ut ad istam probandam , argumenta nec possint , nec quidem debeant , asserri . *Cogito , ratiocinor , voluptatem & dolorem sentio* , horum nihil mihi magis percipuum est , quam mea *existentia* . Si de aliis rebus omnibus dubitem , dubitatio ista efficit , ut me existere extra dubium habeam . Si sciam enim , me *dolorem* *sen-*

sentire, aut *dubitare*, palam est, me existentiam meam non minus clare percipere, quam *dolorem* illum, aut cogitationem, quam *habitationem* voco. Patet igitur ex experientia, nos *existentiæ nostræ intuitivam habere cognitionem*, atque internam, quæ nos fallere non potest, sensationem, quod nos simus aliquid. Quandocunque quippiam percipimus, ratiocinamur aut cogitamus, nosmet existere nobis conficii sumus; atque in hac re eam, qua non major esse potest, *certitudinem* assequimur (49).

C A P. X.

De Cognitione nostra DEI Existentiæ.

§. I.

Deum esse certo cognoscere possumus.

Etiamsi *Deus* notionēs nullas, aut primævos sui ipsius characteres in animis nostris inscripserit; Sibimet tamen exinde testimonium perhibuit, quod eas, quibus præditi sumus, vires animorum atque ingenii facultates nobis largitus est: Quod sensu pollemus & ratione, atque ipsius indicia in nobismet circumferimus. Nec est, cur de ignorantia nostra in hac re queramur, cum ad cognitionem ipsius, quantum vitæ hujusce status & beatitudinis nostræ ratio postulat, perfacilem nobis aditum patefecerit. Etiam si vero hæc veritas sit aliis omnibus, quas ratio tradit, manifestior; etiam si (ni fallor) haud minus perspi-

G 2

cua

cua est, quam certitudo Mathematica: Ad eam tamen cogitatio requiritur & attentio animi; atque necesse est, ut mens eam a parte aliqua deducat cognitionis nostræ intuitivæ, alioquin hæc non minus incerta, atque ignorata erit, quam aliæ enunciationes, quæ in se clare demonstrari possunt. Ut ostendamus igitur, *certo nos scire posse, Deum esse*, atque undenam certitudo ista nascatur, satis est, puto, ut nosmet ipsos tantum spectemus, atque non dubiam istam, quam habemus, propriam existentiam nostræ cognitionem, contemplemur.

§. II.

Homini compertum est, se existere.

EXtra dubium est, *hominem clare percipere, se existere*; Si quis in dubium vocet, utrum existat, utrum ipsemet aliquid sit, necne, non cum eo magis sermocinari vellem, quam cum pure nihilo argumentarer, aut non-enti, ipsum aliquid esse, demonstratum irem. Si quis scepticus adeo est, ut se existere inficietur, fruatur usque beatitudine ista ingenti, quæ exinde nascitur, quod ipse nihil sit, dum iames, aut alius aliquis dolor contrarium docuerit. Existimo itaque hanc ut veritatem, de qua omnes homines interna conscientia convicti sunt, admitti posse, adeo, ut nulla ratione de ea dubitari possit, *quemlibet intelligere, se esse ens aliquod, quod actu existat.*

§. III.

*Scit etiam, ens a nihilo non produci, quare
aliquid ab æterno esse.*

HOMO insuper certitudine intuitiva scit, pure nihilum ens aliquod reale haud magis producere, quam idem illud duobus angulis rectis æquale esse possit. Si quis nescit, non-ens non posse æquale esse duobus angulis rectis, fieri non potest, ut *Euclides* demonstrationem illam cognoscat. Si compertum igitur est, esse ens aliquod reale, atque non-ens non posse ens reale producere, hinc evidentissime demonstratur, ens aliquod ab æterno extitisse. Quod ab æterno enim haud extitit, illud initium habuit; quod vero initium habuit, illud ab alio aliquo productum fuisse, necesse est (50).

§. IV.

*Ens illud æternum omnium potentissimum esse,
necesse est.*

PROXIME eadem evidentia patet, quod suum esse & initium habuit ab alio, illud omnia, quæ habet, ab alio isto mutuari, & omnes, quibus præditus est, facultates ab eodem manare fonte, necesse est. Hinc efficitur, ab æterno hoc entitatis omnis principio & fonte potentiam omnem necessario oriri atque proficisci; proinde ens hoc æternum omnium esse potentissimum.

(50) V. adp. 72. 77. 78. 79. tom. 1.

§. V.

Et sapientissimum.

EXperimur insuper, nos *percipere*, & *intelligere*. Hinc longius provec̃ti discimus etiam; in mundo ens esse intelligentia præditum.

Aut tempus erat, antequam ens erat intelligens, atque ibi intelligentia cœpit esse; aut ens etiam *intellectuale* ab æterno extitit. Si dixerit quis, tempus fuisse, quo ens om̃e; & quo ens illud æternum expers erat omnis intelligentiæ. Respondeo, tunc impossibile foret, ut ulla in quopiam intelligentia unquam existeret. Non minus enim repugnat, ut res, cognitionis prorsus expertes; atque cæco casu & sine ulla perceptione agentes, ens intellectuale producerent, quam ut triangulum sibi met tres angulos efficeret, duobus rectis majores. Atque sic eodem modo contrariatur *Ideæ* Materiæ, omnis sensus expertis, quod sibi ipsa sensum, perceptionem, & cognitionem producat, quo adversatur *Ideæ* Trianguli, quod sibi ipse angulos, duobus rectis majores, efficere possit.

§. VI.

Et proinde Deum.

HOc modo ex nostri contemplatione, & eorum, quæ in nobismet ipsi experimur, ratio manifestam hanc veritatem tandem colligit, *æternum esse, potentissimum, atque sapientissimum ens*; quod utrum quis *Deum* appellare velit, haud magni refert. Res ipsa patet, atque ab *Ideæ* hujus contemplatione, quæ enti huic æterno tribuenda sunt, attributa omnia facile sequentur. Si quis tamen stolidus adeo perversus fuerit, ut soli homini mentem & sapientiam assigna-

ve-

verit, eamque fortuitam esse dixerit; & reliqua omnia, quæ in toto hoc universo conspiciuntur, casu & fortuito agere: animadvertat, velim, justam eam reprehensionem, quæ apud Ciceronem occurrit. Tull. lib. 2. de leg. *Quid est enim verius, quam neminem esse oportere tam stulte arrogantem, ut in se mentem & rationem putet inesse, in calo mundoque non putet: aut ut ea, quæ vix summa ingenii ratione comprehendat, nulla ratione moveri putet?*

Ex dictis patet, Dei magis perspicuam esse, quam rei cujusvis alterius existentiam, quam non sensibus immediate percipimus. Imo, puto, dicere fas est, certius nos cognoscere esse Deum, quam aliam quamvis rem extra nos. Quando dico, nos cognoscere, perinde intelligi velim, quasi dicerem, esse in nostris facultatibus talem cognitionem, quam non possumus non assequi, si eadem animadversione & diligentia utamur, qua in aliis rebus, quæ in disquisitionem vocantur, uti solemus.

§. VII.

Idea nostra entis perfectissimi non unicum est argumentum, quo docetur, esse Deum.

ENTIS perfectissimi Idea, quam quis animo effingere potest, Dei existentia quantum probetur, non hic disquiram. In ea enim, qua sumus, animorum varietate & cognitionum discrepantia apud nonnullos quædam argumenta, apud alios alia eidem veritati fidem melius conciliant. Puto tamen, eos veritatem hanc confirmandam; atque Atheis ora obturanda non satis recte & provide curare, qui rei tanti momenti non aliud, quam hoc, fundamentum substruunt: Qui ex ista Dei idea, quæ quorundam in animis est, (nonnullos enim patet ea nullo prorsus modo, plerosque modice admodum imbutos esse)

G. 4

Deum

Deum existere, unice probare volunt; atque solo isto freti & subnixi argumento, alia ea nos aspernari jubent, tanquam infirma, aut fallacia, quæ a nostra existentia, & rebus omnibus creatis sumta clara adeo & manifesta sunt, ut cordato homini iis refragari impossibile sit. Puto enim, non aliam veritatem ea manifestiorem esse, *Dei nempe invisibilia, cujusmodi est ejus sempiterna potentia atque divinitas, ex mundi opificio, sum considerantur per opera, perspicui*. Etiam si enim, ut dixi, *Deum esse*, argumentis abunde satis evincitur ex nostra existentia tractis, quorum vim nemo declinare poterit, qui ad illud animum non minus attendet, quam ad aliam demonstrationem ex tot partibus conflatam: Attamen quoniam in veritate hac insigni religionis & virtutis momenta omnia sunt posita, nullus dubito, quin mihi lector sit daturus veniam, si argumenti hujus partes adhuc aliquas fusu paulo pertractavero.

§. VIII.

Aliquid ad æterno extitit.

Nulla manifestior est veritas, quam, *ab æterno aliquid extitisse*. In neminem incidi unquam ineptum adeo & absurdum, qui dixerit, tempus fuisse, rerum omnium plane inane. Nihil enim magis repugnat, quam ut pure nihilum, sive negatio & absentia entium omnium, quippiam reale unquam produceret.

Quoniam itaque aliquid *ab æterno* extitisse perspicuum est; Quale illud ens sit, proxime videamus.

§. IX.

*Duo tantum sunt genera entium, nimirum cogitantium
& non cogitantium.*

IN hoc universo non nisi duo tantum entium genera cognoscimus.

Primo. Pure materialia, quæ sensu, perceptione, & cogitatione prorsus carent, cuiusmodi sunt barbæ nostræ extrema, & unguium nostrarum ramenta. (*).
Se-

(*) Num quia in barbæ nostræ extremis, atque unguium nostrarum ramenti nullum concipimus inesse sensum, perceptionem, & cogitationem; hinc firmiter concludendum erit, entia hæc esse pure materialia? Numquid inferri non posset ex his principiis, ea corpora sensibus, perceptionibus & cogitationibus adeo particularibus pollere, ut eas concipere haud quam nobis datum sit, haud facilius quam v. g. populorum in regionibus longe dissitis habitantium, quibuscum rem nullam habemus, cogitationes a nobis percipi nequeunt? Lockii principia, ejusque de materiæ natura documenta minime profecto congruunt cum idea entium pure materialium, & cogitatione carentium. Ipse enim materiam non considerat simpliciter, quæ solida extensio est, sed qua res atque substantia permultis qualitatibus prædita, quæ semper supponenda sit aliquid esse præter extensionem, soliditatem, figuram, motum, aut aliàs apparentes ideas, etiamsi quid sit ignoretur, l. 2. c. 23. §. 3. *Ann.* Hisce principiis quis tuto affirmare potest entia existere cogitatione carentia? Quandoquidem si essentia v. g. lapidis, trabis, aut similibus sit subiectum ab intelligentia nostra prorsus remotum, & a nobis ignoratum, in quo inhæreant, ac veluti subitænculo ab eo sublineantur præter extensionem & soliditatem permultæ aliæ qualitates, quæ in ipso existere possunt; quis inter hujus substantiæ incognitæ, at realis qualitates, sensum, perceptionem, & cogitationem minime reperiri tuto affirmabit? Cum igitur ex Lockii doctrina nulla, non dicam, evidentiâ, sed ne probabilis quidem ratio appareat judicandi, entia pure materialia existere, adeo ut cogitatione prorsus expertia concipienda sint; fatendum erit solam corporis tanquam sub-

Secundo. Entia sensu & cogitatione prædita, cujusmodi nos ipsos esse deprehendimus; quæ in posterum entia *cogitantia* & *non cogitantia* vocabimus; ideo saltem, si non alia de causa, quod ad nostrum hoc institutum hæc vocabula magis accommodata sunt, quam *materialia* & *immaterialia*.

§. X.

Ens non-cogitans nequit ens cogitans producere.

ENS aliquod ab æterno extitisse, palam est, quærentibus, quale illud ens sit, facilis erit responsio, esse nempe necessario ens *cogitans*. Non magis enim repugnat, ut simplex materia cogitationis experta, ens mente & intelligentia præditum, quam ut pure nihilum materiam, ex se produceret. Supponamus portionem quamvis materiæ, grandis sit, sive exilis, ab æterno esse, videre erit, eam nihil per se producere posse. Verbi gratia; supponamus calculi materiam, in quem primum incidimus, esse æternam, partesque ejus arcte inter se junctas firmiter quiescere, si non aliud in universo ens esset, annon necesse foret, ut iners ita & sine omni motu æternum duraret (**)? Concipi nequit, quomodo motum

substantiæ extensæ, sive tanquam extensionis in longum, latum, & profundum expaniæ ideam certissimum suppeditare argumentum distinguendi mentem a corpore, entia pure materialia ab entibus sensu, perceptione, & cogitatione præditis (*) THIELE.

(*) Hæc super re videatur quod scripsimus adn. 13. t. 2.

(**) Hæc profecto adversantur iis, quæ l. 2. c. 23. §. 4. asseruit. Si enim nullam habemus ideam claram materiæ, longius abest, quam ut fateamur, & tuto affirmemus nullum in ea inesse motus principium ex se, & quiescentem illam, ut inertem, & sine omni motu æternum duraturam fore. Unde si

tum sibi, aut alteri enti existentiam tribueret (*). Quoniam itaque materia nequit, suis viribus, semet movere, hinc efficitur, motum aut ab æterno esse, aut ab aliquo ente potentiori materiæ imprimis ac com-

finiter certi sumus, ipsam neque motum sibi, neque alteri enti existentiam tribuere posse, idque evidenter concipimus; hæc evidentia eo nititur fundamento, nos ideam claram, quam de materia concipiunt omnes, habere; nimirum eam esse solidam, atque in partes divisibilem extensionem. Quid enim aliud in materia inesse supponi potest, præter id quod cum solidæ extensionis idea præcisè congruit? Præterea, si Lockio quæramus, utrum subiectum agnoscat soliditatis atque extensionis calculi illius, quem motu omni ex se destitutum inertem prorsus & sine omni motu æternum duraturum asserit, negative respondebit; quia cum subiectum calculi sit ejusdem substantia, nullam habemus ideam claram neque in genere, neque in specie hujusce substantiæ. At reponendum erit: cum non agnoscas, Locki, calculi substantiam, quæ, ut ais, subiectum quoddam est occultum præter extensionem atque soliditatem, quam concipis; quamnam Logices regula probabis, hocce subiectum sive substantiam omni activa se se movendi potentia destitutam esse (**). THIELE?

(**) Hac super re in meditatione nostra de Deo, disceptabimus.

(*) Detur nobis, ut breviter aliam contradictionem notemus: Asserit Lockius in pura materia inesse quandam cohesionis vim, per quam extensio efficiatur, l. 2. c. 23. §. 23. Hujus cohesionis illum effectum esse ait; ut impediatur, ne materiæ particule dissipentur, immo e contra, ut aliæ aliis exacte connectantur, & colligantur; quamvis qualitas hæc intrinseca & naturalis materiæ, atque vinculum nobis incognitum sit, sine quo materia nullo modo extensione prædita esse potest. Posita hæc doctrina, numquid a ratione abesse, si supponeretur in materia quoque repulsionis vim inesse, sicuti in ea supponitur vis cohesionis sive attractionis? Si ex una suppositione duæ materiæ particule eam proprietatem, atque vim intrinsecam habent, ut cohereant atque invicem se se attrahant; quid obstat, quominus ex altera suppositione eandem vim habeant se se invicem repellendi? Principium igitur naturale motus in materia inesse posse, absque contradictione negare nequit Lockius THIELE.

communicari (*). At si demus, motum etiam esse æternum: ex materia tamen non-cogitante & motu, utcumque molem & figuras rerum inmutent, haud *cogitatio nasci potest*: Cognitionis enim productio non minus materiæ & motus, quam materiæ productio, *nihili vires superat* (**). Ad propriam cujuslibet hic provoco conscientiam, annon verum sit, quod eadem facilitate sibi imaginari possit, quomodo materia a mero nihilo sit producta, qua sibi concipit, cogitationem a simplici materia productam fuisse, tempore quodam, quo nulla res cogitans fuerit, aut ullum ens intelligens, quod actu extiterit. Dividat quis materiam in partes quam minutissimas, (id quod tanquam medium habere solemus, ex materia rem

spi-

(*) Motus in materia sive substantia solida ab exteriori agente excitatur, neque est ullo modo ejusdem actio, sed passio simplex; adeo ut corpus quiescens, iners ita & sine omni motu æternum duraturum esset, nec consequenter in aliqd corpus motum unquam ullum esset excitaturum THIELE.

(**) Dum Cartesiorum ratiocinationibus suas hic nititur Lockius immiscere, ut probet, quod posito etiam motu in materia æterno, ex eadem tamen non cogitante, & motu oriri nequit cogitatio; contra doctrinam suam confirmat nos ideam claram habere substantiæ materiæ, quam particulis solidis mole quadam constantibus, atque figura quadam præditis componi fatetur. Hæ particule inter se se non nisi per motum agere possunt, & motus in illis tum molem, tum figuram immutare potest; at se se invicem impellant, se collidant, se dividant se connectant, sibi obstant, & quantumlibet agant, nunquam valent ut producant cogitationem. Atque hujusce rei vestras tantam præ se fert evidentiam, quanta pollet alterum illud principium, *Nihil* nimirum haud unquam posse materiæ existentiam dare. Lockius proinde non dubitat ad propriam cujuslibet provocare conscientiam. Quocirca fatendum est nihil aliud in materia inesse, quam quod in ea clare atque distincte concipimus. Atque hoc absolute necessarium est, ut inde conclusio pari modo a Lockio deducta inferatur; nempe quod si nil ab æterno exiisset, quam materia & motus, cœpisset nunquam existere cogitatio THIELE.

spiritualem, aut cogitantem efficiendi;) immutet, quantum voluerit, figuram & motum illius; in eo casu globus, conus, prisma, Cylindrus, &c. quorum diametri non nisi 1000000ma pars sunt quantitatis, quæ vocatur Gry, Gry est $\frac{1}{10}$ linea $\frac{1}{10}$ digiti, digitus $\frac{1}{10}$ pedis philosophici, pes philosophicus est 1. 3. pentuli cujus diadromota; in latitudine graduum 45. singula sunt æqualia sexagesimæ parti minuti. Decimalem hanc mensuram ex industria hic usurpavi; quoniam perutile, puto, foret, ut in literaria republica homines eam in communem mensuram adhiberent. Hæc observatio est ipsius Lockii) (*), in corpora consumilia haud secus agent, quam illa solent, quorum diametri digiti aut pedis mensuram continent: nec quidem sensus, cogitatio, & intellectio ex crassioribus materiæ particulis certa quadam figura & motu præditis, difficilius, quam ex iis nascuntur, quæ omnium ubivis existentium subtilissimæ sunt. Hæ non minus quam crassiores impellunt, & sibi invicem obstant, nihil autem ulterius possunt. Quare si statuamus, nihil primum, aut ab æterno extitisse, materia haud incipere esse potuit: Si statuamus, nudam materiam, absque motu, fuisse æternam, motus haud coepisset unquam: nec quidem cogitatio, si demus materiam & motum ante eam, aut ab æterno extitisse. Concipi enim nequit, quomodo materia, sive motu prædita sit, sive expers istius primitus, & ex se, sensum, perceptionem, & intellectionem in se haberet, quod hinc patet, quod in eo casu sensus, perceptio, & intellectio attributa essent a ma-

[*] Verbum Gry est hujus naturæ. Lockius adinvenit ad $\frac{1}{10}$ lin. exprimendam, mensuram quæ hastenus nomen non obtinuit, & commode potest signari, tam hoc quam alio verbo. COSTA.

materia, & omni istius particula inseparabilia. Addi etiam potest, materiam universam, etiamsi, quem habemus, istius conceptus generalis aut specialis efficit, ut de ea loquamur tanquam re numero una, non tamen revera rem unam & individuum esse, quæ tanquam ens materiale existat, aut tanquam singulare corpus, quod cognosceremus aut nobis concipere possemus (*). Quare si materia æternum esset primum ens cogitans, non unum foret æternum infinitum ens cogitans, verum infinita multitudo æternorum entium cogitantium finitorum, haud ex se mutuo pendentium, in quibus vis & potestas terminata (51), atque animorum variæ essent sententiæ, unde non ea, quæ æternit in rebus universis, ordo, harmonia, & venustas oriatur (**). Quandoquidem
igi-

(*) Haud concipi potest ratio, cur materiam universam spectandam esse neget tanquam rem unam, & ita proprie individuum, quale consideratur ens aliquod materiale aut singulare corpus, quod cognosceremus, aut nobis concipere possemus. Quandoquidem mundus universus, qui totam complectitur materiam, variis licet ac fere innumerabilibus partibus constituitur; nihilominus tanquam ens unum physicum atque individuum spectandus est, non secus ac animal aut arbor partes enim, quibus constat mundus, & quæ universam materiam constituunt, eandem inter se invicem relationem habent ac illæ partes, quibus equus aut quercus componitur. Quod si diceretur, de materia adhuc informi authorem loqui; contra ipsum quoque contendere posset eandem materiam per solam suarum partium cohesionem non secus individuum, quam calculum aut quid aliud, spectandam esse THELE.

(51) Eadem ratione anima nostra nequit esse materialis, nec cogitatio materiæ competit, ut non competit & ipsa perceptio. De hoc verba fecimus. V. *Meditat. in Locki, tom. 3. & Med. de anima brutorum tom. 2.*

(**) Illud certum manet, quod infinita fere entium cogitantium multitudo futura esset, si cogitatio materiæ, quatenus materia est, conveniret; nulla siquidem inveniretur materiæ portio, quæ cogitatione destituta esset; atque mundus haud so-

igitur, quod primum *ens* æternum est, illud cogitans esse: Et quod omnium primum est, illud omnes, quæ postea existere possunt, perfectiones in se continere, necesse est; nec, quas actu aut modo eminentiori in se non habet, alteri impertire potest; hinc necessario efficitur, primum *ens* æternum non esse materiam (*).

§. XI.

lum unicum cogitans *ens* constitueretur, sed infinita entium cogitantium congerie constaret, ut Auctor animadvertit. Ex hoc quoque probatur, hominem quoad universam suam ipsius essentiam minime esse posse materialem; siquidem secus ex eadem ratione sequeretur ipsum haud esse unum cogitatione præditum *ens*, sed infinita fere entium cogitantium congerie coagmentari.

(*) Si non Lockii solum, verum omnium Philosophorum ea vera sententia est, *ens* quodpiam haud posse alteri impertire perfectiones, quas actu aut eminentiori modo non possidet; necessario sequitur objecta pure materialia esse non posse, nisi causas simpliciter occasionales sensationum, quibus afficimur, dum objecta ipsa in sensuum nostrorum organa motum quendam excitant. Revera si objecta pure materialia non essent simplices occasionales, sed causæ efficientes idearum, & sensationum; sequeretur, quod materia atque motus in se sive actualiter, sive eminentiori modo continerent omnem idearum & sensationum perfectionem, quod absurdum est. Neque ullius quidem momenti est quidquid ab aliquo dici posset; objecta nimirum materialia ideas producere per potentiam a Deo in ipsa collatam: si quidem Deus, dum hanc potentiam contulisset, conferre quoque debuisset quicquid huic potentiae essentialiale est. Essentialiale est potentiae causæ propriæ efficienris, non vero occasionalis, ut perfectionem omnem, quam sive actualiter, sive eminentiori modo alteri impertire potest, in se contineat: neque Deus in materiam potuisset conferre veram potentiam producendi ideas, nisi ipsi perfectionem, idearum perfectioni parem communicasset. At tunc objecta tali perfectione prædita dicere possent pure materialia? Hinc per hoc etiam atque etiam confirmatur contra ipsam Lockium in materia nil aliud essentialiale concipi posse quam solidam extensionem; quandoquidem facultates sive potentiae quælibet, quas in ipsa extare conciperemus, & quarum nullam habituri essemus ideam, materię naturæ prorsus repugnant.

§. XI.

Ergo ens cogitans ab æterno extitit.

Quare si perspicuum est, *ens* aliquod necessario ab æterno extitisse, haud minus liquet, *ens* illud necessario esse *ens cogitans*: non minus enim repugnat, ut ex materia non cogitante *ens* cogitans, quam ut ex nihilo, aut entis omnis negatione, *ens* positivum, aut materia nasceretur.

§. XII. Etiam si *Mentis æternæ necessariam existentiam* hoc modo investigantes, ad *Dei* agnitionem necessario ducamur, quoniam hinc sequitur, alia omnia entia intellectualia, quæ cœpere existere, pendere ab eo, nec alias, quam quas ipse iis largitus est, vires, aut facultates habere; quare si præstantiora ista, ignobiliora entia omnia, & quotquot inanimata sunt, ortum ab eo habuere, unde *Omniscientia*, *Omnipotentia*, *Providentia*, atque reliqua *Dei* attributa colliguntur: ut vero hoc magis reddatur perspicuum, quæ in contrariam partem afferri possunt, paucis videbimus.

§. XIII.

Utrum materiale sit, nec ne.

Primo, fortasse dicent, etiam si luce clarius sit, *ens* aliquod ab æterno extitisse, atque *ens* illud etiam intellectu necessario præditum esse: hinc tamen non efficitur, id non esse materiale. Quid si demus illud; haud minus tamen sequitur, esse *Deum*. Si enim *ens* est æternum, omniscium, omnipotens, consequens est, esse *Deum*. Sive *ens* illud materiale esse, concipiatur, nec ne. At quod opinioni isti periculum & dolus subsit, hinc, puto, nascitur: cum vim demonstrationis, qua docetur, *ens* esse æternum,

men-

mente præditum, declinare nequeant, qui materiæ sunt addicti, sibi libenter concedi volunt, ens hoc intelligens esse materiale; tunc argumentum illud, quo æternum ens intellectuale existere demonstratur, ex animis, aut sermone esfluere finentes, nihil nisi materiale quid statuunt, Deum, hoc est, ens æternum cogitans inficiantur: hoc pacto, quam constituere volunt, hypothesin suam convellunt. Si illorum enim opinio est, materiam esse æternam, ab ente cogitante æterno, materiam a cogitatione plane sejungunt, nec alteram supponunt cum altera necessario esse conjunctam; unde docent; spiritum, non vero materiam necessarium ab æterno esse; prius enim ostensum est, dari ens æternum cogitans. Si igitur materia & cogitatio sejungi possunt, *Materiæ existentia æterna, ab entis cogitantis æterna existentia haud sequetur*, id quod frustra supponunt.

§. XIV.

Non est materiale; primo, quia omnis materiæ particula non cogitans est.

Videamus vero nunc, quomodo semetipfos aut alios possint certos facere, *æternum hoc ens cogitans esse materiale*. Primo, rogo, utrum putant, *omnem materiæ particulam cogitare?* illud, arbitror, vix dicent; quoniam tot tunc eterna essent entia cogitantia, quot materiæ sunt particulae, & proinde Deorum numerus infinitus. Attamen si non dabunt, materiam, quatenus materiam, hoc est, omnem materiæ particulam tam cogitantem esse, quam extensam, videbunt ens cogitans ex particulis non cogitantibus haud difficiliter colligi, quam ens exten-

sum ex partibus non extensis, si modo ita loqui liceat (*).

§. XV.

Secundo, una materiæ particula sola non potest esse cogitans.

S*ecundo.* Si non materia omnis, quero proxime, utrum *una tantummodo atomus*, cogitat? Hinc haud pauciora sequentur absurda, quam ex eo, quod prius dictum est; tunc enim aut unica hæc atomus æterna erit, aut non erit. Si hæc sola sit æterna, tunc per vim cogitationis aut voluntatis suæ, reliquam materiam omnem sola creavit. Hinc discimus, materiam per cogitationem creari, quod inficiantur ii, qui præter materiam nihil esse contendunt. Si dabunt enim, simplicem unam atomum cogitantem aliam omnem materiam produxisse, discrimen illud atque virtutis præstantiam nasci ex cogitatione concedant, necesse est. Fac vero, id alio aliquo modo fieri, quod concipi quidem nequit; per creationem esse necesse est, atque ita actum erit de illorum insigni isto axioma, *Ex nihilo nihil fit*. Si dicant, aliam omnem materiam non minus æternam esse, quam est cogitans ista atomus, maxime absorum atque

(*) Hoc similiter principium contradictionem involvit. Impossibile enim ait concipere posse ens extensum ex partibus non extensis colligi; quod aperte contrariatur iis, quæ l. 2. c. 23. asseruit. Ibi enim ait extensionem ex cohesione partium solidarum materiæ oriri, adeo ut extensio earundem partium cohesionis veluti effectus considerata sit. Quocirca si consideremus particulas materiæ, antequam cohereant, concipimus eas esse solidas extensione carentes, quæ per mutuam cohesionem extensionem parant. Lockius igitur tunc clare percipiebat, Ens extensum partibus non extensis colligi, quod hoc loco opponat veluti impossibile, atque a ratione prorsus alienum. THOMAS.

atque absurdum hoc dictum erit : Rationi enim quid minus consentaneum est , quam hypothesis ista , quæ materiæ omnem æternam esse , statuit , unam tamen particulam reliquis omnibus intellectu & virtute infinite antecellere ? Materiæ particula omnis , qua talis , alterius cujuscvis motus & figuras easdem omnes pariter recipere potest , quid vero ulterius alteri præ altera quis , vel cogitatione affingere possit , haud video (*).

§. XVI.

Tertio , materiæ non-cogitantis systema nequit esse cogitans .

Tertio . Si non una aliqua materiæ particula sola , neque materia omnis , qua talis , hoc est , materiæ particula unaquæque , æternum hoc ens cogitans esse potest , sequitur systema aliquod materiæ apte coagmentatum , illud esse . In hanc , puto , notionem incidere ii facillime possunt , qui , eam sequentes , quam de semetipsis atque aliis , quos putant esse entia materialia cogitantia , mente comprehenderunt opinionem , Deum ens materiale esse , contendunt . Hæc autem opinio , etsi magis naturalis est & vulgari intelligentiæ propior , non minus tamen absurda est , quam altera . Qui putant enim , æternum illud ens cogitans nihil esse , nisi materiæ particularum congeriem , quarum singulæ sunt non cogitantes , entis istius æterni sapientiam omnem , partium tantummo-

H 2 do

(*) Persequitur Lockius semper supponens materiam , quæ materia est , motum & figuram tantum recipere posse : neque enim idoneum invenisset principium , quod alibi asserere haud veritus est , nimirum incognitam esse naturam materiæ , ut probaret , quod sibi proposuit , Deum non esse materialem . THIELS.

do conjunctioni acceptam referunt ; quo nihil absurdius esse potest . Materiæ enim particulis , cogitationis expertibus , utcumque inter se jungantur , nihil in eo casu superadditur , præter situs novam relationem , exinde autem in iis cogitationem aut intellectionem nasci impossibile est (*).

§. XVII.

Sive in motu illud fit , sive quiete .

PRæterea , aut *systematis* hujus corporis partes omnes quiescunt , aut cogitatio ejus in certo quodam partium motu consistit . Si quiescit , tunc moles una est , atque ita secundum virtutem haud video , quomodo a singulari atomo discrepet (**).

Si ex motu partium intellectionem manare volunt , tunc cogitationes omnes fortuitas , accidentales , & terminatas esse , necesse est (***) ; cum enim parti-

(*) Certissimum itaque est , quod quocunque modo materiæ particulæ inter se jungantur , nihil illi superadditur præter novam situs relationem , ex quo impossibile est intellectionem sive cogitationem oriri. THELES.

(**) Quiescens materia , veluti moles iners , atque virtute omni experta consideranda est ; unde sequitur virtutem ejusdem omnem , seu vim activam in motu sitam esse . Hæc contradictionem involvunt cum his quæ L. 2. c. 23. §. 23. asseruit ; ubi vim quandam , atque actionem realem in materia admittit , quæ a motu minime pendeat : & cohesionis vis , quam in materia intrinsece Lockius concipit , & per quam ejusdem particulæ invicem connectuntur atque colligantur , ipsum contra ipsum manifeste convincit , materiam haud unquam virtute omni expertam esse , licet quiescat , cum eam actione intrinsece præditam a motu minime dependente affirmare haud veretur. THELES.

(***) Haud parvi momenti hæc ratio est contra illorum sententiam , qui cogitationem in quodam spirituum animalium mo-

ticulæ omnes, quæ per motum pariunt cogitationem, singulæ ex se cogitationis sint expertes, nequeunt motus suos regere, multo minus per eam, quæ in toto est, cogitationem dirigi; cogitatio enim ista haud motus causa est (tunc enim prior eo & extrinsecum quid esset) verum consequitur eum, unde libertas, potentia electio, cogitatio & omnis ratio & prudentia conformata actio penitus tollentur (52). Ejusmodi itaque ens cogitans, secundum cognitionem, cæca & bruta materia nihilo præstantius & sapientius erit; haud video enim, qui præter fortuitam atomorum concursione non alias rerum causas afferunt, quomodo ab iis discrepent, qui res volunt ex cogitatione nasci, quæ non alio, quam materiæ, temere & fortuito actæ, consilio regitur. Supervacaneum autem est alia, quæ huic hypothese subsunt (utunque illorum refertissima sit) absurda præter illud memoratum superius enumerare; siue enim cogitans hoc systema tota sit materia universi, aut pars illius, fieri non potest, ut una quævis particula aut suum ipsius, aut alterius cuiusvis, aut materia uni-

H 3

ver-

ru constituunt. Si in quodam spirituum animalium atque fibrarum cerebri motu consisteret cogitatio, sequeretur cogitationem esse effectum causæ mechanice, neque ullam amplius in homine libertatem, rationem, prudentiam &c. reperiri; quia immo etiam ipsi sublata esset penitus electio eas, quas sibi ex vobis proponeret, ideas contemplandi. Sanguis ipsemet nunc violentius, nunc remissius ad cerebrum cogitationes impelleret, prout ageretur; atque efficeret, ut aliæ aliis ea rapiditate succederent, quæ percutiunt animales spiritus, qui ab eo separantur.

THIELE.

(52) Hoc nonnulli circa aulæ nostræ spiritualitatem asserunt, & eo protendunt argumenta, quod dicere non dubitant, quin homo sit libertate expertus. Si ille unum vult actionem pandere, & postea a sui corporis mechanismo perductus alteram pandit, nonne est dicendum, inquit, quod libertate careat? Hujus argumenti solutionem invenietis in meditatione nostra de voluntate ac libertate hominis tom. 3, nec non in altera de puritudo tom. 2.

versa particulæ uniuscujusque motum sciret ; atque ita cogitationes aut motus suos regeret , aut quidem ex motu isto manantem cogitationem quamvis haberet .

§. XVIII.

Materia haud menti æternæ coeterna est.

ALii, etiam si dari ens æternum, cogitans, immateriale haud inficias eunt, materiam tamen æternam esse contendunt. Opinio hæc, etiam si *numinis* ipsius existentiam non destruit, quoniam tamen primarium & insigne illud ejus opificium, rerum nempe creationem convellit, propius inspicienda est. Necesse est, inquit, ut *materia* sit æterna: unde hoc? quoniam, eam ex nihilo fieri, concipi nequit; at rogo, undenam est, quod seiplos haud æternos putent? Dicent, quoniam lapsis jam viginti aut quadraginta annis; existere cœpimus. Rogo autem, quidnam *illorum* tunc existere inceperit? Haud materia, unde constant: quod si sic, tunc non est æterna: at cœpit tunc in eam, quæ nunc cernitur, figuram & membrorum conformationem coagmentari; at figura & particularum congeries ista non ens illud cogitans efficit, quod ipsimet sunt; (nunc enim cum iis mihi res est, qui dari ens æternum, immateriale, cogitans, at materiam non cogitantem etiam æternam esse volunt;) ens itaque cogitans illud esse quando incepit? Si nunquam, tunc ab æterno extitere ea, qua nunc, cogitatione præditi; hoc quam absurdum sit, haud opus est, ostendam, donec quispiam ea fuerit amentia, ut illud affirmare ausus fuerit. Si dabunt itaque rem cogitantem fieri posse ex nihilo, (quod de omnibus dicendum est, non ab æterno existentibus) quidni etiam ens ma-
te-

teriale, per eandem potentiam, nisi forte, quia hoc oculis obversatur, illud vero non item? Etiam si, qui diligenter rem expendent, dicent, non majorem vim requiri ad Materiæ, quam Spiritus creationem. Imò, fortasse, si a vulgaribus notionibus liberi, cogitationes nostras, quantum fieri potest, ad rerum ipsarum penitissimam contemplationem intenderemus, conciperemus aliquo modo, & quasi per caliginem (*), cerneremus, quomodo materiam initio fieri, atque per Primi istius Entis æterni potentiam incipere posset (**): concipere autem magis foret arduum, quo-

H 4 modo

(*) A verbo ad verbum ex textu anglicano „ nous pour-
rions être capables de viser à quelque conception obscure
„ & confuse de la maniere „ quo materia statim posset produ-
ci &c. *We might be able to aim at some dim and seeming con-
ception how Matter might at first be made.* Et ex eo quia non
bene concipio verba *dim and seeming conception*, etsi imperfecto
modo, ea hic locavi. Translatio aliquantulum libera, sed ab
ipso Lockio non refutata quia sua cogitata exprimit. COSTA.

(**) Nova hæc hypothesis de materiæ creatione, quæ myste-
rium veluti arcanum a Lockio annuntiatur, a vulgaribus no-
tionibus libera, & ad quam nonnisi per rerum penitissimam
contemplationem pervenire possumus, Philosophorum excitavit
curiositatem: unde ut lectoribus satisfaciamus, eam referemus
gallice iisdem verbis, quibus ab Colta producitur, ac confu-
tatur, nil de aliis quidem solliciti. „ Ici, M. Locke excite
„ notre curiosité sans vouloir la satisfaire; bien de gens s'étant
„ imaginés, qu'il m'avoit communiqué cette maniere d'expli-
„ quer la creation de la matiere, me prièrent peu de tems
„ après que ma traduction eut vu le jour, de leur en faire
„ part; mais je fus obligé de leur avouer, que M. Locke m'
„ en avoit fait un secret à moi-même. Enfin long-tems après
„ sa mort M. le Chevalier Newton, à qui je parlai par hazard,
„ de cet endroit du Livre de M. Locke, me decouvrit tout le
„ mystere. Souriaut il me dit d'abord, que c'étoit lui-même,
„ qui avoit imaginé cette maniere d'expliquer la creation de
„ la matiere, que la pensée lui en étoit venue dans l'esprit
„ un jour, qu'il vint à tomber sur cette question avec M.
„ Lo-

modo vis omnipotens existendi initium spiritui tribueret . Quoniam vero hoc notionibus repugnat , quibus hujus memoriæ Philosophia omnis fundatur , mihi nefas erit ab iis diffidere ; aut , licet me id Grammatica ipsa admoneat , illud vocare in disquisitionem , quod receptæ communiter opinioni adversatur : Hoc præsertim in loco , ubi communis opinio nostra huic instituto satis intervrit , atque extra dubium omne ostendit , nos , dato semel , quod una quavis *substantia* ex nihilo producat , eodem negotio


„ Locke , & un Seigneur Anglois , le feu Comte de Pembroke :
 „ & voici comment il leur expliqua sa pensée : on pourroit ,
 „ dit il , se former en quelque manière un' idee de la creation
 „ de la-matiere , en supposant , que Dieu eut empeche par sa
 „ puissance , que rien ne put entrer dans une certaine portion
 „ de l'espace pur , qui de sa nature est penetrable , eternel ,
 „ necessaire , infinis ; car dès là , cette portion d'espace auroit
 „ l'impenetrabilité , l'une des qualites essentielles à la matiere ,
 „ & come l'espace pur est absolument uniforme , on n'a que
 „ à supposer , que Dieu auroit communiqué cette espee d'im-
 „ penetrabilité à une autre pareille portion de l'espace , & ce.
 „ la nous donneroit en quelque sorte , une idee de la mobilité
 „ de la matiere , autre qualité , qui lui est aussi tres-essentielle .
 „ Nous voila maintenant delivres de l'enbaras de cher-
 „ cher ce que M. Locke avoit trouvé bon de cacher a ses Le-
 „ ctteurs ; car c'est-là tout ce qui lui a donné occasion de nous
 „ dire , que si nous voulions donner l'effort à notre esprit , nous
 „ pourrions concevoir , quoique d'une manière imparfaite ,
 „ comment la matiere pourroit d'abord avoir été produire &c.
 „ Pour moi , s'il m'est permis de dire librement ma pensée ,
 „ je ne vois pas , comment ces deux suppositions peuvent con-
 „ tribuer à nous faire concevoir la creation de la matiere . A
 „ mon sens elles n'y contribuent non plus , qu'un port con-
 „ tribue à rendre l'eau , qui coule immédiatement dessous , im-
 „ penetrable à un boulet de canon , qui venant à tomber per-
 „ pendiculairement d'une hauteur de vingt , ou trente toise
 „ sur ce pont , y est arrete , sans pouvoir passer à travers pour
 „ entrer dans l'eau , qui coule directement dessous . Car dans
 „ ce cas-là , l'eau reste . TRIVALE .

tio colligere posse, res omnes, præter creatorem ipsum, ita posse creari.

§. XIX. Dices vero, annon absurdum est, ut daremus, aliquid ex nihilo fieri posse, cum illud concipere nequeamus? Minime gentium: *Primo*, quoniam haud consentaneum est, Entis infiniti potentiam in dubium propterea vocare, quod operationes ejus comprehendere nequeamus. Non alias res fieri idcirco negamus, quoniam modum, quo producuntur, concipere non possumus. Haud nos concipimus, quomodo quippiam, præter corporis impulsus, corpus loco movere possit; non ea tamen ratio est, cur illud fieri posse negaremus, contra quam in nobismet ipsis experimur, in motibus nempe omnibus voluntariis, qui ex libera agitatione & cogitatione mentis tantum oriuntur, non ex cæcæ materiæ impulsu, in corpora nostra, tunc enim ex nostro arbitrio neutiquam penderent. Exempli gratia: Dum sinistra mea quiescit, dextra litteras in charta pingit: Undenam motus hic in altera manu, in altera quies? E voluntate scilicet, aut cognitione animi; immutata cogitatione ista, sinistra statim movebitur, dextra quiescet. Hoc de facto verum esse, perspicuum est: Explicetur ita, ut intelligi possit, tunc, creatio quomodo perficiatur, proxime intelligemus. Qui enim motum voluntarium explanant, novam determinationem motui spirituum animalium tribuendo, rem istam nihilo explicationem reddunt. Haud facilius quippe est, in hoc casu, motus determinationem immutare, quam motum ipsum producere: novam spirituum animalium determinationem istam, aut immediate per cogitationem, aut per aliud corpus, quod cogitatio objicit, fieri, & proinde motum illorum cogitationi acceptum referri, necesse est; neutro autem modo motus voluntarius nobis notior redditur, quam prius erat. Interim nos nostri im-

modici sumus æstimatores, qui sensus modulo omnia metientes illud fieri posse negamus, cujus modum, quo fiat, ipsi non concipimus. Hoc plane est aut Deo potentiam finitam, aut nobismet ipsis intellectum infinitum tribuere. Si nescimus, quomodo ea fiant, quæ intus in nobis intra finitæ mentis nostræ cancellos agitantur & contingunt, haud mirum videri debet, si mentis æternæ, infiniti & omnipotentis Dei, qui fecit & gubernat omnia, *quemque cæli calorum continere nequeunt*, operationes ignoremus.





M E D I T A T I O

JOHANNIS LEONARDI MARUGI

De Dei existentia.

QUocunque tempore Dei existentiam, ac ipsius naturam cogitavi in eo semper voto fui, hanc quaestionem silentio transire; cum enim sit *Ens* Deus per se incomprehensibile, alioquin Deus non esset (a), ad ejus quodammodam cognitionem, etsi mens no-

(a) Quod majorem tribuit difficultatem de Deo loquendi, illud porro est, inquit S. *Clemens Alexandrinus*, „ quod est „ Deus omnium rerum principium, & quid principium sit haud „ facile invenitur. Quomodo exprimi potest qui non est nec „ genus, nec differentia, nec species, nec individuum, nec „ numerus, nec accidens, nec subiectum? Nec aliquid conveniens „ dicitur, illum OMNE vocando; omne enim in *magnitudinis* „ ordine extat, & *omnis* pater Deus est: nec dici debet, par- „ tes habere; quoniam enim unitas indivisibilis tenetur: est „ ille infinitum, non quatenus nequeat ultra infinitum excogi- „ tari, sed quatenus terminis ac distantia careat. Absque „ nomine & figura quoque est; si nomine illum appellamus non „ proprie id efficitur: vel *unum*, *bonum*, *spiritus*, *Ens*, *Pa- „ ter*, *Deus*, *Creator*, vel *Dominus* dicatur. Nullum ei nomen „ potest proprie convenire, sed melioribus nominibus deficienti- „ bus, his pulcherrimis utimur, ut nostram figamus cogitatio- „ nem, ne hæc circa objecta cetera fluctuet. Intermiscuntur res vel „ per quod in se sunt, vel per dependentiam quam tenent inter „ se; aut Deo ex his nihil potest convenire. Nec etiam locus „ est, eum comprehendendi per demonstrativam scientiam; est „ enim illa rebus præcedentibus innixa, æque notionibus præ- „ cognitis posita, & nihil *Eterno* præcedit, quam ob rem, ut „ hunc incognitum Deum intromiscamus, non remanet nobis, „ quam ejus verbum, & gratia. “ (*V. Stromas. lib. 5.*).

nostra extorqueatur, nunquam pervenire nos posse, putavi; quam ob rem eum colere potius, quam de ejus existentia ac natura discipulare mihi semper in animo fuit. Accedit quod iste Deus ubique diffusus, & in suis operibus permagne fulgens, impudenter, si non sit anticyra opus, abnegari nequit: Astra enim, quæ prospicimus, commoda quibus utimur, lux qua fruimur, spiritus quem ducimus claris, certisque notis unanimiter enunciant, repetuntque, *esse Deum* (b). Ecquis est tam stultus Hercule quidum sole, suisque influxibus gaudet, audeat ejus existentiam negare, & radorum benignitatem respicere? Si unquam fuisse, qui cecurientes, omnique sensu capti, suam quoque existentiam renuentes, sophismatibus innixi, erroribus imbuti, inique, impieque dixere, *nullam esse substantiam, nullumque*

(b) Sic Cicero. *Deum etsi non videmus, tamen ex operibus cognoscimus* (V. in *Tuscul. quest. lib. 1.*) & alibi. *Quid... potest esse tam apertum, tamque perspicuum, cum cælum suspeximus, caelestiaque contemplati sumus, quam esse aliquod Numen præstantissima mantis. quo hæc regantur?* (V. de *Natur. Deor. 1. 2. cap. 11.*). Et Aristoteles. *Mortales oculis non capiunt Dei conspectum, ex operibus tamen cognoscitur.* (V. de *Mundo cap. VI.*). Auscultamus Senecam. *Si quis in domum aliquam venerit, cum videat omnium rerum rationem, modum, disciplinam, non poterit ea sine causa fieri judicare; multo magis in tanto ornatu mundi, tanta varietate, pulchritudineque rerum caelestium, tanta vi maris, atque terrarum, ac tantarum rerum ordinibus statuat necesse est, ab aliqua mente hæc proficisci, & hæc Deorum immortalium domicilium esse.* (V. *Libr. de Nat. Deor.*) Nemo ex vestris erubescat Patres adhuc, Catholicos, ac Scripturas audire. *Celi enarrant gloriam Dei* (V. *Psal. 18.*). *Interroga jumenta, & indicabunt tibi: loquere terræ, & respondebit tibi, & narrabunt pisces maris. Quis ignorat, quod hæc omnia manus Domini fecerit?* (V. *Job. 12.*). Et Apostolus Paulus sic inquit. *Invisibilia Dei a creatura Mundi, per ea quæ facta sunt, intellecta conspiciuntur sempiterna ejus virtus, & dignitas.* Quæ verba secundum HMMONDUM (Tom. 11. *Nov. fad.*) ita sunt intelligenda. *Quæ per se sub oculis non cadens infinita Numinis potentia, ac divinitas, quæ semper a creatione oculos fugerunt: tamen in varia ejus administratione, & totius Mundi gubernatione tanquam in speculo conspecta, jam manifesto cernuntur.* Et præclare Tertullianus; *habet, inquit, Deus testimonia totum hoc quod sumus, & in quo sumus.* (V. *Lib. 1. contra Marcionem cap. 1.*).

ens per se subsistens, vel si esset re vera, nos, *res nostras non respicere* (c), eidem non solum nullam convictionem, ipsa reclamante natura, ac quodam ineffabili modo loquente (d), sibi metipsis obtinuerunt, verometiam continuo Deum metuentes, trepitationibus suis continuo Deum, *esse demonstrarunt* (e). His de causis igitur in medium de Deo quæstionem afferre, idem censeo, ac de propria existentia disceptare, si vero sint tam corde capti, qui Dei, ac Dei providentiam impie impudenterque negent, iisdem responsum reddere, illorum celebratitati favere, & umbris dare corpora credidi, quapropter sicco, ut ajunt, pede; hoc articulum esse progrediendum, temper huc usque extimavi. Sed cum postea sum recordatus, hæc mea in alumnorum manibus pervenire, & sub oculis argumenta de Deo hic a me posse cflagitari, ut ne expectationem ullius defraudem, hæc super te decrevi, verba facere & meditationem conficere; quapropter more nostro perparum hic rædiramur; & quo nobis est datum, Dei existentiam, ac suas proprietates intemus.

Ut hic imprimis suspicionem omnem deleamus, cum diximus Deum per se esse incomprehensibilem, non intelligi velimus, quod nonnulli ad Dei existentiam infirmendam asserunt [f], nimirum, cum sit Deus ens infinitum, mens vero nostra finita,

ne

(c) Inferius has resandas sententias enucleabimus.

(d) Nam, inquit Lactantius, & cum juvant, & cum optant, & cum gratias agunt, non Jovem, aut Deos multos, sed Deum nominant. Adeo ipsa veritas cogente natura etiam ab invitis pettoribus erumpit. (V. Sec. 2. Inst.) Præclarum est illud Romani Oratoris. Omnium, inquit, animis notionem supremi Numinis natura impressit; & nulla gens tam immanis, nec tam fera est, quæ non etiam si ignores, qualem habere Deum deceat, timen habendum scias; quia hoc ita perspicuum est, ut qui hoc neget, cum vix sana mentis existimetur; subdit postea, nulla gens tam barbara est, nulla natio tam offerata, cui non infideat persuasio, Deum esse. (V. lib. 1. de nat. Deor.) Ipsemet Pindarus sic ait. Si Deum vir aliquis speras latere, faciens quicumque, fallitur (V. Olymp. lib. Sympos).

(e) Hic scite Augustinus. Nec ipsi sacrilegi, & detestandi Philosophi quidam, qui perversa, & falsa de Deo sententiæ, ausi sunt dicere, non est Deus; ideo dixit in corde suo, quia hoc nemo audeat dicere, etiam si ausus fueris cogitare [V. in Psal. 13.]. Videatur quoque Horat. Od. 34. lib. 1.

[f] Ita Hobesius Leviach. cap. 3. pag. 12.

nequeat hæc infiniti ideam concipere, quam ob rem utpote incomprehensibile, illius existentia non modo nequeat demonstrari, verum etiam nec quicquam de ea concipi. Argumentum hoc tam futile, ac vanum est, quod non mediocriter pertimesco, quin levitatis labem acquiram, si ad illud refutandum me toto asse applicem. Ecquis est enim ioter philosophos, qui impugnare audeat, quod vocabula negativa absentiæ idearum positivarum explicant? Dum dico *infinitam* sapientiam, *infinitam* potentiam, *infinitam* perfectionem, *infinitam* pulchritudinem, & sic de singulis Dei perfectionibus, non intelligo hic vocabulum, cui nulla respondeat notio, proferre, sed tantum easdem perfectiones positivo modo conceptas, & negativo modo limitatas. Fallum est igitur quod Hobesius asseruit; *quando dicimus aliquid esse infinitum non aliquid in re significamus, sed impotentiam in animo nostro, tanquam si diceremus, nescire nos, an & ubi terminetur* [g], cum luculentius hoc quid positum in re, revera concipimus, etsi brevitate mentis nostræ posteriores ejus limites ignoremus. Hinc est, quod infinitum non realiter deficit, tantum captum nostrum excedit, qua ratione comprehendimus existentiam complexus perfectionum, sed peculiari modo habitam, adeo ut hæc perfectiones ope ullius ejusdem naturæ nequeant augeri: si enim eas actu augeri, considero, infinitatis naturam amitto [h], & me in tenebris invenio. Quid ergo est? Si in defini-

[g] V. De Cive cap. 15. §. 14. & ib.

[h] En difficultas in conceptu a S. Clemente Alexandrino [a] excogitata. Est Deus *principium rerum*; quatenus ad res non ad se ipsum. Quatenus ad res creatas, in tempore actum suum exeruit, quatenus ad se ipsum tempore caret. Non est *species*, *genus*, *differentia* &c. Cum non habeat sibi simile; non est *individuum*, nam individuum limitatum est: *Non numerus*, non *accidens*, non *subiectum*. Non numerus, nam in serie non est; non accidens quia omnia essentialiter in se sunt, & a sua propria natura pendent. Non subiectum, nam subiecti idea relativa est, nec per abstractionem quidem, ut scholastici ajunt, absque idea *conjuncti* concipi potest, & hoc conjuncti idea in Deo deficit. At per consequens quid per se existere, & omnibus perfectionibus præditum non posse concipi, recte refellitur. Quid repugnat, quod ideas positivas absque limite augeam, & cuidam Enti tribuam? Quid, quod cum rationem sufficientem sui in se habeat, absque principio sui existentiam concipiam? Fugius inferius.

nitione reali cupimus nos soletis esse, cum Deus ens sit infinitum, eam porro suppeditare, nequimus, si postea definitionem nominalem habere satagimus, cum hæc ad rem ab omnibus aliis rebus distinguendam interviat, possumus, quoties nobis placet, eam adducere, atque figere [i]. Hinc est quod. *S. Clemens Alexandrinus*, cum dicat, difficultatem esse de Deo loquendi, difficultatem, immo impossibilitatem, cum realiter definire, exprimere credit, idcirco concludit, quid realiter Deus sit cap- tum verbo & gratia concipi potest. His præmissis ulterius pro- grediamur.

Quid pro vocabulo *Deo* intelligimus, vel intelligi debeat, impræiis est hic enodandum. Dum dico *Deum*, nihil aliud dicere puto, quam „Ens absolute necessarium, quod sit ab Uni- „ verso diversum, & hoc tanquam a causa sua ab illo depen- „ deat. „ Cum hanc adduximus definitionem, non animo nostro est omnes reliquas reicere, immo cum nominales definitio- nes sint arbitrariæ [k], si placet, alio modo Deus potest adhuc definiri; Dic ex. gr., si velis, *Spiritum perfectissimum, Ens independent, Ens infinitum*, semper idem potest in eo obtineri [l], & eadem idea excitatur. Vides ergo, quod quamprimum attributum minime creaturis conveniens enunciamus, Dei ideam sistimus, & ejus existentiam deducimus, si luculentius demon- streretur, quoddam ens, attributo ipso gaudens in rerum natura realiter existere; verum ne in ideis fluctuamus, meditationem a definitione ipsa a nobis modo allata incohamus.

Deus ergo est „ Ens absolute necessarium ab universo diversum,
„ &

[i] Alibi diximus, definitionem dispeisci in *realem & nomina- lem* (24. tom. IV.), realis definitio est *notio distincta*. Wolfius eam definit, *per illam quod exponit modum quo aliquid fieri potest* [V. Log. lat. §. 194.]. Nominalis postea per eam que enumerantur notæ, sive attributa quæ ad rem definitam ab omni- bus aliis rebus internoscendam inservit. In hac possumus modo unum, modo alterum attributum sumere, dummodo valeat hoc vel illud attributum ad rem indigitandam.

[k] Ex modo dictis apparet, quod cum ex nutu nostro pendeat pro nominali definitione hoc potius, quam illud attri- butum, vel notam sumere, recte dicitur hæc definitio arbitraria.

[l] Attributum *perfectissimi, independentis, infiniti* non com- petit, quam ipsi Deo, per consequens cum uno illorum Deus po- test individuari. Wolfius Deum definit per *Ens a se in quo con- tineatur ratio sufficiens existentia Mundi hujus aspectabilis & ani- marum nostrarum*.

„ & tanquam causa efficiens omnia producens „. Si igitur potest a nobis cum veritate erui, ac mente determinari, I. ens dari aliquod absolute necessario existens quod hunc Mundum libere creavit. II. Ens hoc a mundo ipso esse diversum: tum non esset, sane arbitror, qui non debeat fateri contra Atheorum sectas, *Deum existere*. Videmus ergo quo modo, expositas propositiones demonstrare, & ad evidentiam Deum ipsum percipere, nobis obtingat.

I. Aperimus oculos, & de veritate hac evincimur. O quam entia in rerum natura existunt! Quam effectus diversissimi, ac phenomena adsunt! Quam ordines, proportionales, simetrias, constantiam, successiones in eis observamus! Sunt Entia in rerum natura, quæ quadam activa vi prædita, agunt in alia, constanter, constantesque mutationes in aliorum statu producant; sunt alia quæ per se, & sua natura inertia, vi alterius reagent, & ope reactionis huius sibi & aliis necessariam mutationem pariunt; Nonnulla denique alia quæ particulari vi insignita pro nutu suo, absque ulla necessitatis lege, variis dissimilibus modis, vim ipsam exerunt, & facultatem agendi sibi metipsis movent, determinantque. Primi generis corpora sunt, & quæ in Cælis evolvuntur, ut Sol, Planetæ, Cometæ ipsæ, & omnia per quæ peculiari modo in terra effectus varios pandunt, ut magnæ, fluidum luminosum primordiale, fluidum æreum, & fortasse centena alia nobis incognita. Secundi generis postea ea sunt quæ manu contrectamus, pede premimus, aure audimus, olfactu percipimus, gustu internoscimus. Tertiæ tandem, o Entia ante alia habita, & suo Creatori cariora! Homines sunt, spiritus, & fortasse ipsa bruta (m) enumerantur. Videtis modo vires, actiones, reactiones, quas corpora tam activa, quam non activa necessario edunt, omnes absolutas non esse, sed relativas, adeo ut certis limitibus, fixisque legibus, ac conditionibus operantur; luminosum fluidum primordiale, atque Ethereozæreum observate: celeritates, pressiones, expansiones, cohesiones, gravitates, non modo juxta quasdam leges perpetuo agere, videtis, verum etiam ex iis mixta & constructa actione perpetua secundum leges motuum esse perbelle constituta. Pulchrum est videre corpora se mutuo, agere: gravitatem hanc proportionalem quantitati materiæ esse: ad inæquales distantias juxta reciproca distantiarum quadrata se pandere; gravium corporum ascensum, & descensum per perpendicularem fieri: corpora vol-

ven-

(m) Si habent libertatem, inter entia libere agentia recte numerantur. V. *med. nostram de anima brut. tom. 11.*

ventia circa unicum punctum per directionem curvæ tangentis se dirigere : & vires , quæ in revolutione acquiruntur , cæteris paribus , quantitati materiæ esse æquales , nec non vires ipsas , quæ centrales nuncupantur , ut quadrata arcuum , dato tempore , descriptorum per diametra ejusmodi circularum divisa , semper , constanterque observare ; Pulchrum est videre quod Maris aqua supra naturalem libellam bis se ferens , & toties alternarim se retrahens per viginri quatuor horas & tres quadrantes ripas inundare , easque iterum relinquere ; velocitatem penduli in puncto infimo esse , ut subtensa arcus , quem in lapsu suo percurrit , & sonum augeri in ratione elasticitatis aeris auctæ : eum propagari , & spatium circa 1100 pedes parisienses in secundo minuto conficere (n) . Pulchrum est videre , radium lucis verticaliter in quoddam medium incidens a sua directione non deflectere , & contra si oblique cadit , & a rariori si ad densum medium transit , recedere a perpendiculari , & accedere ad perpendicularem si contrarium eveniat ; Hinc tot modificationes , tot dispersiones , tot condensationes radiorum ipsorum erui . Pulchrum est videre in Cælo tot Astra locata , & ex his nonnulla varios gruppos efficienria , quæ constellationes appellantur (o) , in viginti quatuor hor. ex ortu ad occasum se ferre , eandem semper distantiam inter se habentia cursum quotidie renovare , nonnulla in 24. hor. quovis cæli puncto comparationis gratia sumto , orientem versus se retro remanere , & ex his alia proprio lumine fulgere , mutuatq. lumine alia splendescere : certas regulas in motibus observare , & omnia cum proportione & ordine necessario fieri . Pulchrum est , denique

Tem. V.

I

nique

(n) Est apud physicos statutum , sonum propagari successive : percurrere postea spatium 1105 pedum parisiensem in minuto secundo statuit Accademia Florentina : Scientiarum Accademia Parisiensis spatium in eodem tempore percursum esse voluit 1172. *Cassinus* calculavit spatium ipsum ad 1041 : *Newtonus* . *Flamstedius* , *Halley* ad 1070. , qui valent 1142 Angliæ . Nos ad quid medii attinemus .

(o) Astra fixa quæ dicuntur , vel nudo oculo , vel Telescopio visa a spectatoribus minima prospiciuntur , & propter luminis vivacitatem , quod astra ipsa emittunt , oculos confunditur , quam ob rem ab acriora fuit constitutum hæc astra in tot stellarum cumulos distribuere , ac dispicere , omnes representantes quandam figuram , ut hominis , mali ris , animalium & Signa , figura celestes , Constellationes fuerunt nuncupati .

nique, tot plantarum diversitates, tot reptilium coacervationes, tot animalium consensus uno sub oculo videre. O magnum incomprehensibile Opus, quis est, qui me hercule non exclamet? Hoc opus non debet interim suum Opificem habere?

Hæc tot diversæ corporum species inter se tam valde connectæ, & in hoc aspectabili mundo consentæ, quas oculis videmus, manibus contrectamus, gustu sapimus, olfactu percipimus, quidquid effrenati homines fuere imaginati, veritate certa internoscimus, omnes realem existentiam habere (p). Comverum sit, quod hæc omnia quæ uno intuitu percipiuntur, vera existentia fulgeant, sequitur necesse, quod existentia hæc debeat repeti vel a semetipsis, vel ab aliis; non primum, nam non essent alioquin contingentia, ergo secundum; Plura absolutâ, increata, independentia, necessaria ec. dari nequeunt, secus darentur duo vel plura entia inter se perfecte simillima, quod planè repugnat (*) ergo unum absolutum, independens, necessarium est ens quod hæc omnia creavit. Sed melius argumentum enucleamus.

Ponatur, omnia propriam existentiam in semetipsis internoscere. Hæc omnia erunt vel seorsum, vel collectim considerata, suorum ipso.

(p) V. adn. 93. tom. IV.

(*) Hoc demonstravit Leibnitiuss : & appellat principium identitatis indiscernibilium (V. Epist. IV. ad Curckium §. 4. & seq., Epist. V. ad eundem §. 23. & sequ.) Bilfingerus, Holmannus, Wolfius præclare Leibnitii mentem dilucidant. Complures tam veteres, quam recentiores philosophi hic, pro unitate ac existentia Dei, addi possent. Sed sunt notatu digna hæc verba BOETII, sicut mundus hic ex tam diversis contrariisque partibus in unam formam minime convenisset, nisi unus esset, qui tam diversa conjunxisset : ita conjuncta ipsa naturarum diversitas invicem discors, dissociaretur, ac divelleretur, nisi esset unus, qui, quod novit contineret, nec tam dispositos motus locis efficiendos spatii qualitatibus explicaret, nisi unus esset, qui per has mutationum varietates ipse disponeret, (V. lib. III.). Pariter illa MAXIMI Tyrii Philosophi Ethnicæ, qui inquit, in tanta pugna & discordia, & discrepantia unam videas per terras omnes legem, famamque consentientem, Deum esse unum, rerum universarum & Regem, & Patrem, multos præterea Deos, & Dei filios administrationis participes. Hæc & dicit Græcus, dicit & barbarus, V. diff. 1. apud du Hamel Metaph. tract. III.).

ipforum causa, & origo: contineret itaque in semetipsis rationem sufficientem suæ existentie, quapropter antequam essent, existerent; ergo si sejunctim ea omnia consideramus, tot entia increata independentia necessaria, quot sunt res ipse, haberemus, quod rationi repugnat: si colectivo modo considerarentur, deberent haberi; vel ut causa simultanea & conjuncta, cum horum materia, vel ut effectus & modificationes ipsius matetie quæ conflatur videntur. Primum esse nequit: tot alioquin, vicissitudines, alterationes, compositiones, decompositiones deessent: secundo impugnatur a certis fixisque rationibus. Cum sint enim ordine, simetria, proportione, dependentia, nexu inter se omnia ligata, & legibus peculiaribus, ac certis submissa, debet fieri, quod hæc leges, ordo, simetria &c., esse vel ratione sufficiente producta, vel non; si primum hæc ratio vel est intrinseca, vel extrinseca. Si intrinseca dicetur, erit Pantheismus, vel Spinozismus, supponit enim hic mentem cogitantem, de quo disceptabimus: si extrinseca, ens in quo est hæc ratio sufficiens, est ipsemet Deus (q). Si dicitur denique, omnia absque ratione esse confecta, adeo ut hæc omnia fortuito exorta hunc universum concederent, tum debet concedi, non a causa libera & ratione prædita hæc omnia emergere, sed necessaria, & coactata. Si hoc, ex quo debent reperi tot ingentes varietates, ac modificationes? Non a libertate causæ efficientis, nam ista deest, non a diversitate concursus matetie, nam cum sit hæc materia homogenea æqualis, sibiipsum similis, non debet producere effectus, quando adhuc vis generandi motu suo ei tribuitur, ut Epicurei credunt, & quod principio rationis sufficientis repugnet (r), quam sibi similes & æquales: per consequens non haberet certo varias

1. 2

di-

(q) Cum Apostolus in Areopago Deum prædicaret, loquenter dixit. Athenienses, cum per altaria vestra incedebam, inscriptionem *Deo incognito* respexi: hic Deus, quem vos non cognitum adoratis, est quem prædico. Pariter potest hic dici. Hoc incognitum a Mundo extrinsecum, & in quo ratio internoscitur, ipse Mundi est Deus.

(r) Quidquid est vel sit, est vel sit ratione sufficiente. Modificationes habent itaque suam rationem sufficientem. At cum una sit materia, & eidem attributis prædita, si que ab alia causa externa sit commota, cum deesset, semper deberet eandem modificationes habere.

directiones, & concuslus absque variis viribus motum dirigentibus, & eum modificantibus, quæ debent extrinsecus considerari (s). Hæ vires variis & libetis directionibus præditæ, supponunt necesse subjectum pariter liberum, ex quo emergunt, & cum hoc subjectum non debeat agnoscere rationem sufficientem suæ existentiae quam in se, erit unum, absolutum, necessarium independens (t).

Credunt nonnulli allatum argumentum infirmare, in medium Aristotelis hypothesin de Mundi æternitate adducendo [u] quam

(s) Alioquin per antecedentem annotationem deberet materia non una homogenea, sibi metipsi æqualis considerari, sed diversa diversis modificationibus prædita, & erit ipsemet Univerſus qui causam sui creatricem necessario supponit.

(t) Pulchrum est quod scripsit Flaccus percommode hic venit apponere (V. lib. 1. Od. 34.).

*Parcus Deorum cultor, & infrequens
Insaniens tum sapientie
Consultus erro, nunc retrorsum
Vela dare; atque iterare cursus
Cogor relictos, namque Deuspiter
Igni corusco nubila dividens
Plerumque per purum sonantes
Egit aquas, volucrumque currum;
Quo bruta tellus; & vaga flumina
Quo styx & invisi horrida. Tenari.
Sedes . . .*

Sic quoque Cicero, populares Deos multos, & naturalem unum esse & addit illud Sophoclis Poeta

„Unus profecto est, unus est tantum Deus

„Cæli solisque machinam qui condidit

„Vadumque ponti cærum, & vim spiritus

(V. de nat. Deor. l. 1.).

[u] Hic breviter potissima Aristotelis argumenta resumam. I. Materia prima est ingenerabilis, & incorruptibilis; est enim necessarium aliquod subjectum omni generationi præexistens, & omni corruptioni superstes, ergo materia prima debet esse eterna: materia nequit existere sine forma, formarum itaque procreatio sempiterna est; ergo & motus, & Mundus est sempiternus [V. 1. lib. Phys. text. 82.]. II. Si infinito quasi tempore Deus quievisset, & aliquando postea fecisset Mundum, nulla esset

quant ob rem non posse effectum primum, neque adeo primam
 1 3 omnia

esset differentia, qua nunc potius, quam prius id effecisset, quare deficeret ordo, neque esset amplius naturæ opus. Quod secundum naturam sit semper & simpliciter ita sit. Ergo Deus non ab aliquo initio Mundum condidit. (*V. lib. 8. Phys. tex. 15.*). III. Idem manens, semper est idem facere natum. Deus idem est ac immutabilis & eodem modo permanens, semper ergo vel fecit semper Mundum, & faciet, vel contra. Non facere enim aliquando, quamdam varietatem in Opifice esse, signat (*V. lib. 8. tex. 53.*). IV. Cælum est ingenerabile, atque incorruptibile; Quidquid gignitur, ex contrario, & subiecto gigni oportet; ac corporum contrariorum contrarii sunt motus: motui circulari nullus motus potest esse porro contrarius; cælum ergo contrario caret, ac prout neque ortum, neque interitum habet (*V. 1. de Celo tex. 20.*). V. Cælum, juxta omnes, locum, sedem, ac Deorum, domicilium est, ergo ut Dñi est cælum æternum (*V. ex eod. lib. tex. 22.*). VI. Mundi Opifex est ejusmodi, ut substantia sit ejus ætus carens omni potentia. Si Deus non operaretur semper, aliquando actione vacaret, & esset Opifex interdum potentia, interdum ætus, non esset itaque omnino potentiæ expers, per consequens ab Æterno condidit Mundum (*V. 12. lib. Met. tex. 30.*). VII. Maximum proprium boni ac perfecti est movere orbes & quæ sub ipsis sunt, & bonitatem ac perfectionem suam aliis communicare. Ut ne ergo ociosæ ac imperfectæ intelligentiæ ab æternitate fuissent, Mundus debet ab æterno exire (*V. ex eod. lib. 48.*) VIII. Deus & natura semper faciunt ex possibilibus quod melius est. Melius est, Mundum semper esse, ac aliquando esse: Ergo Deus mundum ab æterno fecit (*V. lib. 8. Phys. tex. 48. 56.*). Complura alia argumenta de Mundi æternitate apud Aristotelem invenimus, sed allata potiora sunt: reliqua brevitate gratia omisimus.

Debet hic adnotari, quod Aristotelis non negat ideo Dñi existentiam, confundit tantum operationis actum, cum existentia Operantis, quod permagne repugnat; immo credit Opificem necessario operantem in Mundo, vel in ejus creatione, quod est naturæ libertatis contrarium. Et cum ex hac confusione aliquid contra Mundi creationem, & contra sui opificis existentiam posset non incongrue argui, sic potioris argumenti repugnantiam ac absurdum breviter ostendere, necessarium esse, cen-

omnium causam demonstrari (x), asserunt. Sed si adductam Hypothesin perpendimus, argumentum nostrum pariter invictissimum remanet. Quando adhuc hæc hypothesi admittitur, quod plane repugnat, immo impossibilis demonstratur, non recte ideo arguitur quod supra a contrariis fuit allatum; in serie enim causarum quæ univocæ dicuntur, pro legitimo debet id haberi, non vero in causis equivocis (y) in quibus in infinitum progredi non licet. Cum enim nullus sit primus homo qui alios genuerit (z) debet prima causa esse æquivoca, quæ revera Deus est. Causæ univocæ sibi invicem sunt subjectæ per accidens; & agunt posteriores a primis independentes; in serie causarum postea quæ dicuntur æquivocæ; posteriores habentur tanquam instrumenta non agentia nisi a prioribus mota. Corpora itaque cælestia, conformatio partium in plantis, animalibus, cæterisque, vel sunt a semetipsis, vel ab aliâ causa; non primum, ergo posterius: cum non sit hic locus progressui in infinitum; debet ex dictis hæc causa esse æquivoca; per consequens, etiamsi concedatur, Mundum ab æterno extare, quod acerrime impugnamus, sequitur, non esse confectum, quam a causa prima, quæ prima dici potest, quia æquivoca est, & a suprema intelligentia creatum (*). Hactenus argumenta quæ invictissima repeto pro prima nostra propositione, *Ens dari aliquid absolute necessario existens: quod omnia*

seo. Ad primum respondere potest, illud posse aliquo modo valere, si Mundum per modum physicum, & ex aliquo subiecto, ut Aristoteles credit, diceretur; esse productum: non quando ex nihilo per creationem confectum, ut existimemus. Aliquid de novo producere, neque materia; neque motus requiritur, tantum voluntatis actus ipsius creatoris, qui cum sit liberus, potest nunc non prius aliquid creare. Reliqua Aristotelis argumenta vel ex dictis, vel ex se ipso potest Lector profligare.

(x) In infinita serie nullum est primum, daretur aliquoquin progressus in infinitum.

(y) Pro Tyronibus addimus. Distinguitur a metaphysicis causa univoca a causa æquivoca: ista est, quando producit effectus ejusdem suæ essentiae, ac speciei, ut Pater habita relatione ad filium. Ista quando producit effectum non ejusdem essentiae; ut Deus, Scribarius, Sutor habita ratione ad Mundum, ad mensam, ad calcem.

(*) V. adn. 79. tom. 1.

omnia libere creavisti, nunc ad secundam deveniamus, nimirum Hoc ens esse a mundo diversum.

II. Quamquam ex dictis latius pateat, Deum extare, & esse hujus universi causam creatricem, adeoque a Mundo diversum ipsamque Deum debere deprehendi, verum cum infanum Spinoza sistema multi sint amplexati; & hoc fortasse tempore non desint, vel saltem non sint penitus extincti qui sententiam hanc, idem esse Deum ac universum (aa), sequerentur, operæ præstium arbitror ad explicandam, ac refutandam eam, me hic diutius versari. Si perantiquorum acta percurramus, error hic per antiquos adinventur, nam in ea fuisse opinionem Eleateses, Pythagorici, Stoici (bb), ut & de nonnullis Mahumedanis, Indis, Sinensibus, Japponensibus refertur; ex omnibus vero qui com-

1 4
me

(aa) Ob hanc causam Pantheistæ sunt appellati, ut legitur apud Ciceronem. V. l. 1. de nat. Deor. num. 10. & sequ.

(bb) Hac super re legi potest Buddeus (de Ath. & superst. cap. 1.). Item Seneca (quest. natur. lib. 11. cap. 45.). Ad hoc reduci posse, credo; illud Virgilii Maronis, etsi misceat inter se Epicuri; Pythagoræ, ac Platonis sententiam, nec, ut admonet Antonius Ambrogius in sua versione (lib. VI. Æneid. v. 725.), sibi metipsum harum ullo sadiſdet l. c.

Principio cælum, ac terras, camposque liquentes
 Luculentemque globum luna, Titanique astra
 Spiritus intus alit, totamque infusa per artus
 Mens agitat molem, & magno se corpore miscet,
 Inde hominum, pecudumque genus, vitæque volantum,
 Et que marmoreo fers monstra sub aqore pontus.

Et alibi.

Esse apibus partem divine mentis & huius
 Ætherios dixere. Deum namque ire per omnes
 Terrasque tractusque maris, cælumque profundum.
 Hinc pecudes, armenta, viris, genus omne ferarum,
 Quemque sibi tonnem nascentem archessere vitas.
 (Georg. lib. IV. v. 220.).

Verum est; quod hæc si ad Platonis sententiam accedunt, diversum eruitur fortasse. Inquit enim hic auctor, juxta Marfil. Ficini interpretationem (Tim. cap. 14.), quod Deus postquam omnia confecit, animam infudit, quæ juxta se est fortasse a Deo

memorari debet (cc) est Benedictus Spinoza Judeus quidam (dd) qui impietatem hanc in Europa sistemate geometrico ostendere ante ceteros est valde conatus. Credit ille, unam esse substantiam, quæ duobus attributis, *extensione* ac *cogitatione* prædita, a se ab æterno, ac infinita existeret: idcirco animas & corpora substantias non esse ab hac substantia diversas & ab ea creatas, sed ejusdem unius substantiæ modos varios, ac determinationes: ex quo sequitur, divisionem, ac distinctionem materiæ esse imaginationis opus, cum enim semper & ubique eadem esse, nec divisionem, nec distinctionem pati, sed varias induere formas absque suæ simplicitatis læsione, & eas offendens nostra imaginatio, quæ in superficialibus hærens, facit, quod in materia partes, quæ revera non sunt, opinemur diversas (ee). Johannes Franciscus Buddeus argumenta hujus impii systematis re-

Deo diversa: fortasse dixi, nam non luculenter id patet cum illam *temperatorem* appellat; sic quoque Ovidius:

*Utque novis facilis signatur cera figuris,
Nec manet ut fuerat, nec formam servat eandem;
Sed tamen ipsa eadem est: animam sic semper eandem
Esse, sed in varias doceo migrare figuras.
(Metamorph. lib. XV. v. 75.)*

Hic accedit ad Pythagoræ sententiam. Si postea juxta Pythagoram dicta fuere: credit hic, animam mundo infusam esse ipsumet Deum, & cum Pantheistis recte potest confundi. Sic Cato apud Lucanum lib. IX. ex veterum sententia

*Est ne Dei sedes nisi terra, & Pontus, & Aer,
Et Cælum, & virtus? quid querimus ultra?
Jupiter est quocumque vides, quodcumque moveris.*

Quidam Alexander Epicureus, juxta Albertum Magnum (Vid. *Perv. de comm. Princip. lib. 5. cap. 12.*) idem docebat. Inquit enim hic, *Alexander Epicureus*, Deum esse materiam, dixit, vel non esse extra ipsam, & omnia essentialiter esse Deum, & formas esse accidentia imaginata, & non habere veram entitatem, & ideo dixit, omnia idem esse substantialiter.

(cc) V. Petrum Vallensm. *Itiner. tom. 3.*

refert (ff) quæ ad hæc reducuntur, vel reduci possunt. Definie primum substantiam, *ens quod ipsum per se intelligi potest, sive cujus notio a notione alterius non pendet*, ex quo sequitur, duas, pluresve substantias nihil communis habere, adeo ut si extant distinctæ, æque diversæ essent in omnibus prorsus attributis (gg). Hinc elicitur, alteram ex hisce substantiis creatricem, alteram vel alias creatas esse nequire, aliquid enim cum effectu communi communem debet causam habere, adeo ut alterum per alterum debeat percipi; Ex dictis hinc posse dici, creditur, quod una substantia si ab altara creatur, & ideo etiam perpetuo conservetur (hh) esset simul substantia, & non substantia (ii) quod plane repugnat; si ergo nulla substantia potest creari, remanet, omnem substantiam a se, extare debere. Et cum ex una parte, si plures forent substantiæ a se, in aliquo attributo convenirent, in existentia scilicet a se: ex altera si duæ substantiæ, vel plures nihil commune possint habere, sequitur, unam tantum esse substantiam, nec a mundo substantiam ipsam distingui, & ex natura substantiæ, quæ est *existere*, per consequens esse æternam, & a se, id potio confirmari, arbitratur.

Tam impium systema sunt inter alios secuti Cusselerus, atque Tollandus, quorum primus hæc apud Buddæum (kk) habet in Opere, *Specimen artis ratiocinandi*, nuncupato (ll): quibus præmissis sequitur mundum in statu, in quo jam est, dependere a Deo, hoc est, quod contineatur in essentia divina, æque fere ac æqualitas inter quadratum ex AC, & rectangulum ex BC, & CD

con-

(dd) Benedictus Spinoza est Amstelodami natus 24. Novembris 1632. Hagæ Comitum mortuus 21. Febr. 677.

(ee) In Tractatu Theologo-Politico de libert. Philosophandi qui vivente Auctore lucem vidit ipse Spinoza hoc primum enunciavit, deinde in Æthica thypis, post ejus mortem donata omnibus suis numeris absolvit. (V. Schol. prop. 15.).

(ff) V. Traité de l'Atheïsme, & de la Superstition. Amstel-dam 1740 pag. 247.

(gg) si aliquid communis haberent, unius notio penderet ab alia. Quid est contra definitionem.

(hh) V. adn 79 tom. 1.

(ii) Esset. iam pro substantia ponitur, non esset, quia sine substantiaicante & necessario conservante ut perisset, percipi nequiret. quod definitioni substantiæ opponitur.

(kk) Lib. cit. pag. 84.

(ll) Hoc opus est editum Hamburgi 1684.

continetur in essentia circuli BAD; & quemadmodum illa equalitas semper in circulo contenta fuit, & erit, licet memorata linea nunquam ducta fuissent, eodem scire modo essentia Mundi ab omni aternitate in essentia Dei fuit contenta, & ex ea emanavit, & que in aeternum in ea consinebitur; illa autem nullo modo est ex nihilo juxta innatam in nobis veritatem; quia nobis a Deo ipso dicitur, quod ex nihilo nihil fit; secundus in libro Pantheisticon appellato apud anglicos edito his verbis explicatur. Pantheistia ut plurimum vocantur propter sententiam de Deo; & Universo sibi propriam. Epicureis vero, & Choalogis e diametro oppositam; quum nullam confusionem primeviam, nedum casum nilum mundi opificem admittant Pantheistae, sed de rerum causa & origine cum Linò vetustissimo sistant; & τὰ πάντα ἐκ πάντων τῶν ἑστῶν. Id est ex universo quidem sunt omnia, & ex omnibus universum. Hujus versiculi; quæ semper habent in ore, purior est explicatio, quam nos hic breviter tradimus. Universum itaque, cujus exigua portio est hic mundus adspiciabilis, affirmant esse infinitum tam extensione, quam virtute; continuatione vero totius & partium consiuitate unum: immobile scilicet totum; quum extra eum nullus sit locus, aut spaciatus: mobile autem secundum partes; sive per intervalla numero infinita, in corruptibile simul & necessarium utroque modo, existentia scilicet aeternum, & duratione, nec nisi leve similitudine eodem nomine eum nostra intelligendi facultate appellandum cujus denique sunt partes integrantes semper eadem, ut partes constituentes in motu (mm). His expositis ad eorum refutationem aggrediamur.

1. Cum anima nostra non sit ex Spinozæ sententia, quam divinæ substantiæ modificatio, & habeat, ut nos observavimus (nn) facultatem plura una simul percipere; non posset alioquin relationes, similitudines, convenientias, vel discrepantiam cognoscere, ut revera noscitur; est sane dicendum, quod in Spinozæ systemate uno eodemque tempore debeant in anima esse plures divinæ substantiæ determinationes, cognitionesque, quapropter duæ assensiones, appetitionesque contrariæ deberent in ea observari; quid enim repugnat, quod una ex istis modificatio rationes quibus alicui debeat assentire non perpendat; & objectum ipsum amet eo tempore quo, modificatio altera rationes eidem dissentienti agnoscat, & odiose in ipsumet objectum inflammet?

Ex

(mm) V. Apud Sykes connexion de la Religion naturelle &c. pag 85.

(nn) Tom. 1. adu. 4.

Ex quo fit, quod cum nobis esset non una divinæ substantiæ modificatio sed plures, & uno eodemque tempore contrariæ; in ipsa Dei substantia in qua, ut in sua essentia conveniunt, contrariæ quoque hæc determinationes debeant extare. Et quando ex paritate cujusdam peculiaris substantiæ corpori inhererentis, credatur hoc argumentum infirmari; quod non facile obtinget propter substantiæ disparitatem, aliud robustius ex eodem principio emergit, cui rationem contradicendi deficere, credamus.

II. Si omnia quæ oculis obversantur attente contemplerur, in iis continuo fluxu varias determinationes inter se valde discrepantes non modo; verum etiam oppositas; & successivas observamus. Si hæc successiones, determinationes, vicissitudines omnibus quæ sub pedibus nobis sunt continuo insunt; hæc omnia nihil immutabilitatis; independentiæ; perfectionis habent, ut sint divinæ substantiæ partes, vel modificationes, immo cum omnia mutabilia sint & in infinitum modificabilia, contingentia esse debent, quam ob rem juxta Pantheistas nequeunt habere existentiam in natura sua necessariam, vel Deus non esset necessarius & æternus quod pro absurdo tenetur. Nec valet respondere, quod determinationes cum fuerint semper, & ab æterno, non aliud sit factum, quam ex una ad aliam infinite extensæ substantiæ potentialem partem migrare; per consequens, positis harum determinationum variationibus; Spinozæ Deus, quædam suam totam substantiam pertinet; prorsus idem perseveret; & immutabilis ac æternus sit per essentiam. Puræ enim determinationes extensæ substantiam nequeunt peragraræ atque ex una in alteram ejusdem partem migrare, non erunt alioquin amplius determinationes, sed ipsæ substantiæ (oo). Ulterius. Hæc determinationes vel in iisdem prorsus potentialibus partibus persisterint ab æterno; vel ab æterno patet ab aliis ad alias transferantur. Si primum, nulla esset ratio sufficiens, qua loca in tempore commutarent (pp); ergo aut ab æterno mutarunt locum sua virtute, vel virtute substantiæ in qua sunt, aut nunquam locum mutare potuerunt. Si secundum; cum agatur

(oo) Permeatio supponit vim, vis subjectum; subjectum substantiam; ut meditantibus patet.

(pp) In nostra sententia ratio sufficiens existit in Deo se libere determinante ad creandum Mundum cum omnibus suis determinationibus, non ita in Spinozistarum systemate, in quo contenditur, hanc substantiam extensam necessario operari, nam quod necessario operatur, semper vel nunquam operatur.

tur de *Ente a se* quod non est mutationi abnoxium, immo cum debeat in se complecti omnia possibilia, nihil ei novi accedere, vel decedere potest. Ergo luculenter patet, quod e spinozismo, Pantheistarumque systemate, absurda complura emergunt (qq).

Si postea animum advertemus ad id super quo Spinozæ systema perstruitur, statim videmus ejus sententiam propter suæ basis debilitatem, atque incertitudinem præcipitanter rueri. *Due*, inquit, *aut plures substantie idem attributum habere nequeunt*, in quo si paulisper meditamur, inveniemus porro, duas aut plures substantias similes, vel potius similes esse non posse, non vero substantias ex pluribus attributis constatas impossibilitatem habere ex parte similium inter se posse convenire. Quid repugnat enim, quod plura corpuscula extensa diversis determinationibus substantialibus prædita conveniant in genere, ut logici ajunt, & non conveniant in specie, adeo ut omnia hanc vel illam figuram, hanc vel illam densitatem, ac magnitudinem diversam habeant, quapropter hæc differentie substantiales, quibus singula possint differre, in extensa substantia conjunctæ non possint ab ea separari, quin totum intectat, & omnia se æquarent, ac in extensione inter se convenirent? Nescii non sumus, hic respondere Spinozam, quod si due substantie aliquid communis haberent, altera per alteram posset intelligi, quod est contra substantie definitionem, cujus idea ab idea alterius, nupote substantia per se existens, nequaquam debet pendere. Ut ejus parallogismus ad animum sensibilis redeatur, est sane confide-

ran-

(qq) Sic optime Genuensis. Qui dicere possunt sine contradictione, unam esse universi substantiam IMMOBILEM SECUNDUM TOTUM, sed mobilem SECUNDUM PARTES, SIVE PER INTERVALLA NUMERO INFINITA. Nempe hæc una substantia, quæ Deus illis est, per intervalla infinita discerpitur, sed una interim est, incorruptibilis ac necessaria. Quid est aliud LUDERE PAR IMPAR? Sic pergit. Tandem enigma illud, nisi Oedipus espedias, intelliges profecto nemo, CUJUS PARTES INTEGRANTES SEMPER EADEM (ideæ ut patet ex sequentibus, immobiles & immutabiles), UT PARTES CONSTITUENTES IN MOTU. An ne alie CONSTITUENTES, alie INTEGRANTES Universi partes? An quæ demum utraque? Sed rem est agere supervacaneam eos studiose resistere, qui nec se intelligere unquam poterunt, & eam impieciunt homines ludicre voluisse videntur [V. Lib. met. p. 3. §. 34.].

sandum, quod aliud est ideam unius substantiæ necessario pendere ab idea alterius, aliud est sine ulla necessitate eam posse pendere: illud exprimit, eam substantiam, cujus idea sine alterius idea non potest haberi, non esse per se, non ita hoc. la idearum origine vidimus (rr), quod idea, quam suimet anima habet, ab idea corporis, quatenus hæc prius in anima excitatur, pendeat, veruntamen anima substantia est a corpore se-juncta, & agit sine absoluta necessitate, ut antea enucleavi-mus (ss). Ulterius. si duæ substantiæ aliquid habeant commu-nis, ut corpuscula sunt, quæ inter se convenient in extensione, etsi ex cognitione unius corpusculi possim ad imperfectam (tt) & abstractam cognitionem alterius venire; veruntamen non est peropus, primi cognitionem ex secundo haurire, ut nec secun-di ex primo, quia primi cognitionem sine secundo, secundi sine primo optime possum comparare. Sequitur ergo, quod quanquam possim ex unius cognitione in alterius cognitionem venire, non ideo, ut a Spinoza contenditur, ex his neutrum per-se esse posse (uu).

Ut

[rr] V. lib. 1. tom. 1.

[ss] V. Medit. de Vol. ac lib. hom. tom. III.

[tt] Ratio est, quia aliæ sunt densitates, figuræ, magnitudi-nes in aliis, in aliis aliæ, & idea generis; quæ in omnibus est, non representat omnes substantiales differentias, quæ per-magne sunt necessariæ ad perfectam eorum cognitionem adipi-scendam.

[uu] Permagne conferre puto, hic addere quod contra dictum ex Cusfelero scribit Johannes Baptista Scarella qui sic ait „ Ea quæ reipsa non sunt, nec reipsa æqualia esse possunt. Jam vero si solus circulus reipsa sit, idest solum corpus uti cy-lindrus, cujus superficies sit circularis, non continuo sunt etiam aliæ duæ planæ superficies, quarum altera sit rectan-gulum, cujus basis sit primum diametri circuli segmentum, altitudo sit secundum; altera sit quadratum, cujus radius semiordinatam circuli his segmentis respondentem exæquet. Ergo cum solus circulus reperitur, illa æqualitas acta, & reipsa in eo non est, sed tantum in potentia. Quare sicut ad hanc æqualitatem ad actum redigendam præter corpus in quo est circuli superficies, alia duo ponenda sunt in quibus quadrata & rectangula superficies habentur; ita si quid Cus-feleri exemplo momenti est ad Mundum, qui in Deo solum

„ po

Ut Spinozistæ propriam sententiam defendant ab omni latere convicti ad aliud argumentum recurrunt, non posse, inquit, a nobis comprehendere, quo modo materia hæc ab ente a se & incorporeo creari poterit, quapropter ex hac ignoratione consequi, credunt, materiam hanc ab æterno existisse. Nihil magis hoc argumento fuisse esse potest, ac ridiculum. Nos non concipimus quomodo ex sexuum combinatione animalia surgant: quomodo ex parvo plantæ semine se tam ingens moles in truncum, ramos, folia, flores, fructus luxurians in aera extollet: quomodo demum, ut omittam cætera, Magnes in ratione inversa duplicatæ distantie ferrum trahat, est ideo dicendum vel omnia revera non fieri, vel omnia ab æterno existisse; Sed ut cominus argumentum sumam, sic arguo. Causas, quæ virtute creandi carent, ut omnes creatæ substantiæ sunt, non posse dare, & cum effectibus, qui ab ipsis causis producuntur, communicare, quam id quod habent in individuo, juxta illud *nemo dat quod non habet*, & ideo quid novi non posse producere, concedimus; Causam postea vi creandi præditam, ut Ens a se, non posse ex nihilo educere novum ens, & in individuo distinctum

„ potentia reperitur, ad actum redigendum, necesse est ponere
 „ quidpiam, quod a Deo distinguatur. Nec dicat saltem illas
 „ lineas, quamvis descriptæ non sint, ita in circulo reperiri;
 „ ut ex nihilo non educantur. Id enim quam habet vim in
 „ falsa & obscura quantitatæ continuæ notione, quæ apud alios
 „ obtinet, nullam habet in illa verâ & perspicua. Si enim sit
 „ unus vere continuus cylindrus, qui corpusculum primitivum
 „ esse debet, cujus proinde basis sit verus continuus circulus,
 „ in ejusdem area nulla vera linea recta, quæ est lines super-
 „ ficiæ rectilineæ, aut est, aut esse potest, eo quod ille
 „ cylindrus, & ipsius basis nec ab ipsomet Deo in partes di-
 „ spesci possunt, adeo ut restet primum solus semicirculus, &
 „ vera linea recta, quæ diametrum æquat, & inde divisione
 „ semicirculi secundum ordinatæ residua sint duo segmenta, in
 „ quorum altero sit linea æqualis ipsi segmento diametri, &
 „ linea æqualis semipordinatæ. Sed ad hujusmodi lineas reipsa
 „ obtinenda alia sunt ponenda corpora, in quibus dictæ su-
 „ perficies iis lineis tamquam suis limitibus circumscriptæ re-
 „ periantur. Ergo tantum abest, ut ex Cusleri exemplo al-
 „ quid pro causa Spinoziana præsidium peti possit, ut ex illo
 „ potius eadem quam maxime labefacteretur (V. Teol. Nat. par.
 „ 1. §. 20. n. 20.).

etiam ab eo quod est in causa, negamus: Entis enim possibilitas est in ente a se, tanquam attributum ipsius entis (xx), nam cum sit potentia attributum substantiæ, nonsubstantia per se existere nequit, idcirco debet esse in ente a se, quod tantum habeat potentiam alia entia creandi, per consequens Deus infinita virtute præditus potuit ex nihilo aliquas substantias creare: non tanquam ex subjecto, sed tanquam ex termino, ut cum scholis loquamur, & ipse Deus est a Mundo diversus propter diversitatem habitam inter causam creatricem & effectum (yy). Quapropter luculenter, est demonstratum dari,
 I. *Ens a se existens quod omnia que aspiciamus in hoc universo spatio libere creavis* (zz), II. *Quod sit a Mundo diversum* (az).

CA-

[xx] Ens a se continet omnia possibilia.

[yy] Sic Baumesterus ex Wolfii notionibus demonstrat, dari ens, a se & a mundo diversum. „ Hic nexus causarum, quo „ mundus præcipue hic est Mundus nec alius debet habere rationem sufficientem, cur præcise hic nexus sit nec alius. Hæc „ ratio sufficiens, aut est in ipso causarum nexu & serie, aut „ extra eam. Non potest esse in ipso nexu, & causarum serie, „ alias causarum nexus & series extet absolute necessaria, quod „ est contra §. 425. Ergo debet ratio esse extra eam seriem. „ Ergo debet ens existere, quod a causarum serie est diversum, „ & in quo ratio continetur sufficiens, cur hic præcise nec alius, „ nexus adsit, „ [V. Inst. met. de Dei exist. §. 780. Schol.].

[zz] Remanerent duo ad dissolvendum 1. hujus Entis attributa ostendere. 2. ipsius providentiam demonstrare, sed consulto ea omittimus. Deus ens est per se existens, absolutum, independens, necessarium &c. continet ergo omnes posibles perfectiones, hæ perfectiones summo gradu considerata sunt ipsamet attributa, ut meditantibus patet, per consequens supervacaneum puto, hæc super re nova verba proferre. Quod ad providentiam attinet videri potest quod scripsimus alibi (79. tom. 1.), tantum addam quod scripsit Plato, En verba, Caveamus ne Deum mortalibus Opificibus viliorē putamus. Isti sane, quando peritiores sunt, tanta arte in propriis ipsorum operibus, & per vix simul, & magna exquisitius perficiunt: Deus vero, qui sapientissimus est, curare potest, ac vult non magna solum, sed etiam parva, que facilius servari possunt, prospici, ut nefaria esset cogitatio Deum pigritia & ignavia accusare. [V. lib. X. de leg.]. Est pulchrum aliud a Cicerone allatum, in integrum

re.

C A P. XI.

De cognitione nostra existentiae
rerum aliarum.

§. I.

Per sensationem tantum acquiritur.

Nosmet existere, simplici intuitu, esse *Deum*, rationis lumine, nos edoceri, præcedentibus capitibus ostensum est.

Aliam quamvis rem *existere*, per *sensationem* tantum discimus: cum enim inter *realem existentiam*, atque *Ideam* quamvis, in mente consignatam, aut inter alterius alicujus entis, (*Deum* tantum excipimus) atque particularis cujusvis hominis existentiam, nulla fit connexio naturalis; aliud quodvis ens existere, nemo scire potest; nisi quando id, in eum agendo, sensus afficit. Ex *idea* enim, in mente constituta, haud magis ens illud, quam ex picta effigie qua-

referam & huic meditationi finem dabo. Sunt philosophi, & fuerunt, qui omnino nullam habere censerent humanarum rerum procuratorem Deos. Quorum si vera est sententia, quæ potest esse pietas, quæ sanctitas, quæ religio? hec enim omnia pure ac caste tribuenda deorum numini ita sunt, si animadvertuntur ab his, si est aliquid a Diis immortalibus hominum generi tribuendum. Si animo Diis neque possunt non juvare, nec omnino curare, nec quid agitur, animadvertunt, nec est, quod ab his ad hominum vitam permanere possit, quid est, quod ullos Diis immortalibus cultus, honores, preces adhibeamus. [*V. de nat. Deor.*].

Cap. XI. *Cognitio Existentiæ rerum aliarum.* 145
quadam hominem, aut ex somniorum visis, res ipsas
existere, probatur.

§. II.

Exemplum petitur a chartæ albedine.

IMagines itaque extrinsecus actu receptæ, efficiunt,
ut certo sciamus, aliquid tunc extra esse, quod
ideam istam in nobis excitat, etiamsi, quo modo
fiat, prorsus ignoremus: non enim de sensuum fide,
aut *idearum* nostrarum auctoritate illud derogat, quod
modus productionis illarum nobis ignoretur: V. g.
dum hoc scribo, quæ oculis observatur, charta *ideam*
istam in mente parit, quam ego, ex quocunque ea
objecto nascatur, *albedinem* voco; unde compertum
habeo, qualitatem aut accidens illud, extra in rerum
natura, realiter existere. Hujus rei testimonium, quod
maximum mihi per sensus dari potest, oculi perhi-
bent, quorum in hac re fides tanta est, ut non ma-
gis dubitare possim, utrum, dum hæc scribo, aliquid
extra me videam, albedine atque nigredine affectum,
quam utrum dextram moveam aut scribam, nec ne;
atque hæc certitudo est, qua de rei ullius, præter-
quam de sui ipsius, aut *Dei* existentia, non majorem
quispiam habere possit.

§. III.

*Hæc etiamsi haud certa adeo, ac est demonstratio,
cognitio tamen dici potest, atque, res extra
nos existere, probat.*

ET si rerum extra nos, quam per sensus adipisci-
mur, non certa adeo est, ac illarum cognitio,
quas intus intuemur, aut ratio colligit, circa claras
mentis nostræ *ideas* abstractas quando versatur; quæ

tamen de iis menti innascitur, stabilis adeo & firma opinio est, ut *jure optimo cognitio dici mereatur*, si putamus eas, quæ in nobis insunt, vires animorum revera agere, atque de objectorum, per quæ afficiuntur, existentia recte sentire, exinde recepta haud inanis erit persuasio: Credo enim, neminem serio scepticum adeo esse, ut de rerum, quas intuetur ipse ac contrectat, existentia dubitet. Saltem ei, qui eo usque dubitat, (qualiscunque etiam ipsi sit cum mente sua) mecum certe nulla erit controversia; quoniam certo scire nequit, me quippiam dicere, quod sententiæ ejus repugnat. Mihi quidem Deus, res extra me existere, exinde extra dubium posuit; quod alio atque alio modo corpori admotæ, voluptatis & doloris, in quibus maxima sunt vitæ hujus momenta, in me sensum excitant. Certo certius est, id rerum materialium existentia fidei maxime facere, quod, sensus haud nobis imponere, persuasissimum habemus. Nihil enim agere possumus, nec de cognitione ipsa loqui, nisi facultatum adminiculo; quæ ad percipiendum, quid cognitio sit, a natura aptæ & accommodatæ sunt. At præter testimonium illud sensuum, qui non falluntur, exhibendo nobis notitiam de rerum externarum existentia, quando actu rebus istis afficiuntur; alia quoque argumenta afferri possunt, cur res extra nos existant.

§. IV.

*Primo, quoniam non nisi per sensus
introyre possunt.*

Primo, liquet, perceptiones istas in nobis fieri per causas exteriores, sensus moventes: quoniam ii, quibus sensus cujusdam organa desunt, ideas sensus istius proprias in mentibus recipere nequeunt. Hoc satis exploratum est: ideoque extra dubium est,
cas

eas non aliter, quam per sensus istius organa intro-
mitti. Pater, eas haud produci ab ipsiſ objectis: ſi
enim hoc eſſet, oculi hominis colores producerent
in tenebris, atque in hieme roſas olfaceremus: con-
trarium vero experientia docet, nec *pomi Cybeles*
ſaporem quis novit, niſi qui in *India* illud guſta-
verit.

§. V.

Secundo, quoniam *Idea a ſenſatione actuali,*
valde ab ea diſcrepat, quæ ex
memoria naſcitur.

SEcunda, probatur, quod perceptiones a cauſa ex-
terna proficiſcantur, quoniam *Ideæ in me non-*
unquam produciuntur, ſive illud velim, nec ne. Etiamſi
enim clauſis oculis, aut ſeſttris obturatis, poſſum
lucis aut *ſolis ideæ*, prius in memoria reconditas,
pro lubitu in mente ſuſcitare; atque *ideam* iſtam
miſſam faciens, in ejus locum eam adſciſcere, quæ
naſcitur ex roſæ olfactu, aut guſtatu ſacchari: at ſi
ad ſolem meridianum oculos convertam, *idearum*,
quæ ex luce tunc aut ſole fluunt, impetum declinare
nequeo. Unde patet, magnum eſſe diſcrimen inter
ideæ, in memoria reſoſitas, (quas, ſi ibi tantum-
modo eſſent, liceret cuipiam pro arbitrio ſuo, aut
rejicere, aut menti coram ſiſtere aut oſtendere)
atque inter eas, quæ, velim nolim, impetum atque
incurſum in me faciunt. Quare ab agere externo,
ſive objecto aliquo, cujus vi nequeo reſiſtere, *ideæ*
iſtas in me vel volentem, vel invitum manare ne-
ceſſe eſt. Præterea nemo non in ſemet experitur,
quomodo *Solis idea* in memoria ab ea diſcrepet, qua
præditus eſt, quando actu eum intuetur; duæ iſtæ
plane diverſæ ſunt: quare certo ſcit, non utramque
effectum ſuæ memoriæ eſſe, aut ſuæ mentis produ-

ctionem merasque phantasias, in ipso formatas; verum actualem Solis visionem causam extrinsecus habere.

§. VI.

Tertio, voluptas & dolor, quæ actuali sensatione insunt, redeuntibus ideis istis sine objectis externis, haud in nobis resuscitantur.

Tertio, his addi potest, plurimas ex ideis istis non sine dolore in nobis produci, quæ in memoriam postea revocate haud minimam offensionem & molestiam habent. Ita nimirum licet calor aut frigus præsens nos affligat & excruciet, id quod a disturbance, quam Objecta exteriora in corpore nostro efficiunt, quando illud afficiunt, proficiscitur; quando tamen idea utriusque in mente denuo suscitatur, id fit sine omni perturbatione. Atque in *famis, sitis, & cephalalgie* memoriam sine ulla offensione redimus; quæ vel punquam, aut quoties de iis cogitaremus, constanter certe nos excruciant, si nihil essent, quam *ideæ* in mente fluctuantes, sine rerum extra nos existentia. Idem dici potest de voluptate, quæ comitatur actuales plurimas sensationes. Et licet demonstrationes Mathematicæ sensu haud nitantur, per diagrammata tamen quando examinantur, exinde visus testimonio fides conciliatur, efficiturque, ut demonstrationem ipsam certitudine æquare videatur. Hoc enim absurdum & quam maxime mirum videretur, si quis tanquam invictam veritatem admitteret, ex duobus figuræ angulis, quam quis per lineas & angulos diagrammatis metitur, alterum altero majorem esse; & tamen dubitaret, utrum anguli & figuræ, quas intuetur, & pro mensuris utitur, revera existant, nec ne.

§. VII.

Quarto, *sensus nostri sibi invicem testimonium perhibent res extra nos existere.*

Quarto, idem, quod de rerum extra nos existentia quidam ex sensibus *testimonium* dant, alii sensus sapissime confirmant. Si quis, ignem intuens, utrum quid reale sit, dubitat, si manum propius ad eum admovent, tollitur statim dubitatio ista. Vix enim putabit, id purè nihilum esse, quod dolorem parit, nisi forte dolorem ipsum figmentum esse putat: quem tamen postea, ideam istius suscitando, in se resuscitare nequit.

Dum hæc scribo, video, me chartæ faciem immitare posse, & prædicere, quam novam *ideam* pennæ motus proximo momento sit exhibiturus: quam, manu quiescente, vis immaginatrix in charta depingere haud unquam poterit, nec fieri potest, quin ipse *Ideas* habeam characterum istorum, posteaquam ita in charta depictæ fuerint. Unde patet, eos non esse mentis figmenta, cum videam, characteres, quos pro mentis meæ arbitrio formavi, non meæ postea voluntati parere & subjectos esse, nec, amplius existere, delinere, quando, quod ii non amplius existant, mihi imaginor; verum, etiam si forsitan ipse nolim, in ea, qua sunt, figurâ sensus meos regulariter & constanter officere. His si addamus, characteres istos, ab aliis quando conspiciuntur, quos ipse designavi, & volui, sonos elicere haud ratio erit, cur dubitemus, utrum res, scriptis traditæ, extra me existant, nec ne; quia verba ista, quæ scribo, hanc longam sonorum regularium seriem, quibus aures meæ actu afficiuntur, producant, qui nullo modo meæ imaginationis effectus esse, nec a memoria meâ, hoc quidem ordine, retineri possunt.

peret . Atque sic hæc evidentia adeo est magna , ut majorem optare non possimus ; cum sit æque certa , ac voluptas aut molestia , quam nos perferentiscimus , hoc est dicere , felicitas nostra aut miseria ; ad quæ duo omnes nostræ cognitionis , aut existentie rationes spectant : Rerum exteriarum existentiam hoc modo perspectam habere abunde sufficit , ut , quæ ab iis manant , bona prosequamur ; & mala fugiamus , nec video , quid ulterius in hac cognitione spectandum sit .

§. IX.

Sed ultra actualem sensationem non pertingit .

QUandocunque igitur *idea* quædam per sensus in mentem perfertur , scimus necessario , aliquid tunc temporis extra nos esse , quod sensus afficit , atque *ideam* istam in nobis eo tempore producit , nec fas est , eorum testimonium eo usque fide apud nos carere , ut dubitemus , utrum istæ ideæ , prout sensibus conjunctæ videntur , revera etiam conjunctim existant ; nec ne . Hæc autem *cognitio ad præsens tantum sensuum testimonium* , quibus singulæ objecta obveriantur , & non ulterius pertingit . Si enim simplicium *idearum* congeriem , quam dicimus *hominem* , simul existentem momento superiori vidissem , e conspectu ejus statim sublatus , certus scire nequeo ; eundem nunc *hominem* existere , quoniam inter superioris momenti existentiam ejus & eam , quam nunc habet , nulla naturalis connexio est : Mil-le enim modi sunt , quibus is potuit desinere , ex quo ipse eum conspexi . Quod si itaque certus esse non possum , utrum etiam homo iste , quem hodie paucis horis ante contemplatus sum , in præsentia adhuc existat ; multo minus id fieri poterit , ut mihi certò constet , eum existere , qui longiori tem-

a me fuit sejunctus, & quem toto die vel etiam integro anno non aspexi; minime vero mihi erit evidens eorum existentia, quos nunquam vidi. Quare etiamsi probabile sit, myriadas hominum nunc existere; interim tamen, dum hæc solitarius scribo, nequeo illud certum & indubitatum habere: licet tanta rei hujus verisimilitudo mihi de eo dubitare non permittat, mihi que potius conveniat, ea fiducia varias operari res, ut credam, homines in præsentia existere in mundo, & ipsos homines, quos nosco & quibuscum mihi est negotii. Sed hæc in me nata persuasio, probabilitas tantum est, non certa cognitio.

§. X.

En omni re demonstrationem querere, ineptum est.

Unde notare licet, quam stultus & absurdus hominum sit conatus, quorum angustis cancellis circumscripta cognitio est, & quibus ratio idcirco data est, ut de dispari rerum evidentia & probabilitate judicent, dum *demonstrationem* & certitudinem in rebus querunt, quæ certo sciri & demonstrari nequeunt; atque dilucidas enunciationes, & veritates claras propterea aspernantur, quod minimam quandam dubitationem habeant. Si quis in vita communi nihil reciperet, nisi quod liquido demonstrari posset, is nihil certius sciret, nisi id, quod sibi cito pereundum esset. Hoc modo haud ipsius cibi aut potus salubritas ratio esset, cur iis uteretur, & scire cuperem quid illud sit, quod quis ejusmodi fundamentis suffulcire posset, ut omnis dubitationis & objectionis foret expertus.

§. XI.

*Præteritorum existentia per memoriam
cognoscitur.*

Sicuti certo scimus, objectum existere, quando illud sensibus actu obversatur; ita memoria efficit, ut pro certo habeamus, res olim extitisse, quæ sensus affecerunt. Sed hæc cognitio non latius patet, quam uti sensus nostri initio nos instruxerunt. Ita nimirum cum aquam nunc videam, extra dubium mihi est, eam existere: & quoniam, me aquam heri videre memini, quamdiu illud memoria custodiam, mihi exploratissimum erit, aquam extitisse (*) decima die mensis *Julii* Anno 1688. sicuti eodem modo erit verum, quod certus quidam colorum numerus extiterit, quos eodem tempore in bullulis super hac conspiciendis aqua deprehendi. Verum hac hora, qua a conspectu aquæ & harum bullularum sum remotus, non certius cognosco, num aqua in præsentî existat, quam utrum bullulæ istæ aut colores isti adhuc ibi reperiantur; cum non magis necessarium sit, ut hodie etiam aqua ista existat, quoniam heri extitit, quam est, ut hi colores aut bullulæ istæ hodie existant, quia heri extiterunt, licet infinitis modis sit probabilius, aquam existere; quoniam experientia docuit, aquam diutius existere, bullulæ vero in aqua formatas suis cum coloribus quam citissime evanescere.

§. XII.

(*) Hoc ipsum erat tempus, quo Læskius noster hæc perscribat.

§. XIII.

*Propositiones particulares circa existentiam
certo sciri possunt.*

EX dictis patet ; duo esse genera *enunciationum* . Primum genus est de *rei existentia* , cujus *Idea* in animo est : ita cum *Ideam* quis habet *Elephantia* , *Phanicia* , *Motus* ; aut *Angeli* ; ante omnia querit , utrum ens illud in rerum natura existat ; nec ne : atque hæc cognitio est *particularium* tantum . Rem enim quamvis extra nos existere ; si *Deum* tantum excipimus ; non nisi per sensuum testimonium comprobemus . Secundum genus *enunciationum* est ; in quibus *Idearum* nostrarum abstractarum convenientia aut repugnantia exprimitur : hujusmodi *enunciationes* possunt esse certæ & *universales* : Ità nimirum cum *Dei* & mei ipsius , cultus , reverentiæ & obedientiæ *Ideam* habeam , certus scio , statim par esse , ut ego colam & reverear *Deum* : atque idem dicendum erit de *hominibus* in genere ; si modo *speciei* , cujus individuum ipse annumerandus sum , *Idea* abstracta recte a me conflata est . Hæc tamen propositio , *homines debent timere Deum eique obedire* ; utcunque verissima , hæud probat ; homines in mundo existere , at de iis ; quodcumque existent ; vera erit : atque certitudo generalium istiusmodi propositionum e convenientia pendet aut repugnantia , quæ reperitur inter *ideas* istas abstractas .

Uti & propositiones generales circa ideas abstractas.

IN priori casu, cognitio nostra sequitur rerum existentiam, quæ sensuum interventu *ideis* in mente producit: in posteriori, cognitio nascitur ex *ideis* in mente (quales sint), quæ pariunt ibi generales & manifestæ veritatis propositiones. Harum multæ dicuntur, atque omnes quidem sunt *eternæ veritatis*, non quia in omnium inscriptæ sunt, aut cuiuspiam in mente erant, priusquam is, nactus *ideas* abstractas, de se invicem eas affirmavit aut negavit: Verum ubicunque animal illud esse concipimus, quod dicimus *hominem*, iisdem, quibus nos, facultatibus, & proinde *ideis* pereditum, statuendum est, cum, quandocunque ad suas ipsius *ideas* animum attendit, perspectum statim propositionum veritatem, quæ ex illarum convenientia aut repugnantia oritur. Istiusmodi itaque propositiones dicuntur *veritates eternæ*, non quia ab æterno extiterunt, antecedenter ad intellectum, a quo constructæ erant; nec quia in animum ex exemplaribus inscribuntur, alicubi extramentem existentibus: Verum quia circa *ideas* abstractas constructæ semel, ita ut veræ essent, quandocunque iterum tempore quovis, præterito aut venturo, a mente fieri concipiuntur, iisdem *ideis* imbutæ, actu semper veræ erunt. Cum enim nomina easdem semper *ideas* signet; atque *ideæ* eadem eosdem habeant ad se invicem respectus, fieri nequit, quin propositiones circa *ideas* abstractas, quæ semel veræ sunt, æternæ sint veritates.

C A P. XII.

De Profectu nostro in rerum
cognitione,

§. I.

*Rerum cognitio hauri axiomatibus
acquiritur.*

INter eruditos recepta comuniter opinio est, *Axiomata* esse fundamenta omnis cognitionis; atque certa quædam esse præcognita, a quibus mentem ordiri, atque ad singulas *scientias* aditum sibi aperire, necesse sit; quare moris est in Scholis, in ipso operis limine unum, aut plura effata generalia isti, quam tractaturi sunt, scientiæ tanquam fundamenta substernere. Effata hæc *principia* vocantur, quoniam, in sententiis principem locum tenent, ab iis initium sumitur, & ad ea semper recurritur ad tollendas controversias: prout sæpius notatum est.

§. II.

Opinio ista unde.

HOc in aliis sententiis exinde contigisse probabile est, quod opinio sit, magnum ex iis in *Matematicis* fructum percipi, quæ quoniam iis certa cognitio acquiritur, obtinere *veritas* vocari *Mathematica* & *Mathesis*, perinde, ac si, quæ in iis traduntur,

tur, comprehensa penitus, & præ aliis perspecta & perspicua essent (53).

§. III.

*Cognitio proficiscitur aclararum & distinctarum
Idearum comparatione.*

AT si quis animum diligenter attendet, videbit, puto, *veræ cognitionis* certitudinem, quam in scientiis Mathematicis adipiscimur, non principiis si-
ve axiomatibus quibusdam in scientiæ vestibulo tra-
ditis, acceptam referendam esse; verum *claris, di-*
stinctis, a legatis Ideis, circa quas mens versatur,
atque æqualitatis & excessus relationi, quæ in qui-
busdam clara adeo est, ut intuitivam cognitionem,
atque illius interventu modum ulterius in scientia
proficiendi suppeditet, sine *Axiomatum* adminiculo.
Rogo enim, annon puerulus sciri potest, corpus suum
majus esse digito auriculari priusquam *Axioma* illud
didicerit: *Totam est majus parte*? Aut si duo sint,
qui cuidam rustico debent tres solidos: singuli vero
unum persolverunt, nonne certo is scire potest, quæ
ab iis persolvenda est, summam esse æqualem, ab-
sque itius, *si ab æqualibus æqualia adimatur, quæ*
remanebunt, æqualia erunt, quod fortasse nunquam
audivit, axiomatis adminiculo? Qui ad ea attendet,
quæ dicta sunt alibi, fatebitur, credo, singulare
exemplum prius a plerisque & clarius cognosci quam
regula generalis; atque hanc ortum habere ab isto:
Regulæ istæ generales oriuntur ex generalium atque
abstractarum *Idearum* comparatione, quæ mente fi-
unt, atque his nomina imponuntur, ut ea, termino-
rum

(53) Habentur tanquam propositiones quæ demonstratione non
indigent, quia suæ antea demonstratæ.

rum generalium & brevium quarundam regularum ope ratiocinia sua, & multiplices observationes ad compendium ponat: At cognitio orta est in mente a singularibus ideis, licet de iis fortasse postea non cogitemus; menti enim naturale est (quæ nimirum rerum cognitione augeri quam maxime cupit), ut generales istæ notiones ad proprios usus recondantur, etque ita memoria particularium onere levetur, iisque supersedere possit. Enim vero, num quæso parvulo magis exploratum erit, totum corpus simul cum digito auriculari; majus esse digito auriculari, postquam isti *totius*, huic *partis*, nomen imponitur, quam prius erat; aut quæ nova cognitio, de corpore, non prius æque nota, ex terminis istis relativis pritur? annon compertum is haberet, totum corpus majus esse digito auriculari, etiamsi voces istæ *totum* & *pars* in sermone ejus vernaculo usitatæ non essent? Rogo insuper, postquam terminos istos didicerit, quomodo certior fiat, corpus esse *totum*, & digitum auricularem *partem*, quam prius erat corpus majus fuisse digito auriculari? Perinde quis possit negare, digitum istum partem esse corporis, ac eum minorem esse corpore? Quare Axioma illud, *Totum est majus parte*, nunquam potest afferri ad probandum, digitum auricularem minorem esse corpore, nisi id sine necessitate proponere velimus, quando nempe ejusmodi res probatur, quæ æque prius erat nota. Qui enim nescit, res duas, simul junctas, utravis seorsum majores esse, frustra is axioma quodvis adhibebit ex terminis relativis *toto*, & *parte* conflatum (54).

§. IV.

(54) Recte Lockius ubi agitur de rebus sensibilibus, & omnibus obviis, non de rebus intellectualibus, ut sunt res mathematicæ, quæ regulam quandam exponunt, & in sui conceptu difficultatem pariunt.

§. IV.

Haud totum est, præcariis niti principiis.

UTcunque vero se res habeat ista in Mathematicis; quod sit magis perspicuum, si dicamus, dum lineæ nigræ duorum pollicum adimo unum pollicem, & lineæ rubræ duorum pollicum unum pollicem, residuum duarum linearum erit æquale, quam si dicamus, dum de rebus res æquales auferimus, residuum erit æquale; unicuique dijudicandum relinquo, quænam propositio altera sit clarior & notior, nam ad nostrum hoc institutum haudquaquam pertinet. Mihi tantum propositum est quærere, utrum, si via maxime compendiaría sit ad scientias, Axiomata adhibere generalia, atque in iis fundamenta jacere, haud periculosum sit, *principia* sumere in aliqua scientia tradita, eaque statim, sine ullo examine pro non dubiis & manifestis, propterea habere, quod Mathematici nullis, nisi, per se clavis, usi fuerint Hoc si dabitur, nescio quid sit, cujus in Morali & naturali Philosophia haud facilis foret probatio.

Si principium illud quorundam & veteribus Philosophis, *omnia nempe entia esse materialia*, pro certo & indubitato semel amplexemur, quænam exinde facile erit ex eorum scriptis conjectare, qui intermortuum illud dogma nostro hoc ævo resuscitarunt. Si cum *Polemone* quis putaverit; mundum, aut cum *Stoicis*, *Æthera*, aut *Solem*; aut cum *Anaximene*, Aëræ esse Deum, quis est, qui non videt, quæ Theologia, qui numinis cultus exinde nascatur? Nihil periculosius esse potest, quam *principiis hoc modo uti non diligenter antea perpensis*; præsertim si ad mores spectent, & vitæ actiones. Qui non diversum plane vitæ genus in *Aristippo* jure optimo requireret, qui felicitatem in voluptate abdominis collocandam statuit; atque *Antisthene*, qui dixerit, virtutem ad bea-

bea-

beatitudinem sufficere? Si quis cum *Plato*, beatitudinem posuerit in Dei cognitione, is alia plane meditabitur, quam ii solent, qui in res mundi hujus caducas cogitationes abjiciunt, neque oculos altius tollunt. Si quis, *Archelai* dogma secutus dixerit, *equum & iniquum, turpe & honestum, legibus tantum, non natura definiri*, in eo aliæ erunt mensuræ rectitudinis & pravitatis moralis, quam in iis, qui putant nos, ante juris humani vincula omnia, naturæ legibus obstrictos teneri (55).

§. V.

Non hæc methodus certa est veri investigandi.

SI igitur, quæ *principia* vocantur, hæc certa sunt, (id quod certo modo sciendum est ut a dubiis & incertis distinguantur) verum nobis tantum ista videntur esse, propter cæcum & temerarium assensum, tunc per principia, quæ veritatis fontes aperire debent, in errore magis firmabimur,

§. VI.

Acquiritur ea, claras & adequatas ideas comparando, sub nominibus certis determinatis.

QUoniam vero cognitio tam certitudinis principiorum, quam aliarum omnium veritatum, ex perceptione tantum pendet, quam de *idearum* nostrarum convenientia aut repugnantia habemus, hæc augenda est cognitio, principii temere assentien-
Tom. V. L. do,

(55) Recte est argumentatus; hæc super re videri potest *ada.*
29. 42. 50. 56. 59. 61. tom. 1.

do, & in aliorum verba jurando; verum *claras, distinctas, & adequatas ideas, in mente defigendo, easque illigando propriis & constantibus nominibus*. Hoc modo, fortasse, sine principiorum quorumvis adminiculo, perfectas istas *ideas* contemplando tantum, easque *inter se mutuo comparando*, convenientiam & dissidium, atque varias earum relationes & habitudines inveniend; uberiorei cognitionem, & magis perspicuam adipiscemur, quam si principiis subnixi, mancipata mente aliorum dictata sequamur.

§. VII.

Ad scientias promovendas præ aliis potest idearum abstractarum contemplatio.

QUare consentaneum est, ut, rerum cognitionem investigantes, *disquisitiones nostras idearum, quas expendimus, naturæ, & quam inquirimus, veritati accommodemus*. Propositionum generalium veritas certa in habitudine fundata est, & respectu *idearum abstractarum ad se mutuo*. Hujusmodi propositionibus tunc tantummodo materiam recte quærimus, cum diligentes sumus & attenti in relationibus istis investigandis. Quæ in his servanda sit Methodus, a Mathematicis perdiscendum est, qui e paucis quibusdam & manifestis principiis, facili progressionem, & continua argumentorum serie, ad veritates nos, & demonstrationes ducunt, quæ humanam intelligentiam transcendere videntur. Argumentorum inventio, & excogitatum ab iis singulare artificium inveniendi, atque ordine suo *ideas* intermedias disponendi, quibus æqualitas aut inæqualitas quantitatum ostenditur, quas inter se commetiri nequeunt, principium & fons est, unde tot præclara & miranda inventa manarunt: utrum vero simile quid in aliis, quod in quantitatis hisce Ideis, posthac aliquando
non

non excogitari possit, non hujus loci est statuere. Hoc tamen dicere, puto, fas est, nos cogitationibus altius penetraturos, atque res clarius perspecturos, quam putamus vulgo, si alias *Ideas*, quæ specierum suarum tam reales sunt, quam nominales essentiae, eo, quo Mathematici, modo investigaremus.

§. VIII.

Hinc quæ mores spectant, clarius demonstrari possunt.

Hinc eam, de qua supra, Cap. III. §. 13, seqq. hujus Libri opinionem concepi, *posse nimirum ea, quæ mores spectant, haud minus, quam Mathematica, demonstrari.* Cum enim Ethica circa *Ideas* versetur, quarum reales sunt essentiae, quæque, ut opinor, naturali inter se cognatione junctæ sunt; quatenus habitudines illarum & respectus ad se invicem investigari possunt, eatenus certam, realem, & generalem rerum cognitionem assequemur: & quidem nullus dubito, quin, si homines impensam huic rei operam darent, magna pars eorum, quæ traduntur in Ethicis, haud minus, quam Mathematicorum theorematum, demonstrari possent.

§. IX.

In corporum cognitionem si proficitur, soli experientiae debetur.

IN corporum cognitione investiganda diversa longe ratio propterea servanda est, quod idoneæ nobis haud *Ideæ* suppetant. Non hic progredimur, sicut alibi (ubi *Ideæ* nostræ abstractæ tam reales sunt quam nominales essentiae) *Ideas* contemplando, atque eam expendendo, quam inter se relationem ha-

bent, hoc incassum fore, fuisse a me alio in loco ostensum est. Hinc puto, perspicuum est, universalem cognitioni vix materiam aliquam ex substantiis suppeditari; atque *Idearum* illarum abstractarum contemplationem parum proficere. Quæritur vero, ad *substantiarum cognitionem* promovendam quid faciendum sit? Hic nimirum diversam longe rationem sequi debemus, & quoniam *essentiarum* haud nobis *Ideæ* suppetunt, ablegatis cogitationibus nostris, res ipsas, prout existunt, spectare cogimur. *Hic*, quod ratio nos docere nequit, ab experientia discendum est: nec aliter, quam experiendo, mihi exploratum esse potest, quænam aliæ qualitates simul cum iis existant, e quibus *idea* complexa conflata est; utrum nempe corpus illud *flavum*, *grave*, & *fusile*, quod *aureum* voco, *ductile* sit, nec hæc, nec post tentamen illud (utunque se habet) certus scio, rem ita se habere in alio quovis corpore, præterquam eo, de quo factum est experimentum. Haud sequitur enim, *ductilitatem* cum *colore*, *pondere*, & *fusilitate* corporis cujusvis alterius necessario esse connexam. Quod hic a me dictum est de *Auri* essentia nominali, ex corpore, puta, conflata, certo quodam colore, pondere, & fusilitate prædito, obtinebit etiam, si *ductilitas*, *fixitas*, & *solubilitas in aqua Regia* iis adjiciantur: desumpta ab *ideis* hisce argumenta, parum conducent ad alia corporum attributa exploranda, in quibus hæc omnia inveniuntur. Cum enim proprietates aliæ istiusmodi corporum non e proprietatibus hisce pendeant, verum e latenti ista reali essentia, nude hæc etiam manant, nequeunt reliquæ harum adminiculo investigari; haud ulterius progredi licet, quam nos essentia nominales ducunt, non longe nempe ultra semetipsas; quare his *ideis* universalium cognitionem certam & utilem non nisi rarissime consequamur necesse est. Cum enim experientia didicerim, particularem istam materiam (atque alia

alias omnes coloris, ponderis, & facilitatis ejusdem, de quibus experimentum quovis tempore factum est,) esse *ductilem*, hinc, fortasse, attribuitur hoc in *ideam* complexam, atque *auri* nominali *essentiam* a me adsciscitur: unde licet *ideam* istam complexam, quam *aurum* voco, plures quam prius *ideæ* simplices ingrediantur, quoniam tamen definite cujusvis corporum speciei non realem essentiam continet, haud mihi ad certo cognoscendum (non dico conjectura assequendum id quod fieri posset) alias corporis istius proprietates ulterius adducendo est, quam ut plane sunt cum *idéis* simplicibus cognexæ; & quibus nominalis ista essentia coagmentata est. Sic v. g. hac, quam proposui, *idea* *Auri* complexa certior redi non possum, utrum *aurum* sit fixum, nec ne, quoniam nullum inter *ideam* complexam corporis *flavi*, *gravis*, *fusilis* & *ductilis*, inter has, inquam, qualitatem; & *fixitatem*, deprehendo nexum necessarium, adeo, ut evidentissime cognoscant, in eo, quo dictæ qualitates reperiuntur, corpore etiam necessario contineri *fixitatem*. Ut itaque hac in te maximam nanciscamur evidentiam, ad experientiam iterum recurrendum est, & quo longius ista patet, eo certiore etiam cognitionem consequi possum; nec ulterius progredi datum est.

§. X.

*Hinc quidem comoda vite petuntur, non
autem scientia generalis hauriri
potest.*

HAud inficior, posse viros perspicaces, & Philosophia experimentalis assidue versatos in naturam corporum altius penetrare, & de ignotis adhuc eorum qualitatibus rectius conjecturam facere, quam ii, quorum ab instituto vite id alienum est: hoc

vera, ut dixi, opinari tantum est, non certo scire. Ex methodo hac *substantiarum cognitionem adipiscendi*; per *experimenta* nimirum, & rerum naturalium *historiam*, quibus cancellis, in vitæ augustiis; nostra scientia circumscripta est, suspicor, naturalem Philosophiam in album scientiarum nunquam relatum iri. De corporum speciebus, & illorum variis proprietatibus, vereor, ne non cognitio generalis attingi possit: possumus equidem experimenta facere, & observationes Historicas, unde ad victum & valetudinem necessaria, atque vitæ hujus commoda affatim trahuntur; ulterius vero, puta, facultates nostræ pertingere nequeunt.

§. XI.

Appli nati sumus ad rerum moralium, & naturæ cognitionem consequendam.

QUoniam itaque mentis nostræ acies in naturæ fabricam interiorē, atque corporum essentias reales penetrare nequit; Dei vero existentiam, atque nostri cognitionem ita plane aperit, ut eorum satis admoneamur, in quibus officiorum & ad beatam vitam momenta maxima continentur; par est, ut nos, qui rationis sumus participes, animos circa ea occupatos teneamus, ad quæ maxime sunt accomodati, atque naturam, ubicunque manifestum iter ostendit, ducem sequamur. Putemus quippe consentaneum, nostri præcipue officii esse, cognitionem ista investigare, quæ cum animorum facultatibus maximam cognitionem habet, in qua præcipua nostra, semperterna nempe vitæ sors versatur. Ex dictis, puto, sequitur, sicut homines singulis peculiares sibi artes deligunt ad vitam sustentandam, ita hominum in genere (bonum summum perscrutari, quorum interest) negotii & officii esse, circa *morum cognitionem*,

nem, tanquam propriam scientiam versari. Quantum momenti sit ad vitæ humanæ commoditatem in corporis unius naturalis; & proprietatum ejus inventionem, ex *Americanorum* omnium sorte discimus, illi enim, in Orbe feraci & copiis omnibus circumfluenti, artium utilium & rerum pæne omnium, ad vitæ usus necessariam expertes prorsus sunt, quod ex ignorantia illius provenit, quod in obscuro quodam corpore saxeo, *ferri* nempe minera reperitur: Et licet nos; in hisce mundi plagis, in quibus dubium est, an major sit scientiarum, quam rerum utilium, excultiore nostram vitam fore ostendimus: nullus tamen dubito, quin cordati omnes mecum sint existimaturi, nos, amisso semel *ferri* usu, pauca intra secula iisdem fore moribus agrestibus, quibus veteres *Americani*, qui naturæ dotibus haud gentibus, iis cedunt, quæ politiori humanitate aliis omnibus antecellunt. Quare qui solam abjectam istam mineram primus invenit; artium & cornuocopiæ-inventor vere dici potest.

§. XII.

Vitandæ sunt hypotheses & falsa principia.

Nolim itaque hoc perinde intelligi, ac si homines a *Philosophiæ naturalis studio* absterrereim. Lubens equidem confiteor, rerum creaturarum eum esse admirabilem ornatum, ut nos, eas contemplantes, Deum opificem, atque ædificatorem suspicere atque admirari necessario cogamur: imo fortasse ex illarum attentâ contemplatione generi humano haud minora emolumenta nascentur, quam ex munificentiae monumentis, positis ab iis, qui non sine sumptu ingenti hospitia pro pauperibus & Xenodochia extruxere. Qui artem typographicam, aut acum nauticam primus invenit, vel *corticis Peruviani* veros usus

medicos notos hominibus fecit, plus fecit ad *scientias* promovendas, atque ad mercium utilium incrementa, atque ex fati fascibus plures ægros eripuit, quam qui academias, qui operariorum officinas publicas, & Xenodochia fundarunt. Illius, quod dico, summa est, frustra nos scientiam venari, ubi ea neutrquam invenitur; aut per media, quibus ad eam perveniri nequit: haud fas esse, dubia & incerta systemata, pro scientiis perfectis, aut quæ minime intelliguntur, notiones quasdam obscuras sumere pro demonstrationibus scientificis. Circa corporum cognitionem quando versamur, satis habemus. oportet, ea scire, quæ ex particularibus experimentis discimus. Cum nobis haud liceat rerum confectari essentias, atque ita totum simul specierum naturas & proprietates, uno quasi in fasciculo comprehendere. Ubi de coexistentia inquiritur, aut repugnantia ad existendum simul; quod a nobis *Ideas* nostras spectantibus nequit investigari, ibi ad ea, quæ experti sumus, atque animadvertimus ipsi, & ad historiam naturalem recurrendum est, ut videamus, ita, quid sensum ope, & particulatim, de substantiis corporeis didicimus. Corporum cognitio haurienda est a sensibus, ad qualitates eorum, & in se invicem operationes diligenter attendentibus: de spiritibus vero secretis & sejunctis a corporibus, quod in hoc ævo scire volumus, a Dei, puto, oraculis petendum est. Qui animo secum considerabit, *Axiomata generalia*, *principia vulgata*, & *hypotheses* ab omnibus pro arbitratu suo conficte ad veram cognitionem, & Philosophiæ naturalis progressus, quam parum, ad tot secula, profecerint; is fatebitur, nos plurimum iis debere, qui posteriori hac memoria breviter multo & lucidiorem viam nobis aperuerunt, non quidem ad barbariem eruditam, verum ad cognitionem fructuosam.

§. XIII.

Hypotheses quem verum usum habeant .

HAud inficior , quasvis adhibendas esse probabiles *hypotheses* , ad naturæ *phænomena* quævis explicanda : *Hypotheses* , si non inerudite sint fictæ , saltem haud parum memoriam adjuvant , & ad nova inventa nos sæpius ducunt . Quod ego vellem , est , ut caverent homines , ne non præproprio nimis studio quamvis adseiscerent , (prout menti humanæ in proclivi est , quæ rerum investigare causas semper avida est , atque ad id , quibus nitatur , principia expetit) priusquam particulatim quæque expendere , & variis experimentis circa rem factis , quæ per hypothesin istam explicanda est , viderint , utrum omnibus conveniat , nec ne ; utrum , quæ excogitata sunt , principia inceptis ubique respondeant , & non cum uno naturæ phænomeno æque pugnent , ac ad aliud explicandum accommodata sunt . Cauto enim opus est , ne *principiorum* nomen nobis imponat , efficiendo , ut pro veritate non dubia illud amplexeamur , quod , ad maximum , non nisi incerta conjectura est , cujusmodi sunt pleræque (pene dixeram omnes) *Hypotheses* , quæ naturali in *Philosophia* passim reperiuntur .

§. XIV.

§. XIV.

Ideæ determinatæ cum nominibus annexis, atque aliarum inventio, quibus convenientia aut repugnantia illarum ostenditur, unicam rationem continent augendæ nostræ cognitionis.

SIve autem, quæ in naturali Philosophia traduntur, demonstrari possint, nec ne, modi *augendæ cognitionis nostræ*, quatum viribus humani ingenii fieri potest, mihi videntur hi duo esse:

Primo. Querendæ, & in mente defigendæ sunt Ideæ determinatæ rerum, quarum generalia & Specifica nomina habemus; tot saltem illarum, quot contemplationi nostræ & mentis agitationi obversantur. Et si substantiarum Ideæ sint specificæ, videndum est, ut, quam fieri possit, perfectæ & completæ fiant, hoc est, tot simplices Ideæ conjungi & copulari debent, quot, simul semper existentes, speciem perfectè determinant: atque par est, ut singulæ istæ ideæ simplices, e quibus complexa ista constata est, in mente claræ sint & distinctæ. Cum enim exploratissimum sit, cognitionem haud ultra Ideas nostras pertingere posse, consequens est, eam non posse certam, aut perspicuam esse, ubi eæ vel imperfectæ, confusæ, aut obscuræ sunt.

Secundo. Ad cognitionem nostram augendam Inveniendæ sunt intermediæ istæ Ideæ, quibus aliarum Idearum quæ nequeunt inter se immediate comparari, convenientia aut repugnantia ostenditur.

§. XV.

Exemplum petitur ex Matheſi.

NOs duobus hiſce modis (non vero Axiomatibus nitendo, aut ex effatis quiboſdam generalibus alia colligendo) viam rectiſſime inſtruere ad auctiorem cognitionem, tam in aliorum modorum *Ideis*, quam iis, quæ quantitatem ſpectant, palam erit ex iis, quæ in Matheſi diſcuntur. Ibi enim imprimis liquet, eum, qui non perfectam habet & claram *Ideam* angulorum, aut figurarum, quæ contemplatur illorum nullam omnino cognitionem attingere poſſe. Verbi gratia, ſi quis *Anguli recti*, *Scaleni*, aut *Trapezii* non perfectam habet, atque accuratam *ideam*, nequicquam is aliquid de iis demonſtratum ibit. Ulterius liquet, haud præclara inventa, quibus magni nominis profeſſores ſcientiam iſtam locupletarunt, ab axiomatibus ortum habuiſſe. Si quis excellenti & ſingulari ingenio accuratiſſima calluerit axiomata, quæ paſſim in Matheſi inveniuntur, tamen haud illorum adminiculo unquam, puto, ſciet, *Quadratum lateris quod in triangulo rectangulo opponitur angulo recto, æquale eſſe quadrato duorum laterum aliorum*. Non ex eo, quod cognovit, *Totum æquale eſſe omnibus partibus ſuis*, & ſi ab æqualibus æqualia adſignantur, ea, quæ remanent, æqualia eſſe, &c. hanc contexuit demonſtrationem: nec video, quid prohibeat, quin iſis Axiomata iſta attento animo diu intueatur, niſi tamen plus veritatum Mathematicarum perſpiciat. Illæ alio modo comparatæ erant: alia obverſabantur animo, ab axiomatibus iſtis longè diverſa, quando veritatum iſtiusmodi cognitionem primùm aſſecutos eſt, quas homines in receptis communiter Axiomatibus ſatis verſati, Methodi tamen ignari, quam ſecuti ſunt iis, qui demonſtrationes hæſce primi invenerunt, haud ſatis admirari poſſunt. Et fortasſe alii

alii posthac vias & adminicula invenient ad aliarum scientiarum augmenta non minoris usus, quam *Algebra* est in Mathematicis, quæ *Ideas* quantitatum nullo ferme negotio invenit ad alias mensurandas, quarum æqualitas aut ratio vix, ac ne vix quidem aliter inveniri posset.

C A P. XIII.

Aliæ quædam disquisitiones circa cognitionem nostram.

§. I.

*Cognitio nostra quadantenus necessaria ;
quadantenus voluntaria.*

C*Cognitio nostra*, ut aliis in rebus, ita in hac præsertim, cum visu nostro magnam habet cognitionem, quod *neque prorsus necessaria, neque prorsus voluntaria sit*. Si ea, quæ est in hominibus, rerum cognitio necessaria esset, scientia in omnibus non tantum esset similis, verum unusquisque etiam omnia sciret, quæ sciri possunt; & si voluntaria omnino esset, plurimi tam nihil quam facerent, ut aut leviadmodum, aut prorsus nulla imbuere mallerent. Fieri nequit, quin, qui sensum habent, *Ideas* quasdam per eos recipiant; qui memorias, ex iis nonnullas inibi custodiant; & qui iudicio pollent, quarundam inter se convenientiam aut repugnantiam cernant: quemadmodum qui præditi sunt oculis, si eos interdum aperire velint, objecta quædam intueantur necesse est, atque inter ea discrimen percipiant. Esti vero is, cui media in luce lumina sunt aperta, nequit

non videre: tamen quædam sunt, ad quæ liberum est ei, oculos referre. aut non; ita nimirum si liber ipsi ad manum esset, picturarum forte aut fabularum refertissimus; e quibus oblectari magnopere, aut erudiri posset, soluta tamen ipsi esset eligendi optio, utrum eum aperire, aut inspicere vellet, nec ne.

§. II.

Applicatio voluntaria est; non vero intellectiva.

Aliud etiam est situm in potestate hominis, etiam si fortasse oculos ad objectum aliquod nunquam convertat, liberum tamen ipsi est statuere, utrum illud oculorum, atque ingenii acie omni contemplari, & quæ in eo cerni possunt, omnia diligenter rimari velit, nec ne. Quod vero intuetur, hæud aliter ab eo cerni potest, quam actu tunc obicitur: haud potest voluntas illud tanquam *nigrum* sibi repræsentare, aut *frigidum*, quod *flavum* aut *calidum* esse persentit: non in terra verni aut æstivi flores, aut in pratis viriditas comparabit, quotiescunque ipsi visum fuerit; frigore hiberno, velit nolit, terram pruina canescentem cernat necesse est, si modo oculos huc illuc circumferre velit. Haud secus se res habet in intellectu, in cognitione nostra nihil *voluntarium* est, quam ut objectum quodvis pro arbitratu nostro breviter & in transcurso, aut accuratius contemplemur, aut facultates animi ab ejus contemplatione cohibeamus: at cum istæ circa illud semel versatæ fuerint, *haud penes est voluntatem efficere, ut intellectus hoc val illo modo sequatur*; id fit per objectum, prout clare percipitur. Quatenus itaque sensus circa objecta externa versantur, nequit non mens *Ideas* recipere, quæ ab iis obijciuntur, & res extra existentes persentire: & quovisque cogi-

cogitationes hominum eas, quas ipsi habent, *Ideas* terminatas respiciant, nequeunt non, aliquo modo, quæ in quibuldam ex iis reperitur, convenientiam, & repugnantiam animadvertere, quæ eatenus cognitio dicenda est: & si illi, quas contemplantur ita, *Ideis* indita sunt nomina, necesse est, ut propositiones, quibus convenientia, aut repugnantia ista exprimitur, veræ esse deprehendantur, & proinde veritates ex nullam dubitationem habeant. Quod enim videt quis, nequit non videre; & quod perferit, illud se perferre certus scit.

§. III.

Exemplum petitur a numeris.

ITa qui numerorum *Ideas* adeptus, *unum*, *duo*, *tria*, cum numero *senario* confert, illorum æqualitatem ignorare nequit, qui trianguli *Ideam* tactus, angulos istius, & eorum magnitudines mensurare novit, haud magis dubitat, utrum tres anguli istius æquales sint duobus rectis, quam de effato isto, *Impossibile est idem simul esse, & non esse.*

A religione naturali.

Is etiam, in quo *Idea* est entis intelligentis, verum imbecillis & fragilis, facti ab Entē alio, æterno, omnipotenti, bonitate & sapientia summa prædito, & ab eo semper pendentis, non minus certo sciet, Deum ab homine colendum & obtemperandum esse, quam eum, quem intuetur, Solem lucere. Si enim duabus istis *Ideis* inbutus, eas in animo secum considerare velit, non minus ipsi perspicuum erit, finitum, & ab alio sustentatum, ens illud, teneri obstrictum supremo, atque Enti infinito morem gerere, quam *tria* quatuor, & *septem* haud numero quinde-

decim æquare, postquam rationem computaverit; nec, luce serena, certius scire potest, Solem esse exortum, quem apertis oculis intuetur. Hæ tamen veritates, ubicunque claræ & perspicuæ, eum latere possunt, qui in iis, prout fas est, contemplandis animi facultates exercere nolit.

C A P. XIV.

De Judicio.

§. I.

*Cum cognitio nostra perangusta sit, aliquid
ulterius requiritur.*

Cum facultates rationis participes nobis datæ sint, non ad rerum contemplationem tantum, verum ad nostri etiam regimen, male comparata esset ratio vitæ naturæque nostræ, si regula & præscriptio vitæ a nulla re sumenda esset, nisi cujus cognitio vera est & certa. Cum enim istiusmodi scientia brevibus (ut superius ostendimur) cancellis circumscripta sit, necesse foret, eum in tenebris & errore versari, & quo se verteret, in plurimis actionibus, non haberet, qui præter certum & exploratum nihil unquam sequeretur. Qui cibos aspernabitur, usque dum eos salubres esse, atque negotio abstinere, donec illud prospere successurum, certo sciverit eum segnitia inertissima perire necesse est.

§. II.

§. II.

Dubie hujus lucis, sive cognitionis quanam est usus?

Quare sicut Deus quædam in aperta luce posuit; sicut effecit, ut in rebus quibusdam, etsi quidem aliarum respectu paucissimis, cognitionem certam haberemus, ut delibantes ita, forsitan, quid creaturæ mente præditæ percipere possint, status melioris studio aderemus: ita in rebus plerisque non nisi lucis dubiæ, aut, si ita loqui liceat, *probabilitatis* crepusculæ exhibuerit, quod isti, puto, quo hic utimur, mediocritatis & aptum ipsi visum est; ut nos haud essemus præsidentes, verum ex iis, quæ experiamur quotidie, disceremus, cognitio nostra quam angustum in locum concludatur, & quam nos errori simus obnoxii; unde admoneamur oportet, quam consentaneum sit, ut quamdiu hic diversamur ævum exigamus in via ista invenienda, per quam in perfectiorem longe statum, & tranquillitatis portum tandem ingrediemur. Si enim nihil a Deo revelatum esset, at ratio ipsa doceret, quam probabile sit, Deum, post vitæ hujus curriculum, cuique retributorum juxta ea, quæ ipsi fecerint in mundi hujus theatro.

§. III.

Defectus certæ cognitionis per judicium tollitur.

Deus, ut subveniret hominum erroribus loco claræ & certæ cognitionis, quæ nequit semper comparari, iis aliam *facultatem* indidit, perspicax nempe *judicium*: per quod mens inter ideas suas convenientiam deprehendit aut repugnantiam; vel quod

quod idem sonat, propositionem quandam veram esse aut falsam, etiam si haud liquet ipsi, argumentorum veritatem clare demonstrari. Mens *judicium* hoc aliquando exerceret ex necessitate, ubi argumenta demonstrativa, & certam cognitionem reperire nequit aliquando ex socordia, aut præcipitantia, idque ubi demonstrativa & certa argumenta inveniri possunt. Homines haud sæpissime ne tempus adhibent, ad eam, quam scire cupiunt, *idearum* duarum convenientiam aut repugnantiam diligenter & caute examinandam; verum cum vel animos ita attendere, ut in longa progressionem & argumentorum serie requiritur, vel diutius circa id morari nequeant, hinc fit, ut vel argumenta penitus prætermittant: atque ita ex vaga & soluta hac contemplatione & e longinquo facta, nulla prorsus demonstratione adhibita, duas quasdam *Ideas* convenire, aut inter se repugnare temere statim pronunciant. Hæc animi facultas, quando circa res immediate versatur, *judicium* dicitur; quando circa veritates, quæ verbis traduntur, tunc plerumque *assentire* dicimur, aut *assensus* cohibere; & quoniam circa *assensus* aut *assensiones* *sustinendas* hæc animi facultas communiter versatur, hic a me tractabitur sub terminis hisce, qui minime sunt æquivoci.

§. IV.

*Judicium res esse supponit, quæ non
percipiuntur.*

EX dictis patet, in mente duas esse facultates, quæ circa veritatem & falsitatem versantur.

Prima Est Cognitionis, quæ efficit, ut duarum qua-
Tom. V. M run-

rundam *Idearum* convenientiam aut repugnantiam certo cognoscat (56).

Secunda Judicium ; quod *Idearum* est affirmatio, aut de se invicem in mente negatio, quando illarum convenientia, aut repugnantia inter se haud certo scitur, verum *præsumitur* tantum, Atque si conjunctio hæc, aut *Idearum* sejunctio rerum ipsarum veritati respondeat, dicitur *judicium rectum*.

C A P. XV.

De Probabilitate.

§. I.

Probabilitas est verisimilis convenientia ex argumentis non certis.

Sicut Demonstratio duarum *Idearum* convenientiam, aut repugnantiam ostendit, argumentorum interventu, quæ constantem habent; ita *Probabilitas* nihil est aliud, quam verisimilitudo istiusmodi convenientiæ, aut repugnantiae, argumentorum interventu, quorum connexio haud constans est & immutabilis, vel saltem non est ut ejusmodi percepta (*) verum quæ ita connexa sunt, ut enuntiatio vera po-

(56) Si adest cognitio, ut inquit Auctor, cognoscit, nullo actu superveniente; Hinc dicere, *cognitio est* quæ efficit, . . ut cognoscat, est quid involutum ac incongruum dicere, si consideratur cognitio in perceptione convenientiæ, aut repugnantiae idearum, qua de re *V. adn. s. IV.*

(*) Sic COSTA.

potius quam falsa esse videatur. Exempli gratia : Qui demonstrationem hujus veritatis, *Tres anguli trianguli sunt æquales duobus rectis*, contexit, clare intuetur certam & immutabilem æqualitatis connexionem, inter *trianguli* tres angulos, atque intermedios istos, qui adhibentur ad eorum æqualitatem probandam cum duobus rectis: atque ita per cognitionem intuitivam convenientiæ, aut repugnantiae *Idearum* mediarum per singulos gradus progressionis, series & continuatio adeo perspicua est, ut liquido appareat, tres anguli isti quam in æqualitate convenientiam aut repugnantiam habeant cum duobus rectis. atque hinc is cognitionem certam adipiscitur. Alius vero, qui ad demonstrationem istam haud animum unquam attendit, cum a viro accipit Mathematicos perito, & fidei insuper perspectæ, tres angulos trianguli æquales esse duobus rectis, isti *assentitur*; hoc est, pro vera eam amplexatur. Quo in casu, assensus fundamentum est rei ipsius verisimilitudo, argumento quippe nititur, quod verum esse utprimum deprehenditur: cum vir iste, qui testimonium illud perhibet, nihil præter certum & exploratum, præsertim in rebus hujusmodi; affirmare soleat. Quare ratio hic assentiendi, est dictorum ejus, qui illud refert, testata & pervulgata fides, vel quia in hoc casu cum veracem esse credit.

§. II.

Cognitionis locum obtinet.

Cognitio nostra cum, ut ostensum est, per angustia sit, nec, quoties eam investigamus, veritatem nobis invenire liceat; hinc fit, ut in propositionibus plerisque, sive ex familiari nostro colloquio, sive e ratiociniis, aut vitæ actionibus oriatur, nihil certum haberi possit: quædam tamen certum.

M 2

titur.

titudini affines adeo sunt, ut de iis haudquaquam dubitemus; verum perinde iis assentimur, & juxta assensiones idas obfirmato animo actiones, nostras dirigimus, ac si, ut in demonstrationibus fit, veritas earum perfecta & manifesta esset. At cum hic gradus fit, a confinijs usque certitudinis & demonstrationis, donec ad improbable & veri dissimile, atque impossibilitatis vicinities finitimas ventum tandem fuerit; atque assensionis insuper gradus a cognitione certa, & quæ isti proxima est, plena pervasione, usque ad conjecturam, dubitationem, & diffidentiam, quoniam (ut puto) humanæ cognitionis & certitudinis fines inveniri proxime varios gradus & fundamenta probabilitatis, atque assensus fidei hic perscrutaturus sum.

§. III.

*Efficit, ut res pro veris amplexemur ante, quam
eæ certo cognite sunt.*

Probabilitas, quæ verisimilitudo est, ut ex vocis notatione liquet, propositionem denotat, cui argumenta suppetunt, quibus veritas ejus probari possit. Sententia, qua mens propositionem hanc comprobatur fides dicitur, assensus sive opinio quando nempe, probabilibus nixi argumentis, enunciationem aliquam pro vera amplectimur, cujus veritas haud certo cognita est. Atque in hoc probabilitas a certitudine, fides a cognitione differt, quod cognitio, quamcunque ejus partem respicimus, ubique sit intuitiva in idea immediata, & progressu omni clara est & manifesta connexio; in fide non item. Quod rei cuidam fidem affert, aliquid est isti extrinsecum; haud nempe cum iis, circa quas versamur, Ideis utrinque plane connexum, & proinde convenientiam, aut repugnantiam illarum haud manifesto ostendens.

§. IV.

§. IV.

*Probabilitatis fundamenta duo; rei cujusdam
convenientia cum experientia no-
stra, aut aliorum Te-
stimonium.*

Probabilitas itaque, cujus minus est mederi orro-
ribus nostris atque cognitio deficit, lucem no-
bis præferre, circa propositiones semper versatur;
quibus ut assentiamur rationibus adducimur, etiam si
haud nobis explorata sit veritas illarum. Fundamen-
ta istius duo sunt:

Prima. Rei cujusdam convenientia cum cognitio-
ne, observatione, & experientia nostra.

Secundo. Testimonium aliorum, quo ea confir-
mant, quæ observarunt atque experti sunt. In alio-
rum Testimonio spectari debent: 1. Numerus. 2.
Probitas, & integritas. 3. Testium perspicacitas. 4.
Scopus auctoris, ubi ex libro testimonium citatur.
5. Membrorum, & circumstantiarum rei relatæ in-
ter se consensus. 6. Testimonia contraria (57).

§. V.

*Omnes utrinque convenientiæ prius expen-
di debent, quam iudicium latum
fuerit.*

Quoniam in probabilitate deest intuitiva ista evi-
dencia, quæ intellectum determinat, & certam
parit cognitionem, *Mens, si modo rationi con-
gruenter agere velit*, probabilitatis gradus & funda-
menta expendere, & quomodo magis minusve, aut

M 3

fir-

(57) Hæc est ars critica.

firment, aut probabilem quandam propositionem infirment, considerare prius debet, quam assensum isti præbeat, aut deneget: & post accuratum examen, par est, ut mens, in ea amplexandâ, aut rejicienda, magis minusve sit obfirmata, prout ex una, aut altera parte maior, minorve est vis argumentorum. Exempli gratia:

Si ipsemet hominem video glacie inambulantem; non opinio sive *probabilitas*, verum in me certa nascitur cognitio: at si alios mihi dixerit, se media hyeme quemdam vidisse in Anglia flumine congelato incedentem; hoc commune adeo & quotidianum est, ut, nisi mendacii gravis aliqua suspicio aliunde injecta foret, rei ipsius natura assensum mihi extorqueret. At si res eadem cuipiam nunciata fuerit, nato inter Tropicos, cui nihil ejusmodi auditum prius aut visum erat, ibi istius veritas referentis testimonio nititur. Et prout major minorve est numerus, aut fides testium, aut spes lucri ex mendacio; ita testimonium illud magis, minusve erit validum. Etiam si apud hominem, qui per vitam omnem nihil istiusmodi expertus fuerit, haud fidem reperiet, licet ab alio narratum, in quo singularis probitas semper eluxerit. Id *Fœderatorum* Ordinum Legato semel accidit, qui *Siamarum* Regi, multa ex ipso curiose de *Belgio* quærenti, inter alia dixit, aquam ibi frigore nonnunquam ita indurari, ut homines in ea passim cursitent, atque ista molem elephantis sustinere possit. Cui Rex, *hactenus tibi, quæ mihi dixisti, monstra credidi, quoniam te integrum & honestum putavi, nunc te mentiri certius scio.*

Probabilita major est & minor.

Hisce fundamentis propositionis cojusdam *probabilitas* nititur: atque ut cognitionis nostræ conformitas, ut observatorum certitudo, ut perpetua & constans experientia, atque numerus & credibilitas testimoniorum, magis minusve cum ea conveniunt aut repugnant; ita propositio quædam in se magis minusve etsi probabilis. Fateor quidem, aliud esse, etsi non ex se verum, communiter tamen usurpatum, *probabilitatis* argumentum, *aliorum nempe opinionem* quibus hominum assensiones magis, quam alia quavis re, ut plurimam reguntur, etiamsi nihil sit, a quo majus est erroris periculum; cum palam sit, homines hic in opinionibus crebro falli, atque in errore sæpius, quam veritatis & cognitionis luce versari. Et si aliorum opiniones notorum ipsis, de quibus bene sentiunt, homines sequi debent, par erit, ut omnes in *Japonia* sint *Ethnici*, in *Tuecarum Imperio* *Mahumetani*, in *Hispania* *Pontificii*, in *Anglia* *Protestantes*, & *Lutherani* in *Svecia*. Ar de erroneo hoc assensus principio alibi fufius erit dicendam.

C A P. XVI.

De Assensus Gradibus.

§. I.

*Ut argumenta probabilitatis, ita assensus
noster se habere debet.*

Quibus argumentis Probabile confirmetur, superiori capite ostensum est; ut ea fundamenta sunt, quibus *assensus* nititur, ita juxta ea singulos istius gradus regere & moderari debemus: notandum vero est; quæcunque sint argumenta probabilitatis, ea mentem, quæ verum exquirere, atque rectum facere judicium cupit; eatenus tantum afficere, quatenus apparent; saltem in primo judicio aut veri inquisitione a mente facta. Fateor equidem in iis, quæ in hominibus inveterarunt, opinionibus, homines, quando eas comprobant, haud actu semper argumenta intueri, quibus inducti iis primum assensi sunt: multis enim in casibus impossibile, & in plerisque valde difficile est, ut etiam iis, in quibus memoria est tenacissima, omnia argumenta ista recordarentur. Satis est, se opinionem hanc semel accurate excussisse, atque expendisse omnia, quæ lucem aliquam quæstioni afferre possent, deinde se argumentationis summam, atque eam, quam, post accuratum examen, concepere sententiam, memorix tradidisse; atque in posterum meminisse, hanc esse opinionem, quam argumentis utriusque partis inter se comparatis, olim assensu isto dignam putarunt.

§. II.

§. II.

*Hæc animo nequeunt semper actū obversari,
quare meminisse sat est, non assensus
istius rationem olim vidisse.*

PRæter hoc nihil ab hominibus fieri potest in *sententiis* & *judiciis* suis regendis; nisi forte quis ab iis exigat, ut, quæ probabilem quandam veritatem firmant, argumenta omnia eodem ordine in memoria retinerent, quo notata primitus, aut ab iis disposita fuere, tali modo, quæ ex simplici una questione oriuntur, grande nonnunquam volumen impleant: aut ab hominibus requirant necesse est, ut quam tenent opinionis uniuscujusque argumenta indies expendant; quorum utrumque impossibile est. Fieri itaque non potest, quin memoriæ in hoc casu fidamus, atque *nobismet persuadeamus, multas opiniones esse veras. quarum argumenta haud animo actū obversantur*; imo fortasse quorum in memoriam vix redire possunt. Nisi res ita se haberet, necesse foret, ut plerique omnes aut sceptici essent, aut temporis momento mutarent sententias, atque in eorum transirent opiniones, qui questione ista recens expensa argumenta afferunt; quæ, propter memoriam labilem, solvere statim nequeunt.

§. III.

*Multa hinc incommoda, nisi judicium la-
rum recte esset.*

FAteor equidem, homines nonnunquam obstinatiores & errore exinde obfirmatores esse, quod iis quas animis prius conceperunt, opinionibus & conclusionibus, olim factis nimis adhærescant. Quod vitium non exinde oritur, quod in rebus, diligenter prius

prius expensis, fidem habeant memoriæ, verum quia ante accuratum satis examen latum ab illis iudicium est. Quis nescit, plurimos (non dico plerisque omnes) non alia de ratione putare, se de rebus multis recte iudicare, quam quod in alia nunquam opinione erant, nec sensum, quem habent, ad rationis normam exegerunt? Quam absurdum hoc, arbitrari nimirum, se de rebus recte sentire, cum nihil omnino sentiant? Hinihilominus dogmata sua, quæ expensa nunquam, aut ab iis vix cogitata sunt, magis obstinate & pugnaciter, quam alii, defendunt. Quod semel compertum est, id se ita habere, certo scimus: nec, quæ dubium illud faciant aut veritatem ejus labefactent, argumenta ulla occulte latere possunt. In re autem probabili, pro certo scire hand semper possumus, nobis singularia omnia observari, quæ ad quæstionem istam quovis modo pertinet; nec esse argumentum aliquod latens, & inauditum adhuc, quod, cum allatis omnibus validius sit, aliter nos sentire cogat. Quisnam ferme est patiens adeo, aut otiosus a negotio, ut, quæ opiniones ejus firmanant argumenta, omnia accurate adeo colligat, ut dicere possit, se clare omnia intueri, nec quippiam contra afferri posse? Fieri tamen nequit, quin hanc, vel illam opinionem amplectamur. Res illæ quæ vitæ regimen spectant, quæque maximi sunt momenti, moram ferre nequeunt: illæ enim ut plurimum pendent e lato a nobis iudicio, ubi cognitionem certam assequi nequimus, verum secundum partem aliquam decernere necessum habemus.

§. IV.

Hinc discimus, quam sit consentaneum, nos charitate mutua nosmet amplecti.

Quoniam itaque fieri nequit, quin plurimi, quidni dixerim omnes, *opiniones* sequantur, de quarum veritate haud certo iis conitare potest, atque ii levitatis & inscitiae merito arguendi sunt, qui statim, argumento objecto quod nequeunt diluere, a priori sententia decedunt: æquum mihi videtur, ut homines pacem & concordiam tueantur, ut se invicem humaniter ferant, & in ea, qua sunt, *sententiarum disjunctiones*, *amicitiæ conjuncti* maneant: præsertim cum non rogandus sit quispiam, ut se ad auctoritatem conferens, atque alterius voluntati obsequens, repudiata sua, sententiam ipsius amplexaretur. Hoc a mente humana fieri nequit, etsi enim sæpius forsitan erret, impossibile tamen est, ut aliam, quam rationem, ducem sequeretur, aut in alterius dictata temere juraret. Si is, quem idem nobiscum sentire cupimus, ex eorum numero sit, qui abstinet ab omni assensu, usque dum rem prius expenderint, permitendum est, ut is per otium rem totam percurrat, atque eorum, quæ exiderunt animo, in memoriam rediens, particulatim omnia & accuratè excutiat, ut videat ita, quæ potior sit sententia: & si in argumentis nostris haud eam putat vim inesse, et in iis examinandis operæ tantum impenderet, haud ei nos propterea succensere debemus, cum simili in casu dogmata, ab aliis nobis injecta, detrectare soleamus. Et si is ex eorum sit hæresi, qui aliorum opinionibus nituntur, nequicquam speramus, ut a dogmatibus, recedat, quæ vetusta adeo, atque animo inusta sunt, ut ea haud aliter amplexetur, quam si per se clara, & a Deo menti ingenita essent. Peræquum est, ut, nos ignorantiae nostræ mutuo miserti, istis,

istis, quum fieri potest, mollibus præceptis medeamur, nec in alios ita statim excandescamus, aut eorum inflexibilem insectemur æstinationem, quod noliint suas repudiare, & in nostras venire, sententias, cum fortasse nostras haud minus culpanda sit pervicacia, quod idem cum ipsis sentire nolumus.

Ubinam enim gentium is reperiendus est, cui omnium, quæ tenet, veritas, aut quæ improbat, dogmatum falsitas comperta sit; quisve dicere aufit, se suas, aut aliorum opiniones omnes penitus examinasse? Necessitas ista, qua, in fluxu hoc rerum statu & errore, quo versamur, haud certo cognitis assensum præbere constringimur, nos admonere debet; nostri potius officii esse, veritatem diligenter investigare, quam ab alijs exigere, ut in verba nostræ jurent. Saltem ii, a quibus dogmata sua haud accuratissime excussa sunt, fateri debent, quam iniquum sit, ut, quæ tenenda sint, alijs præscriberent. Ad illos potius jure pertinet, quibus, post examen accuratum, omnis dubitatio sublata est, quæ tueri debeant, dogmata alijs dictare: hi vero numero pauci adeo sunt, &, cùm dogmatici forent, rationem invenire tam difficile esse vident, ut ab iis nihil insolens; aut imperiosum sit metuendum: nec dubito; quin homines, si majori perspicacia essent, dogmata sua alijs parcius imposerent.

§. V.

Probabilitas aut circa factum versatur, aut circa speculationem.

UT vero ad assensus fundamenta, & varios istius gradus redeamus, notandum est, duorum generum propositiones esse, quibus res probabiles materiam suppeditant; aut enim circa ens aliquod particulare, sive factum versantur, cujus testimonij per-

perhiberi potest; aut circa res, quæ, quoniam a sensibus remotæ sunt, haud testimonio locum relinquunt.

§. VI.

Experimenta a nobis, atque aliis constanter facta opinionem generant, a certa cognitione parum distantem.

Quod ad primum attinet, particulare nempe factum quodvis, observamus.

Primo, Ubi particularis res aliqua, iis congrua, quæ a nobismet aut aliis, simili in casu, constanter animadverta sunt, omnium testimoniis confirmatur, a quibus tractata est, eam perinde recipimus, ac si certo cognita ac plane demonstrata esset. Verbi gratia, si Angli omnes, quoties de re ista sermo incideret, affirmarent, flumina omnia hyeme superiori frigore concreta extitisse, aut æstate hirundines ibi comparuisse, ea, puto, haud magis dubitationem haberent, quam si diceret quis quatuor & septem undecim efficere. Primus itaque & altissimus gradus probabilitatis est. ubi omnium consensus, omni ætate, quantum istæ sciri potest, iis respondens; quæ in consimili casu semper a nobis observata sunt, rei istius veritatem firmit, cui a viris testimonium perhibetur: hujusmodi sunt certæ temperationes & proprietates corporum, atque effectus isti, qui ex causis naturalibus in dies produciuntur. Hoc argumentum dicimus sumtum ex rerum ipsarum natura. Quod enim semper eodem modo evenire nostra & aliorum constans observatio invenit, id ex causa regulari & constanti manare, etiam si nobis incognita, quidni statuamus? Cum dicimus, ignem homines calefacere, plumbum liquefacere, ligno aut carboni alium

alium tribuere colorem aut partium contextum . Ferrum aquæ immissum subsidere ad imum , argento autem vivo innatare ; has atque alias huiusmodi propositiones circa particularia , quæ obversantur , quoniam iis respondent , quæ ipsimet experimur , atque eodem modo evenire constanterprehenduntur , pro veris semper amplexamur . Hæc , quæ *probabilia* tantum sunt , ad *cognitionem certam* prope adeo accedunt , ut nos ad assentiendum iis non minus alligant , quam si clare demonstrata essent : & quæ hinc nascitur opinio a *scientia* parum distat .

§. VII.

Testimonio assentimur , quando illud cum iis congruit , quæ experti sumus .

S*ecundus Gradus probabilitatis* est , quando ex iis , quæ ipsemet expertus sum , atque aliorum omnium consensu , rem ita plerumque se habere compertio ; atque huic , quod particulatim dicitur , multos fide dignos testimonium perhibere ; verbi gratia , ex Historiarum monumentis , & diuturna observatione didici , plerosque omnes suas ipsorum Reipublicæ commoda præferri ; quare si Historici omnes , qui de *Tiberio* scripsere , eam isto fuisse ingenio scriptis tradidere , id probabile videri debet . Quo in casu rei quando assentimur , plena istius & *firma* nobis persuasio innascitur .

§. VIII.

§. VIII.

*Cordatorum testimonio assentimur, quando
non pugnantia loquuntur.*

Tertio, in rebus, quæ fortuito & indifferenter eveniunt, ut nempe quando dicimus, aviculam hæc vel illa cœli plaga volare, cœlum ad dextrum aut lævum latus tonare, &c. ubi plurimi fide digni rei cujdam testimonium dant, ibi assensum cohibere nequimus. Ita verbi gratia cum dicimus, urbem esse in Italia, nomine Romam: Lapsis jam mille septingentis circiter annis quendam ibi vixisse, quem Julium Cæsarem vocabant, eum Imperatorem fuisse, & Pmopejum prælio superasse. Quoniam hæc, etiam si in rerum ipsarum natura nihil sit, quod dictis fident conciliet adimatve, a viris cordatis Historiarum monumentis mandata sunt, nec quippiam contra ab ullo unquam scriptore allatum sit, nobis haud magis dubia esse possunt, quam utrum socii nostri extiterint, necne, aut ea fecerint, quæ, nobis inspicientibus, ab iis facta sunt.

§. IX.

Testimoni fides vacillat, quando experientie contradicit.

Quæ hætenus diximus, intellectu facilia sunt. Probabile, hisce argumentis innixum, perspicuum adeo est, ut judicium facile determet, nec magis liberum nobis relinquat, narratis præbere, aut denegare assensum, quam, post demonstrationem elicere, utrum rem demonstratam scire, aut ignorere velimus. Difficultas est, quando testimonia communi experientie contradicunt, & quæ ab historicis aut testibus perhibentur, cum se invicem aut

iis

iis pugnant, quæ in naturali rerum cursu eveniunt, hic diligente attentione & solertia opus est, ut judicemus recte, & ad evidentiam & rerum probabilem *assensum* nostrum accommodemus, qui affirmator quidem, aut debilior est, prout duo ista credibilitatis fundamenta; communis nempe observatio in causis consimilibus & testimonia tunc allata istum magis minusve firmant. Atque hic contrarium observationum, circumstantiarum, & rumorum veritas tanta est, & qui ista referunt ingenio, moribus, studiis, & consiliis tantum inter se discrepant, ut certas assensus regulas tradere impossibile sit. Hoc tantummodo generatim dicendum est, argumenta utrinque allata, prout in iis diligenter expensis major minorve vis inesse deprehenditur, in nobis diversum istum assensum generare; quem dicimus; *fidem, conjecturam, dubitationem, hesitationem, diffidentiam, &c.*

§. X.

*Testimonia traditionalia, quo a primaria
veritate remotiora, eo minorem
fidem merentur.*

HÆc ad *Assensum* in rebus pertinent, in quibus aliorum testimonio nitimur; atque hic, puto, haud absurda erit regulæ mentio, in nostrati jure municipalis usurpatæ, quæ syngraphæ, sive diplomatis cujusdam in tabulas publicas relati apographum, non vero Apographi istius exemplum. testimonii loco in foro recipit. Hoc a nemine, quod sciam, unquam improbatum est, cum sit prudentiæ isti & cautioni consentaneum, qua uti debemus in veritatum inquisitione, e quibus maxima rerum momenta pendent. Ex usu hoc forensi, si ad controversias circa rectum & iniquum dirimendas adhibendus sit, notare licet, testimonium quodvis, quo a primaria veri-

veritate remotius, eo minorem vim habere. Rem ipsam sive existentiam ejus *primariam* voco *veritatem*. Si quis famæ integerrimæ, se eam comperisse, testificabitur, amplissimum erit testimonium, si alius vero, cujus non minus spectata est fides, se id ab eo excepisse dixerit, testimonium illud minus erit validum; & quidem multo minus, si tertius affirmaverit, se rem didicisse ab eo, qui eam auditione ab altero accepit. Hinc patet, *in veritatibus, quas per traditionem accipimus, proximum quemque, eas alteri referentem, testimonii istius vim imminuere*: & quo plures ii sunt, per quos ad alios successive & per manus quasi perferuntur, eo magis fidem istarum labefactari. Hoc obiter hic notandum putavi, quoniam nonnulli aliter mihi sentire videntur, atque opinionem quamvis, quo vetustior est, eo fide digniorem putant; & quod olim ante mille annos viro sapienti, æquali ejus, qui fabulam istam credulam apud plebem primus vulgavit, haud probabile videretur, sine dubitatione quavis nunc propterea tenendum esse arbitrantur, quia plurimi per tot secula isti assensi sunt. Hinc fit, ut propositiones multæ, primo ipsarum ortu plane falsæ aut dubiæ valde, inversa probabilitatis regula, pro veritatibus manifestis habeantur. Et quæ in ore illorum, a quibus initio prolatae erant, haud fidem mereri censebantur, vetustate adeo invalescunt, ut extra controversiam positæ videantur.

§. XI.

Historia tamen permagni est usus.

QUæ hic a me dicta sunt, nolim quis pejorem in partem interpretetur, quasi *Historiæ* fidem atque usum nihil facturum essem: hinc omnem, qua sæpissime utitur, lucem mutuamur, hinc frui-

ctuosas multas, nec aliunde notas veritates clare percipimus. Nihil antiquitatis monumentis pluris aestimandum puto, utinam ea plura essent, & mendaciis minus contaminata. Hoc autem veritas ipsa me dicere cogit, nullam *opinionem probabilem* ultra primum ejus fontem pertingere posse. Quod per unicum tantum testem pervulgatum est, fidem istius, spectata sit, sive corrupta, penes testimonium illud in posterum semper consistere necesse est; & licet ab innumeris postea Scriptoribus usurpetur, exinde tamen fides istius convelli magis, quam firmari putanda est. Pravi affectus, emolumenta sive pramia, incuria, ignorantia atque alia multa efficere possunt, ut, qui autorem citat, sensum istius haud recte nobis tradat. Qui in iis examinandis, quæ excerpta sunt ex scriptoribus, minimum versatus fuerit, ignorare nequit, quam parum iis fides sit habenda, qui autores citant, quorum opera interiere, atque iis multo minus, qui ad sententias suas firmandas scriptorum testimonio utuntur, à quibus ista ab aliis prius excerpta erant, Hoc certo certius est, quod seculo una haud notum satis & testatum erat, illud, temporis progressu, repetitum sæpius, haud majorem fidem acquirere; verum quo longius a fonte manat, eo invalidus fieri, & in ore cujusvis, proxime illud usurpantis, minorem semper vim habere.

§. XII.

Rerum, sub sensum minime cadentium, probabilitas ab analogia colligitur.

PROBabilia hæcenus memorata, ad ea tantum spectant, quæ facta sunt, & quæ observationi nostræ obijciuntur testesque recipiunt. Superest adhuc illorum genus aliud, circa quæ, ut homines in opinionum varietate magna positi sunt, ita alio atque alio

alio modo iis assentiuntur, etiamsi *res* ejusmodi sint, ut sub sensum minime calentibus, *testimonium* iis perhiberi nequeat. Hujusmodi sunt: 1. Existentia, natura, & operationes extra nos existentium entium finitorum immaterialium; Spirituum nempe, Angelorum, Dæmonum, &c. aut existentia entium materialium, quæ propter nimiam tenuitatem, aut a nobis distantiam haud in sensu incurrunt; ita nimirum nescimus, utrum in planetis, aut ingentis hujus universi plagis remotissimis, plantæ, animalia, aut entia intellectualia reperiantur, nec ne. 2. Quæ modum operandi spectant in plerisque omnibus naturæ opificiis; in quibus etiamsi effectus sensibiles cernimus, nos tamen causæ latent & modus producendi, Perspicuum est, animalia generari, nutriri, semet de loco in locum movere, magnetem ferrum trahere; partes candelæ successive liquefactas verti in flammam, atque calorem simul & lucem nobis impertire. Hos omnes atque similes effectus actu videmus, causas tamen operantes, aut quomodo operentur, non nisi probabili tantum conjectura assequimur. Quoniam enim hæc sensuum scrutinio haud subiecta sunt, de iis testimonium quoddam reddere nequeunt, quare magis minuse probabilia videntur, quatenus cum veritatibus prius receptis, aut cum pristina nostra cognitione aut observatione majorem habent aut minorem cognationem. In hac re ad *analogiam* tantum recurrendum est, ab hac unice probabililitatis fundamenta desumenda sunt. Hoc modo observantes ex duorum corporum in se vehementi collisione sola, *calorem*, & sæpissime *ignem* ipsum produci, quidni putemus, quod calorem & ignem vocamus, fieri ex concitatissima quadam agitatione insensibilium partium minutarum materiæ istius accensæ: observantes etiam, corporum pellucidorum refractiones diversas diversorum colorum varias species in oculis nostris producere; similiter

porum plurimum, serici nimirum viliosi, aut undulati, &c. situm aut positum diversum idem efficere probabile putamus, colorem & fulgorem corporum, in iis nihil aliud esse, quam minutarum & partium insensibilium situm & refractionem diversam. Similiter animadvertentes, universis hujus partes omnes, quas nos contemplamur, sibi invicem, sine ullo intervenienti insigni & perceptibili hiatu in magna ista rerum veritate, ita connexas esse, ut, ubi a se mutuo determinentur, reperire difficillimum sit, credamus consentaneum est, res per faciles istiusmodi gradus sensim ad alteriorem perfectionem adscendere. Statuere difficile est, ubi sensibile & rationale incipiat, atque insensibile definat, & quis perspicax adeo est, ut, quæ entium animatorum, quæ manimatorum species sit intima, definire possit? Entia, quantum nobis observare licet, minuuntur & incrementis angeliscunt, quantitatis ritu in cono regulari, ubi licet insigne sit discrimen inter magnitudinem diametri longe remoti, discrimen vero inter summum & infimum, ubi se mutuo contingunt, percipi vix potest. Inter homines & animalia quædam mira est differentia: at si hominum quorundam intelligentia cum ea compareretur, quæ in bestiis quibusdam reperitur, uter antecellat alterum, statuere haud erit. Quoniam itaque, ut dixi, hoc modo ad ea per faciles descenditur, quæ in corpore universi infra hominem posita sunt, per Regulam analogiæ conjectare licet, in iis, quæ supra nos sunt, & extra observationum nostrarum cancellos, rem similiter se habere, atque veritas esse entium intellectualium classes, quæ perfectione nobis diverso modo antecellunt, atque versus summi creatoris perfectionem infinitam sursum per gradus faciles tendunt, quoniam singuli altiores a proximo quoque haud longe distant. Hujus probabililitatis, qua ad experimenta rationalia & *hypoteses* via optime aperitur, usus & vis
ma:

magna est: rerum enim analogiam contemplantes, in vera sæpissime, & inventa utilia incidimus, quæ nos alioquin latuissent.

§. XIII.

Quodam in casu haud testimonium propterea infirmatur, quod experientiæ contradicit,

ETiam si communis experientiæ, & constantis rerum naturalium ordinis, vis magna sit, eaque assensiones nostras jure optimo moderentur; attamen quodam in casu, post clarum testimonium, haud assensum propterea cohibere debemus, quod, quæ narrantur, monstra esse videntur. Ubi enim eventa istiusmodi, quæ supra sunt vires naturæ, ad scopum accommodata sunt, ab eo propositam, cujus in manu est, naturæ ordinem immutare, ibi ad fidem conciliandam aptiora esse possunt, quo recentiora sunt & a comuni observatione magis aliena. De *miraculis* hic loquor quod quando testimonium rite perhibetur, non tantummodo ipsamet fidem reperiunt, verum eam aliis conciliant veritatibus, quæ istiusmodi confirmatione opus habent.

§. XIV.

Testimonium Divinum maximam parit certitudinem.

PRæter eas hæcenus à me memorias, unum est propositionum genus, quæ statim post testimonium allatum, assensus nostri gradum altissimum vendicat, sive res proposita communi nostræ experientiæ, & naturali rerum ordini respondeat, nec ne. Ratio est,

quoniam *Dei* testimonio confirmatur, qui nec alios ludere, nec dolis ipse decipi potest. Hujus certitudo atque evidentia adeo clara est, ut nullus dubitationi locus relinquatur. Hoc peculiari nomine *Revelationem* atque assensum nostrum *fidem* vocamus, quæ mentes nostras determinat, & hasitationem omnem in nobis non minus tollit, quam clara cognitio nostra; nec magis dubitari potest, utrum nosmet existimamus, quam, quod a *Deo* revelatum est; verum sit, nec ne. At eum dicimus, *fidem* certum esse principium & fundamentum assensus, atque omni dubitatione majus, certo sciendum est, *Revelationem* esse divinam, & nos recte eam intelligere; alioquin rebus *fidem* adhibentes, non a *Deo* revelatis, nos in *enthusiasmum* atque illorum errorem præcipitari necesse est, qui falsis utuntur principiis. Quare in hoc casu, eatenus tantum revelationi assentiri possumus, quatenus ea testimoniis confirmatur, atque nos scimus, hunc esse verborum sensum, in quibus tradita est. Si fides revelationis, aut hunc verum esse sensum istius, probabilibus tantum argumentis nitatur, assensus noster affirmatior erit aut debilior, prout allata argumenta magis minutve probabilia sunt. De fide vero, & quatenus ea aliis præcellentior sit argumentis, quibus ad veritatem adducimur, fusius mox, ubi tuo loco dicendum erit de ea, prout rationi contradistinguitur: etiamsi revera nihil sit, quam assensus ab altissima ratione manans.

C A P. XVII.

Ratio.

§. I.

Vox Ratio varie sumitur .

VOx Ratio, in sermone Latino, varias habet significaciones: nonnunquam enim pro veris & claris principiis sumitur: nonnunquam pro iis, quæ deducuntur a principiis istis: nonnunquam pro causa, præsertim finali: A me vero hic sensu usurpatur, ab his omnibus diverso; prout nempe facultatem istam denotat, quâ homines a bestiis distinguuntur, atque iis longe antecellunt (*).

§. II.

Ratiocinatio in quonam consistit?

SI cognitio in genere, ut supra ostensum est, posita sit in perceptione convenientiæ, aut repugnantæ idearum nostrarum; atque nos cognitionem existentie rerum omnium extra nos (Dei tantum excepta, cujus existentiam unusquisque per suam ipsius existentiam scire & demonstrare potest) per sensum tantum assequamur; alterius cujusvis facultatis exercitio externum præter sensum & perceptionem internam quinam locus est relictus? Ratio quem usum habet? permagnum quidem, tam ad cognitionem nostram augendam, quam ad assensum regendum:

N 4

dum:

(*) Vid. adn. 28. tom. 1.

dum; in scientia enim & opinione locum habet, ad alias omnes facultates intellectuales necessario requiritur, & quidem illarum duas, *sagacitatem* nempe & *illationem*, in se continet. Unius ope invenit, alterius disponit ita *Ideas* intermedias, ut facileprehendat, quæ sit connexio inter vinculi partes, quo externa duo inter se colligata sunt; atque ita quærendo veritatem investiget: hoc nos *illationem* dicimus, quæ posita est in idearum tantum connexionem percipienda, per continuationem & seriem argumentationis, unde mens duarum quarundam *Idearum* convenientiam invenit, aut repugnantiam, ut in demonstratione, quæ scientiam parit; aut illarum probabilem istam connexionem, quæ efficit, ut rei assensum præbeant eumve suspensum teneant, ut in opinione. Sensus, & intuitio perangustos intra terminos circumscripta sunt. Cognitionis nostræ partem longe maximam per *Ideas* intermedias acquirimus. & res ab aliis inferendo: atque in iis casibus, in quibus assensum probabilem cognitionis loco usurpare necessum habemus, & propositiones pro veris sumere, de quarum veritate haud constat, necesse est, ut perscrutemur diligenter, & probabilitatis illarum fundamenta inter se comparemus. In utroque casu, facultatem istam, quæ media invenit, iisque recte utitur ad certitudinem in una & in altera probabilitatem inveniendum, *Rationem* appellamus. Ut enim *ratio* necessariam, & non dubiam *Idearum* five mediorum omnium inter se connexionem videt, singulorumque demonstrationis cujusvis progressus, quæ cognitionem parit: ita probabilem etiam connexionem cernit *idearum*, five argumentorum omnium inter se; in omni argumentationis parte, quam assensum mereri putat. Hæc facultatis istius, quam *rationem* dicimus, gradus est infimus; ubi enim mens haud probabilem istam connexionem intuetur; ubi non videt, utrum istiusmodi quædam sit connexio; necne, ibi

opri-

opiniones hominum non ex prævio mentis judicio, sive ratione nascuntur; verum temere & fortuito eveniunt, atque manant e mente huc illuc, sine electione, aut directione quavis fluctuante.

§. III.

In Ratione quatuor spectandi sunt gradus.

QUare in *Ratione* quatuor spectandi sunt gradus; Primus & altissimus est, argumenta invenire; Secundus, ordine ea ita disponere, ut connexio & vix eorum facile clareque cernantur; Tertius connexionem eorum percipere; Quartus, unum ex altero recte inferre. Omnes isti gradus in demonstratione quavis Mathematica cernuntur: aliud enim est partium singularum connexionem percipere in demonstratione, facta ab alio; aliud videre, quomodo conclusio pendeat ex omnibus partibus; Tertium, ut quis demonstrationem clare & concinne ipsamet contextat: & ab hisce omnibus diversum, primo invenisse intermedias istas *Ideas* sive argumenta, e quibus conficitur.

§. IV.

Syllogismus an præcipuum est rationis instrumentum.

CIRCA Rationem aliud adhuc est, quod considerari velim; *utrum* nempe *Syllogismus*; prout vulgo putatur, *genuinum* ejus *instrumentum* sit, & *ad facultatis hujus usus accomodatissimum*. Rationes dubitandi hæc sunt:

Primo. Quia *Syllogismus* rationi nostræ nisi in una ex partibus, prius memoratis, subvenit. Argumentorum enim connexionem in singulari tantum
exem-

exemplo ostendit : in hoc vero haud magni est usus, cum mens, sine istius adminiculo, connexionem istam haud difficiliter, imo, fortasse, melius cernere possit.

Si ad ea sedulo attenderimus, quæ in mente agitantur, perspicuum erit, nos optime tunc ratiocinari, quando arguientia contemplamur, prout inter se connexa sunt, sine ullius regulæ aut syllogismi subsidio : & proinde scimus, multos inveniri, qui acute & recte disputant, etiamsi syllogismum struere nequeunt. Si quis *Asiæ* aut *Americæ* gentes quasdam adierit, plures ibi reperiet non minori acumine in differendo, quam ipsemet est, etiamsi iis haud auditus unquam est syllogismus : nec puto, quempiam, cum intus, & apud semet ipse ratiocinatur, ad formam syllogisticam recurrere. Fateor equidem, syllogismum haud incommodè nonnunquam adhiberi ad sophisma detegendum, sub pigmentis Rhetoricis occultatum ; ut, quod ingenii & sermonis elegantioris involutum & tectum est, deformè ita & absurdum aperiatur. Argumentationis vero istius infirmæ fallaciam, per formam artificialem iis tantummodo ostendit, qui in *modo* & *figura* syllogistica versatissimi sunt, & qui varios modos, quibus tres propositiones inter se disponi possunt, accurate adeo examinarunt, ut certo sciant, quænam illarum recte, quænam secus concludant, atque undenam illud sit. Omnes ii, qui syllogismos eo usque spectarunt, ut rationem videant, cur in tribus propositionibus ; in una forma simul junctis, conclusio sit vera, non vero in alia, quæ ex præmissis conclusio sequatur in *malis* & *figuris*, vulgo probatis, certo sciunt ; qui vero in formis istis non adeo versati sunt, haud per syllogismum sciunt, conclusionem certe sequi ex præmissis, illud ita habere credunt tantum, doctorum autoritate, atque argumentandi formulis istis præfidentes ; hæc autem fides, non certitudo est. Quod si qui

si qui syllogismos contexere possunt, numero paucissimi sunt, si ad eos comparentur; qui syllogisari nequeunt, & si in magna ista eorum paucitate, qui Logicen didicere, non nisi paucissimi sunt, qui aliud quid agant, quam ut tantum credant; syllogismos in probatis vulgo *modis* & *figuris* recte concludere, haudquaquam illud certo scientes: si sumendus est syllogismus pro unico argumentationis instrumento atque adjumento ad cognitionem assequendam, hinc sequetur, ante *Aristotilem* neminem fuisse, & post inventam artem syllogisandi, haud unum e decies mille, qui per rationem quippiam noverit.

Non vero Deus in hominem parvus adeo fuerit, ut eum Animal tantum bipes effecéret, atque *Aristoteli* perimiserit, ut rationalem eum redderet, hoc est paucos tantummodo istos, qui eo magistro didicere syllogismi fundamenta ita expendere, ut videant, e modis; plusquam sexaginta, quibus tres propositiones inter se jungi possunt, non nisi quatuordecim circiter esse, in quibus certo quis scire possit, conclusionem esse rectam, atque undenam sit, quod in paucis istis recta conclusio recte colligatur, in aliis non item: Deus in homines longe erat benignior. Mentem ipsis indidit ad argumentandum satis instructam, etiamsi in arte syllogistica non instituti fuerint. Haud per regulas hasce mens differere didicit, facultas ipsi a natura insita est ad percipiendum, quam *Ideæ* suæ inter se convenientiam habeant aut repugnantiam, easque recte disponere potest sine perplexis istis repetitionibus.

Non hæc perinde loquor, quasi detractus quippiam esset de fama *Aristotilis*, quem inter veteres principem ferme locum tenere puto: cujus eruditionem multiplicem, acumen ingenii, atque judicii & animi robur pauci æquarunt: quique in fornix hisce syllogisticis inveniendis, in quibus conclusio a præmissis recte infertur, plurimum contra eos profecit, quos

quos dogmata sua mordicus tenere, atque omnia negare haud pudicum est. Atque lubens confiteor, veram argumentationem omnem revocari posse ad syllogismi formam aliquam ab eo traditam. Bona tamen ipsius venia liceat mihi dicere, haud eas pro unicis aut optimis quidem modis ratio cinandi ob iis usurpandas esse, qui verum invenire, & , quam possunt optime, ratione uti volunt ad cognitionem consequendam. Et quidem in formis quibusdam recte concludi, in aliis non, perspicuum est, ipsum invenisse non per formas ipsas, verum per cognoscendi modum primævum, manifestam nempe Idearum convenientiam. Si quis Generosæ virgini rusticæ dixerit, ventum ab australi plaga flare, cælum esse obnubilum, & pluiturum cito, sciet illa statim, quam parum sibi tutum sit, quæ vires a febre vix recuperavit, ea cœli intempestate, vestitæ leviter, foras prodire. Illa horum omnium, *Noti* nempe, *nubium, pluvie, frigoris contracti, recidivæ febris, & periculi mortis* probabilem connexionem clare statim cernit, nec necessum habet, ea artificialibus & perplexis istis plurimum syllogismorum impedire & implicare vinculis, negotium menti faceffentibus, quæ sine illarum adminiculo clarius ea & celerius multo perspicit; & quidem probabilitas ista, quam facile in rebus ista cernit, in hoc naturali suo ordine constitutis, ei penitus foret obscura & ignota, si argumentum hoc erudite, nec sine *modis & figuris* syllogisticis tractaretur. Iis enim perturbatus sæpe rerum connexio: atque palam puto, est omnibus, nos in demonstrationibus Mathematicis, cognitionem dilucidius & compendiosius absque syllogismo attingere. *Illatio* præcipua facultatis rationalis operatio esse perhibetur, nec immerito quidem, quando ea recte fit, mens vero, vel quia ad rem cognitionem avido studio nititur, vel quia hausas semel opiniones fovere velit; præpæro nimis studio unum ab alio inferre

solet, antequam *Idearum* connexionem cernit, quibus extrema colliganda sunt.

Inferre nihil est aliud, quam, positæ propositionis unius ope pro vera quæ sumitur, aliam non minus veram colligere, hoc est, cernere sive supponere similem connexionem duarum *Idearum* propositionis Villatæ. Verbi gratia, sit hæc propositio posita, *Homines in alia vita punientur*, altera ab ea illata sit *Ergo homines, semetipsos determinare possunt*. Hic quæstio est, utrum illatio hæc recte a mente sit facta, nec ne. Si mens *Ideas* intermediarias invenerit, & quomodo etiam ordine suo inter se connexæ sint, tunc conclusio recte infertur; at si *ideas* intermediarias haut ita contemplata est, non tam conclusit recte, & congruenter rationi, quam ostendit, se magnopere cupere, ut illud verum haberetur. Ac neutro in casu *ideæ* istæ, aut illarum connexio quod syllogismum primo innotuit, eas enim inveniri & illarum connexionem percipi prius necesse est, quam ex iis syllogismus confici debeat: nisi quis dixerit, *ideam* quamvis, haud spectata illius convenientia, cum duabus reliquis, quarum connexio per eam demonstranda est, in syllogismo recte usurpari posse pro medio termine ad quæstionem quamvis probandam. Hoc autem nemo dicet, quoniam propter convenientiam *ideæ* intermediariæ cum extremis, externa inter se convenire dicuntur, omnem itaque *ideam* intermediariam cum extremis, quarum media est, ubique plane connexam esse necesse est, aliter nulla conclusio colligetur, argumenti enim compage & nexu soluto, illud omnem statim vim suam amittit, & proinde nihil recte inferri potest. In exemplo supra allato, annon vim illationis & rationem ejus inde discimus; quod intermediarum omnium *idearum*, a quibus conclusio infertur; connexionem simul intuemur? Exempli gratia, ordo *idearum* ita se habet: *Homines punientur . . . Deus ultor . . . justum sup-*
pli-

plicium . . . Qui puniuntur, rei . . . possunt secus agere . . . liberum arbitrium . . . voluntatem suam ipsimet determinant . Ex hac *Idearum* serie, inter se plane connexarum, singulis nempe *ideis* intermediis cum iis utrinque convenientibus, quarum in medio positæ sunt, plane ostenditur, *ideas* istas hominum, & sui determinationis connexas esse: aut si mavis, propositionem hanc *homines semetipsos determinare possunt*, ex hac colligi, quod in alia vita punientur. Hic enim cum mens connexionem videat inter *Ideam pœne, quam homines in alia vita luituri sunt*, atque *Dei punitionis, inter Deum punientem, & reatum, & potestatem secus agendi sive liberum arbitrium*, atque *liberum arbitrium*, inter & sui determinationem, videt per consequens connexionem inter *homines & sui determinationem*.

Rogo itaque, annon extremorum connexio in simplici hac & naturali dispositione clarius cernatur, quam in quinque aut sex syllogismorum repetitione & confusione perplexa? Ignoscatur mihi, quod utar hic vocabulo *conclusionis*, usque dum aliquis ex *Ideis* istis syllogismos totidem confecerit, atque dixerit, eas sub longa verborum ambage & formis syllogisticis minus confusas, & clarius esse connexas, quam in facili isto & naturali ordine quo hic traduntur. Id vero dici nequit. Prius enim sciendum est, quomodo *ideæ* sunt connexæ, quam ex iis syllogismus struatur. Atque ubi omnes isti syllogismi absoluti fuerint, nec qui Logicem callent, aut ejus imperiti sunt, vim argumentationis, hoc est, extremorum connexionem melius & rectius perspicient. Etenim ii, qui non sunt professione Logici, veras syllogismi formas perinde ignorant, ac earum fundamenta, neque possunt cognoscere, sintne syllogismi regulis congruentes, nec ne, in *Modis & Figuris*, ubi rite concluditur; & ita nullius ab his Formis accipiunt adjuvmentum, secundum quas *ideæ* collocantur; & alias

naturali ordine, quo mens de idearum connexionem relativa judicium fere poterat, disturbato per has Formas syllogisticas, accidit, ut consequentia multo sit incertior, quam sine earum adjumento. Quod autem ad ipsos Logicæ peritos attinet, illi connexionem, quam quælibet Idea intermedia cum iis, inter quas collocatur, habet, (unde omnis consequentiæ vis proficiscitur & dependet), æque prius animadvertuntur, quam confecto syllogismo; aut omnino eam non percipiunt. Syllogismus enim neque ostendit, nec connexionem firmat duarum quarumvis idearum, immediate junctarum; per eam tantum, quæ in iis cernitur, connexionem ostendit, quomodo extrema inter se connexa sint; quam vero connexionem medium habeat cum extremo alterutro in syllogismo isto, nullus syllogismus ostendere potest. Mens sola est, quæ percipit, aut percipere potest, has ideas, in ista *juxtapositionis* specie ita collocatas, idque propria intuitionem, ad quam profusus mihi lucis, aut auxilii confert forma syllogistica, utpote quæ tantummodo ostendit; duo extrema inter se convenire, quando idea intermedia cum iis convenit, quibus utrinque conjungitur; quare immediata connexio *ideæ* cujusque cum ea, cui utrinque conjungitur, in qua vis omnis argumentationis vertitur, non minus perspicua est ante, quam post factum syllogismum, alioquin haudquaquam ille perspecta foret, a quo syllogismus efficitur. Hæc, ut superius notatum est, mens ipsa percipit ideas, quando intuetur juxta se invicem positas, quod sit, quando in propositione simul junguntur, sive propositionibus ista Major sit, sive Minor syllogismi, nec ne.

Quæret aliquis; quem igitur usum habent syllogismi? Respondeo, præcipuus illorum usus est in Scholis, ubi homines haud pudet *Idearum*, quæ inter se plane conveniunt convenientiam negare; vel extra Scho-

Scholas apud eos, qui dicere ibi sine rubore aliquo *idearum* connexionem negare, quæ ipsis perspicua est. Apud virum autem integrum & honestum, cui nihil aliud est propositum, quam verum investigare, haud istiusmodi forma aliqua opus est ad assensum ejus eliciendum: Rei veritas aperta magis & perspicua est, quando *ideæ* simplici & naturali ordine disponuntur. Hinc est, quod Homines verum quando exquirunt, haud in animo suo syllogismis utantur, ut sibi met ipsis aut aliis de istius, quod inquiritur veritate persuadeant. Syllogismo enim nihil ipsis innotescit, quod non prius notum erat: quia necesse est, ut, antequam cogitationes suas formæ isti syllogisticæ includere possunt, connexionem, quæ *ideæ* mediatae cum duabus aliis *ideis*, inter quas est collocata, intercedit, & quibus illa applicatur ad demonstrandam earum convenientiam, videant; & si hanc semel animadverterint, perspiciunt etiam, num consequentia sit bona an mala, atque adeo syllogismus nimis sero ad eam stabiliendam adhibetur. Nam, ut superius exemplum iterum allegem, quaero, annon nostra, ut res hæc vulgato & facili exemplo explicetur, sit animal intermedia *idea*, sive *medius terminus*, qua mens utitur, quando ostendere cupit, quomodo *homo* & *vivens* connexa sint, rogo, annon connexio menti apertior sit in simplici hoc & genuino ordine, ubi *idea*, alias colligans, medium locum obtinet,

Homo . . . Animal . . . vivens
quam in perplexo isto
Animal . . . vivens . . . homo . . . Animal.

quo nempe *ideæ* istæ collocantur, quando syllogismus efficitur, ut ostentator, quomodo *homo* & *vivens* per medium illud *animal* connexa sint.

Scio equidem, quosdam existimare, syllogismum

iis ipsis, qui veritatis sinceri sunt cultores, usui esse ad fallacias aperiendas, quæ sæpissime in elegantibus ingeniosis, & perplexis nimis sermonibus latent. At vero eos tota re errare palam statim fiet, si nobis cum reputemus, causam, cur nonnulli; veritatem sincere investigantes, per vagos & parum accuratos istos, atque, ut vocantur, sermones Rhetoricos in errorem interdum abducantur, non aliam esse, quam quod sermonum lepores & gratiæ animos eorum ita permulceant, ut non curent, aut non facile videant, quænam veræ sint *ideæ*, quibus illatio nititur. Ut iis ostendatur huiusmodi argumentatio quam manca sit & debilis, non aliud requiritur, quam ut superfluis istis *ideis* nudetur, quæ cum iis implicitæ, & quibus illatio pender, videntur connexionem ostendere, ubi revera nulla est; aut impediunt saltem, quo minus cernamus, ubinam illa desideretur; & tunc nudæ istæ *ideæ*, quæ argumenti vim continent, ordine suo collocentur, quo in casu mens connexionem earum intuens utrum recte conclusum sit, nec ne, sine syllogismi adminiculo; breviter & dilucide judicare potest.

Fateor equidem, moris esse in hisce casibus *modum & singularum* proinde usurpare, quasi per formas tantum syllogisticas disceremus, sermones istos ambiguos male inter se cohærere. In ea opinione ipsemet olim eram, usque dum post accuratius examen inveni, argumentationis incohærentiam clarius ostendi, *ideæ* intermediæ naturali ordine suo nude disponendo, quam syllogismos, non solum quia series & connexio oculis immediate in eo, quem a natura obtinet, situ objicitur; verum insuper quia syllogismus incohærentiam paucissimis tantum iis ostendit quibus *modus & figura*, atque formæ syllogistica ratio perspecta sunt.

Ipsa *Idearum* apta dispositio, e quibus conclusio inferitur, efficit ut unusquisque tam rudis, quam syl-

logisimis versatissimus, in quo terminorum est cognitio, atque animi facultas ad *idearum* istiusmodi convenientiam, aut dissidium percipiendum, clare videat, *ideas* in argumentatione male inter se esse connexas, & conclusionem absurde colligi. Et quidem ipse quendam novi syllogisandi prorsus nescium, qui longi argumenti, utcunque artificiosi, adeo ut prastigiæ & captiones ejus plus quam tyroni Logico imponerent, fallacias omnes primo statim auditu solvare poterat. Nec dubito, quin omnibus ferme lectoribus meis alii sint noti, huic similes. Res nisi ita se haberet, periculum esset, ne, quæ in Principum sanctioribus conciliis, & concionibus publicis disceptantur, male cederent, quoniam sæpissime negotia ista gerentes hand formas syllogisticas, atque *modum* & *figuram* apprime didicere. Si syllogismus unica, vel optima ratio esset argumentorum fallacias excutiendi, haud credo universum genus humanum, vel quidem Principes in rebus, ad salutem suam & regni emolumentum spectantibus improvidos adeo & negligentes fore, & falsitate adeo oblectari, quin syllogismos adsciscerent quibus ardua regni negotia tractantes nunc in conciliis uti perridiculum est. Hinc ostenditur, viros istos acutos & perspicaces, quibus aliud negotium est datum, quam in Scholis otiose disputare, quibus in consilio errare nonnunquam capitale est periculum, invenisse formas istas scholasticas nullius esse usus ad verietatem, sive fallaciam, explorandam quarum utraque sine illarum adminiculo iis omnibus clarius elucent, nisi qui a veritatis luce aciem mentis abducere malunt.

Secundo. Ratio altera dubitandi, utrum Syllogismus unicum & genuinum sit rationis instrumentum ad veritatem equirendam, est, quod, utcunque *modus* & *figura* usui esse perhibeantur ad fallacias apertendas, formula ista scholastica errori non minus
fint

sint obnoxie, buam simpliciores modi argumentandi. Hoc verum sit, nec ne, communem observationem appello, qua docet, artificiosa hæc argumenta magis accomodata esse ad veritatem obscurandam, quam lumen menti præferendum. Hinc est, quod homines in certaminibus hisce scholasticis quando superantur, haud adversariis ita cedant, ut in illorum sententiam transeat. Dabunt fortasse, cum argutius disputare perstabunt nihilominus in sententia sua, quam veram esse mordicus asserunt. Res vero aliter se haberet, si argumentatio erroribus hominum convincendis idonea satis esset, atque, veritas in quonam consistat, palam ostendere. Quare *sylogismus* magis ad victoriam in disputationibus consequendam, quam ad veritatem inveniendam accomodatus esse videtur. Et si certum est, sophismata & fallacias posse sub syllogismis latere, quod nemo facile iniciabitur, tunc ea per aliud quid, quam syllogismos, solvenda esse fatendum est.

Equidem non ignoro, quosdam, quando omnis iste usus, de quo ipsi contendunt, syllogismis inesse negatur, temere nimis vociferari, me eas e literaria republica penitus proscribere conari. Absit, ut ego aliquid tollendum decernerem, quod intellectui adjumento est ad rerum cognitionem, si qui exercitati & versati in syllogismis, eos menti opitulari ad verum expediendum plane deprehendant, iis utantur, per me quidem licet. Caveant tantummodo velim, ne plus æquo formis istis syllogisticis tribuant; neve putent absque iis nullum esse facultatis rationalis usum. Nonnulli ea sunt oculorum infirmitate, ut sine conspicillis nihil clare & distincte videant, si, qui iis adjutoribus utuntur, dixerint, sine iis haud firmam satis & acutam esse oculorum aciem ad quidpiam videndum, ii arti nimis faventes (cui fortasse plurimum debet) in naturam nimis injuriosi censendi sunt. Ratio ubi roboris adulti est, atque usu

exercitata, sagacior longe est, & sine syllogismorum adminiculo altus in res penetrat. Si horum conspiciendorum nimio usu acies ejus eo usque habeatur, ut quid in ratiocinio recte conclusum sit, quid non, sine iis cernere nequeat, absit, ut ego iliorum usu hominibus interdicerem, novit unusquisque, quibus visus adjumentis ipse opus habeat, errat vero, si putat, eos omnes in caligine versari, qui non iisdem utuntur,

§. V.

Syllogismus in demonstratione parvi admodum, in argumento probabili nullius omnino est usus.

UT vero se res habeat in cognitione certa, vere, puto, dici potest, syllogismos in *probabilibus minoris multo*, aut *nullius omnino usus esse*: Cum enim assensus ibi sit determinandus juxta vim argumentorum, postquam ea, perpensis utrinque circumstantiis omnibus, diligenter examinantur, ut in hoc menti adjumento sit, nihil syllogismo minus congruens est aut aptum; is enim, sumto probabili argumento, eo usque illud persequitur, donec mens, longis erroribus & perplexa propositionum ambage implicata, nescit tandem, ubinam sit, aut quomodo se ex laqueis istius expediri possit.

§. VI.

Ad cognitionem augendam ne hilum prodest, litigiosis tantum disputationibus inservit .

DEmum vero syllogismus (quod , fortasse , dictum erit) nobis adjumento esse ad errores hominum convincendos ; (scire autem velim , quidnam syllogismo subactus ad alienam sententiam transiverit) *rationi tamen nostræ* haud in ea parte subvenit , quæ si non summa perfectio , at certe difficillimum , & nobis maxime necessarium , ejus negotium est , hoc est , in *inventione argumentorum* , & ignoti prius *veri investigatione* . Regulæ *syllogismi* haud menti intermedias istas *ideas* suppeditant , quæ remotiorum connexionem ostendant . Hæc argumendi ratio haud nova quædam argumenta excogitat , verum artificium tantummodo tradit ea disponendi , quæ prius nota erant . Propositio 47. libri primi *Euclidis* verissima est , ea tamen , puto , haud per ulla vulgatas Logices regulas inventa est . Homini res primo nota est , dein eam syllogistice probare potest . *Sigillogismus* itaque cognitione posterior , & proinde inutilis est . Nos *Idearum* inventioni , quæ remotiorum connexionem ostendunt , cognitionis nostræ , atque artium & scientiarum utilium incrementa præcipue debemus . *Syllogismus* , ad summum , ars tantum est exigua ista , quam habemus , cognitioni cum aliis dimicandi , sine omni ulteriori augmento : Si quis omni ratione sua hoc modo contentiose semper uteretur , haud secus faceret , quam si quis effosso e terræ visceribus ferro ex omni isto gladios efficeret , quos in servorum manus traderet , ut se mutuo jugularent . Si *Ispaniarum* Rex non aliter subditorum suorum industria , atque ferri sui Iberici minera usus fuisset , ingens iste thesaurus , per

tot annos terræ in gremio abditus , haud tanta in copia ex *America* in *Iberniam* esset inuenta . Et puto, eum , qui omnem suæ rationis vim in formandis syllogismis exercuerit , parum eruturum reconditoris istius scientiæ , quæ adhuc in naturæ abditis latet & nobis occulta est ; & ad quam , puto , ratio rudis & inculta ; prout olim factum est) viam faciliorem apertura est , quam Regulæ quævis super *Modo* & *Figura* syllogismorum .

§. VII.

Alia adjumenta querenda sunt .

NUllus tamen dubito, quin modi inveniri possint rationis nostræ in parte hac utilissima adjundæ ; in hoc autorem sequor virum singulari judicio *Hookerum* nostratem , qui in *Ecclesiasticæ suæ Politicæ*, Lib. 1. §. 6. hoc modo loquitur , *veræ artis & genuinæ eruditionis , veræ subsidia si adjicerentur , quæ subsidia planè satendum est huic ævo nostro, quod omnimodam eruditionem præ se fert & ostendat , parum nota , nec multum curata esse*) , sine dubio idem ferme discrimen foret in judicii maturitate inter homines iis utentes , & id quod homines nunc sunt , ac nunc est inter homines solertes , atque idiotas . Haud ego præ me hic fero , me quævis ex veris istis artis adjumentis invenissem : palam vero est , neque *syllogismum* , neque systemata Logica , quæ nunc sunt in usu inter ea recensenda esse , illa enim superiori in seculo , quo vir ille perspicacissimus floruit , non minus nota erant . Mihi satis est , si per argumentum , fortasse , a trita & communi methodo aliquo modo discrepans , quod ad me quidem novum , & quod a nemine mutuatus sum , aliis ansam aliquam præbuere nova inventa , atque *veræ artis subsidia* pericrutandi , quæ vereor , ne ii haud penitus inve-

sti-

stigaturi unquam sint, qui regulas & dictata aliorum sequuntur. Trita enim semita imitatorum servum illud pecus eo ducit, non quo eundem est, sed quo itur. Dicere tamen ausim nostra hac ætate quosdam esse ea perspicacia atque ingenii magnitudine, qui si animum ad illud attenderent, novos & ignotos adhuc aditus nobis ad uberiores longo rerum cognitionem aperire possent.

§. VIII.

Circa particularia ratiocinamur.

Æ Quum mihi videtur, *sylogismum* hinc in genere tractanti, atque usum ejus, tam in disputando, quam in cognitione nostra augenda investiganti, antequam hinc argumento finem fecero, quendam memorare errorem insignem in *sylogismorum* regulis; *nihil* nempe in *sylogismo* recte concludi, in quo altera ex præmissis non est universalis. Secus vero se res habet; particularia enim, quæ omnis ratiocinationis & cognitionis nostræ immediata sunt objecta, cognitionem pariunt. Sua cujusque ratiocinatio & cognitio circa *Ideas* versantur; in mente existentes; hæ vero entia sunt particularia; circa alias res eatenus tantum ratiocinatione utimur, quatenus tum *ideis* hisce particularibus conveniunt. Quare perceptio convenientiæ aut repugnantiae *idearum* particularium summa est cognitionis nostræ. Universalitas ei non nisi accidentale quid est, atque in hoc tantum consistit, quod *ideæ* particulares, ad quas refertur, ejusmodi sint, ut cum iis plura entia particularia convenire, aut ab iis representari possint. Perceptio vero convenientiæ aut dissidii duarum quarundam *idearum*, & per consequens, cognitio nostra, æque clara est & certa, sive alterutra *idearum* istarum, plura entia realia representare possit,

possit, nec ne. Hic mihi liceat aliud ulterius de syllogismo quærere, utrum nempe ea esse debeat syllogismorum forma, quæ nunc in usu est? Cum enim extrema per *medium terminum* colligenda sint, ut idearum, de quibus quæstio est, convenientia aut dissidium ostendatur, an non *medius terminus* locum obtineret maxime accomodatum ad extremorum convenientiam aut repugnantiam ostendendam, si in illorum medio collocaretur. Hoc commodissime fieri posset, propositiones transponendo, ita, ut *medius terminus* prædicatum esset majoris, & subjectum minoris, ut exemplis hic allatis.

*Omnis homo est Animal,
Omnis Animal est vivens,
Ergo, Omnis homo est vivens.
Omne corpus est extensum & solidum,
Nullum extensum & solidum est pura extensio,
Ergo corpus non est pura extensio.*

Haud opus est, ut Lectori syllogismorum exempla proponam, in quibus conclusio est particularis, eadem in iis forma obtinebit, quæ in universalibus.

§. IX.

*Primo. Ratio nos deficit propter
idearum defectum.*

Ratio, etiamsi in maris altissimi, & telluris abdita penetret, etiamsi efficiat, ut cogitationes nostræ per cœli templa, & immensi hujus universi spatia omnia pervolent, multo tamen angustior est reali entium corporearum comprehensione; & in quibus ipsa nos deficiat, multa possunt exempla afferri: Verbi gratia.

Pri-

Primo, Ubi Idæ nostræ deficiunt, ibi ratio nos deficit. Ultra illarum ambitum pertingere nequit. Quare si quando de verbis disputantes, quæ ideas non supponunt, hoc nihil aliud est, quam inaniter strepere.

§. X.

Secundo, propter ideas obscuras & imperfectas.

S*ecundo, Ratio nostra sæpe est in ambiguo, propter obscuritatem, confusionem, aut Idearum imperfectionem, circa quas versatur; quo in casu nos laqueis inexplicabilibus implicati, mirum est, non pugnantiæ loquamur. Ita nimirum cum minimæ extensionis materiæ, aut infinitatis ideam nullam perfectam habeamus, de materiæ divisibilitatē quid statuendum sit nescimus; circa numeros vero haud patitur difficultates ejusmodi, nec dubii ferimur in varias & pugnantes sententias, quoniam eorum perfectas, claras, & distinctas ideas habemus. Similiter, cum non nisi imperfecta admodum in nobis idea habemus. Similiter, cum non nisi imperfecta admodum in nobis idea sit agitationis mentis nostræ; atque initii motus & cogitationis in eā, quomodo nempe eorum alterum in nobis producat; imperfectior vero longe idea Operationis Dei: hinc circa entia creata libereque agentia perdifficiles existunt quæstiones, quas ratio vix solvere potest.*

§. XI.

§. XI.

*Tertio , propter defectum idearum
intermediarum .*

Tertio, sæpe ratio, quid tenendum sit, exinde nescit, quod non ideas cernat, quarum est, dux-
rum quarundam aliarum idearum certam vel probabi-
lem convenientiam, aut diffidium ostendere, atque in
hoc nonnulli alios facultatibus animi longe antecellunt.
Antequam *Algebra*, insigne illud instrumentum, at-
que indicium perspicaciæ nostræ, inventa erat, ho-
mines ad multas veterum Mathematicorum demon-
strationes plane stupefacti hæserunt, & vix sibi
temperare poterant, quo minus crederent, quæ-
dam ex iis argumentis ingenio plus quam humano
inventa fuisse.

§. XII.

Quarto , propter falsa principia .

Quarto, mens falsis innixa principiis, in angu-
stias sæpe, & quos expedire nequit, nodos
difficiles incidit; quo in casu rationis opem
implorare frustra est, nisi ut istius adminiculo prin-
cipiorum istorum fallacia detegatur. Tantum ab-
est, ut ratio obscuritatem tollat, qua argumentum
involutum est, quod falsis nititur principiis, ut
contra; quo longius illud quis persequitur, eo magis
tortuosum & perplexum reddatur.

§. XIII.

Quinto, propter terminos ambiguos.

Quinto, Ut *ideæ* obscuræ & imperfectæ, ita eadem de causa, voces ambiguæ, & signa incerta, in sermonibus sæpe & disputationibus, ad ea quando haud satis attenditur, *rationem* ita confundunt, ut ea ulterius pergere nequeat. Duo hæc posteriora nostra sunt, non rationis vitia. Quæ tamen confusio, & quinam ex iis nascantur errores, nusquam non videre est.

§. XIV.

Cognitionis nostræ gradus altissimus est intuitivus, sine ratiocinio.

Quam *Ideæ* ita sunt in mente, ut inter se invicem immediate ibi comparari possint: harum convenientia aut repugnantia menti haud minus perspicua est, quam eas ibi existere. Ita nimirum mens non minus clare, videt, circulo segmentum minus esse toto circulo, quam ipsam circuli *ideam*: hæc itaque, ut dictum est, vocatur *cognitio intuitiva*; cujus maxima est certitudo & omni dubitatione major, quæ nec probatione indiget; nec probari omnino potest. In hac omnino *axiomatum* istorum evidentia consistit, quorum tanta est certitudo, ut ea terminis suis rite intellectis assensum statim extorqueant. Ut veritatibus hisce assentiamur haud facultate discursiva, aut ratiocinio opus est, illarum superior longe illustrior *evidentia* est. Si mihi de ignotis conjectare liceat, puto equidem, simplici hoc *intuitu* Angelos nunc omnia, & pios omnes aliquando, postquam e corporis custodiis liberati fuerint, innumera contemplaturos, quæ vel abdite
la-

latent, aut in iis, quibus versamur, tenebris, non nisi per caliginem hic cernuntur.

§. XV.

Proximus est cognitio demonstrativa.

Etiam si vero claræ hujus lucis, cognitionis lucidæ scintillæ quædam nonnunquam hic illic nobis eluceant; idearum tamen nostrarum pars longe maxima tales sunt, quales inter se immediate comparatæ convenientiam suam, aut diffidium haud produunt: in hisce omnibus *ratio cinio opus* est, ut quod inveniri volumus per discursum colligatur. Harum duo sunt genera, quorum mentio hic rerum necessaria erit.

Primi generis sunt eæ, quarum convenientia, aut diffidium etiam si per immediatam collationem cerni nequit, interventu tamen expenditur aliarum *idearum*, quæ cum iis comparari possunt. Quo in casu cum *ideæ* intermediæ manifesta est convenientia aut repugnantia cum iis, quibuscum utrinque comparatur, fit demonstratio, cujus cognitio certa est & evidens, difficilior tamen, atque paulo obscurior ea, quæ vocatur *cognitio intuitiva*. In hac enim haud locus est errori, quoniam non alterum ex altero colligitur, verum *ideæ* omnes coram simul uno intuitu conspiciuntur. In *demonstratione* etiam veritatem clare intuemur, at non totam simul, atque uno intuitu: tenendus enim memoria est *intuitus* convenientiæ *Melli* cum *Idea* priori, quando illud cum altera comparamus: atque ubi multa sunt *media*, ibi erroris majus est periculum. Per continuationem enim & seriem ratiocinii singulæ *idearum* convenientiæ aut repugnantæ memoria conservandæ sunt, nec quicquam eorum prætermittendum, quod ad demonstrationem necessario requiritur. Hinc in demon-

strat-

strationibus quibusdam prolixitas & implicatio tanta est, ut illorum captum superent, qui propter mentis angustias tot simul res distincte comprehendere nequeunt. Atque ii quidem ipsi, in quibus mens est capacior, & par spinosis speculationibus istis, necessum habent demonstrationem sæpius iterare, priusquam certitudinem assequantur. Attamen ubi mens eum clare retinet, quem habuit, intuitum convenientiæ *ideæ* cujusdam cum alia, atque hujus cum tertia, & tertiæ istius cum quarta, &c. ibi convenientiæ primæ & quartæ est *Demonstratio* atque certitudinem parit, quæ dici potest *cognitio Ratiocinativa*, sicut altera *Intuitiva* vocatur.

§. XVI. *Secundi generis* sunt *ideæ*, de quarum convenientia aut repugnantia haud aliter judicari potest, quam per aliarum interventum, quæ cum extremis haud certam habent, verum probabilem tantum convenientiam: circa has *judicium* propriæ versatur, quod fit, quando quis in ea est opinione, *ideas*, quasdam inter se propterea convenire, quod cum *Mediis* quibusdam verisimilibus eæ connexæ & comparatæ fuerint. Opinio hæc etiamsi haud cognitionis, ne infimæ quidem, nomen obtinet; nonnunquam tamen *ideæ* intermediæ extrema tam recte connectunt, atque verisimilitudo tanta est, ut assensum haud minus necessario eliciat, quam *Demonstratio* scientiam. *Judicii* munus atque usus singularis est, rite observare, verisimilis cujusque argumenti vi expendere; atque perpenſis omnibus illud amplectari, in quo majus est rationum pondus, quæ assensum movent,

§. XVII.

Cognitio intuitiva.

C*ognitio Intuitiva*, perceptio est certæ convenientiæ aut repugnantæ duarum *idearum* ad se invicem immediate comparatarum.

Cognitio Ratiocinativa.

Cognitio Ratiocinativa, perceptio est convenientiæ aut repugnantæ duarum quarundam *idearum*; per unius aut plurium *idearum* interventum.

Judicium.

Judicium est, quando duas *ideas* convenire inter se aut pugnare, per *ideam* intermediam colligimus, quæ non certo, verum crebro & usitate cum iis connexa esse deprehenditur, aut contra.

§. XVIII. Etsi Propositionis unius ab altera destructionis, & *factæ in vocibus illationes*, insignes sunt rationis actus, atque ii, in quibus vulgo exercetur: ad Ratiocinium tamen præcipue pertinet duarum *idearum* convenientiam aut diffidium per alteram mediam invenire. Sicut nimirum Artifex, ulnæ adminiculo; ædes duas longitudinis ejusdem esse deprehendit, quarum æqualitatem haud per *juxta positionem* explorare poterat. Voces suas inter se consequentias habent, prout signa sunt *idearum*: atque res conveniunt inter se aut dissident, prout revera sunt; id autem per *ideas* tantum nostras exploratum habemus.

§. XIX.

§. XIX.

*Quatuor argumentorum genere . Primo ,
ad Verecundiam .*

PRIUSquam huic Argumento finem fecero , operæ pretium erit , *quatuor argumentorum genera notare* , quibus homines uti solent in disputationibus , ad aliorum assensus eliciendos ; aut saltem ora ita obstruenda , ut nihil contra respondere possint .

Primum genus est : quando Auctores citantur , qui propter ingenium , eruditionem , dignitatem , aut potentiam , magnam in Scholis opinionem aut in re publica auctoritatem obtinent . Immodestæ esse putatur quippiam contra illorum existimationem dicere , quibus partæ semel famæ & dignationis certa & stabilis possessio permanet . Moris est eos superbix & arrogantix arguere , qui suis opinionibus adærescunt contra antiquitatis auctoritatem ; atque eas ejurare nolunt , etiam si fortasse Doctor aliquis insignis , aut alioquin magni nominis scriptor contrarium docuerit . Qui hujusmodi auctoritatibus dogmata sua munit , penes se victoriam esse putat , atque impudenter eos agere dicit , qui quippiam contra dixerint hoc , puto , potest *Argumentum ad Verecundiam* .

§. XX.

Secundo ad Ignorantiam .

S*ecundo* . Quando homines victoriæ palam sibi aucupantes , ab iis postulant , quibuscum controversia est ; ut vel argumentis cedant ab iis allatis , aut ipsi meliora afferant . Hoc dici potest *Argumentum ad Ignorantiam* .

Ter-

Tertio ad Hominem.

Tertio. Quando is, qui alium refellere vult, afferit, argumenta sua opinioni ejus, atque iis consentanea esse, quæ ab ipso prius erant concessa, & sic eum ipse propriis principiis convincit. Hoc nomine jam satis noto dicitur *Argumentum ad Hominem.*

Quarto ad Judicium.

Quarto. Quando ad rem probandam argumenta afferuntur, e cognitionis aut verisimilitudinis fontibus quibuscvis tracta. Hoc voco *Argumentum ad Judicium.* Inter quatuor hæc postremum hoc primas jure obtinet, vere enim nos erudit, & ad ulteriorem cognitionem facilem nobis cursum aperit. I. Enim, haud alterius dogma propterea verum esse perhibet, quod ego præ verecundia illi, cujus apud me plurimum valet auctoritas, contradicere nolim. II. Neque probat alterius opinionem veram esse, meque eam sequi idcirco debere, quod non meliora mihi argumenta suppetant ad alteram firmandam. III. Neque sequitur verum illud esse, quod alius tradit, quoniam me erroris coarguerit. Fieri potest, ut propter verecundiam haud contra auctoritatem alterius aut sententiam stare ausim: ut propter literarum ignorantiam haud melius argumentum contra afferre possim: ut sim in errore atque alius mihi illud ostendat. Hoc fortasse animum mihi incendat ad verum amplexandum, ad illud vero haud quaquam adjumento est; hoc ab argumentis, & rationibus, ex rerum ipsarum natura elucentibus, non ex verecundia, inscitia, aut errore, provenire necesse est.

§. XXI.

Quid sibi velit: Secundum, supra, & contra rationem.

EX iis, quæ hic de *ratione* dicta sunt, aliquo modo intelligimus usitatam illam rerum distinctionem in eas, quæ sunt *secundum, supra, & contra rationem*. I. *Secundum Rationem* sunt propositiones, quarum veritatem investigare possumus, *Ideas* examinando, quas a *sensatione & reflexione* nanciscimur; & quas veras esse, aut probabiles deductio naturalis ostendit. II. *Super rationem* sunt propositiones, quarum veritatem, aut probabilitatem Ratio a principiis istis deducere nequit. III. *Contra Rationem* sunt propositiones, quæ cum clavis & distinctis *Ideis* nostris consistere nequeunt, Ita nimirum Dei unius existentia est *secundum Rationem*; plurium Deorum existentia *contra Rationem*; Mortuorum Resurrectio *supra Rationem*. Ceterum, ut *supra Rationem* dupliciter etiam sumi potest, nempe ut supra id quod probabile, aut id, quod certum est, significet, ita in lato sensu isto, *contra Rationem* etiam nonnunquam, credo, sumitur.

§. XXII.

Fides & ratio haud opponuntur.

VOCIS *Rationis* alia est acceptio, in qua *fidei* opponitur: quæ etiam si impropria est locutio, per usum tamen diutinum adeo inveteravit, ut si quis eam sublatum irret, frustra esset. Notari tamen velim, *fidem*, utcumque *rationi* opponitur, nihil esse, quam firmum mentis assensum; quem si rite moderari volumus, nulli nunquam propositioni absque ratione assentiamur, quod si sic, cum ratio-

tionem opugnare nequit . Qui nulla ratione inductus fidei tribuit testimonio alicui, is male sane erroribus nimis indulget ; haud veritatem vero exquirat, ut par est , nec, uti debet, Deo Creatori suo morem gerit, qui nimirum ab eo postulat, ut ad errores declinandos inditarum ipsi facultatum omnium rationalium subsidio utatur . Qui in veritate exquirenda haud ingenii vires omnes adhibebit, is eam nonnumquam forte assequatur, casu tamen eveniet ; nescio autem, utrum socordia ejus crimine propterea vacabit, quod conjectura ipsi feliciter successerit . Hoc saltem certissimum est, reddendum esse unicuique errorum rationem, in quos irruunt : cum contra qui inditam ipsis a Deo rationem ducem sequuntur, atque ad verum indagandum iis, quæ a natura habent, adjumentis sincere uruntur ; hoc sibi solatii proponere possunt, quod quoniam ita se gesserunt prout viros decet rationis participes, licet veritatem haud affecuti sint : istius tamen præmium amplissimum consequentur . Atque ii quidem enunciatis recte assentiuntur, qui sententiam, aut testimonium quodvis recipiendum, aut rejiciendum esse statuunt, prout ratio dictaverit . Qui secus facit, contra lumen illud peccat, quod Deus in mente ejus cum in finem accendit, ut illud sequeretur, in quo probabilitas atque evidentia est maxima . Quoniam vero, secundum nonnullos, fides, & ratio opposita sunt, capite sequenti, hoc sensu a metrahebantur,

C A P. XVIII.

De Fide & Ratione , & distinctis
earum muneribus .

§. I.

*Fines Fidei & Rationis necessario co-
gnoscendi sunt .*

Supra ostensum fuit . I. Nos omnia necessario ignorare , ubi *Ideas* non habemus . II. Cognitionem rationalem nobis semper deesse , ubi argumenta defunt . III. Ubi claræ & determinatæ *Ideæ* specificæ desiderantur , ibi cognitionem generalem & certitudinem desiderari . IV. Nos haud probabilem habere opinionem ad assensus nostros in rebus regendos , quæ neque ex scientia nostra , nec aliorum testimonio nobis cognitæ sunt .

Ex his ita præmissis , facile mihi videtur , *Fidei & rationis* fines & terminos invenire ; quorum ex ignoratione forsitan si non magni tumultus , at disputationes litigiosæ & errores plurimi nati sunt . Frustra enim aliarum errores convincere , & in religionis controversias tollere conamur , priusquam in quibus rationem , & in quibus fidem , sequendum sit , definitum fuerit .

§. II.

Fides & ratio, prout inter se contradistinguntur, quid sunt?

Palam est, omnes, cujuscunque sint sectæ, ad rationem semper confugere, quoties in ea subsidium aliquod inveniunt; at si institutis eorum adversatur, tunc obstrepere solent, rem istam *fidem spectare, & supra rationem esse*. Nec video quomodo quempiam in controversia, vim argumenti ita declinantem, refutare possint antequam *fidem* inter & *rationem* terminos accurate definiverint, quod ante omnia in quæstione omni fieri debet, in qua de *fide* disceptatio quædam oritur.

Ratio itaque prout *fidei* hic contradistinguitur, mihi nihil esse videtur, quam certitudinis inventio aut probabilitatis propositionum seu veritatum, quas mens attingit per deductiones ab *Ideis*, quas ex naturalium facultatum usu, vel, quod idem sonat, per sensationem aut reflexionem assecuta est.

Fides econtrario, assensus est, quo propositionem quandam dignamur, non aliud ab alio per rationem ita deducentes, verum testimonio nixi, quo res ista modo extraordinario nobis a Deo per vulgata esse perhibetur. Rationem hæc veritatis, cum hominibus communicandæ, nos *Revelationem* dicimus.

§. III.

§. III.

Nulla nova Idea simplex per revelationem traditionalem mentem introduci potest.

Primo, itaque dicti, posse neminem, divino spiritu afflatum, per ullam revelationem aliis novas quasdam Ideas si simplices impertire, quas non ipsi per sensationem aut reflexionem prius sunt adepti. Utcunque enim quippiam ipsi a Deo immediate imprimatur, revelatio tamen ista, si novarum sit *idearum* simplicium, alteri per voces aut alia quævis signa impertiri nequit. Voces enim, per operationem immediatam, nullas in nobis *Ideas* excitant, nisi sonorum naturalium; & licet propter consuetudinem iis per signis utendi, latentes *Ideas* in mente resuscitent; eæ tamen non aliæ sunt, quam quæ prius ibi existerent. Voces enim conspectæ, aut auditæ efficiunt, ut eæ tantum *Ideæ* cogitationibus nostris obversentur, quarum apud nos signa esse solebant; alias autem novas planè, & prius incognitas *Ideas* simplices, introducere nequeunt. Idem dicendum de aliis omnibus signis, quæ nobis res signare nequeunt, quarum nullæ prius *Ideæ* in mente instant.

Ita nimirum Divus Paulus in tertium usque celum raptus, utcunque ipsi res plurimæ ibi revelatæ fuerint, atque is novas *ideas* mente hauserit, locum istum aliis non aliter describere poterat, quam dicendo, res tantas fuisse, *quales nec oculus viderit, auris audiverit, nec mens humana concipere possit*. Et si animis fingeremus, Deum modo supernaturali, cuius palam ostensurum genus animalium, intra Jovis puta, aut Saturni orbem degentium (qualia ibi deprehendi posse nemo inticiabitur) sex sensibus præditorum, atque *Ideas* in animo ejus signaturum, quas

ea per sextum istum *sensum* recipiunt, attamen haud ille magis posset *ideas* istas per voces quasvis in alterius animo imprimere, quam nos possumus coloris *ideam* homini per sonos impertire, qui cæcus erat natus. Quod ad simplices igitur *ideas* attinet, quæ scientiarum fundamenta sunt, & cognitioni nostræ materiam omnem suppeditant, non ultra rationem, hoc est, naturales nostras facultates quærendæ sunt; fieri nequit, ut eæ per *revelationem traditionalem* mentem subirent, *traditionalem* dico. *Revelationem*, ut ab *Originali* distinguatur. Per illam, intelligo primam istam impressionem, quam in animis hominum *Deus* immediate efficit, cui fines nulli constitui possunt; per hanc vero impressiones, quas in aliis signamus, quando conceptus nostros iis per voces interpretamur.

§. IV.

Revelatio traditionalis efficere potest, ut propositiones cognoscamus per rationem cognoscibiles, non eadem tamen certitudine, qua quidem ratio efficit.

Secundo, dico, *veritates easdem, per rationem, atque ideas naturales, nobis per revelationem speriri atque tradi posse*. Ita nimirum veritas propositionis cuiusvis in *Euclide* perinde a Deo immediate revelari, ac ea facultatum adminiculo ab hominibus inveniri poterat. In huiusmodi rebus omnibus *revelatio* haud magni est usus, cum ad rerum cognitionem *Deus* viam magis compendiarum, per naturales nempe facultates, nobis aperuerit. Veritas enim, quæ ex *Idearum* nostrarum novitia & contemplatione oritur, ea certior erit, quam per *revelationem traditionalem* adipiscimur, Cognitio enim, qua nobismet persuademus, *revelationem* hanc primitus a Deo fluxisse.

xiste, adeo certa & explorata esse nequit, ac ea, quæ ex *Idearum* nostrarum clara & distincta convenientia aut repugnantia nascitur. Verbi gratia, si lapsis jam seculis aliquot revelatum esset, *Tres Angulos trianguli æquales esse duobus rectis*, fieri posset, ut ego traditioni illi ob testimoniorum fidem assentiret; de veritate tamen istius haud plena adeo in me persuasio innasceretur, ac si eas, quæ in me sunt, duorum angulorum rectorum, atque trianguli angulorum trium Ideas inter se compararem. Idem dicendum de rebus factis, quarum cognitio sensibus hauritur. V. gr. Historia *diluvii* scriptis nobis traditur, quæ a Revelatione originem duxere: nemo tamen, puto, dixerit, se claram adeo & certam habere *diluvii* cognitionem, ac *Noachus* habuit, qui illud vidit, aut ipsemet habuisset, si modo tunc temporis vixisset. Haud majori enim, quam quæ ex sensibus hauritur, is certitudine scit, id scriptum esse in libro, cujus *Moses*, Divino numine instinctus, scriptor esse perhibetur: haud vero tam certo scit, *Mosem* librum istum scripsisse, quam si eum scribentem coram conspexisset; quare fides *revelationis* istius minor est ea, quæ nascitur ex sensuum testimonio.

§. V.

*Revelationi haud auscultandum est, rationis
lumini quando opponitur.*

IN propositionibus itaque, quarum certitudo in clara perceptione fundatur convenientiæ aut repugnantæ *Idearum* nostrarum, quas vel per intuitionem immediatam assequimur, ut in propositionibus per se clavis, aut per rationis deductiones, ut in demonstrationibus, haud revelatione opus est ad assensum nostrum elicendum, easque in mentem in-

roducendas. Defixæ ibi prius erant per naturales
 modos cognoscendi, unde persuasio, qua non major
 esse potest, nisi ubi à Deo quippiam est immediate
 revelatum: quo in casu certitudo in nobis ea cogni-
 tione major esse nequit, quæ illud divinitus *revela-*
tum esse novimus. Nec consentaneum mihi videtur
 ut, sub eo nomine, quippiam cognitionem manife-
 stam labefactaret, aut apud quempiam fidem me-
 reretur, quando cum claris ipsius notionibus planè pu-
 gnat. Cum enim nullà facultatem evidentia, per
 quas revelationes istiusmodi recipimus, cognitionis
 nostræ intuitivæ certitudinem superare, nescio an
 dicam æquare, possit; fieri nequit, ut pro vero ali-
 quid amplexarentur, quod claræ & distinctæ cog-
 nitioni nostræ contradicit; exempli gratia, idæ uni-
 us corporis, & loci unius ita inter se plane conve-
 niunt; atque illarum convenientia menti adeo per-
 spicua est, ut nos propositioni assentiri nequeamus,
 quæ dicit, idem corpus in duobus simul locis esse,
 utcumque ea divinæ *revelationis* auctoritatem præ se
 ferat: cum evidentia, *primo*, quam habemus, nos
 haud nobismet ipsius fucum facere, Deo istam at-
 tribuendo; *secundo*, nos recte eam intelligere, haud
 tanta esse potest, quanta est evidentia cognitionis
 nostræ intuitivæ, qua impossibile esse discimus, ut
 idem corpus in duobus simul locis esset. Haud
 æquum igitur, ut *propositioni cuidam, divinæ tanquam*
revelationi assentiamur, quæ cum clara nostra cog-
nitione intuitiva plane pugnat. Hoc enim nihil esset,
 quam cognitionis, evidentia, & assensus omnis prin-
 cipia & fundamenta penitus tollere: atque inter ve-
 rum & falsum nullum discrimen & ejus, quod cre-
 dibile & incredibile, mensura nulla esset, si propo-
 sitiones dubiæ, & quibus error subesse potest, pri-
 mas obtinerent ante eas, quæ certæ & per se clæræ
 sunt. Quando itaque Propositiones cum *ideis* pugnant
 quarum convenientiam, aut repugnantiam clare per-
 cipi-

cipimus, eas inter *fidei* dogmata recensere frustraneum erit. Assensum nostrum sub eo, aut alio quovis nomine elicere nequeant. Haud fides efficere potest, ut propositioni assentiamur, quæ cognitioni nostræ contradicit. Etsi *fides* enim *Dei* (qui mentiri nequit) testimonio nititur ; unde tamen de veritate istius major in nobis persuasio esset, quam de iis, quæ ipsimet certo scimus ? Cum certitudinis vis omnis ex ea, quæ in nobis est, notitia pendeat, id nempe a Deo revelatum esse, in hoc casu ubi propositio, quæ revelata esse perhibetur, a cognitione sive ratione nostrâ dissidet, obijci potest, nos nempe concipere non posse, unde illud a Deo proveniret, nostri auctore atque opifice benigno, quod pro vero semel receptum, indita in nobis principia & cognitionis fundamenta omnia statim everteret ; omnes animi facultates inutiles prorsus redderet ; Opificis ejus partem longe præstantissimam, intellectum nempe nostrum perimeret ; efficeretque, ut conditio humana, sive animi lumen, seu vitæ regimen spectes, brutorum animantium longe deterior esset. Si enim menti humanæ haud clarius unquam (imo, fortasse, haud æque clare) de re quapiam liquere potest, id nempe a Deo esse *revelatum*, ac de rationis suæ principiis, fieri nequis, ut, clara rationis evidentia repudiata, enunciato assentiretur, cujus in *revelatione* haud major est evidentia, quam in principiis istis.

§. VI.

Revelationi traditionali multo minus .

HUc usque ratio usui est homini , atque par est , ut auscultetur isti , idque vel in immediata , atque originali ista revelatione , quam ipsimet a Deo fieri putat : apud alios vero omnes , haud immediatam istam revelationem præ se ferentes , verum a quibus requiritur , veritates obsequenter recipere revelatas aliis , atque ipsis viva voce , aut scriptis traditas ; major longe est vis rationis , & qua sola inducti nos assensum iis præbemus . Cum enim sola revelatio divina *fidei* sit objectum : *Fides* , prout vocem istam usurpamus (*Divinam* nempe intelligimus) , nullas circa propositiones versatur , nisi quæ a Deo revelatæ esse putantur . Quare non video , quomodo illi , qui revelationem solum *fidei* objectum esse statuunt , dicere possint , ad *fidem* unice pertinere , non rationem vero , credere , propositionem quamvis in libro hoc aut isto inventam , divinæ esse inspirationis ; nisi revelatum fuerit , propositionem istam , aut omnia in libro isto contenta per divinum afflatum nobis tradita fuisse . Sine tali revelatione , sive dixerimus , sive negaverimus , propositionem , aut librum istum , divinæ esse auctoritatis , haud illud ex fide proveniet , verum ex ratione , quæ assensus nostros in hoc casu regit , neque efficere potest , ut rei cupiam assentiamur , quæ cum ipsa plane pugnat ,

In omnibus itaque rebus , in quibus ad *ideis* nostris , & memoratis superius cognitionis principiis , clara nascitur evidentia , iudicium proprie penes est rationem ; atque revelatio , etiamsi , eum ea consentiens , dictata ejus confirmare possit , iis tamen in casibus , decreta ejus infirmare nequit : *neque nos , postquam claram hausimus & evidentem rationis sententiam , eo nomine eam repudiare cogimur , quod res ista*

ista ad fidem spectet, fieri enim nequit, ut hæc perspicua rationis dictata convelleret.

§. VII.

Supra rationem quæ sunt?

Tertio, cum multæ res sint, in quibus imperfectas admodum, aut nullas omnino notiones habemus; aliæ vero; quarum præteritæ, præsentis, aut futuræ existentia, per naturalem facultatum usum, nullam omnino cognitionem attingimus; hæc, utpote supra rationem positæ, quoties revelantur, *proprie fidei sunt objecta*. Ita nimirum quando dicimus, Angelorum partem rebellasse contra Deum, atque eo pacto ex primo beatitudinis statu excidisse: mortuos resurrecturos esse, & victuros denuo: hæc & similia, cum rationis captum superent, *Fidei dogmata appellanda sunt*.

§. VIII.

Vel non contra rationem, quando revelantur; fidei sunt objecta.

Quoniam vero Deus, cum rationis lumen nobis tribuerit, haud semet ita constrinxit, quin, si modo ipsi videretur, nobis *revelationis* etiam lumen præberet, in iis omnibus rebus, ubi naturales nostræ facultates res probabiliter assequi possunt, *revelationi, ubicunque Deus eam nobis indulserit, præ rationis conjecturis probabilibus auscultandum est*. Mens enim, cum rei non evidentis veritatem haud perspectam habeat, verum probabilitati ejus cedere tantum incipit, testimonio ejus assentiri cogitur, qui nec errare, nec alios in errorem ducere potest. *Rationis vero est, de revelationis istius veritate, &*
qui-

quibus traditur, quod cum rationis principiis, atque ista, quæ in mente est, claratum & distinctarum *Idearum* suarum cognitione perspicua pugnabit; ibi rationi auscultandum erit. Nemo enim scire tam certo potest, propositionem, quæ claris & evidentibus cognitionis ejus principiis contradicit, divinitus fuisse revelatam, aut se voces, quibus traditur, recte intelligere, ac scit, contrarium esse verum, quare æquum est, ut in re ista opinionis suæ rationem videat ac scrutetur, non temere isti, & sine ullo examine, tanquam *fidei* articulo assentiatur.

§. IX.

Ubi ratio judicare nequit, aut non nisi probabiliter, ibi revelationi auscultare debemus.

Primo, Quodocunque propositio revelatur, de cujus veritate, Mens nostra, naturæ suæ viribus, judicium ferre nequit, ea ad *fitem* pure spectat, & est supra rationem.

Secundo. Propositiones omnes, de quibus Mens, facultatum suarum adminiculo, *Ideis* naturaliter acquisitis, judicium ferre potest, ad rationis cognitionem proprie pertinent; cum hoc tamen discrimine, quod in propositionibus, quæ nituntur argumentis probabilibus, & quarum contrarias veras esse, nihil pugnant, revelationi manifestæ, præ effatis istis probabilibus, assentiri debeamus. Ubi enim ex rationibus principiis propositionem manifesto veram aut falsam esse haud liquet, ibi revelationem clarant, tanquam aliud principium veritatis, & assensus fundamentum, de ista statuere satis consentaneum est. Quoniam cum in re ista particulari haud ratio ultra id quod probabile est, perungere potuit, deficiente

ea Fides iudicium tulit; & quæ vera erat sententia, Revelatio aperuit.

§. X.

Rationi auscultare debemus, certam quando cognitionem parit.

HUc usque Fides ditionem suam, minimo sine rationis damno, extendit; haud ratio enim impeditur, verum sublevatur magis per veritates novas, a cognitionis omnis æterno fonte manantes. Quicquid Deus revelavit, id verum esse, omni dubitatione majus est. Hoc *Fidei* proprium est obiectum: Utrum vero divina sit revelatio, nec ne, rationis est iudicare; quæ haud finet unquam, ut mens argumentum obscurius præ evidentiori, aut quod probabile est, præ certitudine amplexetur. Haud de revelatione quavis traditionali tanta in nobis evidentia esse potest, eam, quatenus nempe verbis traditur & a nobis intelligitur, divinæ esse originis, quantam habemus de rationis principiis: Quare haud æquum facerent, si qui rogarent, ut, quod cum per se clavis distatis plane pugnat, pro *fidei dogmate* sumeremus. Divinæ revelationis ea vis est, cui nos, repudiatis opinionibus nostris, præiudiciis & emolumentis omnibus, assentiri debemus: nec, cedente hoc modo ratione fidei, tolluntur cognitionis metæ & termini, nec rationis fundamenta labefactantur, verum usus iste facultatum, ad quem destinatæ erant a Deo, integer nobis conservatur.

§. XI.

Nisi termini constituentur inter fidem & rationem nullæ opiniones ineptæ in religione refutari possunt .

SI fides & ratio haud per terminos hosce a se invicem, regionibus suis secernuntur, in re religionis, nullius omnino erit rationi locus; nec, quæ in variis religionum factis passim reperiuntur, opiniones & ceremoniæ ineptæ culpandæ erunt: Quicquid enim in religione quavis absurdum est, exinde puto, magna ex parte nascitur, quod fidem rationi opposcentes, istam nimis prædicemus, & ad eam omnia referamus. Cum enim homines a tenella ætate ea opinione incantati fuerint, haud rationi auscultandum esse in rebus religionis, cum intelligentia nostra & sensu communi utcumque plane pugnantibus, hinc isti, quæ in hominibus naturaliter inest superstitioni indulgentes, opiniones absurdas & circa religionem ineptias secuti sunt, ad quas viri cordata stupens; & tam longe abest, ut eas Deo Maximo & sapientissimo gratas, ut contra viro sobrio pro ridiculo habendas esse putent. Hinc efficitur, ut religio, quæ nos rationis utpote participes, altius a brutorum animantium sorte maxime tollere debet, in causâ sit, ut istis bestiis absurdiores sæpe videamur. *Credo, quia impossibile est*, in viro religioso, pro zeli flagrantis indicio, non autem opinionis, aut religionis, regula haberi potest (*).

PAP.

(*) Debet distingui contra rationem a supra rationem. Primum est de quo loquitur Lockius, secundum est pura, ac sancta, laudabilis fides, quæ semper nobis debet vigere.

C A P. XIX.

De Enthusiasmo.

§. I.

Amor veritatis necessarius est.

Qui veritatem serio inquirere vult, affectus suos in amorem ejus ante omnia accendere debet. Fieri enim nequit, ut in eam multam operam quivis impendant, nisi qui istius studiosi sunt & amantes. In republica literaria nemo est, quin veritatem sibi cordi esse profitetur: nec quispiam est rationis particeps, qui non ægre ferret, ut homines aliter de eo sentirent. Dicitur nihilominus vere potest, inter eos, qui singulare illud veritatis studium præ se ferunt, non nisi paucissimos esse, qui, illecebris ejus tracti, ex animo eam colunt. Utrum in hac re serio agamus, nec ne, una nota certo sciri potest, si nimirum propositionem eatenus tantum fide dignam putemus, quatenus argumentis firmatur. Qui assensus mensuram hanc excedit, palam est, eum veritatem amplexari, rerum suarum respectu magis, quam ipsius studio ductum. Haud minus impossibile est, ut veritatis studium assensum mihi ulterius eliceret, quam argumenta rem veram esse convincunt, quam ut veritatis studium efficeret, ut enunciationi assentiret, ob evidentiam, qua eam veram esse, haud convincitur: quod perinde est, ac si quis rem pro vera habendam propterea putaret, quod probabile sit, aut fieri possit, eam non esse veram. In omni veritate, haud per lumen naturæ, nec per demonstrationem nota, argumenta assensum ipsi pa-

tien-

tientia, unica sunt verifimilitudinis ejus indicia five menfuræ; nec aliter a nobis recipi poteft, quam ab iis intellectui repræfentatur. Auctoritas & fides omnis, quam propofitioni attribuimus, ultra, quam ab iis recipit, quibus nititur principiis & argumentis nascitur ab affectibus noſtris, atque inde arguimur, hæud ſtudere ſatis veritati, quam a cupiditatibus & emolumentis noſtris, a quibus vim nullam mutuantur inſici hæud conſentaneum eſt.

§. II.

Dogmata noſtra aliis imponendi cupiditas unde.

EX affectibus hiſce & judicio depravato fit, ut quæ tenenda ſunt aliis præſcribendi auctoritatem nobis arrogemus. Qui enim ſerme fieri aliter poteſt quin is aliis imponat, qui ſibiſmet ipſe impoſuerit? Num ſperari poteſt, ut is dum aliis diſputans aperte atque ingenuè verum fateatur, qui cum ſemet ipſo hæud ſincere agit? Qui facultatibus animi, qui menti ſuæ vim infert, qui jus uſurpat, quod veritatis proprium & peculiare eſt, per ſuam nempe ſolius auctoritatem aſſenſum imperare, hoc eſt, ſecundum evidentiam, & vim argumentorum.

§. III.

Enthuſiaſmi vis,

Hic tertium Aſſenſus fundamentum notandum eſt. *Enthuſiaſmus* nempe, cujus apud plurimos hæud minor eſt vis & auctoritas, quam *fidei* aut rationis. Hic revelationi abſque rationis adminiculo auctoritatem conciliatum eſt, quod plane eſt rationem & revelationem ſimul tollere, atque illorum lo-

loco delirantium somnia pro opinionum & morum regula substituere.

§. IV.

Ratio & Revelatio.

Ratio est *Revelatio* naturalis, qua æternus ille Pater; luminis omnis & sapientiæ fons, veritatis portiunculam istam, quam intra ingenii nostri captum posuit, cum genere humano communicat: Contra, *Revelatio* est ratio naturalis, novis quibusdam inventis, nobis immediate a Deo traditis, auctor facta, quæ vera esse ratio ostendit, per testimonia & argumenta, quibus ea a Deo manasse convincit. Qui rationem itaque deprimit, ut extollat revelationem, lumen utriusque extinguit, & perinde propemodum facit, ac si auctor esset homini oculos suos eruendi, ut eo melius æstri invisibilis radios longinquos, ope telescopii, percipere.

§. V.

Enthusiasmi Origo.

Cum *Revelatio* hominibus compendiosior longe via sit ad sanciendo opinioniones suas, & vitæ normam instituendam, quam prolixus valde, nec prospere semper succedens accurate disputandi labor, haud mirum est, quosdam revelationem ostentare, & sibi met persuasum ire, se peculiariter cæli subesse regiimini in actionibus & opinionibus suis, atque iis præsertim, quarum per vulgatas Methodus cognitionis, atque rationis principia, rationem reddere nequeunt. Hinc videre est, omni ævo, homines, qui hypochondriaci simul & omnia superstitione imbuti sunt, vel qui propter nimiam de semetipsis opinio-

nem, putant, ſibi cum Deo majorem intercedere familiaritatem, quam permiſſa eſt aliis, certiſſimeque ſunt perſuaſi, ſe in ſummi numinis congreſſum immediatum & colloquium ſæpenumero venire. Haud negari quidem poteſt, poſſe Deum hominis intellectum illuminare per radium immediate in mentem e lucis iſto fonte vibratum: hoc ab eo promiſſum intelligunt, ut promiſſa vero perficiat, quis iis meliori jure ſperet, quos ſibi in gentem peculiarem ex aliis omnibus elegit?

§. VI.

Enthuſiaſmus.

MEntibus eorum hoc modo diſpoſitis, quandoque incepta quædam opinio, aut ad abſurdum quid agendum propenſio iis ſubnalcitur, ſtatim ſe divinitus eſſe motos, & Deo repugnatu- ros, ſi iſta ejus juſſa detractarent.

§. VII. Hanc proprie Enthufiaſmum puto, qui licet nihil ſit, niſi delirantium ſomnia lymphatica, & nec ratione, nec revelatione divina nitatur (*), quia tamen ab exæſtuantis ſpiritus imaginatione proficitur majoris eſt momenti, ac ponderis in hominum opinionibus & actionibus dirigendis, quam ratio & revelatio, ſive ſeorſum ſive conjunctim ſuntæ; homines enim, quos ex ſemetiſſis recipiunt, impulſibus promptiſſime obſequuntur. Enthufiaſticæ hujusmodi imaginationis vis tanta eſt, ut facile omnia exuperet, quamprimum ſenſus communis, & rationis vinculis liberata eſt, divinam præ ſe ſtatim auctoritatem fert, & eodem tempore confirmatur quoque noſtra inclinatione & proprio temperamento,

§. VIII. Etiamſi ineptæ opiniones & actiones abſurdæ, in quas *Enthuſiaſmum* homines præcipitare con-

(*) Adnotetur, ne terminis confundamur.

confuevit, fatis eos admonere debeant, ut ab igne isto fatuo sibi caverent, quo factum est, ut in errores tot inciderent, tam opinionum, quam vitæ regiminis: tam commoda tamen ipsis inspirata hæc videtur scientia, & tam gloriosum putant, alios antecellere, ut, cum in novam hanc methodum *revelationis* immediate; illuminationis absque inquisitione & investigatione, & certitudinis absque probatione, semel inciderint, haud facile semet inde extricare possint. Apud eos frustra quis argumentis utitur; cum supra rationem efferant: „ Errare se „ non posse dicunt, cum lumen videant in mentem „ plane infusum; quod non minus clarum est, quam „ solis ipsius radii, nec alio opus habet argumento, „ quam evidentia sua: Sentire se interius, ajunt, „ divini numinis impulsus, idque manifeste adeo, „ in hac re decipi nequeant „. Hoc modo sibi met blandiuntur, &, quæ in semet experiuntur ad rationis trutinam examinari nolunt. “ Annon absurde „ ageret, si quis ab alio requireret, ut probaret, „ Solem supra horizontem esse, ipsumque eum videre? Quamprimum Spiritus Dei mentem lumine „ perfundit, inde statim caliginem omnem dispellit. „ Lux hæc cœlitus missa, vehemens, clara, & pura „ est, & sui demonstrationem secum fert, nec absurdus est, ut ad Solem inveniendum candelæ „ luce utamur, quam ut immisos a Deo radios, „ ad languidam candelam, rationem nempe, exigamus „.

§. IX. Hoc modo Enthusiastæ isti loquuntur. Cognitio illorum certa est: & quod afferunt, verum est, quoniam id verum esse persuasissimum habent. Sermonis enim eorum hæc summa est, quando Metaphoris a *visu* & *sensu* petitis, quibus verba illa involvunt; hæ tamen similitudines iis ita imponunt, ut eas ipsimet pro certis habeant, aliis pro demonstrationibus venditent.

§. X.

Enthufiasmi indicia quæ funt?

EXpendamus paulisper lumen hoc internum, &, quo tam pertinaciter nituntur, fenfum. Dicunt hi, clarum fe lumen habere, & videre; fe fenfum habere experrectum, eumque perfentire: hoc fibi ab omnibus concedi haud dubitant: quando enim quis fe videre aut perfentire, dicit, id inñcias ire perdifficile eft. Hic autem rogare velim, quidnam percipiant, nam propofitionis veritatem, aut *rem effe a Deo revelatam*? Sensus ifte num perceptio eft ftudii, five propenfionis internæ ad agendum aliquid, aut Spiritus Dei, ftudium illud incendentis? Perceptions iftæ valde inter fe diverfæ funt, & qui fibimet ipsis nolunt imponere, inter eas caute diftinguere debent. Fieri poteft, ut propofitionis, in Euclide puta, aut alibi, veritatem perfentiam, non tamen revelationem effe a Deo immediate factam; mo, ut fciam, me cognitionem iftam modo haud naturali acquirere, ac proinde colligam, effe revelatam. Deum tamen iftius autorem effe, haud compertum habeam. Sunt enim Spiritus, qui Dei injuffu, *Ideæ* iftas animo meo ordine ita objicere poffunt, ut connexio illarum facile appareat. Quare ex eo, quod enunciatum quodvis, modo mihi ignoto, mentem ingreditur, haud fequitur, illud divinitus effe patefactum. Multo minus, exorta in mente gravi & vehemente perfuafione, illud a Deo, aut quidem verum effe, inferitur. Utcunque igitur ii clarum lumen menti eorum a Deo præferri oftendent, nihil aliud effe puto, quam conceptam ab ipsis opinionem: Nec enunciatio, quam revelationis nomine dignantur, ejusmodi eft, quam certo fciant, fed quam putant effe veram, Ubi enim explorata eft enunciationis veritas, ibi fruftra eft revelatio; nec facile quidem concipimus,

mus, quomodo, quod prius compertum erat, divinitus revelatum esse, dici possit. Si itaque propositio sit, quam veram esse haud certo sciunt, sed ejus veritatem sibi tantum persuadent, palam est, in eo casu haud in iis lumen manifestum, verum opinionis tantum fiduciam inesse. Duo cum hi modi, quibus veritas mentem ingreditur, maxime inter se diversi sunt, nec unus cum altero confunditur. Quod video, illud ita se habere, scio ex rei ipsius, evidentia: quod assensu amplector, quæ *fides* dicitur, nititur testimonio alterius: testimonium autem hoc perhiberi, me scire necesse est, alioquin fides ista vacillabit. Nisi compertum habeam, rem divinitus esse revelatam, frustra internum illud lumen ostentatur. Quæstio itaque hæc est: Unde sciam, instinctum hunc esse & afflatum divinum, ac proinde monitis ejus parere me obstrictum teneri? Hoc nisi compertum sit, quæcunque mihi persuasio innascitur, prorsus inanis est, atque omne illud lumen planè *Enthufasmus*. Sive enim ipsa enunciatio, quam revelatam esse perhibent, manifestam veritatem, sive probabilitatem, seu pro naturali & communi modo cognoscendi ambiguitatem præ se ferat, quod mihi itaque debet perspectum esse, illud nempe revelationem esse divinam, non excogitatam ab alio Spiritu illusionem, aut mentis meæ inane figmentum, Pro vero enim illud idcirco, ni fallor, amplectuntur; quoniam Deum istius auctorem esse extra dubium habent. Annon oportet igitur rationes expendant, quibus inducti illud a Deo revelatum esse putant; alioquin nimiam habebunt sententiæ suæ fiduciam, atque lumen illud, quod mentis oculos ingente fulgore perstringit, *ignis tantum fatuus* erit, cujus ductu in circulo hoc semper volventur: *Revelatio est, quoniam esse credunt, & credunt esse, quoniam est revelatio.*

§. XI.

*In Enthufiasmo haud liquet, an enunciatum
aliquod fit a Deo.*

IN omni revelatione divina probandum tantummodo est, eam revera divinitus esse inspiratam : Deus enim neque decipi, nec alios decipere potest . Unde autem sciet quis , propositionem aliquam in nostra constitutam mente esse veritatem a Deo inspiratam ? Hic ea , quam *Enthufiasmus* ostentat , evidentia vacillat & claudicat . Præ se enim Enthei isti ferunt , lumine se perfundi , quo in cognitionem perducantur hujus , aut istius veritatis . Sin veritatem esse sciunt , aut sciant , necesse est , per claram istius evidentiam & congruentiam cum lumine rationis ; aut per naturalia argumenta , quibus probatur . Quod si sic , frustra revelatam esse jactitant : eam enim veram esse eodem modo sciunt , quo alii omnes , absque revelationis aditiculo . Hoc modo enim veritates omnes , quas homines cognoscunt , qui divino spiritu haud afflati sunt , mentem subiere . Si dicant , scire se rem veram esse , quia a Deo *revelata* est , recte dicunt : rogo autem , quomodo sciant , ita revelatam esse . Si dicant per lumen veritatis in re ipsa elucens & mentem illuminans , & cui resistere nequeunt , Vellem expenderent , annon hoc illud ipsum sit , quod notavimus prius , esse nimirum revelationem , quoniam de veritate istius ipsis persuasum est . Omne enim lumen illud , de quo loquuntur , nihil est nisi vehemens , male autem & absque omni fundamento concepta , de rei veritate persuasio . Credunt esse revelationem non ex alio fundamento , quam quia sibi sunt persuasissimi , hanc esse revelationem . Haud video , quoniam alio modo nos imbuere erroribus & implicari facilius sinamus , quam si phantasiæ nostræ dictum ita sequamur , & pro-

propositionem quamvis veram esse, aut, quippiam fieri recte, credamus propterea, quod illud credimus. Persuasionis nostræ vehementia haud rectitudinis istius argumentum est: fieri potest, ut res curvæ haud minus duræ sint & inflexibiles, quam rectæ: utque homines in errore haud minus obstinari sint, quam in vero. Unde alioquin sententiarum concertationes, & inflexibilis ista obstinatio inter homines diversas sectas sequentes? Si enim lumen illud, quod se habere quilibet putat, quodque nihil aliud est, quam innata menti persuasio, divini instinctus argumentum est, eo modo pugnantes inter se sententiæ dici possunt a Deo inspiratæ; atque ita Deus non solum luminum Pater erit, verum oppositorum plane, quæque, ignium fatuorum ritu, homines in partes contrarias rapiant; adeo, ut contradictoriæ propositiones sint veritates divinæ, si modo assensus vis, licet fundamento destituitur, possit probare, quod propositio quædam sit Revelatio divina.

§. XII.

Persuasionis firmitas haud probat, propositionem divinitus esse revelatam.

Fieri nequit, quin hoc ita se habeat, quamdiu vehemens persuasio pro gravi satis argumento habetur ad rei veritatem probandam. Divus ipse Paulus, se fecisse recte, & Deo instiganti morem gessisse, putavit, quando Christianos, quos pravis erroribus imbutos fuisse, existimavit, gravia ad supplicia rapuit: ipsum tamen, non eos, errorem tenuisse palam est. Pii homines, sicut alii, erroribus sunt obnoxii, eosque non sine obstinatione animi pro veritatibus, revelatis divinitus, atque in mentem lumen clarissimum inferentibus, amplexantur.

§. XIII.

Lumen in mente quid fit .

Lumen in mente, verum fcilicet & non fallax, nihil aliud efle poteft, quam cujufvis propofitionis liquida & evidens veritas; quæ fi per fe clara non fit, nullum lumen habet, quam quod iis, quibus nititur, argumentis ineft. De alio lumine in mente qui loquuntur, iis caligant animi, & tanquam Tenebrarum Principis imperio fubjecti, haud inviti femet ejus illufionibus exponunt, ut credant mendaciis. Si vis enim, atque obftinatio fententiæ lux fit, quam fequi debemus, rogo, undenam nos *Satanæ* præftigias a Sancti Spiritus afflatu difcernamus? Ille fe in Angelum lucis transformare poteft, & qui ductum ejus fequuntur, haud minus perfuafum habent, fe numen intus fentire, quam alii, qui divino fpiritu revera afflati funt. Ipsi acquiefcunt in hoc falfo lumine, delectantur eo, & quocunque eos id perduxerit, omnino fequuntur; neque quenquam meliori uti ratione exiftimant, quam fe ipfos, fi ex propria ipforum perfuafione firmitiffima judicaveris.

§. XIV.

Rationis eft, de revelatione judicium ferre .

Qui igitur duci erroribus & abfurdas fequi opinionones nolit, is *lumen* hoc *internum*, cujus ductu omnia facit, ad rationis normam exigere debet. Deus Prophetam quando inftruit, haud perimit, atque omnino delet, quicquid humanum eft; Facultates omnes integras ipfi naturali in ftatu relinquit, ut de infpirantibus ejus, utrum nimirum divinæ fint originis, nec ne, recte judicare poffit. Lumen fupernaturale in mentem infundens, haud, quod

quod naturale est extinguit . Quādo requirit , ut
propositionem aliquam pro vera amplectamur , aut
veritatem ejus nobis per rationem explicat , aut ef-
ficat , ut fciamus , eam esse veritatem , cui vult , ut
nos , fola ipfius auctoritate freti , affenfum præbea-
mus . Ad *rationem* , tanquam fupremum judicem , in
omnibus recurrendum eft . Non dico rationis ad nor-
mam propositionem ita exigendam effe , ut eam reji-
ciendam ftatuamus , nifi per principia naturalia demo-
ftrari poffit : & fi *ratio* , divinitus patefactam effe ,
invenit tunc eam , prout alias veritates amplexan-
tur , & regulis fuis annumerat (*) . Si quis rem quan-
dam veram idcirco tantum putat , quod eam veram
effe perfuafiffimum habet , tunc omnis opinio , quæ
penitus menti infedit , divini afflatus nomen obtine-
bit ; & nifi rationi permittatur , veritatem illarum
per aliquod opinionibus ipfis extrinsecum metiri &
examinare , revelationes divinas a Cacodæmonum
præftigiis , & verum a falfo diftinguere , impoffibi-
le erit .

§. XV.

*Haud fequitur rem divinitus , revelatam
effe ex eo , quod firmiter , credimas ,
effe revelatam .*

SI lumen hoc internum , aut quodvis enunciatum ,
quod fub nomine iftius pro menti noftræ infpirato
recipimus , cum rationis principiis confentiat , aut ver-
bo Dei , quod Revelatio eft testata ; *ratione* fatis fir-
matur , nec inconfentaneum eft , ut pro vero illud
amplexemur : Sin cum regulis hifce haud congruit ,
abfonum erit , ut verum , multo minus divinitus re-
velatum effe putemus ; donec præter opinionem no-
fram

(*) Adnotetur iterum , ne vera , Sancta , divina revelatio cum
fælitia , falfa , ac hæmoniaca confendatur .

strant aliam præ se *revelationis* notam feret. Ita palam est, viros olim sanctissimos, quibus voluntas divina cœlitus erat patefacta, præter insitam animo opinionem; aliæ habuisse *revelationis* istius indicia, signa nempe externa. Et cum aliorum animos expugnare, eosque ad veritatem adducere tenebantur, data ipsis potestas erat divinæ legationis auctoritatem miraculis firmandi. Vidit *Moses* rubum conflagrantem, non vero flammis absumtum, atque medio ex igne vocem erumpentem audivit. Hoc aliquid amplius erat, quam interna in mente cujusdam impulsus perceptio, ut *Pharaonem* adiret, ut *Tribunales* suos *Israelitas* ex *Ægypto* reduceret; hoc tamen haud visum est satis, donec Deus per aliud miraculum, virgæ nimirum in serpentem conversæ, ostenderat; ipsum missioni suæ fidem apud eos per simile ostentum conciliaturum, ad quos missus erat. *Gideon* ab Angelo legatus erat; ut *Israelitas* a *Madianitis* eriperet; signum tanten petiit, quo fieret certior, Deum nuntii hujus auctorem fuisse. Ex hisce & multis aliis hujusmodi exemplis, quæ in Prophetarum scriptis passim reperiuntur, emergit haud putasse eos, insitam in mente opinionem, sine alio quovis argumtento, divinæ revelationis clarum satis indicium fuisse, etiamsi de requisitis ab iis id genus argumentis haud ubique in sacra Scriptura mentio fiat,

§. XVI. Absit, ut ego hæc perinde dicam, quasi putarem, Deum haud unquam mentibus hominum lumen præferre ad veri investigationem, nec posse, immediatum Spiritus S. afflatum, affectus eorum absque signorum quorumvis adminiculo, ad pie agendum accendere. Eo autem in casu res ad Sacræ Scripturæ & rationis normam exigenda est, ut eo pacto certo sciamus, utrum *divinitus* patefacta sit, nec ne. Ubi veritas, quam amplexamur, cum divina revelatione, aut factum cum *rationis* recte dic-

cla-

ctatis, aut Dei oraculis consentit, certissimi esse possumus, nos nullo in periculo versari, si eam existimamus a Deo inspiratam, quoniam licet forte non sit revelatio immediata, mentibus nostris per extraordinariam Dei operationem intillata, nos tamen confidere possumus, eam propter suam cum veritate, quam a Deo accepimus, congruentiam, esse authenticam. Sed hoc non idem est, ac vis quædam particularis, quam in nobis sentimus, persuasionis, quæ probare possit, quod sit lumen aut motus divinitus accedens. Nihil hoc efficere potest, nisi Dei verborum spiritum, aut Ratio, talis regula, quæ nobis cum omnibus hominibus communis est. Quod si itaque opinio quædam, aut actio evidenter Ratione, aut Scriptura confirmatur, nos eam, tanquam divina auctoritate nixam spectare possumus; nunquam vero nostræ persuasionis firmitas ei hoc criterium conciliare poterit. Mentis nostræ inclinatio huic persuasioni favere potest, eo, quo ipsi visum fuerit, modo, atque demonstrare, illud esse singulare nostri amoris objectum; attamen probare nequit, illud esse aliquid divinitus in nobis productum & divinæ originis.

C A P. XX.

De Assensu non recto, sive Errore.

§. I.

Erroris causa:

Cum cognitio nostra rerum tantum sit manifestarum, quæque oculis obversantur, errores, quibus implicamur, haud cognitioni vitio sunt vertendi, verum iudicio; quod rei non veræ assentitur.

At si assensus in verisimilitudine fundetur; si objectum istius proprium & fundamentum sit probabilitas, atque ea posita sit in iis, quæ in superioribus capitibus tradita sunt, quæretur, undenam fiat, ut homines contra probabilitatem rebus assentiantur: nihil enim pervagatus est, quam sententiarum diversitas; nihil vulgatus, quam ut rem, quæ uni plane falsa esse videtur, alius dubiam, alter verissimam esse putet. Cujus rei rationes, etiam si variæ fortasse sint, ad has quatubr, putò, revocari possunt.

1. *Quia nobis argumenta desunt.*
2. *Quia iis commode uti nescimus.*
3. *Quia ad id voluntas deest.*
4. *Quia Mensuris probabilitatis haud rectis utimur.*

§. II.

§. II.

Primo argumenta defunt.

Primo, per *Argumentorum defectum*; haud eorum inopiam intelligo, quæ cum nullibi existant, haudquaquam reperienda sunt; verum eorum, quæ comparari possunt. Hoc modo argumentis destituuntur, quibus deest opportunitas, ad experimenta facienda circa propositionis cujusvis veritatem; ad colligenda aliorum testimonia & ea expendenda: quo in statu sunt generis humani pars longè maxima; quorum agitur ætas in iis comparandis, quæ ad victum conducunt, atque ad egestatem miseram sustentandam. Horum opportunitates ad scientias & veritatem investigandam non minus angustæ sunt, quam fortunæ, nec cognitionem amplexari possunt, qui tempus omne consumunt in iis quærendis, quæ necessaria sunt ad placanda ventrum suorum jejunia, aut liberorum famem importunam sedandam. Undenam is, quæ per ævum omne in arte laboriosa occupatus tenetur, ingentem rerum varietatem per terrarum orbem perdiscerat magis, quam equus cliellarius, qui per viam angustam ad mercatum tantum agitur, regionis istius Geographiam sciret. Nec magis concipi potest, undenam is, cui otium, libri, linguæ, atque hominum eruditorum commercia defunt, ea testimonia & experimenta colligeret, quæ necessaria sunt ad plurimas, imo plerasque omnes propositiones probandas, quæ in communitate hominum maximi momenti esse perhibentur; aut certitudinis fundamenta tanta reperiret, quantum nobis momentum est, ut, quæ in iis fundantur, opinionibus fidem habeamus. Quare ex hisce rei familiaris angustiis, atque naturali & immutabili hic rerum statu, necessario efficitur, ut maxima pars homi-

minum invincibili argumentorum ignorantia teneantur, quibus aliorum opiniones nituntur.

§. III.

Objectioni respondetur, qua queritur, quid fiet ab illis, quibus ista desunt,

Quid dicendum est itaque? Num genus humanum maxima ex parte, ex conditionis suæ infortunio, in rerum ignoracione necessario versatur, in quibus tamen ad bene vivendum momenta sunt maxima? De his itaque quæramus, consentaneum est: Num ingens ista rudium hominum multitudo non aliam, præter cæcū & fortuitum casum, aut ad beate vivere vivendum, ducem habeat? Num receptæ communiter opiniones, & constituti in regionibus singulis sacri ductores sufficiunt, quorum ex ductu homines secure pendeant in rebus omnibus sempiternam beatitudinem, aut miseriam spectantibus? Num etiam ii infallibilia veritatis oraculæ dicendi sunt, qui aliud in *Orbe Christiano*, aliud in *Mahumetano* docent? Numquid viri rudes & agrestes in sempiternorum beati erunt, quod ipsis contigerit in *Italia* nasci, aut rustici nostrates æternum propterea peribunt, quod iniquo sidere editi in *Anglia* nati fuerint? Quædam ex hisce quàm crebro a multis dicantur, haud nostri hic instituti est quærere; hoc certo scio, teneri eos necessario horum alterutrum concedere, aut fateri, Deum abunde satis facultatum hominibus tribuisse ad vitæ regimen, & modo cum vacui sunt laborum, iis recte uti velint. Nemo vitæ hujus negotiis impeditus adeo est, qui ipsi tempus suppetat ad majora hæc æque forent attenti, ac sunt ad minora rerum momenta, neminem res familiares occupatum adeo & sollicitum tenere.

nerent, quin per laboris otium in utili hac cognitione proficere posset.

§. IV.

A vero inquirendo homines avocantur.

PRæter eos, qui in vero exquirendo rerum angustiiis impediuntur, alii sunt, quibus satis est divitiarum ad libros, atque alia adjumenta comparanda, dubiorum explicandorum & veritatis investigandæ causa: eos tamen deterrent, & ab incepto hoc avocant patriæ leges, atque hominum turmæ, quorum interest, eos in ignorantia continere, ne plura scientes, in eorum verba minus jurarent. Hi longius absunt a libera veritatis inquisitione, quam memorati superius miselli operarii. Et licet viri sibi videantur magni, cognitiones tamen in angustum concluduntur, atque in parte ea, quæ maxime libera esse debet, intellectu nimirum, servitutem patiuntur. Hæc eorum ut plurimum fors est, qui in locis degunt, in quibus in illud diligenter incumbunt, ut veritatem sine cognitione propagent; in quibus homines tenentur necessario religionem patriam amplectari; & receptas publice opiniones haud secus recipere, quam imperiti solent Empiricorum potiones, nescii nimirum quid sint, aut quomodo operaturæ, & quibus nihil aliud incumbit, quam credere, in iis morbis satis efficax remedium inesse: in hoc vero iis longe miserrimes sunt, quod non liberum sit ipsis, quæ libenter vellent, aspernari; aut, cujus ductum sequi præoptarent, mendicum eligere (*).

§. V.

(*) Plura a Deo revelata, & miraculis, ut Lockius ipse dixit, perclare demonstrata veritates sunt, de quibus iniquum est dubitare. Non est omnibus datum, hoc scire, per consequens Sacerdotes illud enunciant, & qui nesciunt, in revelationem, criticam instituere, eam recte prædicantibus debent credere, & hæc fides est ratione dictitata.

§. V.

Secundo , quia argumentis uti nescimus .

Secundo , ii omnes , qui argumentis , quæ habent , probabilibus uti nesciunt , qui consequentiarum seriem immensam nequeunt simul intueri , nec argumenta , aut testimonia contraria accurate ponderare , ita , ut singulis circumstantiis vis sua tribuatur , facile duci possunt , ut enunciationibus non verissimilibus assentiantur . Nonnulli sunt , qui unum , quidam duos capiunt syllogismos , non plures ; alij ad tertium usque progrediuntur . Hi non semper intelligere possunt , quam ex parte maxima vis argumenti sit , nec opinionem maxime probabilem sequi . Inter intellectus hominum tantum esse discrimen , nemo , puto , inficiabitur , qui generis humani consuetudine usus est : etiamsi neque hic *aulam Westmonasteriensem* , aut *basilicam mercatoriam Londinensem* ; neque illinc *ptochotrophia* , aut *nosocomium maniacorum* unquam inviserit . In humana intelligentia unde magnum hoc discrimen , utrum nimirum a defectu quodam oriatur in corporis organis , quatenus ad cogitandi munus peculiariter conformata sunt ; aut facultatum ipsarum hebetudine , usu nimirum & exercitatione haud assuefactarum ; vel , prout nullius videtur , ex animarum ipsarum naturali discrimine ; aut ex horum nonnullis , aut omnibus simul sumptis , quærere hic non magni refert : Hoc vero liquet , quod ad intelligendi , concipiendi , & argumentandi vim attinet , inter homines tantam esse differentiam , ut in genus humanum haud injuriosus esset , si quis diceret , quosdam intelligentia alios magis antecire , quam hi bestiis antecellunt . Unde vero hoc ? etiamsi ea contemplatio non parvi sit momenti , ad nostrum tamen institutum non spectat .

§. VI.

Tertio, quia voluntas ad illud deest.

Tertio, aliud genus hominum est, quibus *argumenta defunt*, non quia inveniri nequeunt, verum quia iis *uti nolunt*: licet hi otium, nummorum & ingenij facultates abunde magnas, atque alia habeant adjumenta, hæc omnia tamen frustra sunt. Quosdam flagrantes & indomitæ cupiditates, aut duri, assidueque labores a cogitationibus hisce melioribus avocant; in aliis locors, & negligens natura in genere, aut ingenium a libris, studio, & meditatione peculiariter aversum, in causa sunt, quod de rebus seriis nunquam cogitent: atque alii metuentes, ne judices servari opiniones reprehendant, quæ ad præjudicia ipsorum, consilia, & vitæ rationem maxime accommodatæ sunt, sine ullo examine amplexantur, quicquid commodum videtur, & a moribus patris non alienum. Hoc modo plerique, & ex iis plurimi, qui secus agere possunt, per totius vitæ curriculum multa probabilia haud cogitatione complectuntur, nedum iis rationalem præbent assensum, quorum cognitio ipsis perutilis est, etiamsi in conspectu eorum ita posita sunt, ut facile cognoscantur, aciem tantummodo oculorum ad ea dirigendo. Novi homines, qui epistolam legere detractant, quam novi quid ingrati afferre putant, nonnulli rationes suas in ordinem conficere, aut de patrimonii cogitare verentur, qui res suas in loco difficili esse suspicantur; demiror, undenam illi, quibus otiosa est libertas, & divitiarum satis ad animum excolendum, in focerde & negligente ignorantia acquiescere possint: mihi quidem animas suas vili pendere videntur, qui, non nisi ad obsequium & indulgentiam corporis attendentes, facultates omnes in illud impendunt, nihil vero in animæ cultum, qui curæ habent orna-

Termin. V.

R

tum

tum exteriorem, & miseros se putarent, si pannosi aut male vestiti in publicum prodirent, haud erubescunt tamen in hominum se dare consuetudinem, etiamsi animum nullius bonis artibus, nec aliis rebus induerint, nisi centonibus, atque amictu sordido & illiberali, hoc est, opinionibus, quas a viris imperitis, & quibuscum consuetudo erat, plebejis didicere. Non hic pluribus dicam, quam indignum illud sit hominibus, qui venturi alicujus status sortisque in eo olim obtinendæ humanæ habent rationem quippe quam cognitionis particeps non potest interdum suscipere: nec, quam turpe sit, scientiarum maximis contemptoribus, res ignorare, quas tamen cognoscere haud parvi refert. Hoc vero saltem ab iis considerandum est, qui generosos, ac nobiles semet appellant, utcumque putent existimationem, famam, potentiam, & auctoritatem eos semper manere, qui bene nati, atque opulenti sunt, reperient tamen, hæc omnia commoda ipsis a deterius sortis hominibus auferri posse, qui sunt uberiore rerum scientia instructi. Qui cæci sunt, ad illorum, in quibus usus est oculorum, ductum semet applicabunt alioquin in fossam decidunt necesse est; & certe is mancipatus maxime & subjectus est, cujus intellectus jugum alterius subiit. In memoratis superius exemplis, assensus erronei causas quasdam monstravi, atque unde fiat, ut opiniones probabiles assensum non semper reperiant æqualem rationibus, quæ verisimilitudinis earum reddi possunt; hætenus vero de iis tantum verisimilibus dictum est, quorum argumenta, etsi existant, non tamen ab eo cernuntur, quo errorem istum amplectitur.

§. VII.

*Quarto, mensuris probabilitatis non rectis
utimur, cujus generis sint.*

Quarto, Ultimum genus est eorum, qui ubi verisimilitudo apparet, & clare proponitur: haud cedunt tamen argumentis, verum aut assensum *παύειν*, sive suspensum tenere solent, vel quod minus probabile est, sequuntur. In hoc periculo verfantur ii, qui *mensuris probabilitatis haud rectis* utuntur: hujusmodi sunt.

1. *Propositiones non in se certe & evidentes, verum dubie & falsæ, principiorum tamen loco usurpate.*
2. *Receptæ hypotheses,*
3. *Affectus & motus animi impotentes.*
4. *Auctoritas.*

§. VIII.

Primo, propositiones dubie pro principis sumte.

Primo, Primarium & firmissimum probabilitatis fundamentum, est rei cujusdam cum cognitione nostra conformitas; ea præsertim, quam amplexati sumus, & pro principis habemus. Hæc opiniones nostras eousque regunt, ut iis veritatem & verisimilitudinem metiamur, & quod cum *principiis* haud congruit, illud haud probabile, imo, plane impossibile esse, putemus. Quæ *principiis* hisce vulgo attribuitur reverentia, & auctoritas tanta est, ut tantummodo aliorum testimonia, verum sensuum etiam nostrorum evidentiam aspernemur, quando a receptis communiter regulis hisce dissident. Quousque

hoc sis sit vertendum vitio, qui docuere, dari *principia* ingenua, *principia* non esse probanda, aut vocanda in dubium, non hic perquiram: hoc libenter dabo, veritatem unam non pugnare posse cum alia, cavendum tamen puto, ne quid temere in *principiorum* numerum cooptemus; discutiendum illud diligenter est, & videndum, utrum quod per se verum & manifestum est, recipiamus, an vero aliorum tantum auctoritate nitamur. In illius enim mente nimia est præjudicatio, nimia ad partem alteram inclinatio, & quæ assensum ejus a vero prohibebit, qui *principiis* haud rectis imbutus est, & *opinionis* cessit auctoritati, haud in se manifesto veræ.

§. IX. Nihil magis quotidianum est, quam ut *parvuli* propositiones (circa rem religionis præsertim) a parentibus, nutricibus, aut aliis discant; quæ in mentes incautas, & omnibus adhuc præjudiciis liberæ receptæ, & paulatim altius penetrantes, tandem ibi (veræ sint an falsæ, perinde est) per diuturnæ consuetudinis, & educationis vim deliguntur, ita, ut evelli iterum nequeant. Homines enim ætate jam proveci, ad opiniones suas respicientes, & hujusmodi omnes eandem, quam ipsa memoria ferre ætatem deprehendentes, nec videntes, quomodo mentem primum sint ingressæ, pro sacris eas habere solent, & tanquam *Urim* & *Thummim* immediate a Deo in mente positas esse putant, ut ad eas recurratur, tanquam veri & falsi, & controversiarum omnium arbitras.

§. X. Cum opinio hæc de *principiis* (quæcunque ea sint) in mente cujuscumque inveteravit, facile est videre, quomodo propositio quædam, quacunque etiam ratione fuerit probata, sit recipienda, si istorum convelleret auctoritatem, & cum internis hisce oraculis pugnabit: e contrario absurda omnia & veri dissimulata, quam facile fidem sint inventura, si cum *principiis* hisce consentiant. Quanta in disce-

pta-

prationibus nostris a receptis communiter traditiona-
libus hisce principiis absurda oriantur, ex ea vide-
re est obstinatione animi, qua contrarias plane opi-
niones, etiam si fortasse æque ineptas, homines, in
diversis religionum sectis, amplexantur: apud quos
nimirum familiare est, experientiæ suæ, & sensu-
um testimonio nuncium potius remittere, quam rei
cuipiam cum sacris hisce dogmatibus pugnant, habere
fidem. Et qua ratione quis ejusmodi hominem im-
probabilis, quam fovet, opinionis convincere pote-
rit, qui, cum quibusdam Philosophis, fundamenti
loco in rationeiniis suis ponit, quod credere debeat
suæ rationi contra sensuum testimonium? Eodem
modo, cum *Fanaticus* semel principii loco assumit,
se aut ipsius doctorem divino aflatum esse, numine
sanctoque agitari Spiritu, frustraneum omne erit stu-
dium, ad ejus dogmata evidentissimis rationibus de-
struenda adhibueris. Quocirca qui falsa imbibuerunt
dogmata, in iis rebus, quæ principiis his contradi-
cunt, validissimis etiam argumentis non prius ex
erroribus eripi poterunt, quam secum ita ingenue
agant, ut principia ista expendant, atque examinent,
quam tamen cogitationem plurimi per totam vitam
non suscipiunt.

§. XI.

Secundo, *recepta hypothesi*.

Secundo, post hos ii recensendi sunt, quorum in-
tellectus typo & exemplari *receptæ* cujusdam hy-
potheseos affixus ac conformatus ab eo ne latum un-
guem recedit. Hi a prioribus istis in hoc discrepant,
quod, licet cum adversariis de eo, quod factum est
consentiant, alias tamen rationes, & diversam modi
operandi explicationem afferant. Hi sensuum testi-
monia haud aperte adeo repudiant, ac superius me-

morati isti; licet verò ab iis erudiri patientius paulo ferant, quæ tamen ita recipiuntur, nolunt ad rerum explanationem adhiberi; nec argumentis probabilibus adduci possunt, ut credant, res aliter ita evenire, quam ut ipsi putarunt. Et certe nonne res magni essent momenti, nec a professore erudito ferenda, verum quam purpura ejus erubesceret, ut auctoritatem ejus quadragenariam fortasse, ex veterum Græcorum & Latinorum Scriptorum monimentis, non sine oleo & opera multa elucubratam traditione generali, & verenda barba confirmatam, novitius aliquis, nec in republica literaria antea notus subito convelleret; atque ipse fateri cogeretur, quas discipulos per annos quadraginta docuerat, erroneas esse opiniones; & se verba difficilia & ignorantiam plurimo iis vendidisse? Quæ argumenta probabilia animam ejus inducent unquam, ut, veteribus opinionibus repudiatis; & scientiarum ostentatione, quas studiis severis per omne vitæ suæ spatium acquisivit; is, plane confessus, se post lucubrationes omnes literarum, esse expertem ad notiones novas quarendas senet accingeret? Quævis argumenta non plura apud eum valebunt, quam rapidissima apud viatorem venti vis, ad penulam ejus extorquendam, quam, crescente impetu venti, acrius & tenacius attrahit. Ad hæc de hypothese falsa, dicimus, errores revocandi sunt, qui nascuntur ex *hypothese* vera, sive rectis principiis, non recte vero intellectis. Vulgare hoc & quotidianum est. Magna exemplorum copia ab iis suppeditatur, inter quos infinitæ & concertationum plenæ disputationes sunt, de opinionibus contrariis, quas ex infallibili scripturæ veritate omnes hauriunt. Omnes, qui Christianos se vocant, per locum istum, qui dicit *peritior*, grande sibi munus injectum esse fatentur, Quod ad praxim vero attinet, alterutrum eorum necesse est, qui non aliam, præter Gallicam, linguam

guam scientes, regulam hanc juxta alteram versionem putant esse *repentez vous*, resipiscere; juxta alteram, *suitez penitence*, poenitentiam agite.

§. XII.

Tertio, affectus & motus animi impotentes.

Tertio, Idem dicendum est de argumentis probabilibus, quæ dominantibus in nobis affectibus repugnant. In argumentatione, quæ avarus utitur, sit ex una parte quæstionis probabilitas, ex altera pecunia; quæ sit præponderatura, facile est videre. Mentis terrenæ, sicut muri lutei, impetus validissimus immotæ excipiunt: & licet vis evidentis argumenti impressionem nonnunquam faciat, animum tamen obfirmantes, hostem suum, veritatem repellunt, quæ mentem captivam ducere, aut perturbare conatur. Dicat quis homini puellam quandam perditæ amanti, eam fallacem esse: producantur super ea re multi testes, si ea blande ipsi palpabatur, mirum est, ni hoc satis erit ad refellenda eorum testimonia. Quod volumus, facile credimus, dictum est, quod verum esse, nemo non sæpius expertus est. Et licet, quæ contra eos facit, verisimilitudinem homines haud aperte semper rejicere possint, argumento tamen victas dare manus tergiversantur. Non quod intellectui haud naturale sit, quod verisimillimum est sequi semper, verum penes hominem est, inquisitionem ejus retardare, & non permittere, ut omnia plene expendantur, quæ ac rem pertinent, in quæstione positam. Donec factum hoc fuerit, *modi duo relictæ semper erunt ad clarissimæ probabilitatis vim declinandam.*

§. XIII.

*Modi argumentorum probabilium vim
declinandi. 1. Si suspicio est,
fallaciam iis subesse.*

Primo, quod argumentis, cum, (ut plerumque solent) vocibus traduntur, fallacia subesse possit: cumque longa, fortasse, series sit consequentiarum, fieri potest, ut quædam haud apte inter se cohæreant. Pauca admodum sunt argumenta ita concisa, perspicua & sibi consentientia, de quibus plerique hanc, sine ullo scrupulo, dubitationem haud admittere possint; & quorum vim ac robur, sine probitatis, aut ingenuitatis læsæ reprehensione; effugere nequeunt, vetus illud responsum modo usurpantes, *non persuadebis, etiamsi persuaseris.*

§. XIV.

*2. Si suspicio est, multa adhuc restare
argumenta in contrariam asse-
renda partem.*

Secundo, Argumentorum verisimilium vis eludi, atque assensus ex eo cohiberi potest, quod homines suspicentur, *non omnia adhuc sciri, quæ ex altera parte afferri possent.* Licet itaque impar quis cum hoste congrediatur, haud necesse tamen est se victum fateatur, cum nesciat, quæ ignota adhuc subsidia comparari possint. Hoc ad vitanda adversariorum argumenta, tam late patet perfugium, ut litigantes extra ambitum ejus haud facile deprehendantur.

§. XV.

§. XV.

*Quæ argumenta probabilia assensum
determinant.*

HArum tamen controversiarum finis est & terminus aliquis, & cum quis, omnibus, quæ utrinque dici possunt, diligenter perpensis, argumentorum summam confecerit, quæ pars vicissimillima sit, haud difficile erit invenire: quo in casu, argumenta quædam, in experientia universali fundata, tantam vim habent, & testimonia quædam de rebus factis adeo sunt universalia, ut assensum iis denegare nequeant, Quare concludendum puto, in propositionibus, in quibus, etiam si, quæ intumetur, argumenta maximam vim habent, si tamen rationes sint, cur credamus, aut vocibus subesse fallaciam, aut argumenta non minus valida ex altera parte afferri posse, ibi assensio, suspensio sive hæsitatio, & refragatio, sæpe sunt actiones voluntariæ: ubi vero argumenta ejusmodi sunt, ut rem probabilem reddant, nec est, cur suspicamur, aut fallaciam verbis inesse (quod vir perspicax facile inveniet), aut argumenta non minus gravia ex altera adhuc parte latere (quod etiam rei ipsius natura, quibusdam in casibus, viro cordato planum facere poterit), ibi, puto, is, a quo argumenta sunt examinata, vix assensum parti negare poterit in qua maxima est probabilitas. Cum quæritur, utrum probabile sit, ex literis, confuse huc illuc, & nullo ordine jactatis, orationem concinnam, & ornata; aut ex cæco & fortuito atomorum concursu animal quodvis ventum oriri posse, in his & similibus questionibus, quid tenendum sit, nemo, puto, sapiens dubitabit. Postremo cum (in re nimirum ex natura sua indifferente, & testium fide nitente) dubitari nequit, utrum pro re narrata, an contra eam meliora testi-

fii-

simonia afferantur; quod percontanda discimus, v.g. utrum lapsis jam plus quam mille septingentis annis in *Rome* vixerit, quem *Jul. Cæserem* appellamus: hic assensum suum tenere suspensum vir cordatus non audebit; verum id genus verisimilia omnia necessario amplexabitur. In rebus minus clavis, puto, is sustinere poterit assensum, & fortasse, quæ habet, argumentis acquiescere, si modo commoda sint, & cupiditatem ejus expleant. Ut vero quis assensum rei præbeat, quæ minus probabilis est mihi, æque fieri posse videtur, ac si quis rem eandem probabilem simul, & improbabilem habere vellet.

§. XVI.

Assensum quando cohibere possumus.

UT cognitio haud magis arbitraria est, quam perceptio, ita neque assensus nostro magis relictus est arbitrio, quam cognitio. Quando quarundam *idearum* convenientiam mens, aut immediate, aut per ratiocinium, percipit, tequæ minus mihi liberum est, illud percipere, vel non percipere, ac utrum objecta videre velim, nec ne, quæ ad meridiem apertis oculis intueor; &, quod diligenter expensum verisimillimum mihi videtur, non possam non isti assentiri. Etiam vero cognitionem nostram cohibere nequimus, uni convenientia semel percipitur; neque assensum, ubi, perpenis omnibus probabilitas plane apparet: *Possumus tamen tam cognitionem, quam assensum nostrum impedire, scultotes nimirum animi a veri inquisitione abstinendo.* Res nisi ita se haberet, nullum esset in ignorantia, erare, aut infidelitate crimen. Palam itaque est, nos
in

in casibus quibusdam assensum sustinere posse; non quis vero in recentiori, aut antiquiori historia, vel tantillum versatus; dubitare potest, an urbs sit, quæ *Roma* dicitur, aut vir extiterit nomine *Julius Cæsar*? Sunt equidem veritates innumeræ, de quibus nostrâ haudquaquam quærere refert; utrum, verbi gratia, Rex noster *Richardus Tertius* gibbosus fuerit, nec ne; utrum *Rugerus Bacconus* in Mathematicis tantum, an arte etiam magica fuerit peritus. In hisce & similibus rebus, ubi assensus nullius & ad bene beateque vivendum momenti, non mirum est, si mens communem sequatur opinionem. Hujusmodi opiniones ad emolumenta nostrâ tam parum spectant, ut ad eas mens haud attendat magis, quam ad *atomos*, fortuito quasi, in radiis solis fluctuantes. Ubi vero mens judicat esse in propositione insigne aliquod momentum, adeo ut ab ejus vel assumptione, vel rejectione felicitas, aut miseria proficiatur & dependeat, ibi nequimus, cui malumus, pari assentiri, si altera verisimilior multo videtur. Ubi maxima apparet probabilitas, ibi ab assentiendo non magis abstinere potest, quam a veritatem cognoscendo, ubi duarum quarundam *idearum* convenientia, aut repugnantia cernitur.

Hoc si ita se habeat, consequens erit, erroris fundamentum nasci ex falsis probabilitatis mensuris, sicut vitii fundamentum in recti & honesti mensuris haud rectis positum est.

§. XVII.

Quarto auctoritas.

Quarto, ultima *probabilitatis mensura* haud recta, & quæ plures, in ignorantia & errore retinet, quam reliquæ omnes, ea est, de qua in superiori capite mentio facta est, *assensio nempe ista, quæ opiniones omnes* amplexamur apud amicos, vicinos, populares nostros, aut eos, qui ejusdem nobiscum sectæ sunt, communiter receptas. Quis nescit, quam multi sint, quorum opiniones non aliud habent fundamentum, quam probitatis existimationem, eruditionem, aut numerum eorum, qui institutionem & disciplinam istam sequuntur? Hoc quam ineptum est putare, viros probos, aut eruditos non posse errare; aut veritatem pendere ex suffragiis multitudinis? quod plerisque vix res ita se habet. Sententiam hanc veneranda antiquitate receptam, plurimi, inquirunt, ad nostra usque secula comprobant, quare eam tenere convenit. Qui dogmata sua temere hoc modo recipiunt, absurdius mihi facere videntur, quam si alex jactum incertum sequerentur. Omnes errori sunt obnoxii, & plerique pravi affectibus, & turpi rerum emolumento capti, in periculo sunt, ne in eum incidant. Si nobis abdit, animorum recessus palam intueri liceret; perspicuum foret, viros eruditos, & magni nominis hæresiarchus, aliis emolumentis, quam veritatis illius illecebris adductos, dogmata sua initio in vulgus sparsisse. Hoc saltem certissimum est, nullam esse opinionem absurdam adeo, cujus amplectendæ non hæc ratio reddi queat. Nullum recenseri potest dogma ineptum, quod non professores suffragatores habuit: nec fieri potest, quin is, erroribus semper sit implicatus, qui se haud errare posse putat, quoad aliorum vestigiis insitit.

§ XVIII.

§. XXIII.

*Non in hominibus tot sunt opiniones falsæ, quot
vulgo putantur esse.*

ETiam si vero de erroribus, & opinionibus in mundo crebra est mentio, in genus tamen humanum injuriosus forem, nisi dicerem, *inter homines non tot esse opiniones falsas, quot vulgo putantur*. Non quasi eos putem verum semper amplexari, sed quoniam de iis dogmatibus, circa quæ tot sunt conceptiones, neque cognitionem ullam, neque omnino opinionem habent. Si quis enim a plurimis, qui aliorum sectam sequuntur, eorum, de quibus vulgo digladiantur, dogmata percontaretur, videret, eos nullam omnino opinionem mente concipere; multo minus, argumentis utrinque diligenter perpensis, quod maxime probabile est sequi. Hi apud animum suum statuerunt sectæ adhærescere, in quam educatio ipsos aut rerum suarum opportunitas & commodum conjecit; atque ibi, gregariorum more militum in exercitu, ductorum imperia animose, & fortiter exequi in causam, de qua contenditur, nunquam inquisituri. Si ex moribus hominis & vita licentiori patet, res religionis non serio ipsi curæ esse; unde nam nos putaremus, Ecclesiæ suæ opiniones animum ejus sollicitum habere, eumque anxium fore, & diligentem in hujus, aut illius dogmatis ratione perscrutanda? Huic satis est, iis morem gerere, quorum imperio subest manum & linguam promptam habere, ad communem causam defendendam, atque ita iis gratificari; qui ipsi dignitates & honores impertire, atque in communitate ista securitatem præstare possunt. Hoc modo homines dogmatum professores fiunt, & propugnatores, ad quorum examen, aut cognitionem animum nunquam appulerunt: &, licet haud dici possit, in mundo pauciores esse improbables, aut non

non veras opiniones, quam sunt, hoc tamen certo certius est, qui actu iis assentiuntur, & pro veris habent, pauciores esse, quam vulgo creditur.

C A P. XXI.

De Scientiarum Divisione.

§. I.

Triplex est.

Cum, in nostram intelligentiam quæ cadere possunt, omnia sint vel, *Primo* rerum natura, prout in se, relationibus suis, atque operandi modo spectantur: aut *Secundo*, quod ab homine, rationis nimirum & voluntatem præsertim, consequendum; aut *Tertio*, modi, quibus harum rerum cognitionem consequitur, & cum aliis communicamus; *Scientiæ*, ut mihi videtur, in tria hæc genera apte dispertiri potest.

§. II.

Primo Physica.

Primi generis est rerum cognitio, quatenus in se, & secundum temperationes suas naturales, proprietates, atque operationes, spectantur, ubi non materiam tantum, atque entia corporea intelligo; verum spiritus etiam, qui sibi proprias naturas, constitutiones, atque operationes æquæ habent, ac entia corporea. Hanc, voce larius paulo sumpta, *primæ* voco, sive *Philosophiam Naturalem*. Hujus
finis

finis est veritas speculativa; & quæcunque eam promouent, siue Deus sit ipse, Angeli, Spiritus, Corpora, aut horum attributa quædam, uti numerus, & figura, &c. sub hoc nomine complectimur.

§. III.

Secundo, *Πρακτική*,

Secundo, *Πρακτική* Scientia nempe facultates & actiones nostras dirigendi recte, ad res bonas & utiles consequendas. In hac classe principem locum *Ethica* obtinet, cujus est, actionum humanarum, quæ ducunt ad felicitatem, normas & mensuras, atque iis recte utendi modos investigare. Hujus finis non est nuda speculatio, atque veritatis cognitio; verum rectum & honestum, atque hinc congruum vitæ regimen.

§. IV.

Tertio *Σημειωτική*.

Tertio, tripartitæ hujus divisionis pars ultima dici potest *Σημειωτική*, siue *doctrina signorum*, quorum cum vocabula sint maxima usitata, haud improprie dicitur *λογική*, Logica; cujus officium est signorum naturam contemplari, quibus mens utitur ad res cognoscendas, aut conceptus suos aliis interpretandos. Cum enim rerum, quas mens intuetur, nullæ, si ab illa ipsa tantum discefferis, intellectui præsentés adsint, necesse est, ut aliud quid, tanquam rei istius signum & repræsentatio, eoràm isti adsit: Atque hoc *idearum* munus est. Quoniam vero *ideæ* in mente unius constitutæ alteri immediate conspiciendæ non proponi, nec alibi conservari possunt, quam in memoria, unde, cum admodum debilis sit, facile excidunt: Ideoque tam ad *ideas* nostras cum
aliis

aliis communicandas, quam ad eas in usum nostrum in memoria recondendas, signa *idearum* etiam necessario requiruntur. Quæ commodissima esse deprehenduntur, & proinde maxime usurpantur, sunt sonitarticulati. *Idearum* itaque & *vocabulorum* consideratio, prout scientiarum instrumenta sunt, iis magnopere curæ esse debet, qui studia sua ad humanæ cognitionis ambitum universum extendere volunt. Etsi, fortasse, ea extensa diligenter & examinata forent, diversam longe ab ea, quæ inventa est hactenus, Logicam nobis & Criticam præberent.


§. V.

Hæc prima est divisio objectorum cognitionis.

Hæc mihi videtur tam *prima esse, & generalissima, quam naturalis divisio* objectorum intellectus. Cogitationes enim nostræ circa nihil versari possunt, nisi vel circa rerum ipsarum contemplationem ad verum inveniendum, aut res in potestate nostra sitas, quæ sunt *actiones* nostræ ad destinatos fines consequendos; aut *signa*, quibus in utroque casu inens utitur, atque illorum aptam dispositionem, ut res eo clarius percipiantur. Hæc tria, *res* nempe quatenus in se se sciri possunt: *actiones* quatenus a nobis dependent, in ordine ad felicitatem; atque rectus *signorum* usus, in ordine ad cognitionem, cum inter se *toto cælo* distent, mihi videtur tres esse partes Orbis intellectualis, sejunctæ penitus & a se invicem divisæ (*).

AP-

(*) Nos in opere nostro *Stato Attuale delle Scienze* nuncupato scientias dispescimus & in illas quæ, ex Mundo sensibili emergunt, & in illas quæ ex Mundo intellectuali habentur. De quo videri potest ibi.



A P P E N D I X

A P. SOAVE APPOSITA

Critica in Leibnitii Systema, ac ipsius Confutatio.

AD hujus operis terminum perventi Leibnitii criticam in Lockii humani intellectus tentamen factam haud omittendam esse, putamus. Hujus criticæ articula circa Lockii sententiam, quæ in oppositione cum systemate Leibnitii sunt, potissimum versantur. Ad animæ immaterialitatem suscitandam de qua Lockii dubitat, & ad ideas innatas demonstrandas, tanquam e proprio ab animâ erutas, nec non ad axiomata ipsa a Lockii ipse vindicanda, hic inquit Leibnitius, potissimum perendo. Hominis individualitatem, pergit ipse, in simplicis substantiæ duratione consistere: animam semper, continuoque cogitare: nullum extare vacuum, vel atomos; & materiam vel quid passivi, nisi Deus substantiam ei cogitantem inhæreat cogitare non posse, defendo. Hinc nos, cum in systemate sint omnia, excepta animæ immaterialitate, de qua disputavimus (a), cum systemate ipso corrent, si ipsius insitatem demonstramus. Quapropter, duce Condillac, qui hac super re est luculentius disputatus, examen Leibnitii systematis, ac ejus confutationem exponimus.

Systema Leibnitii.

1. Sunt composita, inquit Leibnitius, ergo sunt adhuc entia simplicia in natura rerum. Hæc figura, extensione carent, neque a loco ad locum transferre, vel locum occupare possunt. Et *monades* appellantur. 2. Monades perfecte similes dari nequeunt; cum nequeant locum occupare, neque per locum ipsum distin-

Tom. V.

S

gue-

(a) V. *Met. in Loch. tom. III.*

guerentur. 3. Extensio, figura, locus, motus nulli ex monadibus conveniunt, per consequens nec ipsarum aggregationi. omnia hinc non sunt quam *phenomena*, vel *apparitiones*, ut *colores*. 4. *Extensionem* percipimus, quatenus nobis perceptiones præsentant res, unam extra aliam. & ut extra nos positas. Si hæc res nobis præsentantur, ut eundem ordinem servantes, *quietis*, si variationem, *motus* idea habetur. 5. Ex motus idea *spatii* idea emergit. Concipi nequit mobilis, ac impenetrabilis extensioque absque alia *spatia*, ac penetrabili in qua moveatur. Exposcitur, an spatium vacuum vel plenum sit? Est simplex apparitio, per consequens non est neque vacuum, neque plenum. Petgit, sunt ne corpora? Minime, inquit. Si per corpus quid reale extensum intelligitur; si posita quid in apparitione extensum per corpus ponitur, adfuit profecto. 6. Omnia sunt, vel sunt *ratione sufficiente*, ergo quid *analogi* hic apparitionibus debet existere. Quando igitur extensionem continuam percipimus, inter monades immediate relationes aliquo modo ei, quod nobis nostre perceptiones præsentant, analogie realiter existunt, sed eo modo, quo non existunt monades perfecte similes, sic duo monadum aggregata, quæ possint easdem relationes habere, nequeunt existere. 7. Ut monadis ideam acquiramus, satis est per exemplum sumere quod nostre anime habemus, mirum simplicis substantiæ quæ perceptiones habet. Harum perceptionum principium ab extrinseco nequit venire, cum monas simplex sit, est incapax in propria substantia ab extrinseco mutationem recipere: ergo a vi intrinseca oriuntur, vel a vi, qua monades sunt ad agendum præditæ, quæ cum nequeat impediri, evenit quod realiter agat, & continuo mutationes habeat, ac perceptiones. 8. Cum monades nequeant, unam in alteram agere, quælibet ex se ipsa operatur. Nihil obstat ideo, quod earum actiones sejunctæ quasdam relationes inter se habeant, & omnes ad communem finem tendant. En *Universi harmonia*. 9. Hujus harmoniæ auctor Deus est, sed non ideo a se sunt omnis substantiæ mutationes determinatæ, ut simul convenient, sed consuluit id quod unicuique evenire debebat ratione vis ei propria, & conjunxit eos, quarum mutationes jungi debebant. 10. Eo modo, quo ex plurium monadum aggregatione *corporis* phenomenon oritur, sic ex suarum virium aggregato vis *motrix* apparitio, vel phenomenon habetur. Hæc vis motrix constituit naturam & principium omnium mutationum quæ ipsi corpori accidunt. Eadem semper est, adhuc quando corpus in quiete videatur, nam monades eam componentes nequeunt unquam aliquid suæ vis omittere. Quantitas vis est interdum in universo constans, ac eadem. 11. Quamquam ad eundem finem vires omnes tendant, tamen non æque

æque omnes tendunt, & videntur una alteri obitare, hic phænomenon vis *inertia*, vel *resistentia* oritur. Ut ergo fiat completa corporis notio, ideæ extensionis, mobilitatis, impenetrabilitatis adjungi debet ideam vis motricis, & vis inertiae. 12. Si a vi motrice inertia abscindatur, *materia*, idea habetur, si uni o virium motricium sola consideratur, habetur idea *Naturæ universalis*, principii nimirum omnium phænominorum in universo. 13. Modo quo, non movetur corpus, omnia reliqua corpora non movendo, si pleno Cartesii daretur realitas, monopades, etsi ad invicem non agant, per harmoniam præstabilitam, cujusdam mutatio semper relativa est illi reliquarum omnium. Omnis ergo mutatio, vel quælibet monadis perceptio, representat relationes quas habet cum omnibus reliquis mutationibus. Et sicut omne est in Universo conjunctum, elapsum cum presente, presens cum futuro; sic eadem perceptio uno tempore representat & elapsum, & præsens, ac futurum; idea perfecta universi haberetur hic, si actualis status unius monadis perfecte posset sciteoscisci: non ideo omnis monas eodem modo universum præsentat, sed quælibet juxta relationes cum aliis habitas. Nec etiam est aggregatum ex monadibus nimis compositum immediate ex monade simplici representatum, sed ex aggregato minori, hoc ab alio, & sic usque ad simplicem monadem. Hæc gradatio necessaria est in principio rationis sufficientis, secus *salutis* essent, de quibus nulla esset ratio. In omni ergo monadam aggregato, vel in omni corpore adest infinitas compositum parvorum per differentias infinite parvas decreescentium usque ad illud quod relationem magis immediatam cum Ente simplici habet. 15. Monas interim nequit Universum representare nisi corpori infinite parvo adjuncta, & quemadmodum ex sui ipsius natura est semper eam representare, sic ejusdem monadis natura requirit nunquam ab ipso corpore sejungi. 16. Exposcitur fortasse, quomodo accidit has monades absque conscientia posse perceptiones habere? Id provenit, ex perceptionibus, quæ sunt omnino obscuræ. Quando nos ex. gr. maris murmur audimus, cujusdam fluctus adhuc audimus, sed murmur totale est clara perceptio, cujus conscientiam habemus, illa cujusdam fluctus obscura est quæ in totali confunditur, & ideo ejus conscientia non habetur. Omnes nostræ perceptiones ex millibus aliis minoribus sunt similiter constate, & quando hæ omnes obscuræ sunt nos conscientiam nullam earum habemus, ut tempore *sereni*. 17. Si in perceptionibus compositis nos omnes simplices, ex quo exurgunt clare distinguere possemus omnium conscientiam haberemus, & nostra cognitio ingens esset, sed id præter Deo non convenit; nostræ perceptiones nunquam, quam confuse aliquid representant, cum impossibile sit, nos distingui quod

gucrentur. 3. Extensio, figura, locus, motus nulli ex monadibus conveniunt, per consequens nec ipsarum aggregationi: omnia hæc non sunt quam *phenomena*, vel *apparitiones*, ut *colores*. 4. *Extensionem* percipimus, quatenus nobis perceptiones præsentant res, unam extra aliam. & ut extra nos positas. Si hæc res nobis præsentantur, ut eundem ordinem servantes, *quietis*, si variationem, *motus* idea habetur. 5. Ex motus idea *spatii* idea emergit. Concipi nequit mobilis, ac impenetrabilis extensio absque alia *spatio*, ac penetrabili in qua moveatur. Exponeitur, an spatium vacuum vel plenum sit? Est simplex apparitio, per consequens non est neque vacuum, neque plenum. Petgit, sunt ne corpora? Minime, inquit. Si per corpus quid reale extensum intelligitur; si postea quid in apparitione extensum per corpus ponitur, adlunt profecto. 6. Omnia sunt, vel sunt *ratione sufficiente*, ergo quid *analogi* hic apparitionibus debet existeret. Quando igitur extensionem continuam percipimus, inter monades immediate relationes aliquo modo ei, quod nobis nostre perceptiones præsentant, analogæ realiter existunt, sed eo modo, quo non existunt monades perfecte similes, sic duo monadum aggregata, quæ possint easdem relationes habere, nequeunt existeret. 7. Ut monadis ideam acquiramus, satis est per exemplum sumere quod nostre anime habemus, nimirum simplicis substantiæ quæ perceptiones habet. Harum perceptionum principium ab extrinseco nequit venire, cum monas simplex sit, est incapax in propria substantia ab extrinseco mutationem recipere: ergo a vi intrinseca oriuntur, vel a vi, qua monades sunt ad agendum præditæ, quæ cum nequeat impediri, evenit quod realiter agat, & continuo mutationes habeat, ac perceptiones. 8. Cum monades nequeant, unam in alteram agere, qualibet ex se ipsa operatur. Nihil obstat ideo, quod earum actiones sejunctæ quasdam relationes inter se habeant, & omnes ad communem finem tendant. En *Universi harmonia*. 9. Hujus harmoniæ auctor Deus est, sed non ideo a se sunt omnis substantiæ mutationes determinatæ, ut simul convenirent, sed consuluit id quod unicuique evenire debebat ratione vis ei propria, & conjunxit eos, quarum mutationes jungi debebant. 10. Eo modo, quo ex plurium monadum aggregatione *corporis* phenomenon oritur, sic ex suarum virium aggregato *vis motrix* apparitio, vel phenomenon habetur. Hæc vis motrix constituit naturam & principium omnium mutationum quæ ipsi corpori accidunt. Eadem semper est, adhuc quando corpus in quiete videatur, nam monades eam componentes nequeunt unquam aliquid suæ vis omittere. Quantitas vis est interdum in universo constans, ac eadem. 11. Quamquam ad eundem finem vires omnes tendant, tamen non æque

æque omnes tendunt, & videntur una alteri obliare, hic phenomenon vis *inertia*, vel *resistentie* oritur. Ut ergo fiat completa corporis notio, ideæ extensionis, mobilitatis, impetribilitatis adjungi debet ideam vis motricis, & vis inertie.

12. Si a vi motrice inertia abscondatur, *materia*, ideam habetur, si uni o virium motricium sola consideratur, habetur ideam *Naturæ universalis*, principii nimirum omnium phenomenorum in universo. 13. Modo quo, non movetur corpus, omnia reliqua corpora non movendo, si pleno Cartesii daretur realitas, monades, etsi ad invicem non agant, per harmoniam præstabilitam, cujusdam mutatio semper relativa est illi reliquarum omnium. Omnis ergo mutatio, vel quolibet monadis perceptio, representat relationes quas habet cum omnibus reliquis mutationibus. Et sicut omne est in Universo conjunctum, elapsum cum presente, presens cum futuro; sic eadem perceptio uno tempore representat & elapsum, & præsens, ac futurum; ideam perfectam universi haberetur hic, si actualis status unius monadis perfecte posset intromosci: non ideo omnis monas eodem modo universum præsentat, sed quolibet juxta relationes cum aliis habitas. Nec etiam est aggregatum ex monadibus nimis compositum immediate ex monade simplici representatum, sed ex aggregato minori, hoc ab alio, & sic usque ad simplicem monadem. Hæc gradatio necessaria est in principio rationis sufficientis, secus saltus essent, de quibus nulla esset ratio. In omni ergo monadum aggregato, vel in omni corpore adest infinitas compositum parvorum per differentias infinite parvas decrescendum usque ad illud quod relationem magis immediatam cum Ente simplici habet. 15. Monas interim nequit Universum representare nisi corpori infinite parvo adjuncta, & quemadmodum ex sui ipsius natura est semper eum representare, sic ejusdem monadis natura requirit nunquam ab ipso corpore sejungi. 16. Exposcetur fortasse, quomodo accidit has monades absque conscientia posse perceptiones habere? Id provenit, ex perceptionibus, quæ sunt omnino obscuræ. Quando nos ex. gr. maris murmur audimus, cujusdam fluctus adhuc audimus, sed murmur totale est clara perceptio, cujus conscientiam habemus, illa cujusdam fluctus obscura est quæ in totali confunditur, & ideo ejus conscientia non habetur. Omnes nostræ perceptiones ex millibus aliis minoribus sunt similiter constate, & quando hæc omnes obscuræ sunt nos conscientiam nullam earum habemus, ut tempore *sonni*. 17. Si in perceptionibus compositis nos omnes simplices, ex quo exurgunt clare distinguere possemus omnium conscientiam haberemus, & nostra cognitio ingens esset, sed id præter Deo non convenit; nostræ perceptiones nunquam, quam confusæ aliquid representant, cum impossibile sit, nos distinguere quod

ipsæ intercludant. 18. A statu, in quo omnes perceptiones sunt omnino obscuræ, usque ad illum, in quo est omne clarum ac distinctum infiniti gradus possint excogitari, qui comprehendunt omnes status posibles monadum. Illæ in quibus perceptiones sunt omnino obscuræ a Leibnitio *Entlechia* appellantur: quæ gradum aliquem perspicuitatis incipiunt habere & perceptiones & conscientiam comitantur, sunt *anime*: ubi eo sunt eclatratæ, quod possint pervenire ad cognitionem veritatum necessariarum sunt *anime rationales*; quando tandem magis claræ, ac distinctæ fiant, efficiunt animas rationales pervenire ad statum superiorem quem actu habent. 19. Corpus organizatum est monadum aggregatio, quarum partes habent inter se ejusmodi harmoniam quæ ad eundem finem concurrere eos facit, non secus ac si ageret independentem unâ ab altera. Corpus humanum ex. gr. organizatum est, quia omne est in proportionē apta ad transmittendas apparentes in animam perceptiones, quando obscuras ac confusas, quando claras ac distinctas usque ad quemdam gradum. Omnis monas est adhuc corpori conjuncta, quapropter ipsa nobis universum repræsentat. Omnis monas habet igitur corpus organizatum, nimirum entium simplicium aggregatum sibi ipsi subordinatum: Monas principalis cujuslibet aggregati est ab auctore appellata *Entlechia dominans*. 20. Ex hoc internoscitur nihil mortui in natura dari, omne animatum esse; & omnis materiæ portio est unus creaturarum animarum, Entlechiarum & animalium specie infinitorum mundus. Inter tot entia quæ vivunt, pauca hoc in mundi Theatro figurant, sed scena undique eadem est; ipsa oriuntur, pereunt, & multiplicantur ut nos. 21. Ideo nullus ortus, vel mors proprie dicta est, omnis enim monas ex sua natura representare debet universum, omnis monas est corpori conjuncta; ut nunquam sejungetur. Conceptio, generatio, dissolutio non sunt, quam metamorphoses, vel mutationes quæ dant animis transitum ex una in aliam speciem, ut vermis in cristallidem transit. Quam ob rem machina naturalis nunquam destruitur, etsi propter grassarum partium omissionem reducat ad parvitatem quæ eam sensibus subtrahit, non secus ac quando animal erat antea quod nos suum ortum appellamus. 22. In his metamorphosis omne non solum ad universi perfectionem generaliter tendit, sed adhuc ad uniuscujusque creaturæ, in particulari. Hinc corpora non enodantur, quam causa transferendi entelechiis dominantibus perceptiones magis, atque magis claras ac distinctas, & hinc ex una in aliam classem superiorem eas transferre. 23. Animæ ergo nostræ non sunt in conceptionis momento creatæ omnes simul cum mundo fuerint creatæ, & evaserunt rationales quando eorum corpo-

ra satis, abundeque enodata fuisse, ut eis perceptiones certum claritatis gradum transmittant. Tempore mortis quælibet in unione cum primo suo corpore durat, & propriam personalitatem conservans in statum, relicto perfectionem transit. Aliæ monades, quæ præter puras Entelechias non sunt, experiuntur quoque ad invicem æquales metamorphoses (a). Et hæc per totam æternitatem perdurabunt. Hoc est systematis Leibnitii compendium.

Consutatio prædicti Systematis.

In omni systemate duo sunt effugienda. 1. Phænomena pro explicatione sumta supponere: 2. Rationem illorum reddere principiis non ipsis phænomenis clarioribus. In primo erant *Cartesiani* agentes, corpus esse extensum, quia partibus extensis constat: secundo Leibnitius, qui inquit, unam substantiam esse extensam, quia est aggregatum substantiarum quæ sunt inextensæ. Cum non intelligatur enim quid sit substantia extensa, multo minus intelligi debet simplex ejus negatio. Leibnitius est molitus suarum monadarum ideam positivam dare, qualitates positivas eis attribuendo; nimirum vim & perceptiones universum representantes, sed hæc qualitates verba sunt, nullam realem ideam suppeditant. Ut revera concipiatur vis quæ supponitur in quavis monade, contemplari facit eam, quam nos in anima nostra internoscimus. Si hæc esset a corpore sejuncta, res incaderet aliquantulum, sed cum sit cum corpore conjuncta illa a corpore pender, adeo ut vis a seipsa habita, & cui deberet similis esse supposita monadam vis, nullo modo concipi potest: & ipse Leibnitius offendit, se nullam istius vis ideam habere; appellat enim eam continuum coratum qui nunquam invenit obstaculum, aut ubi deficit obstaculum deficit adhuc coratus. Perceptionum Leibnitii, maxime in simplicibus entelechiis ideam ignoramus; continuo percipere absque perceptionis conscientia est quid incomprehensibile, ac involutum. Murmur maris nihil demonstrat. Si non distinguitur cujusunque fluctus, omnium simul resultatum intelligitur, & hic agitur de continua perceptione absque apprehensione & conscientia. quod idem est continuo percipere & nunquam aliquid percipere. Quomodo hinc, concipi potest, has perceptiones ejusmodi esse, quæ uni-

ver-

(a) *Gottlieb Anshius* in commento principiis Leibnitii refert, quod hic philosophus dum potum Cassæ sumebat dicit ei, quod fortasse esset in poculo monas quæ in progressu evasisset fortasse anima rationalis.

versum representent? Verba *speculum, imago* quibus utitur auctor enti simplici ac perceptioni applicita, vacua sunt, & nullam ideam suppeditant. (a). Si vero hanc vim representativam monadibus, earumque perceptionibus concedimus, quo modo potest quælibet universum ejusmodi representare, quod qui unam ex illis internoscit, deberet ipsum internoscere universum? Per harmoniam præstabilitam, inquit *Leibnitius*, quælibet monas cum omnibus reliquis relationem tener. Erit hic exposcendum, quam relationem, & quo modo ens simplex cum infinitis aliis entibus simplicibus ab omnibus segregatis unum ab altero independens possit habere? Hoc prætermisso. Latus trianguli habet quoque relationem cum duobus reliquis & cum tribus angulis. Igitur dicendum quod erit sufficiens internoscere unum latus, ut reliquorum duorum longitudo, & angulorum gradus internoscatur? Non est captu facile quo modo quælibet monas corpus habeat, nimirum aggregatum aliarum monatum sibi submissum. Conveniret, quamlibet entelechiam esse, habita ratione ad nonnullas, simplicem; & entelechiam dominantem, habita ratione, ad alias; nimirum nonnullarum animarum, & corpus aliatum esse, per consequens corpus tot animis repletum quot monades e quibus constat; sed in nonnullis corporibus, animalia scilicet, una ex istis animabus haberet perceptionem & conscientiam, in reliquis omnibus animæ sine perceptione præditæ, sed conscientiam orbæ. Qualis rerum confusio? Transitus monadum ex simplicibus entelechiis ad rationales animas, ope corporis enodationis, tempore quo corpus hoc nullam habet in eas actionem, idem esse, ac impenetrabile mysterium. Per consequens hic celeberrimus philosophus in sui validissimi ingenii spretum, ut explicaretur quod est explicatu impossibile, majorem obscuritatem pandit, & totum ejus systema demum reducit ad nihilum.

Finis Totius Operis.



IN-

(a) *V. adn. 27. tom. II.*

I N D E X

RERUM PRÆCIPUARUM.

D E rerum cognitione.	pag. 1
Nostri cognitio non esset phantastica ubi ideæ rebus respondent.	4
Ideæ simplices cum rebus conveniunt.	5
Complexæ omnes ideæ, substantiarum tantum ideis exceptis.	6
Cognitio mathematica est realis.	7
— etiam moralis.	9
Ad cognitionem non requiritur realis existentia.	ib.
Substantiarum ideæ habent Archetypos extra nos.	14
In disquisitionibus nostris circa substantias necesse est ideæ spectare.	16
Monstra.	20
Voces, & distinctio rerum in species nobis imponunt.	24
De veritate in genere.	26
De falsitate.	33
Veritas Moralis & metaphisica.	34
Verborum tractatio ad rerum cognitionem necessaria requiritur.	35
Certitudo duplex, veritatis, & cognitionis.	36
Ad substantiarum cognitionem quid requiratur.	50
Generalium propositionum certitudo in quonam posita sit.	53
Axiomata.	54
— Parum valent ad aliarum rerum cognitionem.	62
— Quem usum habeant?	67
— Possunt contradictoria confirmare.	66
— Parum conferunt ad rem probandam.	83

Pro-

<i>Propositiones nugatorie.</i>	84
<i>De cognitione existentie.</i>	97
— <i>nostra Dei existentie.</i>	99
<i>Meditatio Johan. Leon. Marugi de Dei existentia.</i>	125
<i>De cognitione nostra rerum aliorum.</i>	144
<i>De Profectu nostro in rerum cognitionem.</i>	157
<i>Cognitio nostra quadantenus necessaria, quadantenus voluntaria.</i>	172
<i>De Iudicio.</i>	175
<i>De Probabilitate.</i>	178
<i>De Assensus gradibus.</i>	184
<i>Historia est permagni usus.</i>	193
<i>Testimonium divinum maxime parit certitudinem.</i>	197
<i>Ratio & quomodo sumitur.</i>	199
<i>Syllogismus an sit præcipuum rationis instrumentum.</i>	201
<i>Quæ alie rationis adjumenta.</i>	214
<i>Cognitio demonstrativa.</i>	220
— <i>intuitiva, ratiocinativa.</i>	222
<i>Judicium.</i>	ib.
<i>Argumentum ad verecundiam.</i>	223
— <i>ad ignorantiam.</i>	ib.
— <i>ad Hominem.</i>	224
— <i>ad iudicium.</i>	ib.
<i>Quid sit secundum & supra rationem.</i>	225
<i>Fides & ratio hæud opponuntur.</i>	ib.
— <i>prout inter se contra distinguuntur, quid sum.</i>	228
<i>Revelatio quando debent auscultari & contra.</i>	229 usq.
	(ad 238
<i>De Enthusiasmo.</i>	239
<i>Ejus origo &c.</i>	241 usq. ad 248
<i>De Errore.</i>	252
<i>Enthusiasmi origo.</i>	241
— <i>indicia.</i>	244
<i>Erroris causa.</i>	252
<i>Modi atq; umenorum probabilium vim Declinandi.</i>	264
<i>Quæ argumenta probabilia assensum determinant.</i>	265
<i>De Scientiarum divisione.</i>	270
<i>Crítica in Leibnitii systema, ac ipsius confutatio.</i>	273